

M. VIII. 20

K. VIII. n. 14



XLIX. n. 7.

39, 5a, 45.






*Ad usum S. Sacri Brachij pro Bibl. Contro. S. M.  
S. M. Minorum*

HIERONYMI  
OSORII LVSITANI,  
EPISCOPI ALGARBIEN-  
SIS. DE VERA SAPIENTIA,  
LIBRI QVINQVE.


AD  
SANCTISSIMVM D. N.  
GREGORIVM XIII. PONTI-  
FICEM MAXIMVM.



 Cum facultate Inquisitorum, &  
Ordinarij.



2



OLYSIPONE.

Excudebat Franciscus Correa



1578.

**E**GO Frater Bartholomaeus Ferreira, perlegi hos quinque libros de Sapientia, iussu amplissimi principis Henrici, sanctae Romanae ecclesiae Cardinalis, supremi Inquisitoris, quos composuit Reuerendissimus Episcopus Hieronymus Osorius. Qui non ecclesiae modo Siluensi cui praefectus est, sed vniuersae reipublicae Christianae ornamento est: eamque sapientissimis, piissimis, & eloquentissimis scriptis illustrat. Demonstrat vero in his elucubrationibus, in quo verissima sapientia consistat. Non est autem alia grauior inter mortales disceptatio, & totus mundus in hac bilance constituitur. Tractata est enim haec quaestio ab omnibus philosophis, & Augustinus citat Varronem qui asserbat ductas octuaginta octo Philosophorum de hac re opiniones fuisse. Est autem adeo pulchra sapientiae verae (quam hic nosser auctor describit) cognitio, adeo in omnes vitae partes praestans, adeo denique Christiano pioque homine digna, ut mirarer valde quid fieri posset, ut qui ab huiusmodi contemplatione atque exercitatione alieni sunt, alicuius ingenii ac iudicii homines quicquam in vita habere iucundi vel grati possint, quod tanti talisque boni vel solari, vel leuare inopiam valeat: sine quo neque vitam ipsam, vitam appellandam putem. Multa ergo animi iucunditate legendi & inspiciendi sunt hi libri, & id eruditorum consensus, reor, ius dicabit. Nihil enim nisi pium, nihil nisi salutare in eis inest, neque quidquam quod catholicae Romanae ecclesiae, fideique sinceritati repugnet. Quare dignum opus esse existimo quod praeo mandetur. In cuius rei fidem in fronte libri subscripsi, iuxta decimarum regulam sacri concilii Tridentini. 15. Junij, 1578.

F. Bartholomaeus Ferreira.

Podense imprimir vista a informação, & hum dos nouamente impressos toro ne a esta Mesa com o original para se ver se concorda antes de correrem. E este despacho se imprimirá no principio com a dita informação. Em Lisboa, xvij. de Junho.

De M.D.L.xxviij.

Manoel de Coadros.

Paulo Afonso.

Dom Miguel de Castro

Antonio Teller

Contali hos quinque libros impressos cum manu scriptis, & concordant in omnibus.

Frater Bartholomaeus Ferreira.

S. D. N. GREGORIO

XIII. P. M. HIERONY

mus Oforius Episcopus Al-  
garbiensis.

S. P. D.



VM natura insitum in mentibus hu-  
manis sit, esse vim diuinam atq. sem-  
piternam, qua omnia moueantur, &  
conseruentur: in ipsius diuinę naturę  
notitia comparanda, fuit olim à inul-  
tis hominibus sine vlllo fructu omne studium vite  
consumptum. Atq. in principio in eum errorē in-  
ciderūt, vt soli, lunę, & syderibus; nēpe quib⁹ neq.  
pulchrius quidquā, neq. salutarius cogitare pote-  
rant, diuinitatē tribuerent. Deinde à cælo delapsi  
(neq. enim poterant animi vitiorū pondere, quod  
augebatur in dies, misere depressi, in cæli regione  
diu peregrinari) Deum in terrenis sordibus, in im-  
puris voluptatibus, in mōstris horrificis inquire-  
re, & inuestigare cæperunt: atque tandem impu-  
rissima religione constituta finem vltius pro-  
grediendi sibi statuendum esse decreuerunt, qual-  
si iam fuissent id, quod ardentissime concupie-  
rant, felicissime consecuti. Itaque vero Deo su-  
repter & impie neglecto, tanta dementia vexati

sunt, vt etiam flagitijs, & horrificis monstris, & quadrupedum, & serpentium simulacris immolarent: & furias etiam, atq. adeo feritatis sempiternæ truculentiam honoribus diuinis afficerent. Similiter est de sapientiæ studio iudicandum. Omnes enim illius cupiditate tenentur, nec quidquam vel pulchrius, vel admirabilius esse iudicant rerum cognitione: pauci tamen in ea comparanda propter desidiâ & imbecillitatem animi neruôs intendunt. Qui tamen ingenio valent, & ad clâritatem nominis aspirant, omnemque sibi ætatem in studio sapientiæ conterendam esse decernunt, sæpenumero fit, vt multo maiora signa temeritatis & amentię dent, quam illi qui studium sapientię prorsus abijciunt. Vt enim qui Dei numen præcellentiſſimum ignorabant, & Deum sibi in terris turbulentissimi erroris opinione fingeant, quo maiore cū superstitione dirissimis illis sacris astricti erant, eo grauius in se iram diuinam incendebant: ita qui sapientiæ student, quo maiore conatu ad eam enituntur, eo plerumque grauioribus amentię stimulis agitantur: eo quod se longissimè à verissima sapientiæ ratione diuellūt. Si enim sapientia est summiæ atque sempiternæ causæ cognitio, quam aliam causam possumus assignare rerum omnium, quam summum illū dominum qui omnia designauit, effecit, & constituit: per quē  
omnia

omnia conseruantur, & ad vltimū naturæ suæ  
finem referuntur: Consequens igitur est, vt qui in  
Deo defixam mentem non habet, sapientes esse  
non possint: imo quò maiorem operam in sapien-  
tiæ studio collocant, eo tetrioribus amentia tene-  
bris obruatur. Vt enim qui nocturna caligine iter  
magnum suscipit, cum primum viam rectam de-  
serit, quo magis accelerat, eo longius à loco, quem  
petit aberrat: ita qui sine diuina luce sapien-  
tiæ operam nauat, quo mentem in naturam acrius inten-  
derit, & ingenium suum argutius in omnes partes  
verlauerit, eo furētius in pestē ruet. Vera namque  
sapientia in vigenti & incēsa fide qua Deū, quoad-  
licet, mente complectimur, tota consistit. Ea nāq.  
nobis iustitiæ donum conciliat: ea mentem clari-  
tate diuini splendoris illustrat: ea postremo ani-  
mos nostros summis atq: sempiternis bonis egre-  
gie locupletat. Si ergo verum inuenire volumus,  
statuendum nobis est, semper fore à lumine veri-  
tatis auersum, qui minimè sempiternam veritatē  
intuetur: . Sapien-  
tiæ fructum vehementer exqui-  
rimus, fructus illius est vita beata, qua soli frui po-  
terunt animi, qui domino beatissimo coniuncti  
fœdere sempiterno sunt. Qui autē se ab hoc sum-  
mo bonorum omnium fonte rempuerint, quo lō-  
gius abscedent, eo grauioribus miserijs & erum-  
nis opprimuntur: & maioribus supplicijs aucto tē m-

piterno cruciabuntur. Vt igitur qui naturam sibi  
diuinam placare conabatur, dum falsos sibi Deos  
adiscebant, ipsum numen quod propitium ha-  
bere cupiebant, foedissimis lacris irritabant: ita  
multi qui sapientiæ cupiditate flagrant, dum sa-  
pientiam amplexari student, in pestiferos erro-  
res delabuntur. Sunt enim quidam, qui cæli spa-  
tia immensa metiri nituntur: cum seipsum penitus  
ignorent: sunt qui argutijs insolescant, cum litem  
& argutijs inanissimis sibi ipsi pestem machi-  
nentur: sunt qui sibi peracuti videntur, eo quod  
homines apertos & simplices callide circumue-  
niant, & non vident se multo miserius illis ipsis  
fraudibus implicari. Denique ne plura confectem,  
multis rationibus dum multi summe sibi sapien-  
tiæ nomine placent, summa furoris & amentię  
documenta constituunt. Illa namque summa  
dementia est, quæ falso in sapientiæ nomen ar-  
roganter inuadit. Præterea nihil est rebus publi-  
cis calamitosius. Quid enim est ad euertendam  
rempub. efficacius instructa, & armata temerita-  
tis audacia? Audacia porro summa falsum sapien-  
tiæ nomen, si ut plerunque fit, popularis insania  
fautrix extiterit, necessario consequetur. Vnde cō-  
cludi potest omnes fere rerum publicarum, quæ  
opibus & imperio floruerunt, euersiones à falsa sa-  
pientiæ opinione ortū habuisse. Si igitur in eucl-  
lenda



lenda falsa multarum nationum religione cruce  
proposita à diuinis hominibus laboratū fuit, & que  
propemodum pugnandum cenſeo, vt falſa ſapientia  
funditus euerſatur, vt facilius veræ claritas  
eluceſcat. Magnum quidem opus eſt, perſuadere  
hominibus elatis, & confidentibus, & terrenis opi-  
bus nimium affixis, ſummum & altiffimum ſa-  
pientiæ gradum in cruce Chriſti, & in humilita-  
tis diſciplinā, quam Philoſophi deſpiciunt eſſe  
conſtitutum. Sit, quantum velint homines, ar-  
duum atque difficile, quid tamen in eo effice-  
re poſſim mihi certum eſt experiri: ita tamen,  
vt ingenio meo minime nitar, ſed omnem ſpem  
in auctore ſapientiæ reponam. His igitur quin-  
que libris ſtatui omnem veriſimæ ſapientiæ ra-  
tionem complecti, quos tibi dicare conſtitui: par-  
tim, vt nomine Sancti Thomæ contra improborum  
calumnias & conuicia præmunirem: partim, vt  
meam erga te obſeruantia & pietatem testimonio,  
ſi fieri poſſet, ſempiterno declarare. Accedit quod  
vix quidquā mihi conuenientius occurrebat, quā  
libros de ſapientia inſcriptos pontifici ſapientiſ-  
ſimo conſecrare. Quid enim tibi ad ſapientiam  
ſummam deeſſe poſſit, non facile quiſquam dixe-  
rit. Summū enim ingenium ſummis artibus exco-  
luſti: longo rerum vlu prudētiā inſignem aſſe-  
cutus fuiſti: in omni genere virtutū quibus reip.  
ſalus

salus, & salutaris moderatio continetur excellis :  
quanta solitudine Christi ecclesiæ propicias ap-  
paret: quanto studio pacem & otium tuearis om-  
nibus explorate cognitum est. Quantam operam  
similiter in eo ponas, vt omnes & humanitatē tuā  
diligant, & seueritatem vereantur, nemo ignorat.  
Sed de laudibus tuis plura dicere temerarium for-  
tasse multis videbitur, cum ex sint omnibus no-  
ta, & operibus clarissimis illustres. Tuā verò san-  
ctitatem oro, & obsecro, vt hos nostros conatus bo-  
ni cōsulat, studiaque nostra in sanctam ecclesiam  
benignitate sua singulari complectatur. Quod si  
fecerit, animū mihi, certē dabit ad alia multa quæ  
apud me compressa sunt, ad ecclesiæ vñm & vti-  
litatem in lucem proferenda. Felicissime va-  
leat S. T. ad totius Christianæ reip. salutem & incolumitatem.

(.?..)



# DE SAPIENTIA

## LIBER PRIMVS.



*V*M multis argumentis immortalitas animorum hominibus diuinæ legis ignaris ostēdi possit, haud scio, an sit aliquod firmitus, & vehementius, eo quod insita cupiditate sapientiæ contine-  
tur. Cum enim ea sit rerum altissimarum, & diuinarum cognitio, is qui sapientiæ cupiditate flagrat, indicat se ad diuinum statum aspirare: quod facere non posset, nisi cælitum agnatione teneretur. Animorum namq; beatorum atq; cælestium Pabulum sempiternum est Deum videre, illiusq; speciem & pulchritudinem clara & illustri mentis acie contemplari: & ita quodā modo in naturam illius conuerti. Qui igitur sapientiæ desiderio tenetur, se Dei similem fieri concupiscit: quod certè non appeteret, si id omnino fuisset humanæ naturæ denegatū. Id enim quælibet res insito naturæ sensu desiderat, ad quod nata & apta est, & cuius fructu naturæ ipsius perfectio cōtinetur. Quantum verò intelligendi desiderium natura nobis inseuerit, in pueris cernere licet, qui cum primum loqui incipiunt, multa querunt: multa curiosè & diligenter inuestigant: ita vt etiam quæ in cælo fiant, quæ natura Solis atq; Luna sit, & quantum summi vertex montium à cælo distent, inquirant. Fabulis autem mirabiliter oblectantur, adeo vt earum dulcedine vehementer allecti ciborum interdum memoriam deponant. Quo autem cla-

## DE SAPIENTIA

rior eorum indoles est, eo plura nosse desiderant: & acrius & attentius mentem in ea quæ narrantur intendunt. Non possunt illi quidem quid verum, quid falsum, quid coherens & verisimile, quid disiectum & incredibile sit, ratione discernere. Quanta tamen multa cognoscendi cupiditate teneantur, curiositas inquirendi, & voluptas audiendi facile declarat. Cum verò ætate progrediuntur, ubi veritas lateat, curiosius examināt: labi, decipi, errare turpissimum iudicant: neq; mediocrem voluptatem si valent ingenio ex artibus quibus ætas illa institui potest, accipiunt. Quod si libido, & ambitio, & auaritia, & reliquæ vitæ pestes tantas vires non habuissent, studium sapientiæ multo ardentius extitisset. Sed cum adolescentium animi his morbis agitati, in diuersas partes distrahuntur, nullum tantum malum est, quod non in eorum vitam incurrat. Nullum tamen grauius & pestilentius est ipsius mentis errore, in quo inest malorum omnium seminarium. Ex eo nanq; omnes calamitates, omnes rerum publicarum & priuatarum euerisiones, omnia bonorum omnium detrimenta nascuntur. In quo tamen errore qui sunt, sapientiæ studium vt existimant, non intermittunt. Sapientiæ nanq; fructus est vita beata. Beata porro vita bonorum affluentia continetur. Bona autem sunt opes, honores, voluptates non futiles & inanes, sed stabiles atque sempiternæ. At qui se libidini constringendos dediderunt, dum diuitias immanes appetunt, dum vmbas falsæ gloriæ consecantur, dum flagitiosas voluptates exquirunt, dum versute & callide in rebus inanissimis comparandis omne studium vitæ consumunt, se sapientiæ officio fungi putant: eo quod opinentur omnia illa valde

ad bene, beateque viuendi rationem pertinere. Itaque dum calliditati sapientiæ nomen imponunt, nimiumque malitiæ suæ confidunt, illisque bonis inhiāt, quibus humana sitis expleri & satiari non potest, sero intelligunt se sine vlllo fructu vitæ in beatitudinis studio contriuisse. Qui licet in summa inanitate versentur, nunquā sic sensibus orbatī sunt, vt non eos interdum qui in aliā ingressi viam se sapientiæ dicauerunt, admirentur, & dignos honoribus amplissimis existimēt. Cur igitur tā multi reperiuntur, qui de sapientiæ disciplina detrahunt? Quia languore desidiaque fracti, & flagitiorum morbis oppressi, sapientiæ luce se frui posse desperant: & ideo quod assequi studio nequeunt, oratione vituperant. Non enim æquo animo ferre possunt, aliquem tantum vera dignitate præcellere, vt ipsi ad illum collati homines existimari minimè debeant. Quid enim est quo homines brutis animantibus antecellant, nisi mente, consilio, ratione? His autem rebus tantum sapientes insipientibus antecedunt, vt insipientes eorum comparatione, brutorum animantium instar obtineant. Hoc igitur inuidia ferre non potest: & ideo quantum potest, in sapientiæ studium quod extinctum cupit, inuehitur. Ad hoc malum accessit sophistarum loquacitas, quæ cum se sapientiæ nomine in animos imperitorum insinuarē vellet, ostentatione quadam vanissima multis mortalibus illusit: occultasque libidines fronte & supercilio, quasi inducta veste contexit: quæ cum se tandem profudissent, euerisionem optimis artibus, & communibus rebus intulerunt: sapientiæque nomen odiosum & inuisum reddiderunt. Non enim cuiusuis est saltē in principio veram sapientiā à malitiosa

## DE SAPIENTIA.

calliditate distinguere: euentu tamen quantum inter utrāq; interfit intelligitur. Calliditas enim malitia & ostentatione subnixā emolumentū sui gratia turbas efficit: seditiones concitat: religionem violat: pudorem exterminat: castitatem oppugnat: mendaciam gaudet: & est deniq; decoris, & honestatis, & tranquillitatis inimica. Contra vero sapientia pacem firmat: religionem tuetur: pudorem sancit: veritatē vnice colit: est officii magistra, & omnia deniq; verissimæ virtutis ornamenta gremio suo complectitur. Quid igitur illa clarius, amplius, & magnificentius cogitari potest? Quid vtilius & salutaris? Quid pulchrius & amabilius? Ea namq; mentem quæ in homine principatum tenet, splendore diuini luminis illustrat: ea cupiditatem & libidinem coercet: ea motus inanis comprimit: ea animis pacem conciliat: ea postremo humanas mentes cum diuina conglutinat. Quod si beata vita honestatis tantum pulchritudine, & virtutis inuictæ præsidio continetur sapientia est, quæ vitæ modum, quæ decoris elegantiam, quæ iustitiæ splendorem, quæ virtutis ornamenta præbet: quæ animi statum firmo atq; diuino præsidio cōfirmat. Si verò vt multi suspicati sunt, ad beatæ vitæ cumulum huius etiam vitæ commoda requiruntur, intelligendum est, eorum vtilitatem non esse in possessione, sed in vsu rectissimo constitutam. Multis enim species & pulchritudo exitio fuit: multi viribus ad suam & suorum perniciem abusi sunt: multi opibus freti patrias suas euerterunt: multi postremo claris artibus sunt in vniuersam remp. pestem nefarie machinati. Bonum verò non est appellandum, ex quo malum nascitur. Ea igitur quæ vel ad naturam, vel ad fortunam referuntur, quæ bo

na cum vulgo nominantur, tum demum bona dici poterunt, cum  
 ij qui ea possederint, illis rectè vsi fuerint. Eorū autē rectus vsus  
 sapientiæ moderatione continetur. Itaq. sapientia non est solum  
 totius decoris & dignitatis efficiens, verum & felicitatis vniuer  
 se parens & altrix. Nec enim vbi sapientia dominatur, fortunæ  
 temeritas locum habere potest. O diuinum sapientia lumen quis  
 poterit laudes tuas enumerando percensere? Tu nanq. homines à  
 libidine ad officium & continentiam traducis: tu artes salutes  
 quibus hominum vita cōtinetur, instituis: tu ordinem rerum pu  
 blicarum collocas: tu reges hoc nomine dignos splendore diuinæ  
 lucis illuminas: tu placidissimam animorum pacem cōstituis: tu  
 dignitatem & impunitam libertatem elargiris: à te laudes om  
 nes virtutis & sempiternæ dignitatis emanant: tu denique  
 mortales immortalitate donas, ipsique Deo amore sempiterno  
 deuincis. Quæ igitur cæcitas eorum est, qui non vt te aliquādo  
 perfuantur, ingentes labores excipiunt, & pro te etiā mori cu  
 piunt? Immortalitas enim est amore sapientiæ mortem libenter  
 oppetere. Sed quo maius, & amplius, & illustrius est sapientiæ  
 nomen, latiusque patens vtilitas, eo difficilius esse videtur illius  
 studium. Si enim sapientia est veritatis inuentio, veritas autē  
 vt homines eruditissimi olim confirmabāt, in profundo demer  
 sa latet: dubium non est, quin sit ad sapientiam peruenire diffi  
 cillimum. Non igitur immerito Pythagoræ modestia laudari  
 solet, qui se non sapientē, sed philosophum appellari voluit. Phi  
 losophi enim nomen sapientiæ studiosum significat. Illius aucto  
 ritate factum est, vt sapientiæ nomine suppresso, Philosophiæ  
 nomen in ore omnium versaretur: nemoq. deinceps, qui non stulte

## DE SAPIENTIA

arrogans esset, inueniretur, qui nomen sapientis assumeret. Vt enim Socrates apud Platonē dicit, solus Deus est natura sapiēs. Humana autem sapientia vt ille dicebat, in animi moderatione perspicitur. Ille namq. inter homines sapientia præcellit, qui tenebras in quibus hominum vita versatur, nō ignorat: & se nihil sapere ingenue cōfiteatur. Quid igitur impulit homines excellēte ingenio præditos, vt in rem tam difficilem tātum operæ & studij cōferre uellent? An perinde atq. ij qui fama tātū eximie formæ cōmouentur, sic illi ad cupiditatē sapientiæ cuius expressam formā intueri non poterāt, exarserunt? Quod si adumbrata sapiētiæ species atq. nomen tantum apud eos valuit, vt præ illius studio omnes voluptates aspernarentur, & cōmoda vitæ contemnerent: quid tandem nobis faciendum est, qui possumus ex vera sapientia fructus maximos atq. sempiternos excipere? Ipse enim Socrates nobis certam & directam sapientiæ viam monstrat. Nam solum Deum dicit esse natura sapientem. Ergo qui seipsi Deo in disciplinā tradiderit, disciplina sapiens esse poterit. Opus tamen nobis est ad Deum adeundum aliquo ductore, cuius opera facilius id quod volumus adipiscamur. Quem igitur potissimum deligemus? In tāta diuinorum hominū copia difficilis electio est. Attamen quod ad præsentem materiā attinet, in primis nobis noster Paulus occurrit. Is enim nō ab hominibus instructus, sed spiritu Christi eruditus, tantum in studio sapientiæ progressus est, vt mente etiā in cælum euēctus ea diuinæ mentis arcana perspiceret, quæ hominibus explicari non possunt. Is tantum sapientia præstitit, vt orbem terrarum tenebris liberaret: & cunctis gentibus lumen clarissimum præferret, hominesq. amore, &

studio



studio gloriæ immortalis incenderet. In illius mente Christi spiritus infidebat, ita ut Paulus Christi ipsius sacrarium atq. dedicatum templum posset existimari. Quis nam igitur verius nobis sapiëntiæ disciplinā tradiderit illo, in cuius mēte sapiëntia sibi domicilium collocavit? Quæ nā est autē huius viri sanctissimi doctri-  
na? Gorgias, Protagoras, Euenus, Hippas, Thrasymachus, & reliqui qui Socratis ætate sibi variā & multiplicē sapiëntiā arrogabant, nō eloquentiæ tantum disciplinā, sed virtutis atq. sapiëntiæ se facillimē tradituros asserēbant. Nihil esse dicebāt tā abstrusum atq. recōditum, quod non euerent: nihil tātis obscuritatibus inuolutū, quod nō explicarent: nullā autē rem excipiebāt. Siue enim res quæ in quæstionē vocabatur, in naturæ puestigatione, siue in officiorū moderatiōne, siue in reip. administratiōne, siue in imperatoria disciplinā, siue in quolibet alio artificio versaretur, de ea se ex tēpore disputaturos esse iactabant: ita ut nemo posset, ut dicebāt, in re vlla sapiëntiæ ratiōnē magis illustrē, & luculentius explicatā requirere. Hac tā insigni ostentatione & leuitate, & his tā magnificis promissis ad se iuuentutē sapiëntiæ cupidā alliciebant. Quis enim nō valde cuperet omnium rerum cognitionem intrā breue tēpus (hoc enim magistri pollicebantur) non ita magna mercede cōplecti? At noster Paulus quid descendum proponit? Ad cuius artis disciplinam omnes mortales inuitat? Quid se scire prōfitetur? Nihil quidē primā specie clarū & amplitudinis ostētatione magnificum: id tamen in quo omnes opes verissimæ sapiëntiæ cōsistunt. Quid igitur illud est? Ego inquit ad Corinthios scribēs, nō sum arbitratus me scire aliquid inter vos, nisi Iesum Christū, & hunc crucifixum. Quāto verborū

## DE SAPIENTIA.

compendio sapiētiæ verissimæ summam complexus est? Pythagorici musices ignaros à schola repellebant: Platonici eos qui nō multam operam Arithmetica, & Geometriæ dederant, non admitterebant. At Paulus omnes & eruditos & imperitos admisit: & neminē qui discēdi studio ad illū accederet, exclusit. Qua disciplina me, cede? Eorum ipsorum quos instituēdos susceperat salute, pro qua sanguinem profundere paratus erat. Sic autem factum est, vt cum illi qui sapientiam ostentabant, discipulos erroribus infinitis imbuerent: Paulus qui mirā humilitatis speciem præseferbat, auditores caelestis sapientiæ disciplinis illustraret. Sed vim ipsius disciplinæ videamus. Iudæi, inquit ille, signa petunt: Græci sapientiā querunt: Nos autē prædicamus Christū, crucifixum: Iudæis scandalum, Græcis stultitiā, vocatis autem Iudæis atq. Græcis Christum Dei virtutem, & Dei sapientiā. Ex his Pauli verbis intelligi potest, eos qui sapientiæ operā dabant, in duo genera distributos fuisse. Quidā enim fuere Iudæi, alteri autem Græci. Græcis autem reliquæ nationes annumerāde sunt, quæ eadē via & ratione studia sapientiæ colebāt. Iudæi signis, Græci argumētis sapientiā sibi parare nitebātur. In quāto tamen errore vtriq. versarentur explicādum nobis est. Atque primum de Iudæis orationē habebimus: deinde ad Græcos veniemus. Iudæi vt Paulus inquit signa petunt, in quo nō ita vituperandi videntur. Intelligunt enim fortasse sapientiā non esse hominis inuētum, sed Dei munus atq. beneficium. Itaq. non humanis argutiis, sed diuinis testimoniis sibi nitendum existimāt. Nō enim pro vero habendum putāt, nisi quod diuinitus enunciatum fuerit. Vt autē aliquid à Deo enūciatum esse constaret, admi-  
randa



randa signa requirebant. Quod vt facerēt confidentius sanctis-  
simorum hominum sibi exempla proponebant. Abraham enim  
quāuis iam fuisset iustitiā consecutus, vt clarius tamen cerneret  
hereditatē sibi & posteritati suae promissam esse fœdere sempi-  
terno cōfirmandā, sibi signum dari postulauit. Hoc enim signi-  
ficauit cum dixit. Vnde scire possum, quod possessurus sim eā?  
Moses similiter sibi signum præsentis numinis ostendi concupi-  
uit, vt facilius populo fidem faceret. Quod autem ardenti fide  
petiit, feliciter impetrauit. Itaque signis auctoritatem suam cō-  
stituit: signis rebelles & contumaces euertit: signis Israëlem in  
libertatem vindicauit: signis summum sacerdotium sanxit: sig-  
nis leges, mores, & instituta conseruit: omni deniq. illius discipli-  
na signis admirandis tradita, recepta, confirmata, & stabilita  
fuit. Similiter Iesus filius Num signis populum in sui admira-  
tionem cōuertit, innumerabiles hostes absumpsit: & clarissimas  
victorias consequutus est. Eadem ratione Gedeon signa non se-  
mel efflagitauit: signa manue Sanfonis pater eodē studio requi-  
siuit. Quid de Heliae signis admirandis edisseram? Quid de He-  
lisai miraculis verba faciam? Quid illud maximè admirandum  
signum Ezechiae datum oratione commemorē? An parum liquet  
maximas olim sanctorum hominum admonitiones, sanctiones,  
actiones, signis constitutas fuisse? Non igitur immerito Iudei  
videntur omnem veritatis explorandae rationem in signis collo-  
catā habuisse, eorumque studium magis videtur esse ad religio-  
nem, quam ad fidei inconstantiam referendum. Attamen qui se-  
cum reputauerit, quam multa flagitia in hac Iudeorum petiti-  
one sint, ab ea tanquam ab infandi sceleris contagione refugiet.

## DE SAPIENTIA

*Illi namque sanctissimi viri cum tempus signa postulabat, erant enim res euenturæ signis adumbrandæ, & cum id Dei gloria flagitabat, erant enim mentes hominum in fide nutantium confirmandæ, signa non tam sibi quam aliis requirebant. At qui se illorum vestigiis ingredi simulabant, rebus iam multo, clarius expressis, & firmissimè constitutis, cum signa petebant de fide diuina dubitabant. Sic faciebant illi qui dicebant, est ne in nobis dominus? an non? Item illi qui cum viderent aquas perēnes, è felice diuino beneficio prorupisse, de cibis quos intemperanter efflagitabant, an possent à Deo in vastissima illa solitudine donari, ambigebant. Itaq. dicebāt, nunquid Deus panem poterit dare, aut parare mensam populo suo? Illa autem dubitatione non mediocre in Deum scelus ediderunt. Aut enim illius fidem tantis beneficiis atque tam sepe confirmatā in dubium reuocabant. aut illius infinitam potentiam angustis admodum finibus circumscribebant. Quale aut quantum signum requiris homo? Num maius cæli totius conuersione? num illustrius solis splendore & claritate? num salutaris vniuersæ naturæ, ad humane vitæ præsidium consensione? At inquirunt, illa quotidie videmus, & idcirco minus admiranda ducimus. Quasi vero minus admirabile sit, quod est stabile, atque sempiternum, quam id quod momento temporis euanescit, aut clarius beneficium sit, quod est vni genti concessum, idque certo temporis spatio definitum, eo quod est quotidie cunctis gentibus immensa Dei benignitate & magnificèntia tributum. Præterea si te non mouent vlla signa, nisi quæ raro videntur, cur in singulis pene rebus signa requiris? Si enim signa quæ postulas peruulgari senseris, illa contemnes.*

*Nam*

Nam si propter oculorum consuetudinem opera diuina quæ sunt nimis admiranda pro nihilo putas, certè maiore cum fastidio minora signa despicias. Quod igitur remedium Iudeus malis suis inueniet? Fidem habere recusat, nisi signum prius aspexerit. Ergo si multa signa non viderit, fidem paucis rebus adiunget: si signa multiplicata conspexerit ea consuetudine fidem signis omnibus abrogabit. An non hoc olim vitio miseri homines periculose laborabant? An non collata singulis diebus beneficia propter eorum frequentem usum & consuetudinem fastidiosè respuebant? Celesti Pabulo quod omnem suauitatem in se continebat, alebantur: è rupe quam Moses virga percusserat, aquæ dulcissimæ ingenti copia dimanabant: coturnices intectæ eorum ingluuiem satiabant: solis ardorem nubes ab eorum capitibus arcebat: noctis tenebras admirabilis splendor discutiebat: hostes præforoces in eorum conspectu exanmati concidebant: & tamen eo quod nullus fere dies intercederet, quo non Deus signo aliquo se illis præsentem adesse significaret, signa contempserunt: & tamen libertatis beneficium ingrati & impie despexerunt: & tamen Ægyptiorum allia & cæpas dapibus diuina benignitate concessis antetulerunt. Non igitur signorum frequentia Iudæorum salutem constituet: sed miseriam multis modis amplificabit. Quo enim signa frequentiora sunt, eo scelestius qui fidem violat, Dei maiestatem offendit. Quid igitur signa petunt, quæ si rara sunt, obliuione conteruntur: si peruulgata, & vsitata contemuntur? Præterea dignum non est Dei maiestate frequentibus signis fidem suæ probitatis quasi ea parum comperta sit, facere

## DE SAPIENTIA

facere conari: & qui illa flagitant perfidia sua dedecus nomini illius inurunt. Contumeliam enim Deo inferunt, qui illi nisi signis quasi fidei parum explorata pignoribus credere nolunt. Præterea parum est amplitudini illius consentaneum corporeis signis frequenter ostensis diuinitatis fidē confirmare. Alia enim sunt signa multo clariora, magis illius numini cōgruentia, quæ valde frequentia sunt, ita tamen vt frequentia contemptum non afferat: sed gloriā illius indies magis illustret, de quibus postea dicemus. Hæc vero quæ homines humi stratos si non in sceleribus nimis obstinati fuerint, ad credendum impellunt, cum primum lex diuina sancitur, aut aliquod noui operis exordiū nascitur, dari à Deo solent. Postquā vero lex & sanctio promulgata & moribus comprobata est, & opus aliquod diuinum ad salutē totius vniuersitatis absolutum, omittuntur. Aliter enim si frequentius darentur, & fidei splendor posset attenuari: & signi ipsius claritas vsu frequentiore contemni. Deinde periculum esset, ne homines signis assuefacti res signis adumbratas consecrari negligerent, & imaginis assimulatæ pulchritudine cōtenti, pulcherrimam veritatis ipsius speciem intueri non appeterent. Postremo signi nomen, non veritatem, sed veritatis imaginem designat. Nec enim hominis simulacrū homo verus est: neq. species animantis in aquis pellucidis, aut in speculis exteris animaduersa animans est: nec pictura aliquid solidum & expressum in oculis ponit. Sapientia vero non adumbrata veritatis similitudine, sed veritatis ipsius cognitione continetur. Tantum vero abest, vt in signis collocanda sapientia sit, vt is magnos in illa progressus habere putetur, qui quantum potest animum à signis abducit,

ut ipsam per se veritatem contueri possit. Si igitur signorum  
 petitio est plerumq; perfidiæ signum, temeritatis argumentum,  
 fidei grauius violandæ periculum, instituti sceleris amplificatio,  
 sapientiæ ipsius, cuius gratia signa petuntur, impedimentum, nul-  
 lo certè pacto Iudæi quandiu signa postulauerint, sapientiæ com-  
 potes esse poterunt. Verum Paulus illis egregiè satisfacit. Vnū  
 enim signum illis conspiciendum proponit, quo nullum clariùs  
 & mirabilius, neque quod magis numinis diuini virtutem &  
 potentiam confirmet, excogitari potest. Quod inquiunt signum  
 narras? Iesum inquit, & hunc crucifixum. Quid est hoc? inquiunt.  
 nos signum virtutis diuinæ flagitamus: vos autem nobis extre-  
 mæ cuiusdam imbecillitatis exemplum proponitis. Hoc est igi-  
 tur nobis aperiendum, id quod Iudæi infirmitatis & imbecilli-  
 tatis argumentum opinantur, continere vim numinis admi-  
 randam, robur virtutis inuictum, claritatem victoriæ sempiternā.  
 Sed prius necesse est, ut quid sit scandalum crucis explicemus.  
 Scandali nomen est Græcis atq; Latinis, qui sacras literas mini-  
 mè norunt, ignotum: nostris tamen valde frequenter vsitatum.  
 Significat autem offensionem. Offensio autem de Christo sum-  
 pta, quæ Iudæis ruinæ causam attulit, hæc fuit. Erant Iudæi  
 ab incunabulis in spe summæ cuiusdam felicitatis enutriti: quæ  
 felicitas erat ut prophætæ prædixerant, per Christum afferenda.  
 Itaq; fore sperabant, ut Rex potentissimus ex stirpe Davidis  
 oriretur, qui res Iudæorum afflictas in pristinum splendorem mul-  
 tis opibus amplificatum restitueret: tyrannidem hostium dele-  
 ret: orbemq; terrarum sub imperium ditionemq; subiungeret: &  
 suos bonorum omnium affluentia cumularet. Quo magis au-

## DE SAPIENTIA

tem eos Romanorum dominatus opprimebat, eo magis illā libertatem & diuitiarum affluentiam, quam animis finxerant, spe inanissima deuorabant. Legerāt, & audierant, quantas victorias David adeptus fuisset: quantas opes Solomō illius filius habuisset. Eas tā insignes victorias, ingētesque diuitias iam pro nihilo putabant. Nec enim dubitabant, quin Christus esset rebus etiā ab Alexandro Magno gestis, victoriarū multitudine obscuritatē allaturus. Iā intra se Romanis atrociter minabātur. Fore enim confidebant, vt Christus Romanorum imperium excinderet: & Romanos Imperatores cōfestim de amplissimo dignitatis gradu præcipites exturbaret: eorumq. opes vniuersas Ierosolymā trāfferret. Ad hanc autem spem confirmandā diuinorum hominum testimonia qui de summo Christi imperio, de victoriis atq. triumphis illius præclara cecinerant, in ore semper habebant. Accedebat, quod prophetarum prædictiones cum illius memoriæ signis conferentes, opinabātur breui tempus illud affuturum, quo tātis opibus potirentur. His cogitationibus inflati, iā ferocius & insolentius incedere meditabātur, cum subito præter omnium opinionem ipsum Christum longe diuersā ratione ab ea quam finxerant exortum aspiciunt. Hominem enim cernunt ignotum, in vrbe ignobili, sub parentibus vt hominum opinio ferebat, obscuris educatum, nullis opibus instructum, nullis disciplinis eruditū, nulla specie popularis famæ gloriosum, egentem præterea, & incommodis multis exercitum, qui tamen se diceret illum Regē esse, quē exspectabāt. Videbāt in illo pro amplitudinē maiestatis, huius militatem, pro summis opibus egestatem, pro bellicarum rerum studio mansuetudinem, pro imperio amplissima voluntariæ ser-



## A L I B E R P R I M V S.

uitutis speciem. Pedibus iter faciebat: principum familiaritatē non appetebat: ad multitudinis faciem se libentius aggregabat. Concitabat præterea grauissimam cunctis impuris hominibus offensionem illa oratio qua se Dei filium appellabat. Nā indignissimè patiebantur, illum quem infra quosuis homines esse ducebant, tantum efferrī, vt sibi ipsi diuinitatem tribueret. Adde nunc vitæ dissimilitudinem, quæ animos abalienare solet: adde in scelere coercendo libertatem & acrimoniā, quæ odium acerbum saepe cōcitāt: adde mirabilem vitæ sanctimoniā, quæ inuidiæ fauces inflāmat. Cum igitur à spe decidissent, neque Christi species & habitus eorum optatis respondisset, & simul humilitatis indignitas, seueritatis odiū, virtutis inuidia, corū animos exagitasset, admodū grauiter offensi sunt. Fuit igitur Christus vt Isaias futurū prædixerat, lapis offensionis in quē homines cæcis tenebris, & horrēda caligine demersi ruentes cōciderunt: fractiq. & vehemēter allisi in hostium manus puenerūt: vt tāti sceleris pænas sempiternas exoluerēt. Nulla tamē offensa grauior exitit ea quā ignominia crucis excitauit. Habet enim hoc hominū furētium cæcitas execrāda, vt ex humanis casibus locum quē apud Deum quisq. teneat, iudiciū faciendum existimet. Cū enim huius vitæ cōmodis nimis addicti sint, & de futura vita parū cogitēt, quē opibus atq. deliciis circumfluentē animaduertunt, beatū iudicāt: quē vero multis incōmodis affligi cōspiciūt, ærūnosum, & miserum, & Deo nimis iniusum arbitrantur. Idcirco factū est, vt cum Christum in crucē sublatum aspicerent, quasi tunc illum impietatis conuicissent, in supplicio illius insultarent. Cum enim vulnera à frōe & à tergo, capiti, manibus, atq. pedibus, & alijs

corporis

## DE SAPIENTIA

corporis sanctissimi partibus inflicta conspiceret, cum illū sum-  
 mis doloribus excruciatum animaduenterent, non solum oculos  
 eo spectaculo satiarunt, & animos crudelitate furentes expleue-  
 runt: verum etiam, eo quod litem se obtinuisse crederent, ingen-  
 ti gaudio cumulati sunt. Nec enim credibile suspicabantur, si  
 Christus non fuisset maximorum criminum reus, ut à Deo (ut  
 opinabantur) destitutus tam acerbo supplicio macclaretur. Sic au-  
 tem dicebant. Tu ne ille es qui tantum tibi assumpsisti, ut dice-  
 res te Dei templum euersurum, & tribus diebus illud instaura-  
 turum? Age nunc euerge templum: illudq; rursum instaure. Si  
 filius Dei es, descende nūc de cruce. Tum illud etiā adiungebāt.  
 Alios saluos fecit, seipsum non potest saluum facere. Si Rex ille  
 est qui erat salutem Israël daturus, suam ipsius salutem prius  
 constituat: clauos euellat: vulnera sanet: è cruce desiliat, ut tum  
 demum credamus, illum esse diuina virtute, ut præserebat sta-  
 bilitum. Atqui dicebat, se omne vitæ præsidium habere in Deo  
 constitutum. Liberet eum nunc Deus si vult. Nec enim solum  
 se Dei amicum, verum & Dei filium sane fidenter asseribat. Si  
 amicus est, Deus amici res haud quaquam negliget: si filius est,  
 illi patria charitate prospiciet. Si Deus igitur illi nec ut amico  
 præsens adest, nec ut filio consulit, non ne liquido constat oratio-  
 nem illius fuisse vanissimam? Illud etiam cum motu capitis &  
 irrisione petulantissima & multis cachinnis addebāt. En Chri-  
 stus ille cuius expectatione Iudæorum genus erectum volitabat:  
 en princeps beneficus & salutaris qui suis firmam spem salutis  
 ostendebat. Quorsum tandem magnifica illius promissa reci-  
 derunt? Male certè reliquos florentes & beatos efficiet, qui sibi



in tantis miseriis constituto opitulari non potest. Nunc igitur luat temeritatem, vanitatis pœnas det: & sic demum fiet, ut nemo tam audax & impius sit, ut auctoritatem diuini nominis atque virtutis vsurpet. His multa similia viri perditissimi dicebant, ex quibus intelligi potest, quanta eorum offensio fuisset. Hoc est autem scandalum illud, ex crucis specie & Christi supplicio sumptum, quod perditis hominibus euerfionem intulit. Christum enim imperatoria virtute clarissimum expectabant: at illi contra opinionem Christum plagis contusum & vulneribus deformatum aspiciebant. Quare minimè consentaneum illis videbatur, ut aliquis ab eo salutem expectaret, quem esse summa miseria perditum statuebant. Hoc autem Iudeos impia fraude obligauit, & ita miserabiliter impediuit, ut cæci furore in tenebras sempiternas inciderent. Explicato crucis scandalo par est, ut quanta vis atque potētia numinis diuini in hoc Christi supplicio quo perdit homines illum abiectum putant, eluxerit, illis aperiamus. Prius tamen quam id faciamus, ab illis libenter audierim, quid opinentur de Christi regno à Deo promisso. Fore ne putant, ut quidquam cogitari possit in terris præstantius atque magnifice utius, omnibusque verissimis bonis affluenti-  
 tius? negant. Quæram deinde, sit ne præstantius id quod animi statum constituit, ornamentisque diuinis afficit: an id potius quod ad corporis emolumentum & elegantiam vitæ conferatur? Fatebuntur certè verbo saltem, licet inuiti, non esse bona corporis cum bonis animi conferenda. Rursus quæram sit ne amplius & vtilius id quod angusto, admodum t. illuris  
 b spatio

## DE SAPIENTIA

*ſpatio definitur : an quod ad vniuerſitatem generis huma-  
 ni conſeruandam, & ornandam dirigitur? Id etiam valde  
 perſpicuum eſt, bonum quo latius patet, eo præſtabilius eſſe.  
 Poſtremo interrogabo, ſit ne melius & optabilius id quod  
 vitæ breuiſ curriculo circunſcribitur : an quod nullo tem-  
 poris ſpatio terminatur? Et hoc etiam nemo dubitat haud eſ-  
 ſe res fluxas & interituras cum ſempiternis aliqua ex parte  
 comparādas. Ergo ſi nihil poteſt cogitari regno Chriſti præ-  
 ſtantius, & opes immortales animi, vniuerſitati generis hu-  
 mani tributæ, multis partibus corporis emolumentis vni tan-  
 tum genti conceſſis, & interituris antecellunt, non ne conſtat  
 regnum Chriſti opibus animi cunctis gentibus afferendis atq.  
 ſempiternis contineri debuiſſe? Quî cōueniebat igitur pro di-  
 uitijs animi emolumenta corporis intueri, beneficentiæq. di-  
 uinæ magnitudinem in anguſtum contrahere, & pro bonis  
 ſempiternis fluxas & interituras opes ſitienter appetere? At  
 id neq. erat Dei magnificentiæ decorum: neque ſaluti noſtræ  
 conſentaneum. Magnificentia namq. diuinæ cum magna bo-  
 na promittit, congruens eſt, vt ſempiterna munera & dona  
 largiatur: & ſalus hominum quæ morte extinguenda atque  
 delenda eſt, ſalus appellari non poteſt. Hæc autem peruerſa  
 Iudeorum opinio, quæ promiſſiones diuinæ ad corporis emo-  
 lumenta referebat, illis totius calamitatis cauſſa fuit. Cum  
 enim animaduertent à Chriſto opes contemni, quarum illi  
 cupiditate flagrauerant: exteris gentibus ſpem ſalutis oſten-  
 di, in quas ipſi odium infinitum conceperant, ſe deludi puta-  
 uerunt: & tam immanè odio exarſerunt, vt ipſi ſempiternæ  
 ſalutis*

salutis auctori perniciem molirentur. Vt autem clarius cerni possit quanta Iudeos amentia vexarit, commodum arbitror scripturæ sanctæ testimoniis ostendere, primum quidem opes à Deo promissas, quas Christus erat terris allaturus, non ad corporis victum & luxum, sed ad animi statum & ornamentum pertinere: deinde eas non Iudeis tantum, sed omnibus gentibus pro ratione fidei atque pietatis conferendas fuisse: Postremo eas nullis seculis interituras esse. Primum igitur à Iudeis qui regnum Christi in huius vitæ splendore & magnificentia collocant, interrogemus, an existiment, ipsum Christum tantæ felicitatis Architectum, ipsius felicitatis expertem fore? Negabunt. Et iure negabunt. Non enim fieri potest, vt qui miser est, alios beatos efficiat. Ergo necesse erit illis eum Christum fingere, quem nec inopia vlla sollicitet, neque maledictum vexet vllum, neq. dolor vllus attingat. Consequens enim est, vt is qui reliquis omnibus qui illum sectati fuerint, est caussam felicitatis allaturus, tanto felicior omnibus sit, quanto gradus illius dignitatis est futurus altior & illustrior. Itaque opus est, vt equorum multitudine, auri & argenti copia, vestium nitore, gemmarum fulgore, seruorum numero, ministrorum sedulitate, exercitus ingentis robore, mulierum specie & pulchritudine, totiusq. vitæ iucunditate, omnes Persarum Reges, & Romanos Imperatores vincat & superet. Si ita est, vnde illa tanta equorum penuria, vt eum cogeret die celeberrima, qua erat Rex ab omnibus maxima voce salutandus, asino in urbem vehi? Sic enim inquit Zacharias. Exulta satis filia Sion: iubila filia Ierusalē.

## DE SAPIENTIA.

Filiam sion aut filiam Ierusalem Hebræorum more Ierosolymitanam remp. aut vt rectius dicā, fidelium hominum cœtum appellat, quem ad lætitiā & voluptatē inuitat: & continuo caussam tantæ voluptatis exponit. Sequitur enim. Ecce Rex tuus veniet tibi iustus, & saluator. Rex inquit nō tyrannus: tuus, non alienus: veniet tibi, non enim commodum suum quæret, sed salutem tuam constituet. Iustitiæ enim ornamentis excultus incedet, & salutem tibi sempiternam dabit. Hoc in loco ciuitas ipsi dicere potuisset. Summam mihi voluptatem nuntias. Illum enim exspecto: desiderio illius incendor. moram diutius ferre non possum. Sed narra quæso, quanto exercitu stipatus, quali principum comitatu circumseptus, quibus curribus & quam eleganter instratis inuebetur. Si Regiæ inquit maiestatis ornamenta requiris, ea iam exposui. Illum namque iustitiæ principem, & salutis auctorem fore dixi. His ornamentis ampliora & illustriora cogitari non possunt. Non id quæro inquit Iudæus, sed quæ futura sit pompa triumphi, quæ militum copia, quæ maiestas imperii. Falleris inquit vir diuinus, si alia in Rege summo maiestatis insignia requiris, præter ea quæ iustitiæ splendore & benignitatis amplitudine continentur. Reliqua omnia quæ sunt mortalia, fluxa & fragilia, Rex hic noster pro nihilo putabit, suosque ad eorum contemptionem acriter incitabit. Quod vt commodius fiat, in die triūphi, non currus, non equites, non instrumenta bellica comparabit. Imo paupertatis & humilitatis insignia documenta statuet. Asino enim vehetur. Asino inquit, asina pullo insides vrbe inibit. Quid ais Iudæe?

Opes

Opes expectas? iustitiæ tibi atque salutis opes exponimus. Si opes humanas in Regis huius maiestate desideras, Zacharias vir diuinus te isto errore liberat. Nam in Rege nostro tibi pro diuitiis inopiam, pro studio celebritatis humilitatem, pro curribus ostro, & auro fulgentibus asinæ pullum in oculis & aspectu proponit. Non igitur opibus oculum adijcias, quas à Rege summo contemni perspicis: sed eas tibi propone, quibus ille merito gloriatur, nempe quæ sint diuinæ atque sempiternæ. Ille namque cum cerneret superbia & auaritia fieri, vt homines à cæli conspectu deiectionem terram intuerentur, exemplo humilitatis & paupertatis, superbia & auaritiæ securim influxit, vt hominum rursus oculos ad cæli conspectum excitaret. Zachariæ testimonio iam satis constat Christi regnum, non opibus fluxis, sed immortalibus atque sempiternis contineri. At forsitan ita inopiam inquiet aliquis tolerabit, vt nulla vnquam contumelia violetur. Imo is probris erat afficiendus, quibus nemo post homines natos affectus vnquam fuit. Sic enim Isaias Deum de Christo loquentem inducit. Ecce seruus meus sapienter se geret, efferetur, & extolletur, & in summo dignitatis gradu locabitur. Deinde ad Christum conuersus ait. Sicut te intuentes obstupescit sunt multi, ita deinde supra cunctos homines contumeliis & ignominia deformaberis: & omnium mortalium despiciatissimus eris. Quem tamen fructum Christus erat, ex ea breui temporis ignominia percepturus, continuo demonstrat in eo loco propheta. Futurum namq. prædicit, vt humanas mentes expiet: vt multos

## DE SAPIENTIA.

mortales ad suum nomen specie mirabili virtutis & probitatis alliciat: ut Reges & principes illum religione summa venerentur: ut qui nunquam de eo quidquam audierant, luce illius clarissima perfruantur. Sed inquierent Iudæi, ut inopiam aliquando perferat, & ignominiam toleret, quæ sunt magis in opinione, quam in sensu posita, non enim acrem morsum doloris efficiunt, credibile tamen non est, ut is dolores acerbos aliquando sustineat. Hoc eorum commetum refellit Isaïas. Sic enim paullo inferius ait. Contemptus, & infra cunctos mortales abiectus est, doloribusq. summis afflictus, in ualitudine vehementer oppressus, & impeditus, adeo ut oculos, ab illo tanquam ab horrendo spectaculo auerteremus. Sic autem despectus erat, ut ne hominem quidem duceremus. Verum morbos nostros ipse pertulit: & dolores nostros ipse sustinuit. At nos opinabamur illum à Deo propter maleficia percussum & abiectum fuisse. Ipse vero vulneribus suis, rebellionis nostræ penam subiit: & propter iniquitates nostras afflictus est. Hoc enim suscepit, ut pacis nostræ disciplinam, qua nos erat in gratia cum Deo positurus, penis suis sanciret: & plagis suis vulnera nostra sanaret. Omnes nos quasi oves errauimus, quilibet in viam suam deflexit, at dominus supplicia iniquitatibus nostris debita illi constituit. Hæc & alia multa persequitur Isaïas, quibus Christi dolores intolerandos & acerbissimos cruciatus exponit. Hoc in loco misere torquentur Iudæi: in eoque frustra contendunt, ut Isaïæ testimonium à vero sensu detorqueant. Sed quo magis in eo labrant, ut lucem meridianam tenebris suis obscurent, eo magis eorum de-

testanda



testanda cecitas apparet. Quidam enim hæc ad vniuersum Iudæorum genus referenda censent, quod dicunt diuturno exilio gentium pœnas luere, & Isaiam sub gentium persona multitudinis Iudaicæ sanctitatem admirari, nempe quæ pro alienis peccatis incommoda tam multa atque tam diu perferat. Hæc portenta qui dicunt, videant, quomodo sibi possint accommodare illud, quod hoc in loco continetur, nempe peccatū non fecit, nec est inuentus dolus in ore eius. Gens impia & scelerata, ex fraude & mendacio composita, sanctitatem & fidem sibi tam insolenter arrogabit, vt dicat se nullum vnquā in vita flagitium, aut fraudem suscepisse? Aut tantum meriti pondus in laboribus quos merito sustinet, inesse constituet, vt non solum ipsa pietatis insigne decus se tenere dicat, verum & gentium omnium scelus expiare? Deinde quomodo in eos quadrat illud, quod hoc in loco dicit Isaias, nempe & pro transgressoribus orauit, cum constet ab illis esse solemni ritu diras execrationes institutas, quibus omnia mala perpetuò capitibus nostris in conuentibus suis imprecantur? Alii rursus cum cernerent quam male cum aliqua saltem specie verisimili genus orationis ineptissimum & fallacissimum cohereret, aliam eludendi rationē excogitarunt. Messiam enim alium venisse finxerunt, quem nescio vbi latere multis ab hinc seculis voluerunt, de quo Isaiam hoc in loco sermonem habere fatentur. Verum quidem illi loquuntur inuicti, sed veritatem rursus mendaciis ineptissime confictis obscurare nituntur. Vt tamen ineptias omittamus, Isaiæ certè testimonio confirmatur, quot erant ipsi Christo subeunda

## DE SAPIENTIA

*supplicia, cum terras inuiferet. At David præter dolores & gemitus, neq. fel & acetum, neque contumelias & maledicta silet: & illam eandem Christi querimoniam, qua se in cruce à Deo desertum esse conquestus est, totidem verbis exponit. Hinc Iudæi sibi aliquam auram afflari posse confidunt. Si à Deo inquit desertus fuit, iustus minimè fuit. Deus enim iustos nunquā deseruit. Ignorant homines amentissimi esse quasdam iustorum hominum tanquam amantium querelas, quæ non diffidentie significationem dāt, sed dolorem in quo sunt propter dilatum sp̄i suæ fructum gemitibus crebris apeririunt. Præterea in sanctis literis non solum sanctorum hominum fides, verum & cogitationes quæ fidem oppugnant, sæpe numero describuntur. Sic Abraham, sic Moses, sic Iesus filius Num, sic David, sic Helias, Isaias, Ieremias & reliqui sancti viri cum Deo interdum expostulāt: & de statu suo illius ope & solatio destituto lugubri admodū oratione conqueruntur. Qua tamen oratione non diffidentiam, sed doloris vehementiam in qua versantur explanant: seq. diutius mala quibus opprimuntur pati non posse, nisi mature subuentum fuerit, nimis dolenter edisserunt. Ad hunc autem modum Christus, ut humanæ naturæ statum, & conditionē exprimeret, & in omnibus rebus se fratrum suorum, sic enim iustos appellat, similē esse ostēderet cum se desertum cōmemorat, non res suas à Deo negligi, sed se in acerbissimo cruciatu versari, auxiliumq. differri significat. An vero desertus fuerit, Iudæus animaduertat. Nā in eodem ipso carmine in quo David Christum lamentantē inducit, de auxilio quo fuit ipse Christus pa-*



tris beneficio liberatus, de gl'oria qua fuit egregie cumulatus, de imperii illius amplitudine multa atq. præclara dicit. Ergo si fieri nequit, vt in Christi regno quisquã ipso florëtior, omnibusq. bonis affluentior atq. beator sit, & testimonio diuinorum hominum quod Iudæi negare nõ possunt, apertissimè constat, ita futurum fuisse, vt Christus extremã inopiã perferret, ludibria, maledicta, conuitia sustineret, cruciatus intolerandos pateretur, restat, vt opes regni quas sanctissimiviri tãto ante prædixerãt, ad animi cultum, & diuinæ formæ similitudinem conferendæ sint. Vt autẽ id clarius animaduerti possit, non erit alienum quas opes huius florentissimi regni viri diuini fore prædixerant, explicare. Isaias cum ruinã qua Ierosolymitani ciues erant opprimendi, & hominum stragẽ exposuisset, Christi decus & imperium cõtinuò oratione persequitur. Ait enim, In die illa erit germen domini in magnificentiã, & gloriã, & fructus terræ sublimis ijs, qui saluati fuerint de Israel. Quẽ germen domini vocauerat, rursus fructum terræ nominauit, vt intelligi posset, eũ & Deũ & hominẽ esse, qui Iudeorum reliquis salutẽ erat allaturus. Quãuis enim numerus filiorũ Israel esset cum arenæ multitudine cõferendus, reliquiã tãtum erãt cõseruandã per fidẽ. Ait deinde. Et erit omnis qui relictus fuerit in Sion, & residuus in Ierusalem, sanctus vocabitur, qui scriptus est in vita in Ierusalem. Nomen relictĩ, & nomen residui, eadem & stragem exaggerat: è qua pauci tantum erant, fidei beneficio cõseruandi, & cibibus celestis Ierosolymæ qui soli verissima vita fruuntur, adscribendis. Id autẽ fieri non poterat, nisi vitæ puritate &

## DE SAPIENTIA

sanctimonia. Sed quæro, quæ ratio sanctitatis illa fuerit. Nūc ea quam legis antiquæ ritus & sacerdotium continebat? Minime gentium: sed quam diuinus spiritus instituit. Sequitur enim, Si abluerit Dominus sordes filiarum Sion, & sanguinem Ierusalem lauerit de medio eius, in spiritu iudicii, & in spiritu ardoris. Cernis quæ sint opes regni? Non aurum, non argentum nominat: non corporis voluptates, non magnificentiam huius vitæ recenset: sed spiritus sancti munus atq. beneficium, quod continet in communi strage salutem: in internectione securitatem: in scelerum colluione sanctitatem non in lustralibus aquis, aut vitule rubræ cineribus, sed in spiritus diuini gratia constitutam. Spiritus enim iudicii innocentiam & puritatem, spiritus autem ardoris animum cupiditate diuinitatis inflammatum significat: vtrumque autem spiritus sancti munere continetur. Alibi vero, inquit, Existet surculus è stirpe Iesse, & virga de radice illius pullulabit. Hoc in loco non est Iudæus, qui dubitare possit, quin oratio de Christo habeatur. Sed opes Regis huius aspiciamus. Num auri & argenti aut gemmarum mentio fit? Non profecto. Sed aliarum diuitiarum, quæ multum omnibus humanis opibus antecellunt. Sequitur enim, Et requiescet super eum spiritus Domini. Non dicit afflabit eum, aut impellet eum spiritus Domini: sed Requiescet super eum, vt demonstret spiritum sanctum sibi in illo sedem stabilem atque sempiternam constituisse. Opes autem ipsius diuini spiritus luculenter explicat. Spiritus inquit sapientiæ atque intelligentiæ, spiritus consilii & fortitudinis, spiritus prudentiæ & religionis.

religionis, spiritus qui religionis odorem longe lateque diffundet. Paulo autē inferius fore dicit, ut Christus iustitia atque iudicio quasi baltheo præcingatur. Hæ sunt, hæ sunt Regis nostri diuitiæ, hæ sunt opes, hæc instrumenta bellica, quibus feritatem expulit: immanitatem profligauit: mores efferatos extinxit atque perfecit, ut vituli cum leonibus simul habitarent, idest ne crudeles homines ijs qui minimum poterant perniciem ut antea faciebant, inferrent. Alio rursus in loco, Aperientur inquit oculi cæcorum, & aures surdorum patebunt: tunc saliet ut ceruus claudus: & soluta erit lingua mutorum. Quia prorumpent aquæ in terra deserta: & in aridum solum torrentes emanabunt. Quæ nam est hæc rerum connexio? Num ob eam causam quod in locis desertis aquæ sunt eliciendæ, verum est, ut cæci videant, surdi audiant, claudi saliant, muti Dei laudes enuncient? Si Iudeos sequutus fueris, exitum nullum reperiens: si vero Prophetæ sententiam, nihil congruentius fieri aut dici posse indicabis. Per aquas enim munera sancti spiritus intelligit: quæ perficiunt, ut qui antea res cælestes intueri non poterant, eas clarè cernant: qui legem diuinam minimè ad aures admittebant, eam cum incunditate summa percipiant: qui propter animi imbecillitatem nullum opus iustitiæ & humanitatis edebant, opera sancta alacriter exequantur, qui linguam impeditam gerebant, ne Deo gratiarum vota persoluerent, vitam in diuina benignitate celebranda consumant. Quam sepe autem Isaias per aquas dulces atque perennes

## DE SAPIENTIA

dona sancti spiritus intelligat, videre possunt, qui mediocre  
 studium in illum contulere. Veluti cum dicit torrentes in va-  
 stitate prorupisse, Deumq. in horrida solitudine arbores per-  
 petuo virentes manu sua conseruisse: sempiternumque hortum  
 & viridarium instituisse: aut cum ostendit, quomodo loci ir-  
 rigui & ameni erant aestu, & siccitate vastandi: & rursus  
 inculti propter aquarum affluentiam in amenitatem conuer-  
 tendi. Quibus in locis docet aquas quæ hanc viriditatem  
 & amenitatem efficiunt, à Iudæis neglectas ad alienas gen-  
 tes deriuandas fuisse. Alibi vero inquit, Omnes sitientes  
 venite ad aquas: & qui non habetis argentum prope-  
 rate, emite & comedite. Emite absque argento & absque  
 vlla commutatione vinum & lac. Per aquas spiritus sancti  
 largitatem & beneficentiam intelligit, quæ sitim explet:  
 quæ fecunditatem inducit: quæ virtutum omnium plantis  
 incrementum in dies affert. Idem per lactis dulcedinem quæ  
 infantes nutrit, & per acriorem vini vim quæ robustiores  
 incendit, atque iucunditate mira letificat, aperte signifi-  
 catur. Spiritus enim diuinus disciplinæ mitioris suauitate  
 rudes instituit: deinde instinctus vehementioris impetu, eos  
 qui sunt magis ætate prouecti corroborat. Aquas autem  
 vinum, & lac, & cibos præterea venales esse dicit, ad ea  
 tamen cõmenda argento & auro opus non esse, quia non  
 meritis antegressis, nec enim merita spiritus sancti gratiam  
 antegredi possunt, ex illa namque omnia merita nascuntur,  
 sed fidei non languida, sed incensa & incitata tribuuntur.

Quod

Quod autem hæc sit Isaie sententia, ea quæ sequuntur ostendunt. De fide namque, de iustitia & æquitate, de pietate luculenter edisserit. Multa sunt apud hunc diuinum virum, & apud alios Prophetas testimonia, ex quibus colligitur huius nostri Regis opes in vitæ puritate & integritate, in rerum humanarum despicientia, in iustitiæ studio, in virtutis magnificentia, in caritatis ardore, in diuinarum rerum assidua commentatione, & in opulentia denique cælesti atq. diuina consistere. Quæ malum igitur illa Iudæorum cecitas fuit, quæ illos à studio diuinæ virtutis abstraxit, vt sibi opes instabiles & interituras in hac vita exigua pollicerentur, & nihil aut parum admodum de sempiternis cogitarent? Quomodo autem gentes vniuersæ erant in societatem tanti muneris euocandæ, quod Iudæi ferre non poterant, infinitis etiâ propemodum testimoniis demonstrari solet, è quibus pauca colligam. Primum quidem Deus ad Abraham dicit omnes gentes per illius semen id est per Christum exsecratione liberandas esse. Idem Isaac illius filio, idem etiam Iacob illius nepoti totidem verbis pollicetur. Iacob vero moriens cum sub Iudæa nomine à quo Christus erat oriundus multa de Christo prædiceret, in illo spem gentium reponendam esse prænuñciauit. Dauid autem ita Deum cum Christo loquentem inducit. Postula à me, & dabo tibi gentes hæreditatem tuam & possessionem tuam fines vniuersæ terræ. Alibi vero idem Dauid ait, Et adorabunt in conspectu eius vniuersæ familiæ gentium. Tum illud, Omnes gentes plaudite manus. Et latentur & exultent gētes, & apud eundem vatem Christus ipse.

Populus

Populus inquit quem non cognoui, seruiuit mihi. Infinitum esset, si velle reliqua omnia huius diuini viri testimonia persequi, quæ hanc eandem sententiã confirmant. Isaias vero quã saepe de hac gentium conuersione cõmemorat? Fluent inquit ad eum omnes gentes: & ipsum gẽtes deprecabuntur: & dedite inquit apud illum Deus, in lucem gentium: & domus mea domus orationis vocabitur cunctis gẽtibus: & mittã ex eis qui euaserint in Ciliciam, in Lydiam, in gentes iaculandi peritissimas, in Hesperiam, in Graciam, in extremas insulas, quæ nominis mei famam minimè perceperant: & prædicabunt nomen meum inter gentes: Et offerent omnes fratres vestros ex omnibus gentibus in sacrificiũ domino. Hoc in loco duo considerata sunt. Primum quod gentes ad Iudeorum cætum aggregandas Iudeorum fratres appellat. Hæc enim diuina cognatio non sanguinis communione, sed fidei consensione cõtinetur. Alterum est, quod sacrificandi ratio erat prorsus immutanda. Non enim dicit, quadrupedes adducẽt ad victimã, sed fratres vestros ex gentibus electos offerent, vt sint sacrificium Deo gratissimum. Non enim sanguinem pecudum, sed interitum nequitie requirit: neque carniū nidore, sed inflãmata fidei magnitudine delectatur. Et quẽadmodum nouum sacrificiãdi genus inducit, ita & nouum sacerdotium instituit. Paucis enim interiectis inquit idem dominus, Et assuam ex eis sacerdotes & leuitas. Ergo sacerdotium Aaronis infirmatur & tollitur. Ex gentibus enim quæ nulla generis propinquitate Hebræos attingũt, leuitæ atq; sacerdotes eliguntur. Quã acceptũ vero sacrificiũ à nouis sacerdotibus obla-



## ALIBER PRIMVS.

tum Deo futurum esset, ille apud Malachiam demonstrat. Sic enim Iudeos repellit, vt alienas gentes adiscat. Nō est inquit mihi voluntas in vobis. Ab ortu enim solis, vsq. ad occasum magnum est nomen meum in gentibus: & in omni loco offertur & sacrificatur nomini meo oblatio munda. Hæc gentiū cōuersio cum olim ab omnibus fere diuinis hominibus testata sanctissimisq. monimētis cōsignata sit, Iudæi tamen eā ferre non poterāt. Itaq. cum Paulus multa apud Lysia tribunal cum Iudeorum multitudine de Christi gloria disputauisset, illius orationē patienter audierunt, vsque eo dum diceret, Se à Christo missum fuisse, vt nationes lōginquas ad notitiā diuini nominis erudiret. Hoc autē audito exarsērūt, & clamorem furibunde sustulerunt: vestibusq. in terrā prociētis nubē pulueris excitauerunt: & vociferati sunt altero quoq. verbo à Lysia cōtendentes, vt hominē nefarium qui tā immane facinus dicere ausus fuisset, in crucē tolleret. Iudæe. quid furis? quid insanis? Dei ne causa? An tua potius laboras? Si Dei causā agis, stultissimus es. Quo enim illius notitia ad plures peruenerit, eo gloria illius erit in terris illustrior. Si dignitatē tuā imminui putas, inuidia vexaris. Non enim gentium salus tuam salutē, si fidem sanctā colueris, euertet. Interim velis nolis. Deus gloriam suam in gentium cōuersione vehementer illustrabit, quemadmodum Prophetæ prædixerunt. Non enim tantum Iudeorum Deus est, imo & gentium. Diues enim est in omnes qui inuocant illum. Non igitur gentium dignitas fontem immensæ benignitatis exhauriet. Ita igitur gentium vniuersitati prospexit, vt tibi aditum ad eandem benignitatem

## DE SAPIENTIA

benignitatem non intercluderet. Odium istud immane repellere: inuidiam quæ te exagitat, detestare: fidem arcte cõplectere: & sic demum intelliges gentium conuersionem non tibi memoris, & angoris, sed lætitiæ summæ materiam præbere. Quo enim plures ex gentibus fratres hæreditatis diuinæ participes animaduertis, eo magis amplificatam, si in te aliquod vestigium pietatis & humanitatis residet, voluptatem ex Dei gloria & ex hominum salute percipies. Sed ut Iudeorum inuidiam omittamus, restat, ut paucis aperiamus, quam aperte viri sanctissimi regnũ Christi sempiternum fore prædixerāt. Quod si secus fuisset, non erat certè cur ille summus & sapientissimus Dominus tantam operam poneret in regno cõstituendo, quod erat exiguo temporis spatio circumscribendum. Ex illo namque non erat, ut Deus ipse promiserat, breuis salus, sed sempiterna postulanda. Bonum enim quo præstantius est, eo est finis illius acerbior. Itaque præstitisset, nunquam bonis frui, quam eisdem post voluptatis breuissimæ sensum, cum doloris acerbitate spoliari. Cum autem natura æternitatis appetentes simus, nullum bonum animos nostros explere potest, nisi quod fuerit constans & sempiternum. Bonorum igitur diuinorum promissio tam sacrati fœderis religionem confirmata, nihil potest mortale & caducum, sed immortalæ atque diuinum continere. Regnum igitur Christi nõ erat aliquo fine terminandum. Quod quidem non ratione tantum, sed diuinis testimoniis apertissimè confirmatur. Regnum tuum inquit Dauid, regnum omnium seculorum. Et sedes tua Deus sempiterna est, & sceptrum æquitatis,

sceptrum

Sceptrum regni tui. Quod autem de Christo eo in carmine loquatur, ex eo quod sequitur clarè perspicitur. Amas, inquit, iustitiam, & odio persequeris iniquitatem: eo quod vnixerit te Deus, Deus tuus oleo letitiæ præ consortibus tuis. Cum vnctionis diuinæ meminit, eum sane Christum appellat: nomen enim Christi vnctum significat. Summus autem Christus est ille, quem vnxit Deus, vt Petrus ait, spiritu sancto & virtute. Quem spiritum Dauid vnguentū letitiæ nominat. Quē tamen Christum Deum appellat, eumq. à patre spiritus sancti muneribus perfusum esse demonstrat. Præ cōsortibus autem suis vnctum fuisse dicit, quia ex illo tanquam ex perenni bonorum omnium fonte vnctio diuina in omnes, qui illum sequuntur emanat: ita tamen vt nullius hominis diuini splendor & dignitas, sit cum illius splendore comparanda. Alibi vero idem Dauid de regni huius æternitate loquens ait, Et permanebit cum sole. Hebræorum vsitata loquendi consuetudine æternitatem designat. Isaias vero in eādem sententiam Super thronum, inquit, Dauidis, & super regnum eius sedebit, vt corroboret & cōfirmet illud in perpetuum. Daniel item ait. Temporibus regum istorum Deus cæli regnum fundabit, quod nullis vnquā seculis interibit. Huius autem regni æternitas multo magis confirmat illius opes minime cōmodis huius vitæ cōtineri. Nihil est enim eorum quæ cernimus oculis, quod non sit interiturum. Sic enim Deus apud Isaiam loquitur. Suspiciate cælum, & terrā, & cultores illius intuemini. Cælum enim instar fumi dissipabitur: & terra sicut vestimētum atteretur: & omnia quæ cernitis interibunt: salus autē

mea perpetuo constabit: & iustitia mea non deficiet. Hæc ipse Deus apud Isaiam testatur. Si igitur omnia quæ celi ambitu continentur, ut diuinum testimonium confirmat, finem sunt habitura, & salus atq. iustitia quæ Christi regnum erat allaturum, sempiterna est, quæadmodum & fides domini qui eam promisit, est sempiterna, quæ tandem amentia vexauit Iudeos, ut bona sempiterna ad opes fluxas transferenda putarēt. Quis illos delusit? Eorū cupiditas, & mentis angustia, & animus terrenis rebus nimis addictus. Diuina namq. testimonia clarissima sunt: quibus probatur Christi regnum bonis animi contineri: illiusq. gentes vniuersas participes fore: illudq. finem nullis vnquam seculis habiturum. Itaque diuitiarum terrestrium immanis cupiditas, & detestabilis inuidia, animiq. abiecti atq. demissi flagitium, & spes fallaces, & cogitationes inanes illos ex patrimonio cælestis hereditatis præcipites eiecerunt. Et tamen sunt qui dicant, nondum gentes vniuersas Christum sequi, quasi sit necesse per gentes vniuersas omnes homines intelligi, & non ex omnibus gentibus esse delectos, qui diuinam hereditatem cernerent: aut parum constet vniuersitatis nomine nationem vnā voluntatis consensione conspersionem contineri. Nunquam enim deerunt qui pietati furenter aduersentur: & tamen interim ex omnibus nationibus permulti alacritate mirabili ad Christum confluent. Nondum signa persequimur: ea tamen quæ adduximus, pro signis habenda sunt. Mirifice namque cum regno Christi consentiunt. Sed aliud est etiam considerandum, quæ apte tempori, quod fuerat olim oraculis diuinis præfinitum, cum Christi ipsius ætate

conueniat. In primis autem Iacob moriens cum singulis filijs fausta & felicia precaretur, & quæ erant vltimis tēporibus euentura prædiceret, sic Iudā filium affatus est. Iuda te laudabunt fratres tui: manus tua in ceruice inimicorum tuorū: adorabunt te filij patris tui. Tria fore cōmemorat, dum Iudā alloquitur: primum est, vt eum fratres eximie laudēt: alterum, vt hostes viribus illius opprimantur: tertium, vt illū fratres adorent. Laus insignis honestati, victoria præclara virtuti, adoratio autem numinis sanctitati tribuenda est. Hæc autem in Iudam conuenire non poterant. Quæ enim laus Iudæ tam illustris extitit, vt tanto intervallo fratrum laudes exuperaret? Quas de hoste victorias consecutus est, vt merito dici potuisset, illum manu sua hostium ceruices oppressurū? Quo in loco fratres illum quasi numen in eo lateret, venerati sunt? Non igitur hæc oratio de Iuda, sed de Christo, qui erat Iudæ sanguine propagandus, habetur. Id autem Rabinorum sententia confirmat. Id enim decernunt, quoties in scriptura sancta reperitur aliquid vltimis temporibus futurum, toties illud quod scriptum est, esse ad Messiae tempora referendum. Quem admodum hoc in loco cum Iacob filios admonuit, vt attente audirent, se quæ vltimis temporibus futura essent nunciaturum asseruit. Ea deinde quæ sequuntur magis perspicuum faciunt hæc præcipuè ad Christum pertinere. Catulus, inquit, Leonis Iuda, à præda fili mi ascendisti, abiecit se & accubuit vt Leo, & quasi Leæna, ecquis suscitabit eum? Leo è præda rediens ita decumbit, vt iacens atq. adeo cōsopitus omnibus formidini sit, ita vt nemo illum

excitare audeat. Robore igitur suo nixus confidenter accumbit, atq. somnum etiam capit. Hæc autem quo pacto in Iudam quadrant? Nam quas prædas egit, ille? qua sui ipsius fiducia sine ullo timore hostiū placidissimo somno consopitus est? Quo vnquam terrore hostes suos exanimauit? An parum liquet hæc omnia de Christo sub Iudæ nomine prænunciata fuisse? Illius enim decus, excellens omnes fratres, admirantur: illius in bello, virtutem sempiterni, hostes extimescunt: illius numen ij quos pater summus filios adoptauit, sanctissime colunt. Hic rectores tenebrarum spoliavit: & morti necem intulit, clarissimumque triumphum duxit. Cum autem in sepulcro decumberet, quis illius dormientis impetum & virtutem sustinuit? Tunc enim inferorum manium claustra reuellēbat: & eorum copias inuicta virtute dissipabat. Addit deinde, Non auferetur sceptrum de tribu Iudæ, & legislator de femore eius, donec veniat qui mittendus est. Interpres ita vertit quasi משיח apud Hebræos esset. Et ita fortasse scriptum aliquando fuit, & postea, vt alia similiter deprauatum. Nunc scriptum est משיח quod multi interpretantur, quod ei, vt sit sensus, donec veniat, id quod ei promissum est. Hanc autem sententiam confirmant septuaginta interpretes. Sic enim vertunt: ἵσως ἀν' ἡλδ' τὰ ἀπεικμαίνα αὐτοῦ. Id est autem, donec veniant, quæ seruata sunt ei. Sunt qui verbum משיח filium eius interpretentur. Quocumq. tamen modo hoc nomen Hebræorum explicetur, omnes consentiunt per illud vel Christum, vel Christi opes designari. Chaldaicus vero interpres Messia nomine hanc vocem explicat. Hoc igitur est.



est quod dicit Iacob. Nunquam ex stirpe Iudæ principem & reip. moderatorem defuturum, donec Christus aduenerit. Itaq. factum est, ut tribus illa multos viros principes, & duces, & reges ederet, & multos etiā qui remp. auctoritate & consilio iuuarēt, ex se procrearet. Quadraginta annis quibus Hebræi in solitudine versati sunt, Iudæ princeps semper fuit reliquis principibus antelatus. Itaq. primus castra mouebat: primus agmen ducebat: primus dona & victimas offerebat. Post Iesu filij Num mortē ad illā tribum auctoritas summa delata est, & maxima belli munera permissa. At postquā Dauid ex eadem tribu oriundus imperium, & nomen Regis obtinuit, regnum in eadem stirpe vsq. ad sedeciam Regem continuata successione permansit. Quantum autem hæc tribus excelleret dignitate, vel ex hoc existimari potest, quod cum militum delectus ex omni Israhæle habebatur, copiarum Iudæ separatim mentio fiebat. Postquam vero Hebræi Babylonem abducti sunt, nec in illa quidē seruitute Iudæ nomen atq. dignitas obsoleuit. Ob eam igitur causam Hebræi reliqui gentis nobilitate ducti Iudæ nomen secuti sunt, ita ut Iudæi omnes appellarentur. Libertate autē recuperata, Zorobabel qui nepos erat Iechoniæ Regis populi moderationē suscepit. Pontifices deinde imperium tenuerunt, qui quāuis ex stirpe Leui procreati fuissent, erant tamen ijs qui originem à Iudæ ducebāt sanguine cōiunctissimi. Vigebat præterea septuaginta senum auctoritas summa, qui postquam Iudæi Ierosolymam rediēre, omnes, aut maxima eorum pars genus ad Iudam referebat. Hoc consiliū Iudæi Senaëdrim vocabant, nomen Græcum

## DE SAPIENTIA

nempe <sup>omnesque</sup> secuti. Multa namq. eiusmodi nomina post illud exilium, à Chaldeis, & Persis, & Græcis ascinerunt. Auctoritas huius senatus vsq. ad Herodē integra & inuiolata permāsit: & de illius consilio & sententia pontifices qui tādē Reges appellati sunt, reip. administrabant. Nunquam igitur aut principes, aut Reges, aut reip. moderatores in Iudæ stirpe defuerunt vsq. ad Herodē, qui contra ius & fas cum esset Ascalonita, & à Iudæorū genere prorsus alienus, in regni opes inuasit. Is Aristobulum pontificem ad quem regnum iure veniebat, per summum scelus interemit, senatusq. gravitatem afflixit: ita vt nomen tantum cōsiliij atque senatus obtineret, vis autem & auctoritas penitus abrogaretur. Eo igitur tēpore Christus natus est, quo regium nomen ad alienos translatum fuerat: quo Iudæ nomē occiderat: ita vt stirps ipsius Iudæ penitus excisa videretur. Et sic demum vaticinatio patris sanctissimi euētu verissimo cōprobata fuit. Huic prædictioni cōsentaneum est testimoniū Danielis attexere, quod est paullo fusius explicādum. Cū enim, vt ipse refert, Ieremiæ monimēta versaret, locum illum attētissima cōsideratiōe perlegit, in quo erat Iudæorū exiliū, quo Babylonē abducti sunt septuaginta annorum spatio definitum. Poterat tamen dubitari, an numerus ille esset expletus. Bis enim fuerāt Iudæi à Rege Babylonis in exiliū abducti. Primū quidē cum regnaret Ioachim, iterum vero regnāte Sedecia. Daniel igitur, vt de hac tēporis ratione certus esse posset, in preces cōuersus veniā sibi, & vniuerso populo summa cōtentione postulauit: & Dei infinitā clementiā obtestatus est, vt res Iudæorū afflictas respiceret.

spiceret. Angel' autē Gabriel illi in precib' occurrit, et his ver-  
 bis eū dē affatus est. Daniel, nūc egressus sum, vt docerē te, &  
 intelligeres. Ab exordio precū tuarū egressus est sermo, hoc  
 est exitum habuit prædictio illa Ieremiæ qua de libertate po-  
 puli vaticinatus est, quæ erat opera Cyri regis afferēda. Erat  
 autē ille ānus septuagesimus ab eo quo Ioachin abductus Ba-  
 bylonē fuerat. Is autē erat primus annus Cyri, qui non solum  
 Iudeis libertatē restituit, sed eos etiā multis muneribus affe-  
 cit. Sed cum Ieremias nō modo futurā libertatē prædixisset,  
 verū & vrbis instauratiōē, & verissimā libertatē, quæ vera  
 & sempiterna iustitia cōtinetur præmōstrauisset, nullumq.  
 certum tēpus intra quod erāt illa summa Dei beneficia con-  
 ferenda explicuisset, Angelus id aperiendam suscipit. Inquit  
 igitur. Ego veni, vt indicārē tibi, quia vir desideriorum es, vt  
 animaduertas verbum, & intelligas visionē. Et his quidem  
 verbis ostēdit altissimarū, atq. diuinarum rerum ardētissimā  
 cupiditatē nō posse diuinæ sapiētiae fructu destitui. Ait dein-  
 de. Septuaginta hebdomades definitæ sunt super populū tuū,  
 & super ciuitatē sanctā tuam, vt imponatur finis sceleri, &  
 obsignetur peccatum, & expietur iniquitas, & afferatur ius-  
 titia sempiterna, & obsignetur visio & prophetia, & vnga-  
 tur sanctus sanctorū. Commodum fuit, vt quēadmodū Ieremias  
 septuaginta ānos illi libertati recuperāda præfinierat, quæ  
 ad hāc vitā pertinet exiguam, & arumnosam, & aui breuif-  
 simi spatio circumscriptam, quam Cyrus erat allaturus: ita  
 Gabriel Angelus numero septies multiplicato septuaginta  
 hebdomadam tēpus assignaret, intra quod erat vera atque

## DE SAPIENTIA.

sempiterna libertas opera Cyri, sed Christi optimi maximi illis qui cum fide illum sectarentur, magnificentissime conferenda. Illud autem satis perspicuum est, cum in sanctis literis duplex hebdomadum genus reperiatur, vnum dierum, alterum annorum, hoc in loco hebdomadas annorum intelligendas esse, quoniam quaelibet annos septem continet. Sed quomodo hæc incundissima libertas constituta sit, operæ pretium erit attendere. Vt imponatur (inquit) finis scelerum. Est enim scelus impietas in Deum, quæ quidem in se flagitiorum omnium seminarium continet. Et obsignetur peccatum, ne videlicet extet & emineat, sed ita Dei beneficio tegatur, quasi nunquam commissum fuisset, quæadmodum David dicit, Beati quorum remissæ sunt iniquitates, & quorum tecta sunt peccata. Et expietur, inquit, iniquitas. In quo nos admonet iniquitate religionem violari, quæ est sacris sanctissimis expianda. Et afferatur iustitia sempiterna. Repellit legis iustitiâ in umbris positam, verissimæque iustitiæ fructum celestem atque sempiternum pollicetur. Cum vero seruitus nihil aliud sit, quam humilis & fracta mentis abiectæ demissio, iniquitatis atq. libidinis legibus astrictæ, & flagitio atque dedecori seruientis, illa certè demum vera libertas est existimanda, quæ pietatis iugum repulit: quæ peccati immanitatem profligauit: quæ tyrannidem iniustitiæ deleuit: quæ sempiternæ iustitiæ compos est. Ad eam vero iustitiam explicandam omnia legis atque Prophetarum testimonia referuntur. Et idcirco adiungitur, Et obsignetur visio & prophetia. Obsignata est visio & prophetia, cum fides legis atque prophetarum

uentu verissimo comprobata fuit: cum lex finem suum nempe Christum fuit mirifice consecuta. Omnia siquidem legis atque prophetarum monimenta ad Ioannis disciplinam, qui Christum indicauit conferuntur. Est etiam obsignata visio & prophetia: quia imagines rerum & predicationes non ita necessarie sunt, cum veritas ipsa perspicitur, & solidi & expressi fructus bonorum diuinorum in animo fidei conduntur: & lux caelestis atque diuina mentis oculis vsurpatur. Sed vnde, aut cuius opera tanta copia munerum diuinorum erat ad homines peruentura? Per Christum. certè inquit. Hoc enim significat cum ait, Et vngatur sanctus sanctorum. Ille nempe quem vnxit Deus spiritu sancto, & virtute. Sanctus enim sanctorum non modo propter sanctitatis excellentiam, sed etiam propter sanctitatis efficientiam nominatur. Nam non solum sanctus est, sed omnibus sanctis hominibus, sanctitatis causam attulit. Quemadmodum Ioannes ait: Et de plenitudine eius omnes nos accepimus. Hic opus erat, vt animus spe tantæ felicitatis erectus inquireret, vnde erat exordium temporis praesentis capiendum, vt intelligeret, quo tempore erat humanum genus tam diuino beneficio cumulandum. Vt igitur Angelus Danielis voto satisfaciat ait, Animum aduerte, & intellige. Ab exitu verbi, vt instauretur & aedificetur Ierusalem, vsque ad Christum: principem hebdomades septem, & hebdomades sexaginta due. Ab exitu, inquit, verbi non libertatis, quæ iam parta est, de qua vaticinatus est Ieremias, sed ab exitu verbi de vrbis instauratione, quam idem vir diuinitus fore



## DE SAPIENTIA

*prædixit, numerandæ sunt primum hebdomades septem, quæ  
 sunt videlicet in vrbe ædificanda atque munienda consumen-  
 dæ. Deinde aliæ sexaginta duæ, vsque ad illud tempus quo  
 Christus princeps, quæ sanctum sanctorum nomino, se ad ho-  
 mines docendos dederit perducendæ. Quia tamen dixerat, Ab  
 exitu verbi, vt ædificetur Ierusalem, docet quomodo ciuitas  
 ædificanda sit. Ait enim, Instaurabitur & ædificabitur vr-  
 bis latitudo, & muri ambitus, & quidem in angustia tempo-  
 rum. In angustia, inquit, temporum propter eorum improbi-  
 tatem qui opus impediebant, & Iudeos multis incommodis  
 & angoribus afflictabant. Ait deinde, Et post sexaginta &  
 duas hebdomades excindetur Christus, & non ipsi. Ab  
 opere vrbs absoluto ad Christi necem, vt ex hoc loco perspi-  
 citur, duæ & sexaginta hebdomades effluxerunt, quibus  
 si septem primas addideris, sexaginta & nouem colliges, post  
 quas, hebdomada nempe septuagesima, quæ numeranda re-  
 stabat, erat Christus occidendus. Quid est autem quod ait,  
 Et non ipsi? Quia nihil fuit in Christi supplicio de illius am-  
 plitudine, de illius imperij maiestate, de illius sacerdotij san-  
 ctitate detractum. Dedit illi namq. pater nomen quod est su-  
 per omne nomen, vt in nomine Iesu omne genu flectatur cele-  
 stium, terrestrium & infernorum. Si igitur excisus fuit, Iudeis  
 excisus fuit. Nec enim illius præsentî numine liberari pote-  
 runt, donec dicât, Benedictus qui venit in nomine dñi. Paucis  
 deinde interiectis ait. Confirmabit autē pactū hebdomas vnæ:  
 & in dimidio hebdomadis deficiet hostia & sacrificium. Hæc  
 est autē hebdomas illa quæ numerada restabat: intra quā fœ-  
 dus*



dus nouum Christi sanguine factum fuit, & hostia, & sacrificium legis antiquæ defecit, & omnis adumbrata sanctitatis institutio interuētū solida & expressæ sanctitatis euanuit. Nō enim sanguis vitulorum, aut hircorum Dei numē placare, & hominum gen<sup>o</sup> à sempiterna peste redimere potuit. Solus Christi sanguis pro nobis in cruce profusus vim sempiternā obtinuit, quæ mētes humanas expiaret, patrisq. numē à seueritate ad clementiā infinitā inflecteret. Dimidio igitur hebdomadis quæ Christus nouum fœdus sanguine pprio sanxit, vetustum fœdus abrogauit. Nunc autē cōsequens est, vt à quo tēpore sit hic annorum numerus ducēdus explicetur. Atq. primum Iudæorum sententia irridēda est. Sunt enim pessimi antiquitatis auctores. Nec enim cū à sanctis literis deferuntur, Græcorum, aut Romanorum annales euoluunt, sed fabulas tātum suas legunt. Cum vero in locum paullo difficiliore incidunt, vt se expediant, portenta cōfingunt, & tēpora vel cōtrahunt, vel dilatant, neq. iudicium suum rebus ipsis, sed res opinionibus suis violēter accōmodant. Inde factum est, vt secundum tēplum quadringentis & viginti annis cōstitisse dicāt, cum cōstet illud circiter quingētis & nonaginta annis integrū permāsisse. Hæc vero imperitiā Iosephus redarguit qui sexcētis & triginta & nouē annis secundum tēplum durauisse cōfirmat. Non enim à sexto anno Darij quo tēplum absolutum fuit, sed à primo Cyri anno, quo fundamenta illius iacta sunt, numerum ducit. Et quanquam Iosephus nō semper in annorum recensione valde diligens sit, nimis enim interdum memorie confidebat, illius tamen testimonium, in quantā

## DE SAPIENTIA

temporum ignoratione Iudaei recentiores versentur, clare demonstrat. Error autem illorum inde natus est, quod opinati sunt, per exitum verbi, quod est apud Daniele, non praedictionis effectum, sed orationis emissae pronuntiationem intelligi debere. Cum igitur hebdomadas septuaginta à Ieremie praedictione numerent, & eum numerum ad templi euerfionem pertrahere conentur, ut sententiam tueri queant, Cyri imperium annis tribus definiunt: Reges multos silentio supprimunt: aetates in angustum contrahunt: usque eodum id quod temere suspicati sunt, verum esse persuadeant. In quo tamen seipsos iugulant. Quo enim citius hebdomadam numerum expletum fuisse constiterit, eo clarius eorum pertinacia conuincetur. Sed Iudaeorum inscitia minime admiranda est. Sunt enim illorum sententiae eiusmodi, ut passim eorum stupor immanis appareat. Eusebium autem virum longe doctissimum admiror, quid illi venerit in mentem, in tam absurdam sententiam incidere. Nam cum Africani sententiam in medium attulisset, suam tandem interposuit, qua statuit hebdomadam numerum esse à Cyri Regno inchoandum. Quod si fieret, non poterat vlllo modo numerus annorum ad Christi vitam peruenire. Itaque in Herodis regno constitit, & Gabrielis effatum de Christi nece tum effectum habuisse dicit. Non enim per Christum principem Christum Dei filium intelligit: sed pontificiam dignitatem, quam Herodes affluxit, aut potius, ut ille dicit, omnino sustulit. Duos enim pontifices nempe Hyrcanum & Aristobulum qui Christi more atq. prae scripto legis

legis appellabatur, interemit illudq. deinde munus ad eos, qui non erant ex stirpe sacerdotum pretio delegavit. Primum quidem hoc falsum est. Ut enim Herodes tyrannice pontificis dignitatem ab Assamoneis in alios quosuis homines transferret, non ita tamen, ut sacerdotalis generis rationem minimè habendam esse putaret. Sed Eusebius memoria lapsus est, & id quod Iosephus tyrannis illis attribuit, qui Ierosolymam cum urbis occasus appropinquabat, armis oppresserunt, qui in sacerdotijs mandandis, nullam Levitici generis, sed pecuniæ rationem habebant, ad Herodem refert. Deinde si ita esset, quorsum attinebat, illam hebdomadam distinctionem induci, ut primo septem, deinceps duæ & sexaginta ponerentur: postremo una eademque septuagesima intra quam Christus occideretur, totum numerum terminaret? Deinde quomodo verum est, ut tum demum post illum annorum numerum vngeretur sanctus sanctorum, si unctio hoc in loco unctio legis intelligenda est? Antiqui pontifices non ungebantur? Quod igitur mirum Angelus nuntiabat, si dicebat fore, ut id quod erat solenne, & usitatum, & lege etiam constitutum in pontificibus illis fieret? Quod si dicas illud legis unguentum obsoletum fuisse, & priscum morem ungendi pontificis abrogatum, dicam, si id verum est, nec Hyrcanum quidem fuisse legis ipsius unguento delibutum. Præterea qui sanctus sanctorum poterat appellari, nisi tantum summus, ille totius sanctitatis fons & origo? Vellem præterea, ut explicaret Eusebius, quæ fuerit hebdomas illa, qua fœdus firmatum fuit, aut quæ religio fœderis illa fuit, aut quid illa sancitum extiterit. Tum vero semper

## DE SAPIENTIA

terna iustitia quæ alia poterit esse, nisi quam Christus iustitiæ verissimæ atq. sempiternæ parēs & auctor induxit? Tū illud etiam falsum est, Herodis tempore sacerdotium abrogatum fuisse. Si enim id verum fuisset, nunquam Zacharias Ioannis Baptiste pater litauisset: nunquam Christus leprosos sacerdotū iudicio cōmisisset: nunquā deniq. Cayphas cū esset omnium mortalium scelestissimus, aliquid tamen propter muneris pōtificij sanctitatē, afflatus diuino numine protulisset. Vt autem aliud nihil dicā, non aduertit Eusebius nō dixisse Gabrielem ab exitu verbi vt tēpli fundamenta iaciātur, sed ab exitu verbi vt ædificetur Ierusalē, vsq. ad Christū ducem, hebdomades septem & hebdomades duæ & sexaginta. Hæc igitur Eusebij sentētia respuatur, cum tā multa absurdæ cōtineat. Lōge rectius Africanus. Censet enim numerum hunc à vicesimo anno Regis Artaxerxis incundum. Hic autē annus fuit centesimus decimus quintus à primo Cyri anno, quo tēplum ædificari capit. Opus deinde fuit gentium finitimarum peruersitate sæpe prohibitum: anno tandē quinto & quadragesimo, aut, vt Iudæi apud Ioannē dicebāt, sexto & quadragesimo, absolutum fuit, anno sexto Darij Histaspis filij. Post absolutum tēplum vixit Darius annis triginta, Xerxes illius filius regnavit annis viginti. Artaxerxis anno vigesimo (hi summam septuaginta annorum faciunt) Nehemias ab Artaxerxe ciuitatis instaurandæ facultatē impetrauit. Porro autē de his septuaginta annis quibus post absolutum tēplum vrbs immunita atq. deserta permāsit, est intelligendus ille Zachariæ locus quo sibi per visum demonstratum fuisse

fuisse dicit Angelum Iudeorum causam egisse, atq. dixisse,  
 Dñe quousq. misericordiā nō tribuis vr bibis Iude, qui tunc  
 iratus es his septuaginta annis? Si enim de septuaginta annis  
 quibus Iudaei in exilio fuerunt loqueretur, inepta fuisset ora-  
 tio. Hoc enim visum fuit diuinitus ostēsum Zachariā, anno  
 secundo Darij, qui fuit circiter cētesimus decimus ab eo quo  
 Iudaei Babylonē abducti fuerāt. Quāvis autē eo tēpore, quo  
 id vidit Zacharias, illi septuaginta anni quos dicimus nōdū  
 cepissent, mirum videri nō debet, cum vt propheta, de diuina  
 mente futura praeuinciatuerit. Hi igitur anni septuaginta de  
 quibus Zacharias loquitur, ab anno sexto Darij ad vicesimū  
 Artaxerxis ducendi sunt. Ab eo vero anno sunt hebdomades  
 Danielis (vt auctor est Africanus) in chaldaea. Nō erit tamē  
 alienu, quā parum olympiadū ratio ab hac cōputandae ratione  
 discrepat, animaduertere. Annus vicesimus Artaxerxis fuit  
 olympiade, vt doctissimi viri phibēt, octogesima tertia, anno  
 quarto. Annus vero quintus decimus Tiberij Caesaris, quo Iohā-  
 nes Christo viā munire capit, extitit olympiade ducentesima  
 secūda, anno secundo. Inter utrāq. igitur olympiadē centū de-  
 cē & octo olympiades interiectae sunt. Hae quadringētos & se-  
 ptuaginta & duos ānos efficiūt. His si addideris vnum annū  
 octogesima tertiae olympiadis, & duas praeerea ducēsimae  
 secūdae, quadringētos & septuaginta & quinque annos colli-  
 ges. Huic rationi regnorum tēpora minime refragantur. Per-  
 sarum epim regnū durauit annis ducētis atq. triginta. Grie-  
 corū vero imperiū annis circiter trecētis. Tot epim ab inter-  
 tu vltimi Darij, ad Cleopatram necā interfuerit. Inde ad quāntū  
 deci-

decimum, vel potius sextum decimum imperij Tiberij Caesaris, cuius principio Christus numen suum indicare cepit, anni circiter sexaginta numerantur. Hi summam annorum quingentorum atq. nonaginta faciunt. Ab hac summa, si annos centum & quindecim deduxeris, tot enim à primo Cyri anno ad vicesimum Artaxerxis computantur, reliqui sunt quadringenti & septuaginta quinque anni. His adiuncta septuagesima hebdomade, quæ numeranda restabat, post quintum decimum Tiberij Caesaris annum, quadringentorum & octoginta & duorum annorum summa conficitur, ita ut octo tantum anni desint, secundum olympiadum rationem ad summam septuaginta hebdomadam, quam Gabriel Angelus prædixit, explenda. Quod mirum videri non debet. Nec enim tam certus est apud Græcos olympiadum numerus, ut non sæpe inter se dissideant, dum quidam aliquid ad unam olympiadem, alij ad aliam referunt. Præterea multum refert, quoto anno cuiuslibet olympiadis, aut quoto mense unius anni, aut die aliquid gestum fuisse dicatur: quas temporum minutias exactè persequi est difficilissimum. Accedit error scribarum, qui sæpe numerorum notis abutuntur, & unum pro alio ponunt. Quare mirum videri non debet, multos in olympiadum ratione à verissima computatione discrepare. Africanus tamen, ut hunc nodum expediret, exemit ex integris annis dies intercalares, quos inseri certis annis opus erat, ne temporum perturbatio fieret. Nam cum Hebræi duodecim mensibus ad lunæ cursum descriptis, ut Græci atq. Romani ante Iulium Cæsarem faciebant, annum definiunt, & ita singulis annis undecim dies & quarta circiter



vnius diei pars deessent, ad solidum annum qui solis naturali  
 conuersione conficitur, necesse erat certis temporibus certum  
 dierum numerum interponi, vt menstruæ lunæ cursus cum so-  
 lis ratione congruerent. Hos igitur dies Africanus eximit,  
 & ex illis ad rationem annorum quibus utebantur Hebræi  
 reductis, annos quindecim facit. Hos autem ad quadringen-  
 tos & septuaginta & quinque annos, tot enim demonstraui-  
 mus inter viceßimum Artaxerxis annum, & quintumdeci-  
 mum Tiberij intercessisse, adiungit, vt quadringentorum &  
 nonaginta annorum summam expleat. Quod quidem nimis  
 inconsideratè & nimis licenter effecit. Primum enim inter-  
 calares dies eximere, qui sunt insiti necessario, ne temporum  
 perturbatio, & confusio sequeretur, non est explere certum  
 & definitum annorum numerum, sed temporum ordinē cer-  
 tum & necessaria ratione constitutum disturbare. Deinde nō  
 animaduertit vir diligentissimus vnam hebdomadem nempe  
 septuagesimā in eundem numerū includi minime posse. Ea  
 namque post quintumdecimum Tiberij annum censenda est.  
 Tolerabilius certè multo fuisset, non nimis olympiadum nu-  
 meris astringi, quam vim contra ius & fas temporibus intē-  
 tare. Sed vt opiniones omittamus, certum mihi est illius sen-  
 tentiam qui labi non potest arctissime complecti. Iudæi tur-  
 pissime delirant: Eusebius toto cælo aberrat: Africanus vt  
 ad olympiades adhærescat, tempora conturbat. At ego habeo  
 certissimum antiquitatis auctorem, quem qui secuti fuerint,  
 errare non poterunt. Quis inquis ille est? Daniel Propheta,  
 aut vt rectius dicam, Angelus Gabriel, qui Danielē erudiuit.

## DE SAPIENTIA

*Is igitur dicit futurum, ut ab euentu prædictionis Ieremiæ, qua de instauratione vrbis illius Ierosolymitanæ vaticinatus fuerat, septem prius hebdomadas annorum, deinde post urbem videlicet instauratam, alias sexaginta & duas numeremus, quo tempore futurum dicit, ut Christus Pontifex, Rex, & Imperator noster vim sui numinis in sceleribus exterminandis, & in animis expiandis indicaret. Aliam deinde hebdomadam adiungit, quæ fœdus sanciret, & confirmaret, qua dimidiata, hoc est intra quam (nec enim semper medium in sanctis literis medium Aritmeticum significat) erat Christus occidendus, & per illud sacrificium sanctissimum adumbrata sacrorum sanctitas obliteranda. Hoc tempus effluxisse nouimus: & quo tempore transacta omnia sunt, exploratum habemus: vnde sint hebdomades inchoande minimè laboramus. Vt tamen quod opinor libere dicam, is sum qui putem, eos qui à vicesimo Artaxerxis anno numerum hunc annorum ducunt, errare. Quomodo? Inquires. Quia non eo anno vrbis ædificari atque muniri capit. Gabriel vero monet, ut ab exitu verbi, hoc est ab euentu prædictionis Ieremiæ de instauratione ciuitate numerum colligamus. Ergo si constiterit aliquot annis ante ædificari urbem cepisse, non ne perspicuum erit, ab eo tempore, & non à vicesimo Artaxerxis anno septuaginta hebdomadas esse computandas? At id ex Nebemia facillimè constat. Narrat enim ille fuisse anno vicesimo Artaxerxis allatum sibi nuncium de incommotis quibus affecti erant illi Iudæi, qui Ierosolymam incolebant. Muri enim excisi fuerant & gentibus*

gentibus finitimis, & portæ urbis exustæ. Quos muros quæ-  
so disiectos, aut quas portas ambustas fuisse conqueritur?  
Illos ne muros, quos Chaldaei disturbauerant, aut portas, quæ  
fuerant in cinerē in urbis cōmuni incendio redactæ? Ineptum  
certē fuisset, cladem quæ centum & quindecim iā annis ac-  
cepta fuerat, quasi recentem calamitatē lamentari: aut certē  
de re tam antiqua, quasi paucis illis diebus accidisset, nunciū  
afferri. Illi igitur muri quos vicina gentes maxima ex parte  
disiecerant, & portæ quas exusserant ad opus nouum perti-  
nebant. Ergo constat multo ante vicesimum annum Artaxerxis  
mœnia & muros excitari cœpisse. Sed quo tempore  
operis fundamēta iacta sunt? Num anno quinto Artaxerxis,  
quo tempore Esdras Ierosolymam venit, vt populum legis dis-  
ciplinis instrueret? Non prorsus. Nec enim apud Esdram fit  
operis illius mētio, quod si tunc inchoatum fuisset, id Esdras  
minimē tacuisset. Esdras præterea primis illis diebus omnē  
operam, & studium in legis disciplina, & in ornamentis tem-  
pli, & in constituenda religione consumpsit. Post aliquos an-  
nos, cum Artaxerxes egregia in Iudæos voluntate propende-  
ret, factum est, vt illi ea principis humanitate freti muros &  
mœnia instauranda susciperent. At gentes finitimæ inuidia  
furentes opus maxima ex parte disiecerunt: & probris innu-  
merabilibus Iudæos affecerunt. De hac iniuria grauem que-  
rimoniam apud Artaxerxem habuit Nehemias: & ad eam  
propulsandæ opes & præsidium postulauit. Ierosolymā igi-  
tur profectus operā dedit, vt quod corruerat instauraret: &  
quod inchoatū fuerat absolueret: urbēq. firmissimē muniret.

## DE SAPIENTIA.

Quod tamen opus non ita facile perfici poterat, cum hostes in Iudæos frequenter incurfarent. Iudæi igitur necessario erant in duas partes distributi, ita ut una pars operi diligenter incumberet: altera vero pars armis hostem repelleret. Ex anno igitur Artaxerxis viceſimo urbs Nehemiæ præſidio liberius ædificari, & frequētari cæpit. Opus tamen aliquant ante annis inceptum fuerat, à quo tempore hebdomades incipiente sunt. Quotus ille inquit annus fuit: ut verum fatear ignoro. Hoc unum ſi sic, nec fuſſe quintum, neq. viceſimum Artaxerxis annum, ut demonſtratum arbitror: ſed aliquem inter hos duos annos interiectum. Si igitur Olympiadum ratio vera & conſtās eſt, ſi Artaxerxis viceſimus annus fuit quartus annus Olympiadis tertie & octogefimæ, & ita ſi ducenteſima ſecunda olympiade anno ſecundo Ioannes ſibi aſſignatum munus obire cæpit, neceſſario concluditur exordium hebdomadum à duodecimo Artaxerxis anno ſumendum eſſe. Sic autem ut ex ante dictis intelligi poteſt, olympiadum numerus ad rationem hebdomadum apte quadrabit. Octo namque anni qui deerant à principia ædificationis ſumi poterunt, cui rationi nullum ſanctarum literarum teſtimoniū repugnat. Sed ut iam ex his ſcopulis enavigare poſſit oratio, hoc certè conſtat, illud Gabrielis effatum de hebdomadum termino ad Chriſtum humane ſalutis auctorem pertinere. Siue igitur, à primi templi exciſione ut Iudæi faciunt, hebdomadum ſumas initium, ſiue cum Africano à viceſimo anno Artaxerxis numerum inceas, ſiue ſi olympiadum ratio conſtans eſt, ipſa nos facere admonet à duodecimo Artaxerxis

anno

anno hanc annorum summam efficere velis, siue quamcumq.  
 aliam opinionem eorum, qui de hac quæstione differuerunt, se  
 qui constituas, hoc certè perspicuum est, illas hebdomadas  
 multis ab hinc seculis effluxisse. Quæ igitur amentia ludæos  
 vexat? Quis eorum mentes furor exagitat? Quæ tam diræ  
 pænæ gentem sceleratam, & impiam persequuntur? Quod  
 tam durum scelus in se conceperunt, ob quod sanitate mentis  
 spoliantur? Quo l quidem supplicium tantum fuit, vt reli-  
 qua omnia mala magnitudine superaret. Nullum namque  
 supplicium esse poterit mentis cecitate funestius. At illi ita  
 excæcati sunt in clarissimo numinis diuini testimonio, in cer-  
 tissima temporum ratione, in luceque meridiana, quasi in te-  
 nebris ruant, & errore immaniſſimo compleantur. In qua  
 quidem miseranda caligine debitas pœnas facinoris illius quo  
 nullum maius cogitari potest, expendunt. Illum enim pon-  
 tificem maximum nō vñctione legis antiquæ, sed spiritus san-  
 cti numine perfusum, illum sanctū sanctorum totius sancti-  
 tatis & pietatis architectum, illum sceleris extinctorē, mor-  
 tis euersorem, vitæ, salutis, atque dignitatis auctorem, qui  
 diuinum statum omnibus offerebat, in crucem immaniſſimè  
 sustulerunt. Nunc veniat Aggæus, vt non minus vehemen-  
 ter perditæ gentis amentiam conuincat. Sic enim apud illum  
 Deus loquitur. Adbuc semel & breui, commouebo cælum &  
 terram, & mare, & desertum, & incultum solum. Et com-  
 mouebo omnes gentes, & veniet bonum cunctis gentibus ex-  
 petendum: & implebo domum istam gloria. Maior erit glo-  
 ria domus huius posterioris quā prioris, dicit dominus exer-

## DE SAPIENTIA

cituum: & dabo pacē in loco isto, dicit dominus exercituum.  
 Hoc in loco Deus ipse prædicit fore, vt secundum templum  
 primo clarius futurum sit. Id autē quomodo fieri potuisset?  
 Primum enim quod Solomō adificauit, fuit magnitudine am-  
 plius, opibus illustrius, opere pulchrius, & magnificentius. Il-  
 lud non principes humiles, & inopes, non ita pridē ē seruitute  
 liberati, sed Rex opulentissimus, sapientissimus, summis sum-  
 ptibus extruxit: & singulari quadā religione dedicauit. In  
 illius antiqui tēpli dedicatione Deus præsentiam suam decla-  
 rauit, & quod maximū fuit olim placatissimi nūminis argu-  
 mentum, ignis à cælo demissus hostias admirabili incendio cō-  
 sumpsit. Erat præterea in primo tēplo arca fœderis, erant ta-  
 bule manu Dei ipsius inscriptæ, erat ignis sempiternus ē cælo  
 demissus, crāt diuinæ clemētiæ monimenta. At in tēpli secun-  
 di statu res erāt afflictæ. Sic enim Iudæi libertatē recupera-  
 runt, vt nō omnino sui iuris essent, sed Persarū Regibus obe-  
 dirent. Interim vero vicinorum odio laborabāt, & bellis as-  
 idue vexabātur: opusq. fuit sæpe multis incōmodis intermis-  
 sum. At postquā fuit absolutum, neq. flāma cælestis, vt asse-  
 runt Iudæi, hostias deuorauit: neq. epulā fuit vt olim, vniuer-  
 so populo munifice datū. Arca fœderis, ignis cælestis reliquiæ  
 minimē cōparebant: Omnia namq. fuerant illis cōmuni exi-  
 tio & vastitate cōsumpta. Zorobabel quidē & alij qui prius  
 tēplum non viderant, gaudio exultabāt. Senes autē qui tēpli  
 antiqui magnificentiā memoria continebant, cum cernerent  
 quantum secundum illud tēplum ab antiquo distaret, lamen-  
 tis se dedebant. Et tamen Deus ipse dicit tēplum illud multo

clarius



clarius priore futurum. Claritatis autem rationem illam asſi-  
gnat, quod esset stante illo templo venturum. illud summum  
bonum, gentibus cunctis amabile & expetendum, quod erat  
sui luminis splendore templum illustraturum: & pacem ani-  
morum omnibus, qui disciplinam illius acciperent, daturum.  
Meum inquit est aurum, meum argentum. Quasi dicat, fa-  
cillimè potuissèm domum istā auro, & argēto, & margaritis  
exornare. Sed aliæ sunt opes multo clariores, quibus templum  
istud cumulare decreui. Implebo namq. domum istam gloria.  
Quæ gloria poterat esse, quæ tēpli primī gloriā superaret, ni-  
si Christi ipsius numen atq. disciplina, qua tēplum ipsum ma-  
gnificentissime decorauit? Aut ostendant Iudæi, quæ gloria  
fuit illa tanto prima clarior & magnificētior. Num est ali-  
quis adeo tardus & hebes, qui nō videat hanc diuinā promif-  
sionē ad Christum pertinere? Quis enim alius esse potuit, in  
quo gentes vitæ præsidia collocarēt? Quis salutē dare, & sem-  
piternā pacē conciliare posset? Ergo illo tēplo stāte opuserat,  
vt Christus adueniret: vt diuini promissi fides euentu certissi-  
mo cōprobaretur. At tēplum illud est dirutū, euerſum, flam-  
mis exustum, monimenta omnia cōminuta atq. dissipata: &  
tamen illi cum diuinū beneficium summa fide præstitū asper-  
nati sūt, spē alterius beneficij in inanitate constituendā arbi-  
trantur. Quid exspectant miseri? Cur tā multis seculis se spē  
fallaciſſima deludi patiuntur? Cur euerſo tēplo, quo stante be-  
neficium illud summū conferēdum erat, non similiter incisas  
inanes cogitationes esse considerant? Cælum in nostræ salutis  
exortu nouo gaudio cumulātū fuit: terræ noua et insolita luce

## DE SAPIENTIA

collustratæ sunt: gentes vltimæ certatim ad Christum inflam-  
mato studio confluerunt: soli Iudæi in spe tam diuini mune-  
ris enutriti, minimè cōmouentur: salutem suam producit: sum-  
mumque Dei beneficium execrāda temeritate cæci repudiāt.  
Tempus oraculo diuino præfinitum cernunt: ipsi tamen se ad  
inania quædam secula, quæ sibi finxere reseruant: templum  
funditus euersum lugent: & tamen suæ vitæ atq. salutis in-  
teritum minimè lamentantur: Christi aduentum Deus nō in  
tempus ita longinquum differendum esse promiserat: at illi  
neque tam multis seculis sine vllō fructu transactis quam ina-  
ni fiducia nitantur edoceri volunt. Id interim animaduertē-  
dum est, quam singulari ratione optimus ille parens & domi-  
nus eorum saluti prouiderit. Erant illi, quidem signis & ima-  
ginibus ad Christi fidem paulatim instituendi, antequā Chri-  
stus adueniret. Sed ne vmbreis assueti studio ipsius veri-  
tatis signis adumbratæ abicerent, Deus signa remouebat, vt  
veritatem intueri condiscerent. Tabernaculum fuit, ope-  
re excellenti constitutum, vt tabernaculum illud, quod non  
erat à loco in locum mutandum, nempe in quo Deus erat sem-  
per habiturus obscure designaret. Homines in tabernaculo  
illo vitæ præsidia constituenda putabant. Fuit igitur vtile,  
vt illud tabernaculum dissiparetur. Regnum erat fundandū  
quod imaginem regni sempiterni gereret. Ne autem homines  
in Solomonis regno spem salutis reponerent, fuit necesse re-  
gni illius opes diuidi, & imminui, tandemque extinguui, atq.  
deberi. Templum similiter quod diuini templi, quod est Chri-  
sti corpus, similitudinē cōtinebat, similiter excisum & inflā-  
matum

matum fuit: sacerdotium ob eam caussam funditus euersum  
est: secundum templum eundem casum subijt: omnia deniq. si-  
gna remota sunt, ne contemplationi veritatis ipsius officeret:  
& tamen Iudæi spoliati signis omnibus, nudati rerum imagi-  
nibus, mentem in verum templum signis designatum inten-  
dere, illudque intueri recusant.

## DE SAPIENTIA

### LIBER SECVNDVS.



**L L I** quidem qui diuinorum hominum scri-  
pta diligenter euoluerint, & prophetarum mo-  
nimenta exactè perpenderint, & quā apte om-  
nia quæ de Christi virtute, sanctitate, numine  
sempiterno, de tēpore deniq. quo erat terras lu-  
straturus, cum illius actibus & vita conueniant, mente perce-  
perint, non profecto signa Iudæorum more flagitabunt. Om-  
nia enim ita sunt clara & illustria, ut in dubium vocari mi-  
nimè possint. Instant & vrgēt nihilominus Iudæi, atq. signa  
petunt, quasi potuerint vnquam illi, quorum animi ad cale-  
stem disciplinam prorsus obduruerint, vllis signis ad sanitatē  
reuocari. Vt tamen illis aliquo modo satisficiamus, aliquot  
signa oratione perstringemus, quorum quedam Christi ortū  
antegressa sunt: quedam autem cum illius ætate coniuncta  
d. 5; fuerunt:

fuerunt: quædam postremo mortem illius & ascensum in cælum, & euāgelij latissimè diffusi disciplinā consequuta sunt. Vt ab antiquioribus & obscurioribus signis ordiamur, Isaac cum humeris ligna portauit, quibus erat, vt pater in animo habebat, inflammandus, Christi humilitatem, & obedientiam, & animi ardorē, quo erat pro salute humani generis immolā-  
 dus luculenter expressit. Iacob cum iter in Mesopotamiam haberet, & Deum innixum scale quæ in cælum penetrabat, per somnium vidit, Christi mētem sanctissimam, cui diuinum numen incumbit, mente contemplatus est. Ille enim scala est, per quam ascensus in cælum datur: & per quam ad nos bona cælestia Angelorum opera deferuntur. Itaque vir sanctus postquam experrectus fuit, tanti mysterij cōsideratione tremuit: & ait, Vere dominus erat in loco isto, & ego nesciebā. Dein de quam terribilis est inquit locus iste? Non est hic aliud nisi domus Dei, & porta cæli. Domus enim Dei est. In illo enim Deus verè atq. semper inhabitat: est etiā cali porta, nemini enim vnquam aditus in cælum nisi per Christum patuit. Et vt magis quod animo continebat, signo aliquo designaret, lapidem in monumentum statuit, quem oleo perfudit. Lapis enim Christum, quem literæ sanctæ lapidem appellare solēt, significabat: similiter & oleum, vñctionis diuinæ, qua Christus perfusus fuit, mysterium continebat. Ioseph à fratribus nefarie proditus, & spoliatus, & venditus, & in carcerem insidiis impurissimæ mulieris inclusus, & è carcere tandem liberatus, & in summo imperio constitutus, vt Aegyptios primum, deinde genus suum aleret, atq. sustentaret: Christi for-

mam gessit, qui erat suorum scelere prodendus, pecunia ho-  
 stibus addicendus, crudelitate & inuidia necandus: & è mor-  
 tis carcere virtute diuina reuocandus: vt primum gentium  
 vniuersitatem caelesti Pabulo nutriret: atque postremo Iu-  
 deorum genus ad illum conuersum eodem Pabulo satiare. Mosés  
 in ortu suo ad necem quæsitus, postea à suis impro-  
 batus, & metu in exilium pulsus, atque tandem populi  
 princeps, libertatis vin lex, salutis auctor, legislator, sacro-  
 rum antistes effectus est, vt Christi similitudinem gere-  
 ret, qui vt tyranni crudelitatem deuicaret, exulauit, &  
 inde reuersus salutem, libertatem, & dignitatem suorum  
 constituit: legem sempiternam sanxit: se in sacrificium ob-  
 tulit: proprioque sanguine litauit: violatamque religionem  
 expiauit: nostraque flagitia in profundo demersit, vt inuitis  
 hostibus à quibus expulsus & eiectus fuerat, imperio atque  
 sacerdotio sempiterno fungeretur. Virga Mosés in colubri spe-  
 ciem versa regiam Christi maiestatem in similitudine car-  
 nis peccati latentem (alieni siquidem peccati poenas ipse luit)  
 apertè designauit. Horror ille, qui Mosém perfudit, ita vt  
 virgam fugeret, crucis offensionem quæ à Christo Iudeos  
 alienauit, luculenter expressit. Cum vero Mosés Dei ius-  
 su caudam serpentis apprehenderet, virgæ præstinam spe-  
 ciem redditam aspexit: vt futuram Iudeorum conuersionem  
 adumbraret, quæ ultimis exilij temporibus ad Deum con-  
 uersi in Christo non peccati similitudinem, sed Regij deco-  
 ris amplitudinem intuebuntur. Quid arumorum pastus?  
 Quid herbarum agrestium amaritudo? Quid agni sanguis  
 adiuu

medium postibus atq; superis liminibus aspersus? Quid illa in  
 agno vorando celeritas atq; festinatio significabat? An parū  
 liquet istis signis & vitæ puritatem, & dedecoris admissi do-  
 lorem, & sanguinis illius quo sumus à peste sempiterna redē-  
 pti, virtutem, & ardentissimum pietatis studium quo Chri-  
 stus est in animi visceribus condendus, & summam denique  
 Christi benignitatem adumbrari? An hæc omnia, si non fuis-  
 sent maximarum rerum signa, tanta cæremonia & religione  
 fuissent imperio summi & sapientissimi domini, qui nihil si-  
 ne causa molitur, & efficit, designata atq; constituta? Hæc  
 si Iudæi nihil significare dixerint, Deum ineptiarum impie  
 & furenter insinulabunt. Si rerum maximarum significa-  
 tionem continuisse confessi fuerint, ostendant, quid maius &  
 amplius, & salutaris generis humani salute, Christi sangui-  
 ne constituta signis illis portendi atque præmonstrari potuis-  
 set. Nubes die solis ardorem arcebat, nocte lumen præfere-  
 bat, & ut iter monstraret anteibat, ut præsidium spiritus di-  
 vini quod Christus ipse suis afferre solet adumbraret. Illius  
 namque præsidio fit, ut dum illum sequimur, nec ullus nos  
 infestæ cupiditatis atque libidinis ardor amburat: nec ullus  
 error mentis aut flagitiorum tenebræ à recta via deducant.  
 Mare Ægyptios absumpsit: Hebræi viam latam in mediis  
 fluctibus aperuit: ut intelligi posset, scelera eorum qui à  
 peccatis auersi Christum secuti fuerint, esse gurgitis pro-  
 fundi fluctibus obruenda: & illis aditum per medias aquas  
 aperiendum: quo cursum iustitiæ cum laude sempiter-  
 na conficiant, atque in cælum tandem ascendant. Ros  
 admi-



*admirabilis è cælo demissus multitudinem aluit: è lapide Mo-*  
*sis virga percussio aquæ perennes emanarunt: quibus omniũ*  
*sitis restincta fuit: vt cerneretur vitam omnium nostrum es-*  
*se pane cælesti sustentandam: animorumque sitim muneri-*  
*bus diuinis quæ ex Christo diuina seueritate percussio proflu-*  
*xerunt, explendam. Adde nunc tabernaculi extructionem,*  
*sacerdotijque religionem, fœderis sacramentum, varias lustra-*  
*tiones, & expiationes. Adde brutorum animantium stragem,*  
*sanguinis effusionem, carniũ nidorem, & acervos cinerum,*  
*quibus rebus omnibus, si eæ nihil quod esset Dei maiestate*  
*dignum, significabant, quid magis ineptum & superstitum san-*  
*cogitari poterat? Num inquit ipse Deus comedam carnes tau-*  
*rorum? aut sanguinem hircorum potabo? vt autem nemo du-*  
*bitare posset illa omnia magnarum rerũ signa esse, illa Dei*  
*verba toties repetita cernimus. Omnia inquit, fac secundum*  
*exemplar, quod tibi monstratum est in monte. Quæro igitur*  
*à Iudeo, cuius rei sibi in monte monstratæ Moses similitudi-*  
*nem secutus est, cum tam multiplicis operis fabricam desig-*  
*navit? Quid vidit? Quid inspexit? Neesse namque erat,*  
*vt aliquod multo pulchrius opere quod molitus fuit, animo*  
*complecteretur, ad cuius formam & speciem, omnia forman-*  
*da præscriberet. Aliter enim pulchrum opus minimè fieri po-*  
*tuisset. Nec enim opus aliquod laude dignum fingi & effi-*  
*ci potest, nisi in artificis mente species illustris insideat, qua*  
*nihil in eo genere pulchrius cogitari possit, quam a tisefex imi-*  
*tari conetur. Quæ igitur species illa fuit? Si dixerint Iudei*  
*inanem quandam imaginem in monte apparuisse, quæ taber-*  
*naculis*

naculi faciendi similitudinem cōtineret. Ergo tabernaculum  
 quod extructum postea fuit, multo certè fuit specie illa inani  
 præclarius. Magis igitur erat, cur inanis illa forma ad exem-  
 plum tabernaculi fingeretur, quam tabernaculum ad imagi-  
 nis inanis exemplum. Si dixerint speciem illam quam Moses  
 in monte vidit, solidam fuisse, rursus interrogabo, quomodo  
 tam cito euanuerit. Deinde quid opus alia molitione fuerit,  
 cum tabernaculum illud, nempe quod esset, si illi vera loquā-  
 tur, à Deo fabricatum, multo melius religioni seruire potuis-  
 set. Quererem deinde quod exemplum vtriusque tabernacu-  
 li extiterit, cum nihil omnino ab artifice fieri possit, quod nō  
 ad aliquod exemplum mente perceptum dirigatur. Non igi-  
 tur species inanis illa fuit: tum enim exempli perfectionem  
 & pulchritudinē minimè contineret: neque solidi operis fa-  
 bricatio, sic enim opus altero tabernaculo non fuisset. Itaque  
 exemplum illud, quod vir diuinus lumine & splendore diui-  
 ni spiritus illustratus mente & cogitatione complexus est,  
 id fuit, quo nihil pulchrius, nihil perfectius, nihil magis  
 suis omnibus numeris & partibus absolutum cogitari po-  
 tuisset. Potest autem quidquam pulchrius, clarius, & mag-  
 nificentius cogitari Christi sacerdotio, sanctitate & religio-  
 ne? Non certè. Ille enim est illud verum, immobile, sempi-  
 ternum tabernaculum, in quo Deus, ut prædixit Isaias, sibi  
 sedem stabilem atque sempiternam cōstituit: ille sacerdos san-  
 ctissimus, qui pacem nobis sempiternam conciliauit: ille sa-  
 crificium acceptissimum, cuius meritis atque virtute patris  
 numen placatur, & nobiscum fœdere sempiterno cōiungitur.

Hoc

hoc si Iudeus fateri non vult, aliquid aliud quod Deum magis deceat, ostendere conetur: vt magis animi sui tenebris dam-  
 nati stuporem & amentiam demonstret. Populus tædio &  
 labore cōfectus in Deum petulantè inuectus est. Deus in se-  
 leris vindictam serpentes immisit, qui morfu ignito atque ve-  
 nenato multos interemerunt. Populus errati veniam fla-  
 gitauit. Moses Dei iussu serpentem æneum finxit, & ha-  
 sta in altum proposuit: vt omnes qui erant serpentium mor-  
 sibus iccisi in æneum serpentem intuentes sanarentur. Que-  
 ro igitur illa sanandi vis in ære fuit? An in serpentis figu-  
 ra? si fuit in ære, cur non illud ad sanandos morsus viperi-  
 nos adhibemus? Si in figura, cur non multo magis eandem  
 vim serpentibus viuis ascribimus? Si vero sanitatem neque  
 materia, neque forma serpentis, sed diuina tantum benigni-  
 tas attulit, quid attinebat æneum serpentem conflare, & su-  
 blimem tollere? An Deus nisi formam illam tetram & hor-  
 ridam asinuisset, non potuisset hominibus ope presentissi-  
 ma medicari? vertant se in omnia Iudei. Nec enim aliam  
 causam serpentis conflandi & tollendi reperient, præter Chri-  
 sti signum. Christus enim qui peccatum non fecit, cum ætus  
 in crucem peccati pœnam sustinuit, peccati similitudinem vt  
 peccata nostra sanaret, arripuit. Hoc autem experiundo  
 sentimus. Quoties enim antiqui serpentis morfu sauciati  
 in Christum pro nobis in crucem sublatum intuemur, opemq.  
 illius suppliciter imploramus, sanitatem confestim recipi-  
 mus. Muri Iericho tubarum clangore corruerunt, vt euange-  
 lij vis insignis fieri posset, cuius sonitu Satanae propugnacula

## DE SAPIENTIA

& munitiones deiciuntur, & funditus euertuntur. Similiter  
 Gedeon non armis, sed lucernis & tubarum clangore Madia-  
 nitas exterruit, ut simili signo splendor atque vis disciplina  
 celestis explicaretur. Samson solus incrimis, funibus alligatus,  
 hostium crudelitati permissus, eorumque multitudine circun-  
 fusus vincula perrupit: asini maxillam corripuit: in hostes fe-  
 rociter inuectus mille occidit: reliquos in fugam conuertit, ut  
 Christi robur inuictum portenderet, qui proditus & relictus  
 a suis, & hostium immanitati traditus, & cruci tandem affi-  
 xus, atque mortuus, & in sepulchrum inclusus in manes in-  
 feros inuisit: inimicorum stragem edidit: mortis vincula per-  
 fregit: Apostolorum rudi simplicitate demonis infestissimi  
 copias fudit, illiusque arcus & mœnia disturbauit. Ionas quæ-  
 balena deuoratum post triduum uiuum & incolumem in lit-  
 tus euomuit, num obscure Christum mortis faucibus absumen-  
 dum, & die tertio suscitandum hoc tam admirabili signo præ-  
 monstrauit: ætas nostra deficeret, si uelle omnia signa quæ Chri-  
 sti ortum antecessero, consecrari. Neque enim sacrificiorum  
 genera, neque instituta libamina, neque Dauidis regnum, neque  
 Solomonis amplitudinem, neque templi sanctitatem, neque  
 alia multa tacuissim, quæ Christi imaginem continerent. Sed  
 ut modum orationi statuamus, consentaneum est, ut ea signa  
 summatim perstringamus, quæ cum Christi ipsius ætate con-  
 iuncta fuere. Non hic dicam quomodo antequam Christus  
 nasceretur, id Gabriel Angelus Mariæ pronunciauerit: quan-  
 tam letitiam celestis nuncius pastoribus in pecorum custo-  
 dia vigilantibus attulerit, quam iucundo concentu & har-  
 monia

monia cœlites Christi natalem diem celebrauerint, quanto mē  
tis ardore Magi ab vltimis terris, vt puerum adorarent ad-  
uenerint: stellæ ductum & reliqua signa prætermittam, quæ  
Iudei minimè confitentur, vt ea quæ confitentur attingam.  
Iacob futurum prædixerat, vt non deficeret ex stirpe Iuda,  
qui princeps esset in populo, donec Christus adueneret. Da-  
niel tempus præfinitum asseruerat, intra quod tempus erat  
Christus venturus. Aggeus futurum prænuñciauerat, vt  
stante illo secundo templo veniret ille generis humani libera-  
tor, in cuius benignitate gentium salus erat collocanda. Ne-  
mo dubitabat, quin tempus illud elapsum fuisset. Necessitas  
opem diuinam in rebus propemodum euersis flagitabat. Re-  
gnum enim conciderat: pontificum auctoritas erat imminu-  
ta: populi libertas oppressa: reip. status omnino conuulsus: re-  
mediū cupiditas animos omnium sollicitabat: spes eos interdū  
erigebat. Neque deerant interim, qui tanta opportunitate tē-  
poris abusi Christi nomen impudenter assumerent. Sic enim  
Theudas, sic Iudas Galileus, sic Ægyptius ille, cuius (vt est  
in actis Apostolorum) mentionem fecit Lysias, sic tandem  
alii viri pestilentes in Christi nomen inuasērunt. In hac igitur  
tanta animorum fluctuatione, quid Iudeis faciendum erat,  
vt verum Christum à falso distinguerent? Primum quidem  
anima luertendum, an is qui se Christum esse iactaret, esset  
ex tribu Iuda, & ex stirpe Dauidis oriundus: an natus esset  
in Be. lehem, vt propheta Micheas futurum prædixerat, an  
esset pauper: an mitis & humilis, an superbis infensus: an sup-  
plicibus benignus: an iustitia & sanctitate præcelleret: an ho-

## DE SAPIENTIA

& munitiones dei ieiunant, & funditus cuertuntur. Similiter  
 Gedeon non armis, sed lucernis & tubarum clangore Madia-  
 nitas exterruit, ut simili signo splendor atque vis disciplina  
 celestis explicaretur. Samson solus incrimis, funibus alligatus,  
 hostium crudelitati permissus, eorumque multitudine circun-  
 fusus vincula perrupit: asini maxillam corripuit: in hostes fe-  
 rociter inuectus mille occidit: reliquos in fugam conuertit, ut  
 Christi robur inuictum portenderet, qui proditus & relictus  
 a suis, & hostium immanitati traditus, & cruci tandem affi-  
 xus, atque mortuus, & in sepulchrum inclusus in manes in-  
 feros intrauit: inimicorum stragem edidit: mortis vincula per-  
 fregit: Apostolorum rudi simplicitate demonis infestissimi  
 copias fudit, illiusque arcēs & mœnia disturbauit. Ionas quē  
 balena deuoratum post triduum viuum & incolumem in lit-  
 tus euomuit, num obscure Christū mortis faucibus absumen-  
 dum, & die tertio suscitandum hoc tam admirabili signo præ-  
 monstrauit? ætas me deficeret, si vellē omnia signa quæ Chri-  
 sti ortum antecesserō, consuetari. Neque enim sacrificiorum  
 genera, neque instituta libamina, neq. Dauidis regnum, neq.  
 Solomonis amplitudinem, neque templi sanctitatem, neque  
 alia multa tacuissē, quæ Christi imaginem cōtinebant. Sed  
 ut modum orationi statuamus, consentaneum est, ut ea signa  
 summam perstringamus, quæ cū Christi ipsius ætate con-  
 iuncta fuere. Non hic dicam quomodo antequam Christus  
 nasceretur, id Gabriel Angelus Mariæ pronunciauerit: quan-  
 tam letitiam celestis nuncius pastoribus in pecorum custo-  
 dia vigilantibus attulerit, quam iucundo concentu & har-  
 monia



monia cœlites Christi natalem diem celebrauerint, quanto mē-  
tis ardore Magi ab vltimis terris, vt puerum adorarent ad-  
uenerint: stelle ductum & reliqua signa prætermittam, quæ  
Iudei minimè confitentur, vt ea quæ confitentur attingam.  
Iacob futurum prædixerat, vt non deficeret ex stirpe Iuda,  
qui princeps esset in populo, donec Christus adueneret. Da-  
niel tempus præfinitum asseruerat, intra quod tempus erat  
Christus venturus. Aggeus futurum prænuñciauerat, vt  
stante illo secundo templo veniret ille generis humani libera-  
tor, in cuius benignitate gentium salus erat collocanda. Ne-  
mo dubitabat, quin tempus illud elapsum fuisset. Necessitas  
opem diuinam in rebus propemodum euersis flagitabat. Re-  
gnum enim conciderat: pontificum auctoritas erat imminu-  
ta: populi libertas oppressa: reip. status omnino conuulsus: re-  
mediū cupiditas animos omnium sollicitabat: spes eos interdū  
erigebat. Neque deerant interim, qui tanta opportunitate tē-  
poris abusi Christi nomen impudenter assumerent. Sic enim  
Theudas, sic Iudas Galileus, sic Ægyptius ille, cuius (vt est  
in actis Apostolorum) mentionem fecit Lysias, sic tandem  
alij viri pestilentes in Christi nomen inuasērunt. In hac igitur  
tanta animorum fluctuatione, quid Iudeis faciendum erat,  
vt verum Christum à falso distinguerent? Primum quidem  
anima: luertendum, an is qui se Christum esse iactaret, esset  
ex tribu Iuda, & ex stirpe Davidis oriundus: an natus esset  
in Be. lehem, vt propheta Micheas futurum prædixerat, an  
esset pauper: an mitis & humilis, an superbis infensus: an sup-  
plicibus benignus: an iustitia & sanctitate præcelleret: an ho-  
minibus

minibus cælestis iustitiæ disciplinam traderet: an postremo signa virtutis diuinæ daret, quæ fuerant (vt olim Prophetæ dixerant) opera illius edenda. Tunc enim erant venia digni, si signa peterent, vt illis admoniti intelligerent, quis verus Christus esset, & quis se Christum ementiretur. Si autem viderent omnia quæ de Christo diuini viri, vel de genere, vel de natali solo, vel de moribus, & vita, vel de doctrinâ ratione dixerunt, in Christum quadrare, illum tunc sine vlla cunctatione sequerentur. Vt autem genus, & natale solum, & sanctimoniam illius quæ optimè cum prædictionibus prophetarum conueniebât, omittamus, quis illo tempore cæcis visum, surdis auditum, mutis eloquentiam, leprosis sanitatē donauit? Quis ægrotis omnino desperatis salutarem medicinam adhibuit? Quis frænū tumidis fluctibus atq. procellis iniecit? Quis demones è corporibus quæ obsessa tenebât, eiecit? Quis mortuos atq. adeo sepultos voce tantum in vitā restituit? Multa signa prophetæ per illum danda prædixerāt: illa & alia multa edidit, quibus apertissimè suū numen ostēdit, neq. vos ô Iudæi ab illo opera nimis admiranda facta fuisse negatis. Quis ergo vos impedire potest, quo minus illius numē vereamini? Signa quidem inquit ab illo nimis admiranda facta fuisse fatemur: sed illa fuisse diuina virtute edita negamus. Quis ergo alius tunc signum diuinæ virtutis ostendit? Nemo. At tempus instabat, & signis erat vobis explorandum, quis vere aut falsò Christi nomen vsurparet. Quod si nullum alium actore operum mirabilium proferre potestis, & miracula cum prophetarum prædictionibus, cum temporis opportunitate, cum an-

norum præfinitione congruebant, quæ malum fuit ista teme-  
 ritas, atq. vesania, quæ vos à via salutis auertit, & in tantum  
 & tam immense scelus præcipites exturbauit? Non igitur tẽ-  
 pus solum ad diuinorum hominum prædictiones & effata  
 præfinitum, nec opera tantum mirabilia numine nostri libe-  
 ratoris effecta vos impietatis execrabilis detestando scelere cõ-  
 demnant: sed etiam ipsi contra vos testimonium dicitis, vosq.  
 sempiterno supplicio dignos esse iudicatis, cum opera à Chri-  
 sto edita fuisse fatemini, quæ nemo vnquam vir diuinus, quã-  
 uis mira sanctitate præcelleret designauit. Et tamen tam im-  
 pudentes estis, vt opus quod nullo modo nisi diuino numine  
 fieri potest, humanis artibus effici potuisse cõtendatis? Quod  
 si etiam signis editis vobis adhuc dubitandi materia restabat,  
 & vos nullam notam habetis, qua signa diuinitus ostensa à  
 reliquis signis internoscat, quid vobis ad explorandam veri-  
 tatẽ reliquum fecistis? Argumenta contemnitis: signa postu-  
 latis: ipsa rursus signa furenter eluditis. Sapientia autem vo-  
 bis non aliter quam aut argumētis firmissimis, aut signis cla-  
 rissimis parāda est, quorum vtrumq. repellitis. Restat igitur  
 vt semper amentes & stupidi sitis. Fingite animis Messiaẽ  
 illius quem impie & inaniter expectatis aduētum. Nunquid  
 ab illo signa postulabitis? An absq. signis estis cuius fraudu-  
 lento fidem habituri? Si absque signis vllis credituri estis, re-  
 liquum est, vt quemuis circumforaneum præstigiatores se-  
 quamini. Si vero ab illo postulaturi estis signa, in quem fi-  
 nem quæso? Quomodo enim poteritis discernere, an signa illa  
 sint diuinitus edita, an humano artificio conficta? Deinde

quis ille tantus & tam immanis furor extitit, ut ea, quæ nullo modo nisi à Deo fieri possunt, artibus humanis ascriberetis? Non cernitis homines amentissimi à vobis Dei nomen violari, gloriam obscurari, numen illius contemnere: & interim non toto corpore cōtremiscitis, nec iudicium extimescitis? Homines olim, qui gloriam Deo debitam ad homines, aut ad simulacra transfulerunt, nunquam tantum commentitijs numinibus tribuendum esse statuerunt, ut eis vim istam concederent, ut signa darent, quæ vos nescio qua dementia vexati artificio humano fieri posse contenditis. Dæmonibus quidem aut hominibus fortasse licebit oculos eruere, necē inferre, membra debilitare: at visum reddere, vitam restituere, nemmo potest, nisi solus Deus bonorum omnium principium, & fons. Ille namque solus est, cuius ope lux, vita, salus, dignitas omnium continetur. Et tamen vos eo dementiae progressi fuistis, ut Dei ipsius gloriā ad artes humanas, vel ut rectius dicam, stygias transferre niteremini. O deplorandam cecitatem, ô scelus execrandum, ô dirum supplicium, quod infandi facinoris isto tanto furore mentis exoluitis. Nullum enim supplicium est amentia, & cæcitate detestabilius. Creditis ne Isaiam virum diuinum fuisse? Credimus inquit. Prædixit Isaias futurum, ut opera Christi cæci viderent, surdi audirent, muti loquerentur, claudi discurrerent. Videtis cecos clarè cernere, surdos auire, mutos loqui, claudos ambulare, quid amplius postulatis? & tamen diuinæ virtutis signa humano artificio tribuetis? Sed quero, quæ nam fuerit ars illa mirabilium operum effectrix. Deinde Christus eam ab alio didicit,

didicit, an per se primus inuenit? Si ab alio didicit, quis magister illius extitit? aut quibus signis magister illius artis sue disciplinam nobilitauit? Si vero Christus magistrum nullum habuit, qua ratione tam admirandam artem ingenio consequutus est? Non didicit inquit aliunde, neq. artem ipse peperit. Sed fuit ars illa patribus antiquis sine scripto tradita, ne res sacrosancta in vulgus emanaret. Hæc autem scientia quæ cabala nominatur, nominis diuini expositione cōtinetur. Qui autem hanc diuini nominis explicationem fuerit affectus, res admirandas efficiet. Erat autem in adyto templi lapis in quo arca fœderis olim locata fuerat. In eo lapide erat explicatio diuini nominis incisa. Ne autem hæc nominis explicati notitia vulgaretur, & ita rerum omnium mutatio fieret, duo canes ex ære facti sunt, vt siquis ingressus adytū litteras illas legeret, & expositum nomē memoriæ traderet, canes horrendum in modum vtrinq. latrarent, vt ita ei qui nomen memoria cōtinebat, ex animo confestim nomen elaberetur. At Iesus Nazarenus cū esset mira sagacitate præditus, in adytum se fraudulenter intrusit: nomen in charta descripsit: fœmoris cutem diffecuit: chartam in fœmur inclusit: cum exiuit, canes oblatrarunt: is nominis vim cōfestim oblitus est: sed domum rediens cutem rursus aperuit, vi namq. ipsius nominis sanata fuerat: & chartam euulsit, & expositum nomē edidicit, cuius vi res illas vehementer admirandas efficiebat. Hæc quidem homines perditissimi commenti sunt, ex quibus quam detestanda cecitas eorum sit, clarè perspicitur. Qui enim hæc adeo non dico surēter & impie, sed inepte & insulse

## DE SAPIENTIA

*confingunt, non sunt quibus suis canibus impudentiores: & ipso ære è quo canes illi facti sunt duriores? Quis canibus æneis sensum, & solertiam, & latratum dare potuit? Si homo ille fuit, quis in terris extitit, qui tantum artificio Dædalum superaret? Aut quomodo tam excellentis artificis nomen evanuit? Si vero vis alia fuit humana præstantior, fuit ne illa Deo, an demonibus ascribenda? Si diuina vis illa fuit, cur illam calliditas humana fefellit? Si demonis artificio facta, cur operibus demonis fuit locus in Dei sanctissimo tēplo designatus? Præterea tātæ disciplinæ ratio in paucis ne literis, an in grandi volumine consistebat? Si in paucis literis, cur nō omnes qui cabale operam dant, quī sunt innumerabiles miracula edunt? Si grande volumen illud fuit, quo tandem modò potuit in fœmūr includi? Præterea quid opus fuit vulnere, cum potuisset, si parvū volumen erat illud, vestis integumento contegere? Sed cum commētum sit ineptissimum, ineptiarum suspicionem minimè vitabit, qui contra illud plura disseruerit. Illud tamen est valde considerandum, quī mētis error, quæ tenebræ vexent improbos: quæ furie eorum animos, qui veritatem odio persequuntur exagitent: quibus mendacijs operam dent: quibus fabulis & quam male concinnatis incumbant. Rectissimo namq. Dei iudicio fit, ut qui lucem fugiūt, tenebris obruātur. Hoc tamen illis interim debemus, quod signa mirabilia à Christo edita fuisse confitetur, quod est verissimum. Id quod fingunt ppter fabulā stultissimè cōficta vanitatē nobis officere non potest. Sed ab his miraculis, quæ Iudæi nimis stulte & imprudenter ad Cabalā referunt, abeamus,*



abeamus, vt alia signa multo clariora consideremus. Nec est enim valde mirādum signum cæcis aspectum reddere, qui sit intra breue tempus morte delendus. Illud est diuinæ probitatis atq. potētiae signum clarissimum, homines qui mētis cæcitate laborabāt, luce diuina frui, res cælestes inspicere, amore diuinæ pulchritudinis inflādari. Nō ita magnum beneficium est, mutis sermonis vsum restituī: linguā vero maledicētia corruptā sanari, & in laudibus diuinis exerceri, munus & beneficium est perpetuū prædicatione celebrandum. Sic etiā non tam admirabile est, lepræ maculā delere, quā vitiorū omnium sordes eluere: neque tam salutare, dæmones è corporibus expellere, quam mentes eorum tyrannide oppressas in libertatem vindicare: neque postremo (vt alia prætermittam) tantum est diuinæ virtutis argumētum, mortuos in vitā reuocare, quātum extinctis animis vitā & lucē concedere. Quo enim animus corpore præstantior est, eo sunt munera quæ in animum conferuntur, ampliora. Vulgus quidem ea signa magis admiratur, quæ in corporibus aspiciuntur, quia quæ fiunt in animo, non ita perspicit. Re autem vera tantum hæc quæ animis tribuuntur excellunt, quantum nullius oratione explicari potest. Nec enim erat digna causa, cur Dei filius in terras descenderet, vt corporibus ægris, quæ erant paullo post interitu consumenda mederetur: sed vt animos ad naturam diuinā aptos, & ipsius Dei imaginē referentes è pestiferis morbis eriperet. Quid igitur fuit in causa, cur Dei filius in corporibus curandis tam multa signa proderet? Vt videlicet per illam curationem corporum intelligeremus

illum animorum medicum esse, omnesq. morbos flagitiorum, & scelerum, si velimus illius iussis obtemperare, facillime depulsum. In hæc igitur signa maxime admiranda, quæ neque Ægyptiorum Magi, neq. Cabalistræ, neq. Antichristus, nec ulli falsi prophetæ unquam poterunt as simulare, respiciant Iudæi, & maiora, & ampliora postulare iure non poterunt. Vides o Iudæe quanta hominum multitudo Christum sequatur? Quam multi sint, qui illi operam dent? Quam incenso studio disciplinam illius audiant? Quære, qui fuerint: quibus institutis vixerint: quæ vitæ conuersio facta sit: & tum demum clariora signa minime requires. Multos enim in eo. comitatu reperies, qui fuerant flagitiis infames, qui nunc laude summa castitatis atque puritatis. excellunt: multos omnia. rapiendi cupiditate flagrantes, qui nunc opibus in caritatis, & humanitatis studio consumptis, ad opes celestes atq. diuinas aspirant: multos odio furentes, qui nunc pro hostium. salute vota faciunt: multos deniq. qui nihil amplum & excelsum cogitabant, & nunc humana cuncta despiciunt, & in celum ardenti studio mentis efferuntur. Quid igitur dicendū? Cernis pro flagitio puritatem, pro auaritia beneficentiam, pro odio caritatem, pro desidia vigilantiam, pro imbecillitate fortitudinē, & dubitas, quin hæc tã admiranda commutatio Dei ipsius numine facta sit? Quæro enim, verissimæ virtutis. ornāmēta diuina, an humana putas? Si humana dixeris, te crimine impietatis alligabis: Quid enim scelestius dici potest, quam cum omnia corporis bona à Deo postulāda censeamus, animi bona quæ sunt multo clariora nobis ipsis ascribere? Si diuina dixeris,

ris, necessario consequens est, ut fatearis illum, cuius benignitate ea omnia cōferuntur, Dei filium esse. Si vides igitur omnes qui se se vere, & ex animo ad Christi studium contulerūt, esse virtutum omnium opibus affluētes, cur postulatū signi clarioris nō omittis, cum signum clarius ostendi nō possit? Sed aliud adhuc signum nō minus admirabile videamus. Christum verberibus cāsum, & spinarum, & sentium corona redimitum in crucē sustulisti: manus & pedes illius clavis perfossos aspexisti: membra summis viribus distenta & cruciatibus intolerandis afflicta contemplatus es: cum sitiret, ei fel, & acetum porrigendum curasti: ad hæc indignissimas in illū cōtumelias intorsisti: supplicio illius oculos parasti: & odium quod in illum conceperas exsaturasti. Quæro modō, num te aliqua verborum contumelia perstrinxit? Num aliquod maledictū iecit? Mediocre ne specimen summæ atque plane diuinæ virtutis existimas, in suppliciis innocentie constitutis nullum verbum insolens, ab homine iusto contra fontes atque sceleratos emitti? Quod si sapientia & constantia continet in se inuictæ virtutis argumentum, id quod tu imbecillitati tribuis, est diuinæ virtuti tribuendum: quod ignominiosum existimas, est immortalī laude prædicandum. Nam cum virtus atque iustitia semper illustris & ampla sit, tum vel maxime splendor illius eminet, cum ex hostibus sempiternis, & doloribus summis victoriam insignem consequitur. Nulla vnquam iustitia clarior extitit: nulla sententia iniquius vnquam lata fuit: cruciatus nullus acerbior & immanior constitui vnquam potuit: quæ tamen omnia Christus tanta

## DE SAPIENTIA

virtute superauit, vt etiam pro illis à quibus in crucem actus fuerat, supplices ad patrem preces adhiberet. Audis summæ clementiæ votum, cernis virtutis inuictæ propugniaculum, quod nullæ hostium iniuriæ labefactare, nulli cruciatus de statu conuellere potuerunt, & tamen adeo cæcus es, vt diuinæ firmitatis argumentum, ad summæ imbecillitatis indicium traducere coneris? Lapis quidem Christus est (vt inquit Isaias) probatus, angularis, preciosus, in fundamento locatus, cuius firmitate Dei domus innititur: & tu vbi lapidis firmissimi munimentum cernere potes, quasi tibi infirmitatis summæ species obiecta sit, lapidem tibi offensionis ad ruinam constituis. Quid hic referam solis obscuritatem, totiusque cælestis naturæ caliginem? Quid horrendos terræ fremitus, velumq. templi discissum? Quid terrorem manibus inferis iniectum, & sepulcra reserata, & mortuos excitatos? Quid postremo de illo maximo omnium signo dicam, quo se ipsum Christus ab inferis excitando mortis immanitatem profligauit? Illud vero Iudæorum commentum quam ridiculum? Veriti fuerant, eo quòd Christus se à mortuis triduo suscitandum prædixerat, ne discipuli illius è sepulcro corpus auferrent, eumque reuixisse dicerent, & ita posterior error esset priore turbulentior. Ne autem id accidere posset, summa ope præcauendum existimant. Itaque ad Pilatum adeunt: militum præsidium ad sepulcri custodiam impetrant: obsignatoque sepulcro discedunt. Dum Christus exurgeret, milites obstupefacti concidunt: Rem Iudæorum principibus annunciant: illi vero milites grandi pecuniâ corrumpunt,

punt, atq. facile persuadent, vt dicant se dormientibus Christi discipulos è sepulcro corpus abstulisse. Si hoc inquit aud-  
tum fuerit, nos præsides vobis placabimus. O male confectū  
mendacium. Si enim milites dormiebant, quomodo furtum il-  
lud à discipulis factum fuisse testificari poterant? Sed id o-  
mittam, & à Iudeis quæram, quomodo se tam faciles erga mi-  
lites præbuerunt, quorum somno tantum incōmodum erat pu-  
blice subeundum. Timuistis, ne Christi discipuli corpus illius  
furarentur: ne posterior error maiorem perniciem inferret,  
quam prior intulerat expauistis. Id quod valde metuebatis,  
militum negligentia quos custodes apposuistis euenit. Quan-  
ta animi facilitate id factum, quo omnis vestra caussa niti vi-  
debatur, tulistis? Nec in cælum manus intendistis: nec ho-  
minum fidem implorandam esse duxistis: neque milites capi-  
tis arcessistis: neque illis paullo atrocius denunciatione peri-  
culi minati estis. Tantum vero absuit, vt male milites acci-  
peretis, vt eis Pilatum placaretis. Num si tota ea fallacia vo-  
bis auctoribus constata minimè fuisset, odium quod vos inflā-  
mabat, & inuidia quæ vestros animos exagitabat pati potuis-  
set, vt in tanto (vt dicebatis) incōmodo non vocibus & queri-  
monijs omnia cōpleretis? Tota fabula impudenter & impie  
cogitata per se sine vllō argumento vacillat, & claudicat, aut  
vt rectius dicam, eorum ipsorum testimonio qui fraudē com-  
menti sunt, aperte conuincitur. Sed vt fraudem omittamus,  
consequens est, vt signa quæ Christi mortem consequuta sunt  
attēte cōsideremus. Nihil hic dicā de clarissima victoria, qua  
inferos manes exterruit, hostes sempiternos spoliavit peccati

## DE SAPIENTIA

vim & imperium deleuit, ornatusq. manubijs in cælum bel-  
lorum omnium victor ascendit. Illud etiā signum vehemen-  
ter admirandum præteribo, quod ostensum est, cū spiritus di-  
uinus è cælo cū ingenti tonitru, & cæli totius fragore demis-  
sus Christi discipulos in vnum locum celebri & clara die coa-  
ctos, linguis igneis inflāmauit: vt non modo eorum animi di-  
uinitatis amore flagrarent, verum & quam plurimos homi-  
nes ardentissimo genere orationis incenderent. Miracula si-  
leo: linguarum peritiam taceo: sapientiæ vim, qua discipuli  
Christi silentium aduersarijs imponebant omitto: ea quæ cla-  
rissima, notissima, testatissima Iudeis eo tempore, quo signa  
rectius peti potuissent, extiterunt, si similiter prætermittenda  
puto. Nec enim mihi sermo tam cum illis est, qui olim obsti-  
natis, & in scelere nimis obfirmatis animis spiritui sancto  
pertinacissimè restiterūt: quā cum ijs qui hodie viuunt, parē-  
tumq. vestigijs insistant. Ea igitur signa, quæ illi negare so-  
lent omittam, vt ea quæ negare nō possūt oratione cōplectar.  
Duo igitur tantū signa ex quibus quantum Christi crucifixi  
numen sit, apertè declaratur, ostendā. Primū signum est or-  
bis terrarū conuersio: alterum Iudæorū qui in scelere persti-  
terunt euersio. Vt autē primū de mundi cōuersione orationē  
habeamus, animaduertendum est, in quo statu erant res hu-  
manæ, cum in eas cælestis disciplinæ lux sparsa fuit. Erant  
vniuersæ terræ sceleribus infinitis alligatæ, & tenebris te-  
rerrimis oppletæ. Erat lumen virtutis extinctum, leges atq.  
iudicia conculcata: religio vel prorsus neglecta, vel pessimis  
rationibus instituta. Honores diuini non syderibus tan-



tum, sed scelestissimis etiam hominibus, & brutis animantibus, atque adeo impurorum hominum, & serpentium, & beluarum simulacris habebantur. Quin etiam flagitiis, & pestibus funestissimis multi templa magnis sumptibus extruebant, & hostias frequenter immolabant. Apud multas nationes erat in more positum, vt homines in deorum honorem iugularent, in qua feritate & inmanitate multi tantum progressi sunt, vt non satis Deos sibi placari posse crederent, nisi naturæ sensum opprimeret, & sanguinis caritatem repudiarent, vsque adeo, vt filios occiderent, deorumque suorum aras liberorum sanguine & cæde conspergerent. Præterea multi, vt venerem propitiam haberent, filias virgines prostituebant. Itaque factum est, vt cum religio, quæ pietatis, pudoris, officij magistra fuerat, immutaretur, & nefariis sacris homines ad scelus & flagitium, ad inmanitatem atque libidinem incitaret, nullum tantum malum cogitari posset, quod non in hominum vita versaretur. Multi parentes mortuos comedebant: multi canibus lacerandos obiciebant: nullum iam libidinis, turpitudinis, crudelitatis, impietatis genus multi mortales indignum hominis præstantia iudicabant. Tyrannus ille, qui mortem in terras inuexerat, sic omnia violento dominatu oppressa continebat, vt nemo posset ullis humanis opibus in libertatem vindicari. Accedebat antiquissima in superstitione & scelere consuetudo, quæ tantas vires habet, vt rebus turpissimis atque scelestissimis, honestatis atque pietatis nomen imponat. Adde nunc principum furorem, imperatorum amentiam, qui maiestatem suam imminui & imperium

contemnunt

## D E S A P I E N T I A

contemni putabant, si secus aliquid fieret, quā fuisset Satanæ placitis atq. decretis institutum. Hic in tantis tenebris & caligine, in tanta bonorum omnium vastitate, in tanta salutis desperatione, pauci viri Iudæorum stirpe propagati hoc in se receperunt, ut vniuersum genus humanum è tenebris eriperent, & sempiternis bonis egregiè cumularent. Quā nobilitate freti? Quibus opibus & armis instructi? Quibus disciplinis eruditi? Quibus artibus ad fallendum parati? Si nobilitatem exquiris, erant obscurissimi: si opes, egentissimi: si eloquentiæ disciplinam, infantissimi: si vitæ lenocinia, seuerissimi. Erant impuræ veneri, flagitio, turpitudini vehementer infensi: nefarijs hominum cupiditatibus bellum indixerant: omnia, quibus mortalium animos nimis addictos esse conspexerant, demolienda, euertenda, & affligenda suscepserant. Quo facto necesse erat, odia in illos acerbissima concitari. At cuius auctoritate pugnabant? Hominis illius, quē ut maleficum & iniustum in crucem sublatum fuisse constabat. Quæ præmia in vitā proponebant? Labores, contentiones, multorum odia, vitæ durtiam, salutis discrimen, atq. tandem crucis, & ignominie societatem. Hoc igitur facinus tantum suscipere virtutis erat admirandæ: perficere autem incredibilis felicitatis. At vide, qui sint exitus consequuti. Gentes à Iudæorum institutis & moribus abhorrentes, & flagitiis innumerabilibus astrictæ, sic animis commutatae sunt, ut abiectis simulacris, contemptis & spretis vitæ lenocinijs, Christum morte proposita per omnes flammās ita sequerentur, ut nihil malle videretur, quam pro illius nomine,

vitam

vitam in tormentis abijcere. Itaque vides orbem terrarum à paucis hominibus & ijs ignotis, inermibus, egentibus, & infantibus expugnatum: cernis celesti disciplina vltimas gentes illustratas: Deos commentitios de honore deiectos: Satanae propugnacula funditus euersa: & dubitas quin hæc omnia sint Dei numine, mente, & consilio perfecta? Quo minor est enim militum numerus, quo maior armorum penuria, quo inhumanior hostium ferocitas atque multitudo, eo clarius apparet victoriam nullo modo nisi præsentis numine parari potuisse. Ob eam vero causam Deus Gedeoni imperauit, vt copias ad eam paucitatem reduceret, ne quisquam posset humanis viribus magnitudinem victoriæ illius ascribere. Itaque factum est, vt in hostium castra trecentis tantum hominibus stipatus inuaderet. Quilibet autem eorum altera manu tubam, altera laternam fictilem, in quam erat inclusa fax incensa gestabat. Fractis laternis splendor emicuit: tubarum concentu hostes exterriti in cædem mutuam conuersi sunt. Quis vnquam fuit tam sine mente, qui non cerneret animo, hanc Gedeonis victoriam, nullo pacto esse viribus humanis, sed opibus diuinis ascribendam? Huic victoriæ vir diuinus Isaias Christi victoriam, quam suorum opera consequutus est, similem facit. Multiplicasti inquit gentem, & profudisti letitiam. Letabuntur coram te, sicut latantur in messe: & sicut exultant victores capta præda, quando diuidunt spolia. Iugum enim oneris eius, & virgam humeri eius, & sceptrum exactoris eius superasti, sicut in die Madian.

Quod

audiuius, & gloriam iusto tributam. Iustum Christum no-  
 minat, nempe à quo omnis iustitiæ splendor exoritur. Admi-  
 ratur autem Isaias intra breuissimum tempus nomen domi-  
 ni ultimas terras ita peragrassæ, vt vbique Christi gloria di-  
 uinus laudibus ornaretur. Isaias admiratur, & tu contemnis?  
 Is magnitudinem benignitatis diuinæ celebrat, & tu male-  
 dicta conijcis? Is gaudio exultat, & tu sine vllò fructu, dolore  
 & inuidia contabescis? Sed animaduerte victoriæ magnitu-  
 dinem. Omnes Satanae satellites atque ministri de sanctorum  
 hominum pernicie coniurabant: ignes, cruces, equulei, variaq.  
 suppliciorum genera parabantur: corpora eorum carpebatur:  
 omni crudelitate lacerabantur; & tamen eorum virtus inui-  
 cta permanebat: & de hostium conatibus maxima cum glo-  
 ria triumphabat. Tantus autem ardor illos inflammabat,  
 vt vehementius pro Christi nomine supplicia, quam reliqui  
 mortales opes & facultates expeterent: Quid illud? quantum  
 fuit? Quo enim maiorem operam tyranni ponebant in Chri-  
 sti nomine delendo, eo magis Christianorum numerus auge-  
 batur. Qui igitur dicendum est: Cernis hanc disciplinam ho-  
 minum cupiditati contrariam, voluptatibus nefarijs infen-  
 sam, opibus iniquitate & ambitione partis inimicam, ab im-  
 probis, inuidis, flagitiosis vexari, & summis principum ma-  
 ximorum opibus oppugnari, eamque nihilominus statum &  
 dignitatem suam retinere, & dubitas quin vis illius celestis  
 atque diuina sit? Vos à principio in illam furenter irruistis:  
 imperatores, tyranni, præfecti de illius interitu coniurarunt:  
 hæretici subsecuti sunt, qui machinis admotis eam sæpe sunt  
 f      labe-

labefactare conati: neque solum dolis & fraudibus, verum etiam armis & viribus in eam inuehuntur: illa tamen inuieta permanet, & in loco firmo & egregie munito consistit. Nec enim est humanis opibus, sed Christi Regis sempiterni praesidio vallata. Conueniant igitur hostes: bellum comparēt: copias instruant: insidias intendant: collatis signis, & aperto Marte configant: illa namque semper de hostium immanitate triumphabit. Poterit quidem fieri, ut Christiana respublica aliquando latius proferatur, aliquando vero arctius angustetur: ut autem opprimatur, fieri nunquam poterit. Itaque semper vigeat in illa pietas, religio, sanctimonia, mansuetudo, modestia, caritas, rerum caelestium cupiditas, humanarum despicientia, inflammatumque diuinitatis studium. Haec igitur in bellis victoria, in tempestate tranquillitas, & in omni rerum varietate constantia, & hoc, quod magis admirandum est, in calamitosi temporibus incrementum, parum ne declarant, quantum insit in Christi cruce roboris atque firmamenti? Potuisset ne fieri, cum natura dolorem fugiamus, & voluptates & commoda vitae conseclemur, ut Christi disciplinam cruce proposita sequeremur, nisi nos spiritus Christi diuino robore confirmaret? Quid deinde illud? quantum est? Illius enim numen crebro nobis in precibus & votis occurrere, & adesse sentimus. Si libido nos inflamat, illius ope libidinem profligamus: si dolor lacerat, diuini spiritus iucunditate facillimè sensum à cogitatione doloris abducimus: si superbia latenter irrepit, arrogantiam & fastum Christi mansuetudine & humilitate comprimimus: si odio, inuidia, iniquitate laboramus,

cruce Christi in oculis cōstituta facile pestes istas animorum  
à nobis longe repellimus: si hostis in nos incurrit, illius impe-  
tum à nobis crucis huius vi & robore propulsamus. Crux  
est nobis in ærumna perfugium, in mœrore solatium, in rui-  
næ periculo firmamentum, in bello præsidium inuictum.  
Sed hæc quæ minus à Iudeis animaduerti possunt, sileamus,  
& id quod eorum animos non medicriter excruciat, expli-  
cemus. Nos enim qui ab hominibus à lege diuina prorsus  
alienis originem ducimus, quorum maiores simulacra cole-  
bant, monstris immolabant, sanctis literis à sanctissimis  
olim Iudeis, impulsu, & inflatu sancti spiritus inscriptis  
operam damus: illisque ad cognitionem cælestis numinis eru-  
dimur: cum interim illi, qui sunt, ab illis sanctis patribus  
ortæ eas vel non attingant, vel non intelligant, nullumque  
omnino ex illis fructum accipiant. Itaque nos alieni, nos hospi-  
tes, & peregrini, Abrahamæ patrē agnoscimus, illosque viros san-  
ctissimos, qui hæc nobis pepererūt, Gētiles arbitramur. Eo-  
rum namque fidē sequimur: cum interim illi, qui genus ad di-  
uinis illos homines referunt, iā pridē ab illa stirpe præcisi, &  
ab antiqua nobilitate deiecti, solo Iudeorū nomine gloriētur.  
Si igitur nos olim à luce, à veritate, ab omnibus veris bonis a-  
uersi, nūc lucē aspiciamus, si vita fruimur, si prophetarū moni-  
tis incēdimur, si in societate cælestis hæreditatis cōuocati su-  
mus, si cælū intruemur, & rerum diuinarū cupiditate flagra-  
mus, & hæc omnia cōstant Christi cruci affixi numine, benigni-  
tate, potētia effecta fuisse, quod signū esse potest, ad Iudeo-  
rū perfidiā cōuincendā admirabilis: Sed illud alterū signū,



## DE SAPIENTIA.

quod est in Iudæorum euerfione constitutum, videamus. Ex eo tempore quo Iudei se tam infanda scelere astrinxerunt, vt diuinum munus aspernarētur, auctoriq; vitæ crudelissimā necem inferrent, diuina vindicta in eos exarsit: vsque adeo, vt nulla vnquam gens tam diris cladibus afflicta fuerit. Odio erant omnibus: expulsi vndique & euēli vagabantur: leuissimis de causis ferro contrucidabantur: multa hominum millia passim concidebant: in Syria, Ægypto, & Cirene, & multis alijs regionibus erant rapinæ, atque cædi, & contumeliis expositi: donec tandem ad vrbis excisionem peruentum est. Atque primum seditio turbulenta miseris modis ciuitatem afflixit: illamque cæde & sanguine deformauit: & templum, & aras, & loca templi maiore quadam religione consecrata sceleribus infandis violauit. Obsidio tandem maximā ciuium partem, non ferro tantum, id enim iam in minimis malis habebatur, sed extrema rerum inopia atque dira fame consumpsit. Patres repudiato naturæ sensu cibum è filiorum faucibus extorquebāt: filij vicissim parentum guttura premebāt, vt siquid sibi sumpserant, rursus eijcerent, vt ipsi cibo parentibus impie detractō, vitam miserrime ad aliquod tēpus producerent: vt grauiores malorum acerbitates impurissimis oculis vsurparent. Matres filios infantes discerpebant, vt illorum carnibus famem depellerent. Sic autem erant omnium mentes alienatæ, & stupore calamitatis oppressæ, vt nullus humanitatis sensus, nulla parentum verecūdia, nulla filiorum caritas in animis resideret. Extructi cadauerum innumera- biliū acervi vias, & forum, & alia publica loca constrauerāt.

Iam enim mortuorum multitudine superante, & viribus eorum qui manebāt in vita deficientibus, vix reperiebatur, qui mortuos humo contegeret. Tetrerrimus odor urbem lue dirissima cōtaminabat. Hostium crudelitas eos foris exterrebat. Sed tantus erat intra muros pavor atq. trepidatio, vt nihil optabilius multis videretur, quā in hostium manus incidere. Id tamen illis per tyrannos, qui vrbi praeerant, minime licebat. Iam malorum consuetudo sic omnium sensus obstupescerat, vt vix plangor, & eiulatus, aut clamor deniq. doloris index audiretur. Vrbs tandē illa tam celebris, tantis opibus abundans, tanta hominum multitudine referta, tantis praesidijs munita, ab hostibus capta, direpta & incensa fuit: templumq. illud sanctissimum mira mortaliū religione consecratum horrifico atq. valde miserabili incendio conflagrauit: omniaq. priscae religionis monimēta flāmis vltricibus absumpta sunt. Hāc funestissimā cladem multis antefeculis miseris modis Isaias lamentatus est. Sic enim ciuitatem alloquitur. Viri tui cōcisi gladio cadent: & fortes tui in praelio: copiae tuae stermentur. Merebunt & lugebunt portae eius, & desolata in terra sedebit. Alibi vero inquit. Heu me. Rebelles à Deo descuerunt. Pavor, & fovea, & laqueus tibi parabitur ô miser, qui terrā scelere contaminatā incolis. Qui hostium voce terribitas aufugerit, in foveā cadet. Qui è fovea ascēderit, irretitus laqueo capietur. Deinde iudicij illius seueritatē oratione describit, & diuinæ iustitiæ laudes debita prædicatione celebrat. Sic enim ait. Domine quem Deum meum perpetuo cōfitebor, & laudibus summis afficiam. Admiranda consilia

## DE SAPIENTIA

multis ante seculis iniuisti, quæ rata tandem esse opportuno tempore uoluisti. Tu namque ciuitatē in acernum redeigisti: ædes magnificas eorum, qui se se à cultu sanctissimæ religionis abalienarant, euertisti: ita ut nullum uestigium ciuitatis antiquæ remaneret. Nunquam instaurabitur, & renouabitur: aut in pristinā reip. formam erigetur. Persequitur deinde iudiciij illius fructum, & gentium pietatem miris laudibus extollit: & gloriā eorum, qui erant ad epulas cælestes inuitandi, luculenter explanat: ex quibus intelligitur, quam infelices & ærurnosi fuerint hi, qui diuinas opes aspernati inopia sempiterna conficliari uoluerunt. Neq. tamen post urbis excidium ira diuina cessauit: sed eos grauissimis plagis insecta est: ita ut nullo in loco consisterent. Cum uero rursus à falsis Prophetis in fraudem impulsī (se enim Christos appellabant, & tempus Prophetarum oraculis præfinitum aduenisse demonstrabant, quo erant Iudei libertatem recuperaturi) à Romano imperio deficerent, rursus ab Adriano imperatore funditus euersi sunt. Nunc igitur exules, & extorres, omnibus mortalibus odiosi, & inuisi, omniumque contumelijs & rapinis obnoxij, aliquando ferro cæsi, aliquando autē bonis spoliati expelluntur: eijciuntur: maledictis omnium configuntur: nec ullum habent in tantis calamitatibus alleuamentum. Illos horrentes, & trementes aspiciamus: ad quemuis auræ motum exanimati trepidant: truncorum etiam umbras extimescunt: ubicumque uestigia ponunt, mirum in se odium multitudinis accendunt. Regis imperio carent, sacerdotij præsidio nudati sunt: ornamentum reipub. prorsus

ami-2

*amiserunt: nullas proprias sedes habent: eos cuncti mortales à se vt malum auspiciū detestantur. Tanta vero sunt ignominia notati, vt timidis, & ignauis, & omnem periculi rumusculum metuentibus, Iudeorum nomen imponatur. Itaq. Iudei nomen, quod olim dum in illa gente fidei atq. religionis studium vigeat, fuit valde clarum & nobile, nunc probris & contumeliæ seruit: & in promptu est omnibus, quoties hominem insigni dedecore & ignominia afficere volunt. Omnes enim mortales, siue illi Christiani sint, siue nefarijs Mahumetis disciplinis imbuti, siue simulacris addicti, in Iudei nomine summum dedecus inesse constituunt. Præterea inueterauit apud multos opinio, eum qui Iudeum iniurijs affecerit, spoliauerit, occiderit, in nullis iniquitatibus hæere, imo præclare officio suo fungi. Tantum est in gentem miseram multitudinis odium, vt iniurijs in eam illatis multi temerè glorientur. In omnibus his, vt inquit Isaias, non est auersus furor Domini: sed adhuc manus illius est extensa. Non enim conuersi sunt ad illum cuius iudicio peruertuntur. Supra mille & quingentos annos miseram seruitutem seruiunt: omnium gentium dominatum acerbissimum patiuntur: earumque iniurijs & conuitijs expositi sunt: cum nullum interim à Deo præsidium in tanta malorum omnium diritate consequantur. Quam rem gerunt? Quod scelus constant? quæ maleficia suscipiunt, propter quæ à Deo quem tam propitium olim habebant, omnino deserantur? Simulacris immolant? Imo eorum contactum perhorrescunt. Commentitios Deos adsciscunt?*

At eo nomine quòd vnum Deum colant, efferuntur. Est id verum. Sed moribus immanibus efferati sunt? At ipsi sibi summam laudem æquitatis & pietatis assumunt. Quid ergo est? Parum ne supplices ad Deum preces adhibent? Imo in precibus assidui sunt, neq. tamen exaudiuntur. Si igitur neq. simulacra colunt, neq. adurnas Deos inuocant, neq. humanum sanguinem fundunt, neq. se impia fraudis impuritate contaminant, cur illos Deus quos in fidem suam recepit, tam diuturno tempore ope sua destituit? Cur gentem illius numini consecratam tam diuturnis plagis insequitur? Cur antiquæ clementiæ & benignitatis obliuiscitur? Cur denique fidei suæ memoriam deponit? promiserat enim fore, vt si propter flagitia exularent, vbi primum toto animo ad se conuersi pacē exposcerent, in patrias sedes remigrarent. Itaque cum olim propter simulacrorum cultum Moabit, Ammonit, Madianit, Palestinis, & reliquis finitimis nationibus in seruitutem traderentur, vbi primum eos sceleris admissi pænitebat, & opē læsi numinis implorabant, hostibus deuictis in patriam liberi redibant. Assyrii deinde, atq. Babylonij diutius eos duriore domnatu oppressos tenuerunt. At neq. in eo exilio fuere diuino præsidio orbat. Propheta namq. eos erudiebant: & exilium tandem illud vltimum atq. grauissimum septuaginta annorum spatio definitum fuit. At nunc nec Astartem colunt: neq. Bello supplicant, neq. Beelzebub sacra conficiunt: neque in hortis rem diuinam faciunt: neq. filios in honorem Deorum iugulant: & tamen Deus multo acrius eos exagitat, quam si se omnibus his sceleribus alligauissent.

gauissent. Si dixerint iustos interdum laboribus exerceri, fatebor. Verum ita Deus eos exercet, ut laborem breui spatio circumscribat, & laboribus sempiternum præmium atq. gloriam proponat. Præterea non vniuersitati exitium infert, imo propter paucos iustos multitudini frequenter ignoscit. Neq. solum in futura vita iustos muneribus diuinis afficit, sed etiam in hac eos ornamentis cælestibus illustrat, clarissimæq. documenta dat, quantum sibi cordi sint omnes, qui pro iustitiæ sanctitate dimicant. At vos Deus post Christi cædem, neque præsidij ullis instruxit: neq. per aliquem prophetam ad spem salutis excitauit: nec exilium definiuit: nec paucis tantum, sed vniuersitati Iudæorū se grauius infensum esse declarauit. At ex quo tempore vos numen diuinum diris pænis insequitur? Nam id etiam operæ pretium erit attendere. Ex eo quo si vera dicitis par erat, ut vobis summa etiam crimina condonaret. Tantum enim facinus suscepistis, quantum nulla vnquam gens pro Dei honore suscepit. Lege Deus ipse sinxit, ut si propheta quispiam existeret, qui prædictiones suas euentis verissimis comprobaret: is tamen homines ammoneret, ut honores diuinos dijs alienis instituerent: morte continuo sceleris tam diri pænas exolueret. Vos autem non prophetam, qui religionem labefaceret, sed hominem (ut asseritis) qui sibi diuinitatem tribueret, honoresque diuinos ad se transferret, interemistis. Quid fieri potuit ad expiandam religionem sanctius, ad hominum temeritatem coercendam seuerius, ad exemplum prodendum salutaris? Quid enim magnum fecit Phinees, cum hominem proteruum qui inspe-



## DE SAPIENTIA

*Elante Mose Madianitidem complexus est, cum consorte libi-  
 dinis hasta trāsfixit? Non est vllō modo factum cū facto cō-  
 parandum. Illum namque nequam hominem libido instiga-  
 uit, vt cum muliere illa congredetur: at Iesus (vt affirma-  
 tis) iudicio ductus in gloriā diuini numinis inuasit. Ille Mo-  
 sem & multitudinē despexit: Iesus rerum omnium dominum  
 contēpsit. Ille Mosi imperium detrectauit: Iesus autē impe-  
 rium summi atq. sempiterni Regis pro nihilo duxit. Facinus  
 igitur multo praeclarius illo quod edidit Phinees religionis stu-  
 dio suscepistis: ipsumq. Deum vobis obstrinxistis, cum tā gra-  
 uem iniuriā nomini illius illatam tam acerbo supplicio vindi-  
 castis. Si igitur Phinees illo facinore non sibi tantum nomē,  
 & gloriam, & sacerdotij firmissime constituti dignitatē, sed  
 vniuersae multitudini salutem peperit, vt enim ipse Deus te-  
 stificatus est, Phinees ea cāde irā Dei leniuit, & pestem quae  
 multitudinē conficiebat, auertit, quid vobis expectandum est,  
 qui tāto pulchrius facinus designastis? Nunquid non equum  
 erat, vt quauis antea fuissetis omnibus summis flagitijs &  
 impuritatibus inquinati, vos sibi Deus propter tam egregium  
 factum reconciliaret, & summis praeterea ornamentis affice-  
 ret? At ille non modo Christi nece placatus non fuit, verum  
 in eos qui eam machinati sunt, dirissimas clades inuexit: &  
 vniuersam eorum posteritatem seruitute premi, maledictis  
 conscindi, laboribus frangi, doloribus intercludi, formidi-  
 ne perterreri, ignominia notari diutissime patitur. Quid  
 igitur dicendum est? Deum clementiae & aequitatis obli-  
 tum esse? Non prorsus. At clementiae munus est suppli-  
 cibus*

cibus veniam largiri, æquitatis autem excellentibus meritis præmia constituere. At ille vobis nec vt supplicibus ignoscit: nec vt bene meritis vllam mercedem tribuit. Quid ergo dicendum? Opus enim est, vt vel illi Domino sanctissimo atque iustissimo, qui vos nullo vestro scelere laceßitus imo meritis vestris obligatus è tantis malis non eripit, iniquitatis & iniustitiæ crimen affingatis: vel vos ipsos eo scelere constrictos esse fateamini, quo nullum tetrius, inmanius, & detestabilius fieri vnquam potuit. At iniquitas in Deum non cadit. Propter vestrum igitur scelus ista patimini. Non est, inquit ille, contracta manus Domini, vt salutem dare nequeat: sed iniquitates vestræ pacem quæ erat inter vos & Deum vestrum diremerunt. Hæc quidem Deus qui mentiri non potest, effatur. Quæro igitur, quæ tâta iniquitas ista sit? Quod tam scelestum & immane facinus exiitit? Non mediocria, communia, peruulgata vitia requiro, sed tantũ scelus atque flagitium, vt antiqua scelera in quæ multo leuius olim vindicatum fuit, vincat, & superet. Nec enim est æquitatis diuinæ maximũ scelus leuibus pœnis, mediocre grauissimis vlcisci. Si nullũ igitur exilium gentis huius magis diuturnum fuit: si nullæ clades maiores: nullæ calamitates vehementiores extiterunt: si nunquam seuerius clementissimus ille Dominus eorum postulata reiecit: nec eos vnquam diutius & grauius affluxit: si iudicium illius est semper rectissimum: si pro magnitudine criminum pœnas fontibus imponit: fateantur necesse est, vt tantum scelus commiserint, vt multis partibus ea scelera vincat, propter quæ fuerunt olim varijs cala-

## DE SAPIENTIA

calamitatibus affecti. Vt autem id melius possit animaduer-  
 ti, non erit alienum ea scelera atque flagitia commemorare,  
 quæ olim susceperunt. Nec enim solum à sanctissima religione  
 defecerunt, & Deos alienos asciuerunt, & dira & infanda su-  
 perstitione conflictati sunt: verum crudelitate, maledicen-  
 tia, periurio, furtis, latrocinij, sacrilegijs, iram in se numinis  
 incitarunt. Quam acriter eos propheta sanctissimi & quam  
 asperis verbis accusant? Quam sæpe illis seuerum Dei iudi-  
 cium denunciant? Eorum effrenatas libidines exponunt: ty-  
 rannidem atque scelus obijciunt: potentium auaritiam, iu-  
 dicum iniquitatem, principum flagitia, multitudinis furorẽ,  
 & amentiam infectantur. Nullam esse fidem, nullam offi-  
 cij religionem, nullam sanguinis caritatem: omnes mentiri, fu-  
 rari, latrocinari, fraudibus fortunas augere, fratres fratri-  
 bus insidias machinari, quemlibet ad uxores aliorum instar  
 equi furenter adhinnire. Adde nunc innocentium cædem &  
 sanguinem, parentumq. furorem obtentu religionis in filiorũ  
 nece bacchantium. Nec infanda in mares libido erat illis in-  
 audita. Maximam namque laudem monimenta sacra Regi  
 sanctissimo tribuunt, quod catamitos sustulerit. De conuicijs  
 autem & maledictis, quæ in Deum conijciebant, infinita  
 testimonia proferri possent. Nullum igitur genus auaritiæ,  
 libidinis, impuritatis, immanitatis, parricidij, sceleris, &  
 impietatis animo fingi potest, quo se Iudæi non olim con-  
 taminarint: & idcirco pœnas luerunt, & in exilium non  
 ita magno annorum numero definitum compulsi sunt.

Ergo cum hæc plaga fuerit longe grauior & calamitosior,

cum

cum exilium ab anno supra milesimum & quingentesimum nullum ad hunc vsque diem finem habuerit, cum nulla interim illis spes melioris conditionis afferatur, cum sepe variis ærumnis & calamitatibus opprimantur, necesse est, ut fateatur se id scelus commisisse, quod multum criminis gravitate infandis flagitiis, latrocinis, parricidijs, sacrilegijs, & sceleribus infinitis, contra Dei religionem impie commissis antecedit. Quod nā igitur illud crimē fuit? In isto, vrgeo, in seclor: & quod tantum, tam scelestum & immane facinus extiterit, ut dicant, & in medium proferant, efflagito. Si nullum fuisse dixerint, sanctissimum iudicent iniquitatis insimulabunt. Si mediocre scelus protulerint, dicam illum iustissimum dominum nunquam pœnas grauissimas mediocribus erratis constituisse. Vertant se in omnia: antiquitatis memoriam replacent: rem ponderibus iustis examinet: & nullum facinus editum reperiēt, quod sit cum eo quod in Christi nece & cruciatu susceperunt, vlla ex parte comparandum. In illo namque fuit ingratisimū animi crimen & scelus: beneficium enim illud quo nullum maius & amplius à Deo hominibus dari potuit, aspernati sunt, atque respuerunt: fuit similiter rebellionis, atque perfidiæ: summi namque Regis imperium legitimum atque sempiternum contumaciter, arroganter, & impie cōtempserunt: fuit immanissimū sacrilegij: templum enim illud sanctissimum non operis hominum factum, sed Dei ipsius manibus in vtero sanctissimæ virginis informatum, ut in eo non adumbrate, sed vere semper habitaret, violadum, evertendum, & affligendum susceperunt: fuit parricidii: nature

namque:

## DE SAPIENTIA

namque parenti, cuius numine & beneficio viuimus, & su-  
 mus crudelissimam necem intulerunt. Omnia crimina odij,  
 inuidiæ, crudelitatis, immanitatis, & impietatis, nō dico quæ  
 in homines concipi, sed quæ in Deum ipsum ab hominibus au-  
 daciſſimis & proſtigatiſſimis committi poſſunt, vnum in lo-  
 cum collata, minimè partem aliquam tam infandi ſcleris cō-  
 ſequentur. Si muta elementa loqui poſſent, ſceſtiſſimi fa-  
 cinoris crimen illis intenderent: quòd interitum rerum omniū  
 moderatori per quem elementa conſiſtunt, attulerunt. Cælum  
 contra illos teſtimonium diceret, quorum ſcelere factum eſt,  
 vt in tenebris & caligine verſaretur. Terra illos immani ſce-  
 lere damnaret, quæ motibus horrendis, quantum facinus ab  
 impijs hominibus in Chriſti nece commiſſum fuiſſet, indica-  
 uit. Mare gentem rebellem & immanem fluctibus obrueret,  
 quòd viderit illius Domini maiestatem contemni, cuius im-  
 perio id in omni turbida tempeſtate ſemper obediuit. Omnis  
 deniq. natura ad exitiū gentis impuriſſimæ conſpiraret, quæ  
 contra naturæ cōditorē bellum peſtiferum cōparauit. At qua  
 tandem ſe ignorationis excuſatione defendent, qui tam clariſ-  
 ſignis fuerunt de maiestate & imperio noſtri liberatoris ad-  
 moniti? Propheta natale ſolum illius præmonſtrarunt: tēpus  
 quo erat naſciturus exactè definierunt: ſigna mirabilia quæ  
 daturus erat, prænunciauerunt: humilitatem, manſuetudinē,  
 obedientiam, mortem illius, & gloriam, & eorum qui illum  
 ſequerentur ſalutem, & qui ab imperio illius deſicerent euer-  
 ſionem, explicuerunt: omnia quæ prædicta fuerant, ad nume-  
 rum aptiſſimè ceciderunt: & tamen Iudei, qui tam clariſ-  
 ſignis

signis emolliri, & ab inuidia, & odio sanctitatis ipsius abdu-  
ci minimè potuerunt, signa petere non desistunt. Mediocre  
ne signum (vt alia fileamus) arbitrantur esse in exilio, serui-  
tute, pauore, consternatione, & gentium odio constitutum? Si  
igitur adhuc signa petunt, illo signo cōtenti sint, quod in ma-  
lis suis experiuntur. Nondum tamen malum grauissimum  
quo vexantur attigimus. Quod tandem illud est? inquires. Fu-  
ror immanis, quo leges & prophetarum studio relicto, alia si-  
bi literarum subsidia comparauerunt. Scrutamini inquit ipse  
Dominus, scripturas. Ipsæ namq. testimonium perhibent de  
me. Hoc autem quod Christus admonet, ne à Iudæis fieri cō-  
mode posset, fuit Satanae astutia & calliditate excogitatum:  
vt sanctarum literarum studio neglecto, omne vitæ studium  
in pestifera disciplina cōsumerent. Poëtæ quidē Græci, atque  
Latini multa fingunt, apte tamē atq. venuste: nō vt fallant,  
sed vt oblectēt: ē quorū tamen fabulis multa in mores & vi-  
tam non incōmode transferuntur. At Iudæi ea cōfingunt, &  
cōminiscuntur, quæ nullā oblectationē habent. Sūt enim ve-  
hementer absurda & inepta, nulla verborum elegantia, nulla  
concinnitate orationis illustrata. Quæ quidem, nō vt animos  
oblectarent, sed vt errore turbulento complerent, in scriptis  
reliquerunt. Nam & cælum imperfectum à Deo relictum  
asserunt: & lunæ splendorem propter ipsius lunæ inuidiam  
imminutum: & primum parentem antequam Eua forma-  
retur, cum omnibus animantibus corpus incestu commif-  
cuisse: & omnes arbores cum is Dei legem transgressus  
est, frondes, & fructus, ne is quidquam ex illis commodi  
caperet,



## DE SAPIENTIA

*caperet, in sublime sustulisse: solamque ficum quod fuisset sceleris particeps (illius enim fructum esse perhibent, quem prius parentes contra Dei iussum gustauerunt) illis folia quibus pudendas corporis partes obtegerent, præbuisse. Quid illud? in quo assueverant, ne leuiatbam quem dicunt esse marinum serpentem magnitudinis propemodum infinitæ genus multiplicaret, quo deinde animantia cuncta in aquis absumerentur, Deum faminam illius interemisse? Ne rursus temere formata fuisse videretur, quæ erat statim interimenda, eâ sale conditam asseruari dicunt, ut ea iusti in paradiso vescerentur. Sitis enim vile licet iustis, ut eo sulfamento incundius biberent, à Deo quesita videtur. Tum illud de immani proceritate Og Regis Basan, quem multo antequam terræ eluvione vastarentur extitisse, minimeque deletum fuisse confirmant, eo quod capite supra omnes fluctus emineret, quam ridiculum? Infinitum esset, si vellem omnia portenta atque prodigia, quæ literis contra sanctarum literarum testimonia homines non modo impudentes & scelerati, sed etiam inepti & insulsi mandarunt, oratione percensere. Quid hic verborum turpitudinem, quid sordes, & lutulenta scripta commemorem? Quid aniles fabulas, & diras superstitiones, atque mendacia infinita referam? Hoc tantum dicam, cum Mahumetes in Alchorano multa non modo impudenter & impie, verum imprudenter & nimis insulse confixerit, tantum multis in locis Iudeos magnitudine & impudentia fabularum Mahumetem superasse, ut Mahumetes ad illos collatus aliquid esse videatur. Et tamen illa rabinorum portenta leguntur,*

*edif.*

ediscuntur, & his nefarijs disciplinis adolescentes, vt ab Isaia prædictum fuerat, irretiuntur, & tanquam diuina testimonia teneris annis imprimuntur. His studijs illecti studia legis diuinæ contemnunt, & prophetas leuiter attingunt: summamq. sapientiæ rationem in amentia, & temeritatis, & impietatis officina collocatam habent. Iam vero in eo quod ad mores & instituta vitæ pertinet, quantis erroribus atque flagitijs puritatem legis inficiunt? Sic enim legem interpretantur, vt necesse sit, eum qui à maiore iudicum parte damnatus fuerit, pœnas dare: eum vero qui sententijs omnibus condemnatus extiterit, absolui. Eum qui falso testimonio ciuem perdere voluerit, capitali supplicio affici: qui vero perdiderit, crimine liberari. Quasi vero voluntas nocendi sine effectu supplicio digna sit: cum effectu vero ludem egregiam consequatur. Licet item illis per rabinorum statuta Christianos pecunia fraudare, vita spoliare, gentes vniuersas circumuenire, dolos, insidias comminisci, & pestem dies atque noctes innocentibus imprecari. Multas dant vias, mendacij, furti, libidinis, impuritatis: & tamen iustitiæ magistrî, qui hanc disciplinam tradunt, existimantur: eorumque decreta, & responsa pro sanctissimis legibus habentur. Huiusmodi corruptelis & legis interpretationibus fallacissimis cumulata est illa doctrina, quam Iudæi Talmud appellant, quæ se legis scriptum diligentissimè persequi profitetur. Quid de illa altera quam cabalam nominant dicendum est? quā magna sibi proponit? in quantis nugis versatur? quanta promissa continet? quam male datam fidem liberat? diuina quidem pollitur:

## DE SAPIENTIA

& ne humana quidē miseris hominibus relinquit. Hoc enim  
 suscipit, ut intimos legis sensus explanet: neq. tam quid scri-  
 ptum sit, quam quod mysterium intus lateat, scrutetur: men-  
 te & sententia, non literis vitam moderandā existimat. Cla-  
 ram numinis sempiterni notitiam studiosis pollicetur: & no-  
 minis diuini explicationem se tradituram promittit, quā qui  
 fuerit affecutus, fore nō dubitant, quā omnes res admirādas  
 quas voluerit, efficiat. Quid hoc promisso grandius & ma-  
 gnificentius? quid exitu magis leue & nugatorium? In expli-  
 catione nominis diuini atatem conterunt: quam minimē con-  
 sequuntur. Nec enim via naturæ diuinæ cognoscendæ, notis  
 & caracteribus, & interpunctionibus inanissimis, sed vitæ  
 puritate & sanctimoniam diuinā. spiritus illustratione con-  
 tinetur. At illi literis varie cōmutatis, & numeris vltro ci-  
 troq. conuersis, varijsq. flexibus, atq. reflexibus, & latebris  
 exitum nullum habētibus impediti, non modo sensus diuinos  
 non adipiscuntur, sed humanis omnino spoliātur. Quid enim  
 amentius illis qui existimant fieri posse, ut diuinum numen  
 certis notis astringatur: atq. vbi primum aliquis nomen illud  
 quod exquirunt expresserit, vis diuina præsto futura sit?  
 Quid scelestius quam ineptissimam & impurissimam Ma-  
 gie rationem ad diuini nominis maiestatem transferre cona-  
 ri? Quid inanius quam tot seculis sine vllō fructu artem il-  
 lam colere, ex qua non aliam vtilitatem percipiunt, quam  
 stupiditatem in dies amplificatam, humanæque mentis euer-  
 sionem? At quas erroris confirmandi caussa fabulas admis-  
 cent? Quæ portenta atque prodigia loquuntur? Qua teme-  
ritate

ritate & audacia numen sibi ad nutum præsto futurum pollicentur? Nihil in eorum argutijs acutum, nihil in ostentatione magnificum, nihil in explicatione splendidum, nihil in fructu solidum, nihil denique non modo maiestate diuina, sed ne Philosophia quidem humana dignum in eorum scriptis, sed omnia leuia, futilia, veritatis inania, & temeritatis inconsideratissimæ plena reperies. Oua, vt inquit Isaias, aspidum ruperunt: telas araneæ texuerunt: itaque non salutem, sed perniciem, non integumentum, sed nuditatem studiosis attulerunt. Quo modo enim alijs salutare esse possunt, qui sibi ipsis opitulari nequeunt? aut quem fructum vnquam ex illa disciplina inanissima præter furorem & amentiam consecuti sunt? Itaque sensibus orbati, rationis lumine destituti, cæcitate mentis oppressi somniant, allucinantur, ingenio tum huc, tum illuc temere vagantur, nec vlla in certa sede consistunt. Harum alterutra disciplinarum Iudæi qui sapientiæ studia sibi colenda statuerunt, mirificè deliniti literas sanctas oscitanter legunt: nec eas nisi ex Talmudistarum, aut Cabalistarum iudicio interpretandas arbitratur. Quo supplicio quid calamitosius fingi potest? Si enim mentis cæcitas, si stupor & immanitas, si furor & insania, si errores turbulenti magis sunt in pœnis diuinis numerandi, quàm egestas, exilium, corporis dolor & cruciatus, & reliqua mala, quæ homines vulgo nimis extimescunt, quid illis miserius est, qui diuinæ mentis lumine destituti tanto studio tenebras amplexati sunt, vt eorū furor in dies singulos augeatur? Percutiet, inquit Moses, te dñs amētia, & cæcitate, & stupore mētis

## DE SAPIENTIA.

*ut palpes in meridie, sicut palpare solet cæcus in tenebris, & non dirigas vias tuas. Hoc certè quod Moses inquit, in Iudeorū cæcitate perspiciamus. Clarissimis enim in rebus nihil omnino dispiciunt. Eas igitur pœnas impietatis atque perfidia luunt quibus nullæ in hac vita grauiiores excogitari possunt. Obstupescat, inquit Dominus apud Isaiam, cor populi huius & aures eius obtusas redde, & oculos eius obline, ne oculis videat, auribus audiat, & corde intelligat, & conuertatur, & sanem eum. Scripturæ sanctæ consuetudine imperat dominus propheta, non quidem ut Iudeos in cæcitatem conuertat: sed ut illis futurā cæcitatem denunciet. Hoc enim propheta facere interdum dicuntur, quod euenturum prædicunt. Itaque Deus propheta imperat, ut supplicium illud omnium grauiissimum, quod Iudeis erat propter contumaciam præter alia omnia subeundum, denunciet. Rectissimo namque Dei iudicio factum est, ut Paulus ad Thessalonicenses scribens ait, ut qui beneficium veritatis aspernati sunt, errori traderentur: ut mendacio crederent. Itaque iam hac cæcitate & dementia Iudei. Antichristo præclare viam muniunt. Sic autem apud Zachariam scriptum est. Conuersus, inquit ipse Zacharias, oculos extuli, visumque vidi. Tum Angelus. Quid vides? volumen, inquit, volans ego video, cuius longitudo cubitos habet viginti, latitudo autem cubitos decem. Et dixit ad me. Hac est execratio, quæ exit super faciem vniuersæ terræ. Omnis enim qui furatur, eo volumine secundum id quod in eo scriptum est, absoluitur: & quisquis peierat, eo volumine secundum id quod in eo scriptum est, absoluitur. Quid*

*hoc*

hoc Zachariæ viso, & ostento mirabilius? Volumen enim istud est fallax diuinæ legis interpretatio. Nec enim volumen quadratum est, quæ forma propter æqualitatem iustitiæ speciem refert: sed altera parte longius, quæ figura iniquitatem designat. Denarius autem numerus legi diuinæ consecratus est. Numerus autem viginti continet nefarium legis additamentum diris obnoxium, quod legem falsis interpretationibus, & iniquissimis institutis ad illam adiectis inquinat, illiusq. puritatem & sanctitatem fæde contaminat. Si autem in diuina lege execratione deuincitur omnis, qui ad legem aliquid addit: quo modo non multo magis erunt detestabiles & execrandi, qui multis additamentis eam prorsus immutarunt, atque ab instituto sanctissimo detorse-  
runt? Volumen igitur hoc, quod in terras vniuersas in quibus Iudei damnati exilio vagantur incredibili celeritate peruasit, Talmudisticam, aut illi similem disciplinam aperte significat. In illam enim valde conuenit id quod sequitur, nempe ab ea excogitatum fuisse, vt omnis fur omni crimine liberetur: & periurus eiusdem disciplinæ decretis iniquissimis absoluator. Vt enim pauca de fallaci legis explicatione qua secundum Talmudistarum placita iudices contra iusiurandum iniquam sententiam ferre possunt, & nocentes absolvere diximus: ita sunt alia permulta flagitia, quæ eiusdem institutis sanciantur. Sequitur autem in eodem loco Et eieci illam, inquit Dominus exercituum, vt veniat in domum furis. Per furem satanam intellige, qui non venit nisi vt furetur, & mactet, & perdat. Addit deinde.



Et in domo eius, qui falso iurat, & conficiet eam, & ligna eius, & lapides eius. Quis autem erit, qui periurij scelere inter omnes excellet, nisi Antichristus, qui erit huius discipline decretis ab incunabulis institutus? Is enim falso iurabit, cum se inferet, & intrudet, liberatorisque nomen impudenter vsurpabit, fictaque specie sanctitatis atque diuinitatis miseram gentem in capitalem fraudem impellet. Ea namque furoris execratio, quæ disciplina nefaria continetur, ipsam domum furis, atque periuri palatium, & vires atque robur absumet. Idem alio viso non minus admirando declaratur. Sequitur enim continuo. Egressus est Angelus qui loquebatur mecum, dixitque ad me. Attolle oculos tuos, & vide quid est istud quod egreditur? Tum dixi, quid est? Dixitque, epha est quod egreditur. Hoc oculus eorum in vniuersa terra. Et ait, Hac est impietas. Et abiecit eam in epha. Deinde abiecit massam plumbeam super os ipsius. Per epha quod est publicum & communi lege definitum mensuræ genus, intelligitur iuris administratio, quam pestilens Iudæorum doctrina furenter occupauit. Et ideo scriptum est impietatem in amphoram illam iniectam fuisse. Ait deinde, hoc esse eorum oculum in vniuersa terra, quia iam non à Iudæis, quid lex diuina sanciat, sed quid Talmud, aut Cabala præscribat, examinatur. His duobus Satanae placitis & inuentis tanquã oculis vtuntur, & in interpretes tanquam in salutis auctores intuentur: Massa vero plumbea in os ipsius impietatis iniecta non ponderis tantum in terram deprimentis gravitatem, sed etiam mentis stupiditatem

tem designat. Nihil enim à Iudeis isti nefariæ disciplinæ deditis effertur excelsum, nihil elegans & acutum, sed ponderosum, hebes, & obtusum. Adiungit deinde. Cumque sustuliffem oculos viâ. Et ecce duæ mulieres prodibant, ventusque erat in alisearum: erantque eis alæ quemadmodum alæ ciconiarum: quæ epha in altum inter cælum & terram sustulerunt. Personas rebus imponit: & quemadmodum impietatem sub personam mulieris inducit: ita per duas mulieres quæ impietatem sustinebant, duplex impiæ disciplinæ genus intelligit. Ciconiæ serpentibus pascuntur, & ideo alas harum mulierum, quas ventus hoc est inanitas impellebat, alis ciconiarum similes facit: vt ostendat, omnem earum impetum vt serpentibus, id autem est, nutrimentis scelerum demonum industria suppeditatis alantur, incitari. Dicit vas illud inter cælum & terram sublatum extitisse, quia disciplinæ illæ nefariæ neque terram tangunt: neque enim quidquam hominum mediocrium approbatione dignum sonant: neque rursus aliqui ad altum atque cæleste pronunciant. Adiungit deinde. Dixi ergo ad Angelum, quo ferunt istæ epha? Dixitque ad me. Vt extruant ei domum in terra Senaar, vbi præparabitur ei, & collocabitur ibi super basi sua. Per terram Senaar, vbi Babel idest confusio ædificata fuit, intelligit reipub. sceleratam & impiam diuinæ legis sanctitati contrariam, omniaque perturbandi atque peruertendi studium. Ibi sedem impietatis fore dicit, quia in cœtu Iudæicæ perfidiæ quæ Babylon quædam existimanda est, Ierosolymæ cælesti contraria, sic ea disciplinæ furoris insedit,

à Prophetis enunciatum: recolant animis, quo tempore Christus ortus fuerit: quid in vita gesserit: quam admirandis operibus insitum numen expresserit: quam libenti animo vitam pro omnium salute profuderit: quanta virtutis inuictæ documenta in cruce dederit: cernant animo gentium conuersionem, diuinæ claritatis splendorem in omnes terras diffusum: Iudeorum qui Christum odio persecuti sunt euerfionem & interitum memoria repetant: quam veris euentis hominum diuinorum effata comprobata sint: & tum demum tam admirandis rebus, & tanta diuinorum testimoniorum consensione conuicti Deo gloriam tribuent: nec vlla præterea signa flagitabunt. Videant quomodo facinoris illius immanissimi cuius nomine gloriantur, nullum à Deo præmium cōsecuti sunt: imo post illum diem quo Christum occiderunt, bellis & vastitate consumpti, exilio damnati, dedecore & ignominia deformati, scelerum pœnis agitati nullo in loco consistant. Reputent secum quo furore stimulentur: quibus nugis oblectentur: quibus fabulis aures præbeant: quos sibi magistros asciscant: quibus tenebris immersi sint. Agitent animis quot argumentis ducti suspicari possunt, se Deo inuisos esse. Nec enim eorum preces audit: nec illis subsidio occurrit: nec illorum labores aliqua spiritus diuini suauitate compensat: imo eos ita districto gladio seueritatis insequitur, ut respirare non sinat. Illos autem in huius libri fine, ne diutius cum tanto vitæ supplicio eorum contumacia cum Dei clementia certet, exhortari minimè alienum puto. *Quantum vestram salutem constitui cupiamus o viri sanctissimos*

## DE SAPIENTIA

rum hominum sanguine propagati nouit ille summus Dominus qui intimos animorum recessus explorat, & cui nihil est nec in densis quidem tenebris occultum. Quod minime mirandum est. Omnia namque bona quibus affluimus à vestro genere profecta ad nos vsque peruenerunt. Principes vestri generis atque nominis illi summi viri Abraham, & Isaac, & Iacob, quos Deus secum amicitiae fœdere inuiolabili contunxit, extiterunt. Doctores vestri Moses, & Aaron se virtutis excellentis altitudine in familiaritatem summi Dei penitus immerferunt. Vestrae salutis interpretes Prophetæ sanctissimi fuerunt: vobis diuinæ disciplinæ monimenta & oracula quibus nostra salus continetur, credita atque commissa sunt: vestrum genus Dei filius secum fœdere sempiterno colligauit: è vestro corpore sanctissimi viri qui nos huius tantæ lucis participes effecerunt, prodire. vestra tandem stirpe propagabuntur, qui temporibus vltimis sanctorum patrum diuinas virtutes imitentur. Filius Dei non humanum corpus assumpsit, vt nos à coniunctione vestra diuelleret: sed vt nos vobis, & vos nobis arctissimo vinculo deuinciret. Quare par est, vt vestram vicem doleamus, & pro vestra salute vota faciamus. Quanquam quid attinet ad Deum preces fundere, qui ad vos manus intendit, & prope suppliciter (tanta est illius clementiæ magnitudo) vos rogat vt sanari velitis? Quid igitur benignitatem diuinam, quæ vos ad se, vt inquit apud Isaïam, tota die allicit & inuitat, negligitis? Cur salutem vestram proditis? Cur in pestem ante oculos positam ruitis? Cur nos hospites & peregrini

grini in tantorum bonorum possessionem missi sumus, & vos hereditatis amplissimæ patrimonio deiectioni fuistis? Nos oleastri surculi in sanctorum stirpem insiti ex olea gentiles succos elicimus: & vos ab ipsa olea qua nitimur excisi ad incendium reservabimini? Vos igitur oro & obtestor per generis vestri sanctitatem, per legis diuinæ puritatem, per infinitam illam Dei clementiam qua vobis olim singulari atque patria benignitate cōsultuit, ne diutius vestra pertinacia cum illius seueritate certamen ineat. Satis vos erudit, dum vobis tam multas plagas imponit. Parentum fidem & pietatem imitamini: odium & inuidiam à vobis repellite: spiritus diuini iussis obtemperate: exempla patrum qui in scelere perstiterunt detestamini: Christi crucifixi cuius vim tam multis signis perspicere potuistis, numen extimescite. Nunc dum tempus est, dum aditus ad clementiam patet, dum potestis illius benignitatis infinitæ fructu potiri, resipiscite, & ad illum qui vos ad se vocat inflammato studio properate. Quod si voces illius audire nolueritis, cum iterum venerit, ut iudicium de hominum factis atque fide constituat, cum illum gloria diuina circumfluentem, vitæque rationem à singulis hominibus seuerissimè repentem, flammaque vindice hostes suos populantem, & vos à quibus in crucem actus fuit rectissimo iudicio peruertentem aspexeritis, ad cuius opem confugietis? In quas vos latebras conijciatis? Is enim qui nunc vobis vsuram vitæ concedit, ut in viam redire possitis: qui vos quamuis illius benignitati repugnetis, vocare non desistit: in vos eo  
seue-

## DE SAPIENTIA.

*seuerius vindicabit, quo nunc clementius exspectat. Duo  
tantum à vobis impetrare cupio. Vnum est, vt pestilen-  
tem disciplinam, quæ non aliunde quam à plaga tartarea ad  
perniciem hominum profluxit exhorreatis: solamque Dei le-  
gem & Prophetarum testimonia consulatis: alterum, vt  
nihil à parentibus præiudicati in precibus & votis offeratis:  
sed simplici animo ab illo summa benignitatis & clementie  
fonte contendatis: vt quid ad salutem vestram necessarium  
sit, vobis clementer aperiatur. Quod si feceritis nō dubito quin  
is animos vestros splendore sancti spiritus illuminet: vt  
tum demum quantum numen atque potentia in  
Christo cruci affixo lateat, in-  
tueri possitis.*



# DE SAPIENTIA

## LIBER TERTIVS.



*V* D. *Æ* I S quidem signa petentibus, si signis admirādis sanari volūt, abunde satisfactū arbitror. Si sanari nolunt, signa petere desistant. Nunc vero consequens est, vt Græcos sapientiam quærentes doceamus. omnem verissimæ sapientiæ rationem Christi crucifixi mysterio contineri. Aptissimum autem huius orationis cum Græcis habende principium illud fore videtur: vnde vitæ exordium duximus. Vitæ nostræ principium fuit illa fides, qua patrem, & filium, & spiritum sanctum confessi sumus. Nec enim satis ad cælestem lucem fruendam nobis fuit illo die fateri, Deum infinita potentia, sapientia, & bonitate præditum, sempiternæ lucis originem, vniuersæ naturæ conditorem, rerum omnium formas in se mirifice continentem: sed fuit etiam necesse, vt in summa naturæ diuinæ simplicitate trium personarum distinctionem nobis esse perpetua prædicatione celebrandam videremus. Si enim sapientiam quærimus, & sapientia in Dei notitia consistit, Deum autem is pro huius vitæ statu & conditione nouit, qui patrem, & filium, & spiritum sanctum vna diuinitate, maiestate, imperio, contineri firmissime credit, restat vt summam sapientiam in hac fide constitutam arbitremur. Præterea cum de signis ageremus, sæpe Christum Dei filium appellauimus: quod Iudei ferre nō possunt: Græci non facile cōsequuntur: ea de causâ commodum nobis,

## DE SAPIENTIA.

nobis visum est, ne opus imperfectum ansam calumnie præberet, Iudeos sanctarum literarum auctoritate repellere, Græcos autem aliqua ex parte tanti mysterij disciplinis instruere. Quamquam quod ad Iudeos attinet, si illi signa perspicunt, signis intelligere potuerunt, Christum esse veritatis atque iustitiæ magistrum. Is autem se verum Dei filium esse testificatus est. Qui cum sit patri amore sempiterno deui-  
 ctus, consequens est, ut præter patrem atq. filium caritatem sempiternam cogitemus. Deum nemo vidit unquam. Nec enim sensibus usurpari, neque cogitationibus informari, nec scientia comprehendendi, neq. mente percipi numen illius potest. Fides tantum relinquitur, ut quoad licet, & fas est, Deum animo complectamur. Fides vero auctoritate dicentis inni-  
 titur. Auctoritas autem summa in eo solo collocanda est, qui nullum in se peccatum admisit, aut mendacium concinnauit, numenque suum diuinis operibus apertissime comprobauit. Is igitur solus qui est in sinu patris nobis veris-  
 simæ Theologiæ disciplinam tradere potuit, de qua antequam aliquid dicamus opus est, ut numen illius imploremus, & ab illo petamus, ut nobis lumen suum præferat, quo sine ullo mentis errore, de tantis rebus, ut pietatis verissima ratio præscribit, differam. Admonendi tamē sunt, qui in hos libros inciderint, esse quædā verba, quæ non sunt ita elegantium hominum consuetudine trita, quibus quo minus utar mihi interdictum non arbitror. Nā si Mathematicis, si Physicis, si Medicis, si reliquis denique in singulari aliquo artificio versatis, certa vocabula concessa sunt, longe à consuetudine communis sermonis abhor-  
 rentia:

rentia: cur non id multo magis illis permittitur, qui de rebus diuinis edisserūt, in quibus necessario verba aut faciēda sunt, aut ab alijs iam facta vsu & consuetudine mollienda? Vt autem institutum prosequamur, cum de Deo neq. sensus, neq. opinio, neq. scientia, nec intelligentia sit: superat enim infinita illius amplitudo omnē mentem & rationem: & fides tantum reliqua sit, quæ constans & firma permaneat: hanc certē firmitatem habere nō poterit, nisi diuino testimonio nixa fuerit. Hoc autē testimonium facit, vt fides sit omnibus sensibus certior, omni scientia firmior, & omni deniq. mente cōstantior. Sensus enim sapissimè fallunt: scientia vero ea quæ facultatem humanā superant, haud quaquā assequitur: mēs humana est angustis admodum spatijs circumscrip̃ta: ita vt sola fides diuinis testimonijs constanter adhibita animos nostros solitudine liberet, & de rebus diuinis certos efficiat. Solius igitur Christi testimonium est quod nos sapientes red dere potest. De quo summus pater ait. Ecce testem populis dedi eum, ducē & præceptorē gentibus. Ioānes vero nemo, inquit, ascendit in cælum, nisi qui descēdit de cælo, filius hominis qui est in cælo. Quod scimus, inquit ipse filius, loquimur: & quod vidimus testamur. De se & de spiritu sancto loquitur, quibus pater à sempiterno tēpore omnes sapientiæ opes largitate infinita reſerauit. Is igitur dominus qui vidit quæ videre nō possumus, qui audiuit quæ aures humanæ non capiunt, se Dei filiū esse testificatur. Si igitur Pythagorici tantum magistri auctoritate præiudicata mouebātur, vt nō aliud argumentū requirerent: & cum primū constaret, Pythagorā  
aliquid

## DE SAPIENTIA

aliquid enunciaſſe, id continuo ſequebantur: quid Chriſtianis faciendum eſt, cum Chriſti diuinam ſententiam operibus diuinis confirmatam acceperint? Vt Iudæis tamen omnem materiam calumniæ ſubtrahamus, nō erit incommodum aliquot antiquorum Theologorum teſtimonia colligere, quæ Trinitatis ſanctiſſimæ myſterium complexa ſunt, vt facilius intelligant Chriſtum eſſe verum Dei filium, à patre ſummo ex omni æternitate generatum. Vt autem ordinem temporum ſequamur, Moſes hoc myſteriū occultius tradidit. Inquit enim. In principio creauit Deus cælum & terram. Pro Dei nomine eſt אלהים Quod nomen cū multitudinis numero proferatur, id enim eſt quod dii, numero tamen ſingulari coniungitur, vt intelligamus tres perſonas vno tantum numine contineri. Quod quidem non in hoc tantum loco, ſed paſſim in ſcriptura ſancta perſpicitur. Et hætenus quidem vim immenſam ſanctiſſimi numinis admiramur: nondum tamen clariſſimum ſapientiæ munus aſpicimus. Sapientiæ namq. munus eſt, obſcura illuſtrare: conſuſa ſecernere: inordinata in ordinem reducere: nuda veſtire, inania complere: & res ſuis locis apte diſtributas cōuenientibus ornamentis afficere. Hæc autem vt demonſtret Moſes inquit. Et dixit Deus, Fiat lux, & facta eſt lux, & diuiſit lucem à tenebris: & reliqua deinde quæ ordine ſingulari perſequitur, vel quæ ad diſtinctionē, vel quæ ad ornamentum & pulchritudinem, vel quæ ad incolumitatem & ſtabilitatem referuntur. Sed illud eſt animaduertendum, cum opifex rerum ex nihilo cælum & terram quaſi materiā ex qua mundum ædificaret ab initio condidit,

in ea creatione non ita clarè sapientiæ documenta constituisse. Erant enim omnia tenebris obducta, & confuse & turbide fluctuabant, & huc & illuc temere iactabantur. Et idcirco non scriptum est, Et dixit Deus, creetur cælum & terra. At postquam Moses exposuit, quomodo Deus exorta luce tenebras dispulisset, & confusa discreuisset, & ornamentis pro cuiuslibet rei natura distributis affecisset, tunc usus est hac oratione nempe dixit Deus, quam in singulis deinde operibus repetitam videmus. Cuius quidem orationis quam aliam causam afferre possumus præter eam, quæ claritate sapientiæ continetur? Lucem enim rebus obscuris afferre, ordinem collocare, res natura diuersas, locis distinctas fœdere colligare, & opibus aptissimis, pro vt cuiusque rei conditio flagitat, illustrare, sapientiæ perfectæ munus & officium est. Ob eam igitur causam in operibus illis clarissimis verbi mentio fit: vnde colligitur per verbum mentem & rationem patris intelligi. Stultissimum est enim Deo verbum nostri simile, quod è gutture funditur, & lingua, palato, & dentibus premitur, atque terminatur, & emissum dissipatur, affingere. Verbum autem Dei illius sapientiæ est. Itaque Dei oratio est arcani consilij temporibus ab illo definitis explicatio, & quædam quasi cum intima illius mēte consultatio, & operis denique sempiterno consilio designati molitio. Cum igitur Moses Deum in mundi fabrica loquutum fuisse demonstrat: patrem per filium qui verbum, & mens, & sapientiæ illius appellatur, opus quod ante designarat effecisse pronunciat. Multo autem clarius hæc personarum distinctio in hominis fabri-

## DE SAPIENTIA

ca declaratur. *Faciamus, inquit Deus, hominem ad imaginem & similitudinem nostram. Multitudinis numero quasi consultans filium & spiritum alloquitur: imaginis tamen vnus non plurium meminit: vt in multitudine personarum distinctionem, in imagine naturæ singularis atque maximè simplicis vnitatem veneremur. Nam quod Hebræi dicunt in hoc loco Deum fuisse cum Angelis colloquutum, impium facinus est, Angelos humani generis simul cum Deo conditores arbitrari, bonamque diuinæ gloriæ partem ad Dei ministros transferre. Vnus est enim rerum omnium conditor, vnus vniuersæ naturæ parens & Dominus, vnus rector atq. moderator, qui solus à principio omnia finxit & formauit: & qui secus statuerit, contra diuinam legem plures Deos in diuina sede reponet. Illud etiam est ineptissimum, quod Iudæi quidam asserunt, Deum more hominum qui dignitate præcellunt numero multitudinis usum fuisse, quasi fuerit necesse Deo ineptijs quas noua barbaries multis post seculis induxit, ad commendationem suæ dignitatis abuti. Ergo cum nec Angeli fuerint in societatem huius operis conuocati, nec conueniens fuerit, vt Deus solacismum sine graui caussa faceret, confiteri necesse est, consilium illud à patre cum filio à tempore sempiterno communicatum tunc ad effectum filij opera & spiritus sancti comprobatione, aut vt rectius dicam, totius Trinitatis sanctissimæ potentia, consilio, probitate peruenisse. Sed cur hoc consilium non ita clarè in reliquis explicatur? Vt ex eo posset intelligi generis humani dignitas, cuius nempe gratia reliqua,*

*omnia*



omnia condita & constituta sunt. Nec enim in caelo, nec in syderibus, nec in sole quidem ipso reliquorum luminum principe legitur fuisse imaginem diuinæ mentis impressam. Vt igitur ostenderet opus illud præclarius, & maiore consilio formatum, ideo scriptum est Deum dixisse, Faciamus hominem ad imaginem & similitudinem nostram. Quamquam licet obscurius quoties Deum dixisse legimus, toties opera diuina summo consilio, & ratione perfecta fuisse conspiciamus. Ad hunc modum cum legimus, Vidit Deus quod esset bonum, idem Trinitatis mysterium designari cernimus. Pater enim per filium opus videt, & operis absolute pulchritudinem amore miro complectitur. Amoris autem nomine sancti spiritus persona significatur. Non quod opera patris, filij, & spiritus sancti inter se distinguantur, & certæ singulis personis prouinciæ compacto distributæ sint: sed ut in operibus singulis omnium trium personarum coniunctio, & minimè distincta societas explicetur. Vt enim alibi scriptum est, Verbo Domini celi firmati sunt: & spiritu oris eius omnis virtus eorum.

Itaque cum legimus, Dixit, aut vidit Deus, verbi, aut aspectus diuini nomine filium intelligimus: cum vero Deum opera sua comprobare videmus, spiritum illius oculis mentis intuemur. Alibi Moses cum per Dominum imbrem sulphuris & ignis, à Domino super Sodomam, & Gomorram demissum fuisse demonstrat, clare personarum discrimen apponit. Nam utrobique nomen illud quatuor

literarum nempe יהוה

quod nullo modo, nisi in na-

## DE SAPIENTIA.

naturam diuinam conuenit, positum videmus. Cum igitur Deum verum vim sulphuris & ignis à Deo vero demisisse dicit, Dei filium illo iudicio patris voluntatem & imperium cōfecisse dicit. Quid? Ipsa bene precandi formula quam Deus ipse præscripsit, non ipsarum personarum discrimen explicat? Sic benedicetis, inquit, filijs Israël. Benedicat tibi dominus, & custodiat te: ostēdat dominus faciem suam tibi, & misereatur tui: conuertat dominus vultum suum ad te, & det tibi pacem. Hic etiam ter illud sanctissimum naturæ diuinæ nomen repetitum cernimus: vt hoc numero tres in vna natura personas consistere videamus. Alio similiter in loco. Audi Israël, dominus Deus noster Deus vnus est. Ter nomen Dei posuit, vnum tamen Deum confitetur, vt tres in vna, & eadem diuinitate personas explicaret. Dauid autem quam sæpe hanc eādem Theologiæ rationem exponit? Veluti cum ait. Dixit dominus domino meo, sede a dextris meis. Et vnxit te Deus Deus tuus vnguento letitiæ. Christum Deum appellat, & à Deo patre perfusum fuisse vnguento letitiæ, hoc est, spiritus sancti virtute significat. Tū illud, Benedicat nobis Deus, Deus noster, & benedicat nobis Deus, & metuāt eum omnes fines terræ. Alibi vero ad Sion inquit, dicetur, Homo & homo natus est in ea, & ipse fundauit eā altissimus. Quasi dicat, Magno gaudio cumulabitur fidelium cætus qui Sionis nomine sæpe vocari solet, cum fuerit hominis illius aduentus incredibili gaudio nūciatus, ita vt altero quoque verbo nuncius hominem sonet. Sed quis tandem ille homo erit, qui sit tantæ voluptatis causam communibus rebus allaturus? Hic in-

quit

quit, homo est excelsus Dei filius, qui in Sione, hoc est in Iudeorum repub. quam ipse fundavit exorietur. Alio rursus in loco Deus, inquit, iudicium tuum Regi da, & iustitiam tuam filio Regis. Rex hic cui fausta & felicia precatur Christus est, quem Regis filium appellat: propterea quod erat ex semine ipsius Davidis procreandus, cuius Christi diuinitatem eodem in carmine luculenter exponit, eumque Dei iudicio atque iustitia exornandum prædicat: quia non secundum sensus qui insidias multiplices animis intendunt, nec secundum rerum incidentium coniecturas, quæ sapissime fallunt, nec secundum hominum testimonia, quæ multis fraudibus vim iustitiæ & æquitatis eludunt, iudicium erat factururus: sed secundum veritatis ipsius exactissimum cogitationum quibus fraudes innumerabiles occuluntur examen, erat sententiam laturus. Hoc autem iudicium nemo nisi Deus exercere potest. Nec enim, ut inquit Ieremias, aliquis potest cor hominis per- scrutari, & inspicere, nisi solus Deus. Hoc igitur in loco David Deum orat, ut Deo quem Regem & filium Regis appellat, iurisdictionem suam largiatur. Multa Regis huius sanctissimi testimonia in eandem sententiam scripta prætereo. Quid de Solomone illius filio dicam? Sic enim apud illum scriptum legimus. Quis ascendit in cælum, atque descendit? Quis continuit spiritum manibus suis? Quis constrinxit aquas veste? Quis constituit omnes terminos terræ? Quod nomen est eius, aut filij eius, si nosti? Hic certè cum Dei filium appellat, illius personam non naturam à patre distinguit. Isaias vero quam clarè Christi diuinitatem celebrat? Puer,

inquit, natus est nobis, & filius datus est nobis, & factus est principatus eius super humerum eius: & vocabitur admirabilis, consiliarius, fortis, Deus, Pater eternitatis, princeps pacis. Illum à Deo nobis datum esse dicit, & eum qui datus est Deum nominat. Cum igitur alius sit qui det, & alius qui datus est, satis constat filium à patre discerni. Alibi vero apud eundem Prophetam dicit idem Dei filius, A principio non in aperto loquutus sum: ex tempore quo hæc esse ceperunt aderam: & nunc Dominus misit me, & spiritus eius. Deus ipse loquitur, & se à Deo missum asseuerat, spiritusque illius incitatum fuisse confirmat. Minime necessarium arbitror omnia diuinorum hominum testimonia consuetari, quæ hanc eandem sententiam continent. Ut igitur modum statuam, duorum tantum testimonia proferam. Primus testis erit Osee, alter Zacharias. Apud Oseam dicit Deus, Domui Iuda misericordiam tribuam, & salutem Dabo eis per Dominum. Deus ipse loquitur, & salutem à Deo asserendam opera ipsius qui loquitur, pronuntiat: utrobique autem nomen illud יהוה positum videmus, ut patrem & filium intelligamus. Alio rursus in loco ait, Postea reuertentur filij Israel, & querent Deum Dominum suum, & David Regem suum. & metuent Dominum, & bonum eius ultimis diebus. David hoc in loco Christus est. Hoc enim nomine apud Isaiam, & Ezechielem, & alios Prophetas interdum nominatur. Hic etiam ter Dei nomen non sine mysterio repetitum cernimus. At Zacharias multo clarius hanc eandem sententiam confir-

mat.

mat : Nam apud illum Deus ita loquitur, Cane, & letare filia Sion. Ecce namque veniam, & habitabo in medio tui, ait Dominus : et adhærebunt gentes multe Domino die illa: & in populo meo numerabuntur: & habitabo in medio tui, & scies quod Dominus exercituum misit me ad te. Quid hoc testimonio clarius, quid eidentius dici, aut cogitari potest? Deus ipse loquitur, seque venturum prædicit, foreque prænunciat, ut multe gentes ad Domini nomen adiungantur: ipseque Dominus se a Domino missum iri præmonstrat, & in omnibus his locis nomen illud Dei quatuor illis notis inscriptum apponitur. Quid est igitur quod Iudeus tergiversari conetur? Quam erroris defensionem meditabitur? Quibus artibus elabi poterit? Deus verus se venturum denunciat: gentes exterarum ad Deum verum aggregandas esse demonstrat: ipseque Deus se à Deo mittendum prædicit, & nomen domini ter repetitum animaduertimus, ut tres personas in vnius diuinitatis simplicitate veneremur: & tamen Iudei tam claro viri diuini testimonio impudentissime repugnabunt? & tamen in luce meridiana caligabunt? & tamen in eodem errore persistent? Eadem enim cecitate qua Christum aduenisse negant, ut Antichristum recipiant, diuinæ sapientiæ lucem fugiunt, ut magicis Cabalæ deliramentis & commentis pestiferis incumbant. Sed in questionem vocari potest, cur trinitatis sanctissimæ notitia non fuerit olim explicitè tradita omnibus Iudeis, quemadmodum & nobis. Nam si ad salutem necessaria est, illi non erant de salutis spe deijciendi: si non erat necessaria, non erant inutili questione

## DE SAPIENTIA.

reliquæ gentes implicande. Sed ut breviter respondeamus, olim non erat necessarium, imò erat periculosum aliquid vulgo, de numero personarum disputari, ne Iudæi propter ingenij tarditatem tres Deos assererent. Et antequam Dei filius in terras adveniret nō tantā fidem ab illis requirebat. Pro ratione namque muneris & beneficij magnitudo fidei atque pietatis exigitur. Nullum beneficium maius esse potuit Christi præsentia: nulla igitur maior fides vllò tempore requirenda fuit. Quamvis enim antiqui homines olim venturæ salutis fiducia niterentur, multum tamen inter spem salutis, & salutis ipsius præsentem fructum interest. Nobis præterea post Christi aduentum maximè necessaria fuit hæc diuinarum personarum explicatio. Quomodo enim potuisset intelligi, quantum fuit Dei in nostra salute constituenda beneficium: nisi fuisset ostensum, salutem nostram per ipsius Dei filium esse constitutam? Christum vero Dei filium esse credi non poterat, nisi nobis certa fide constaret, Deum à sempiterno tempore filium sibi omnino similem genuisse, quem amore immenso diligeret. Quamvis tamen hoc mysterium minime in vulgus emanaret, viri tamen primarij literis atque fide præcellentes illud ex sanctis literis apertè colligebant. Petrus Galatinus vir eruditione, & religione præstans & in eruendis Iudæorum arcanis valde diligens, varia antiquissimorum rabinorum qui Christi ortum antecesserunt testimonia citat, quibus Iudæos acerrimè conuincit. Testimonia sunt clarissima, quibus hoc mysterium sacratissimū aperte confirmatur, & impietatis atque perfidiæ mucro re-

tun-



tunditur. Sed Iudeis omisſis ad Græcos veniamus, cum quibus multo minus erit nobis negotij. Vt enim facilius ad Chriſti religionem adducti ſunt: ita facilius ipſi Chriſto doctōri atque magiſtro ſummæ eruditionis auſcultabunt. Sed antequam cum Græcis de hac re agamus opus eſt, vt de quæſtione valde inter Philoſophos agitata diſputemus. Quæſtio autem erat, an mundus à ſempiterno tempore conſtituiſſet: an aliquod initium temporis habuiſſet. Sed mirum fortasſe nonnullis videbitur, quid attineat ad ſanctiſſimæ triadis myſterium de mundi vel principio vel æternitate diſſerere. Quantum id ad diſputationem noſtram pertineat, apparebit. Plato ſine dubio mundum ortum eſſe ſtatuit, & Deum ex aliquo tempore molitionem illius ſuſcepiſſe. Ariſtoteles contrà, mundum nec initium temporis habuiſſe, nec interiturum eſſe. Argumēta quibus pugnat, magis illius auctoritate quam rationum pondere nituntur. Sunt autem hæc fere. Vis & ratio rei mobilis, ea ratione qua mobilis eſt, eſt ipſius mobilitatis actus. Itaque neceſſe eſt, cum cauſa mouens adfuerit, vt ſit ſemper in motu. Ergo ſi ea quæ mobilia ſunt, ſemper extiterunt: & qui moueret, ſemper extitit, motus initium habere non potuit. Si non extabat res, quæ mutationem ſubire poſſet, paranda certè fuit. Parari autem non poterat ſine motu. Rem igitur mobilem motus anteceſſit, quod eſſe non poterat, cum ante illam nulla res extaret, quæ moueretur. Quod ſi ſemper fuit aliquid mobile, & ſimul vis quæ moueret ſempiterna fuit: & tamen neque motor rei mobili motum attulit, neque res mobilis vim infinitis ſeculis accepit extrin-

## DE SAPIENTIA

secus, qua moueretur, motor contra motoris vim & rationem immenso tempore conquieuit. Forma namq. motoris, ea ratione qua motor est, est vt semper moueat: nam si cessauerit aliquando, motoris vis & nomen occiderit. Quod si aliquādo cessauit, & tandem se ad motum afferēdum applicuit, immutatus est. Consequens igitur est, vt illius immutationis causam queramus: & similiter illius causæ quæ motorē ad mouendū, impulit, aliam causam inuestigemus: & sic erit infinite progrediendum. Præterea tempus ortum non habuit. Tempus autem est numerus motus, secundum prius atque posterius. Motus igitur, si tempus est sempiternum, sempiternus etiam fuerit necesse est. Quod autem tempus nunquam inceperit, hoc argumento probatur. Si aliquando tempus non fuit, tēpus fuit, cum tempus non esset. Aliquando enim tempus aliquod designat. Præterea nunc quod latini philosophi instans appellant (est autem instans illo præsentis tēporis momētum, quod antequam mente concipi atq. retineri posset, effluxit) illud igitur nunc, vel instans sic definit Aristoteles, vt sit medium præsentis tēporis & futuri. Demde sic argumentū concludit. Si tempus inchoatum fuisset, ergo tunc ab aliquo nūc, vel instante initium cepisset. Sed illud etiam nunc tēpus antecesserat, siquidem nunc & præteriti temporis finis est, & futuri principium. Ergo tempus semper fuit. A quocumq. enim nunc tempus inceperit, est necesse, vt illud nunc alicuius præteriti temporis finis extiterit. Omne igitur quod principium temporis esse posueris, tempus aliquod fuerat antegressum. Hæc quidē Aristoteles fusius quæ nos in hoc loco per-

strin-

*strinximus. His argumentis victi recentiores philosophi qui se Platoni dediderant, cum Platonis sententiam se tueri posse diffiderent, excogitarunt, idem Platonem sensisse, quod Aristoteles postea decreuit. Nec esse inter illos ullum sententie dissidium, sed orationis & styli dissimilitudinem. Platonem enim sempiternum esse mundum statuisse: neque cum mundum à Deo formatum esse dixisset, arbitratum esse mūdum ab aliquo temporis initio exordium sumpsisse, sed originem illius esse ad Deum ex tempore sempiterno referendam. Hoc igitur asserunt, de Platonis mente & sententia mundum esse à Deo ex omni aeternitate generatum. Quam falsa autem eorum opinio sit, Plutarchus, & Cicero, atque adeo Aristoteles ipse qui Platonem reprehendit, eo quod temporis initium posuerit, & omnes denique antiqui Philosophi aperte demonstrant. Omnes enim vno ore consentiunt, eam fuisse Platonis sententiam, vt mundus principium temporis haberet. Proculus autem in Commentarijs, quos edidit in Timæum Platonis, Platonem statuisse mundum esse sempiternum demonstrare conatur. Quod quidem ostendere ex temporis & animæ mundi aeternitate frustra contendit. Cum autem multis argumentis leuibus vtatur, aliqua tamen sunt, quæ nonnullis molestiam exhibere interdum possunt. Si, inquit, mundi conditor, atque moderator suum officium facit, cum ille sempiternus natura sit, consequens est, vt semper suum munus obeat, & non aliquando officio fungatur, aliquando rursus gubernaculum dimittat. Aliter enim illud alternis vicibus immutari necesse fuisset. Si autem*  
*semper*

## DE SAPIENTIA

*semper aliquid agit, quid esse potuit, quod ageret antequam mundus esset, si nihil erat? Deinde quid illum mouit, ut cum seculis infinitis cessauisset, ita mutaretur, ut mundi creandi consilium repente susciperet? Arbitratus ne fuit nihil esse cessatione commodius? Cur igitur se postea ad mundum edificandum contulit? Existimauit officium esse muneris vacatione praestantius? Cur igitur immenso spatio otium complexus est? Quod si fuit melius mundum gigni, id videlicet antea ignorabat, & ea de causa cum antea nihil agere melius esse statuisset, mutauit postea consilium. Aliquando igitur Deus aliquid ignorauit, & idcirco fuit postea à pristina sententia deductus. Prieterea si mundus aliquando non fuit, ergo Deus tunc nihil agebat. Infinito igitur tempore potentia tantum non actu, mundi Architectus fuit. Quod autem potentia tantum est, imperfectum est. Si igitur Deus aliquo tempore potentia tantum conditor naturæ fuit, secundum hanc rationem imperfectus aliquando fuit. Hoc autem dici nullo modo potest. Nullum igitur tempus fuit, quo Deus non esset actu naturæ conditor. Mundus igitur semper extitit. Hæc quidem Proculus, cuius quidem argumenta quam fallacia sint aperiemus. Necessesse tamen est, ut prius Aristoteli respondeamus. Primum Aristotelis erratum fuit illi commune cum multis. Ex ordine enim quem à principio rerum omnium conditor, cum naturæ vniuersæ statum collocauit, in natura constituit, legem sumunt, quam ipsi naturæ conditori nimis insipienter imponant, eiusque immensam potentiam nefarijs.*

conatibus astringant. Et quia sic ille sanxit, cum omnium rerum semina ex nihilo produxit, ut deinceps nihil è nihilo fieret: ij ne à principio quidè fateri volunt, Deo licuisse rerum omnium materiã atque seminarium è nihilo proferre. Quasi sit semen aliquod in rerum natura diuina potentia atque voluntate fecundius: aut maius sit materiam rudem & impolitam creare, quam ex eadem materia tam varias atque tam pulchras formas effingere. Alterum erratum est, quod sic argumentatur, quasi Deus natura, & non libera voluntate & consilio mundum cõstruxerit. Fateor equidem omne quod efficit natura, si materiæ fuerit applicatum, insitam continuo vim in materiam expromere, ex eaque similem sibi formam effingere: veluti cum ignis aridis lignis adiungitur, ignis exoritur. Quod si Deus, ut quidam philosophi dicebant, esset orbis igneus, omnia coëcens, & continens, & omnia natura cõficeret, mundum totum ignescere necessarium fuisset. Similiter si Deus non libero consilio, sed natura tãtum omnia cõfecisset, omnia diuinitatem affecuta fuissent. Hoc autem falsum est. Falsum igitur est etiam id vnde hoc sequitur. Præterea Argutulus est hoc in loco noster Aristoteles, atque plane sophista. Non enim materiam nominat, sed mobile ea ratione qua mobile. Neque Deum appellat, sed mouens ea ratione qua mouens. Ut quemadmodum Architectus ea ratione qua est Architectus actu, non potest non architectari, ita mouens ea ratione qua mouens est, non possit, sine re natura mobili quam ipse moueat intelligi. At hæc in signis differendi fallacia est. Fabricatio enim mundi non naturam diuinam attingit.

## DE SAPIENTIA

attingit. Liberum enim erat Deo vel ædificare mundum, vel non ædificare. In quo autem dicit rem mobilem si antea non erat, non potuisse sine motu parari, falsum est. Antequam enim esset materia, nihil erat quod moueretur. Et eam ob causam creatio cum sit ex nihilo, motus appellari non potest. Quod si materia sempiterna fuisset, non tamen apta ad motum accipiendum, & opus fuisset motu ad eam præparandam, minimè Deum ille motus attigisset. Aliter enim non fuisset prima causa mouens non mota, quod cū ipsius Aristotelis sententia pugnat. At inquit, si non mouebat antea, & mouit postea, immutatus est. Vnde hoc sequitur? Sequeretur porro, si natura, vt diximus, & non libero consilio mundum extruxisset. Primum, inquit, motor non erat actu, & postea factus est, quasi vero motoris nomen naturæ nomen sit, vt ea de causa mutationem in Deo formidare debeamus. Mouentis autem nomen, nō ad naturam, vt diximus, sed ad effectiōē operis æterno quidem consilio designati, opportuno autem tempore constituti referendum est: Si rursus mouentis nomen obieceris, ego Dei nomen amplectar, cui nulla vnquam mouēdi necessitas incubuit. Itaque fatebimur Deum infinitis seculis extra se nihil egisse. Mutauit ergo consilium? Nullo modo. Imò consilium quod ab omni æternitate ceperat, ad exitum opportuno tempore perduxit. Et hoc sine vlla ipsius mutatione. Nam & consilium æternum est, & opus non tactu vlliū corporis, sed magnitudine virtutis absolutum. Si tempus, inquit, æternum est, & motus æternus: nam tempus est numerus motus. Sed tempus est æternum, igitur



tur & motus æternus. Ego contradico, si motus non est æternus, ergo neque tempus. Sed videamus quomodo temporis æternitatem probat. Si tempus, inquit, aliquando non fuit, ergo tempus non fuit, cum tempus esset. Aliquando enim tempus designat. Et hoc quam ridiculum est? Definitionibus enim quas ipse finxit, intemperanter abutitur. Quemadmodum in definitionibus mouentis, & mobilis faciebat. Nego enim semper verbum aliquando tempus hoc quod huiusmodi conditionem sequitur, significare. Aliud enim tempus est, quod cælestis naturæ conuersio definit, quod incepit esse cum ipsius mundi natura: aliud æternitatis, quæ nullo mundi circuitu definitur. Ad hanc autem æternitatem significandam necessario interdum nomine temporis vtimur, velut cum dicimus, tempus aut æuum sempiternum. Cum igitur aliquid dicimus fuisse aliquando antequam mundus fieret, non pugnantia dicimus. Nam antequam mundus esset, æternitas erat. Illud vero nunc quam subtiliter & argute in hanc festiuam fabulam inductum fuit? Nunc, inquit, est medium inter præteritum tempus & futurum. Ergo si tempus incepit, ab aliquo nunc incepit. Sed nunc esse non potest, nisi præteritum tempus antecedit: ergo quodcumque temporis initium posueris, aliquod tempus elapsum fuisse constabit. Nego omne nunc esse præteriti temporis finem, & futuri principium. Nam ante primum nunc nullum tempus extitit, & post vltimum nunc simili ratione nullum tempus erit. Itaque definitionibus irrisis non habebit vir eruditissimus quo progrediatur. Sed mirum est, quomodo tan-

tus

## DE SAPIENTIA

tus vir eiusmodi nugis in re tam seria oblectari voluerit. Sed multis experimentis intelligi potest, quam auersi sint à vero plerumque qui nimis ingenio confidunt, quamuis sint discipulis omnibus instructissimi. Proculus vero tribus potissimum argumentis mundum sempiternum esse confirmat. Primum sumit, ex æternitate temporis, quod dissolutum est. Tempus enim æternum esse negamus. Alterum ex animæ mundi natura sempiterna. At nos mundum animatum esse non concedimus: & ille mundum esse animantem probare non potest. Præterea Plato cuius ille sententias tuetur, in Timæo animam mundi in tempore genitā fuisse docet. Postremo quamuis & mundus, animans esset, & anima illius sempiterna, non ob id efficeretur mundum esse sempiternum. Animis siquidem nostris Platonici æternitatem tribuunt: sed non ex eo sequitur corpora etiam nostra esse sempiterna. Sed hæc omnia argumenta Proculus videbat, quam leuia & infirma essent. Illudque vnum propterea quod firmamentum ut apparet causa continet, fortissime tuetur. Si opifex, inquit, mundi aliquando nihil molitus fuit, & postea nouam molitionem suscepit, aut antea non intelligebat, esse meliorem omni cessatione mundi fabricationem, aut intelligebat: si non intelligebat, ergo ignorauit aliquando. Si intelligebat, cur infinitis seculis cessauit? Tum conqueritur de illorum peccato, qui mundum ex tempore inchoatum fuisse prædicant, quod fructu tantæ gloriæ Deum æterno tempore caruisse confirment. Quandiu enim mundum non creauit, tandiu aiunt eum conditoris gloria caruisse. Sed ut illi, & reliquis qui in eandem sententiam dis-

dis-

discedunt respondeamus, libenter ab illis audierim, an existiment Deum non vniuersæ naturæ tantum, sed singularum, atque etiam minimarum rerum esse conditorem, omniaque numine illius gigni, ali, conseruari, statumque suum tueri. Eatebuntur certè, si Platonem audire voluerint. Rursus inter rogabo, fuerit ne melius aliquod animal, aut arborescens aliquâ singularem procreatam fuisse? An non fuerit? Non de Bucephalo quero, sed de quouis equo: nō de Platano sub qua Socrates cum Phædro de pulchritudine disputauit, sed de quouis arbore. Sic igitur quæram. Fuit ne melius hanc oleam nasci? An non fuit? Si fuit melius nasci, cur à tempore sempiterno nata non fuit? Cur illius opifex tam immenso spatio eam procreare noluit? Ignorabat melius esse hanc oleam gigni? Ergo ignoratio cadit in Deum. Non ignorabat? quæ fuit igitur illa tam diuturna cessatio? Si antea ignorabat, atque tandem resipuit, igitur immutatus est. Vtrumque est nimis absurdum, ergo & illud vnde sequitur. Olea igitur hæc sempiterna est. Sempiterna certè inquit. Nam à tēpore sempiterno non fuit in semine. Quid narras? Semen ne est arbor ipsa, quæ est ex illo procreanda? Est quidem non actū, sed potentia. Rectè. Ergo opifex rerū à tēpore sempiterno huius arboris conditor, nō actū sed potētia fuit. Secundum igitur huius arboris rationē non fuit actū, sed potentia tantum procreator. Per te igitur quod ad hanc oleam attinet, imperfectus opifex aliquando fuit. Hoc dici nulla ratione potest: olea igitur hæc est sempiterna. Hoc in loco scioli ridebunt. Quasi ego non videam ipsum argumentum esse ridiculum. Quid, inquit, attinet

vnius

## DE SAPIENTIA

*vnus oleæ procreationem cum vniuersæ naturæ fabrica conferre? Inter. rē vtramq. multum interest: inter argumentandi rationē nihil omnino. Si enim argumētum aliquā vim habet, ex æquo in rebus maximis atq. minimis valebit. Si vero in minimis nullā vim habet, nec in maximis habebit. In differēdi namq. ratione, non quod in rebus ipsis per se consideratis pōdus sit, sed quid ex rebus positis & constitutis efficiatur, attendimus. Sed, inquis, ego Deum otiosum cogitare nō possura. Rectē facis. Nunquā enim ab actione sempiterno tēpore cessauit. Quid agebat: inquis. Id certē quod mundū multo maiore interuallo superat, quā mundus ipse oleæ quā exempli gratia posui, naturā, de quo statim dicemus. Sed prius considerandum est, quō formula qua Proculus mundum esse sempiternum probare nitebatur, reciderit. Eodē namq. argumento probari poterit, nō oleā tantum, sed mentā & rutam esse sempiternam. Sic fiet, vt omnia in dijs numerari possint, cum nihil possit esse ex omni parte sempiternum, nisi solus Deus. Quod vero ad argumentum attinet de potentia, ex qua ostendere nitebatur, si mundus factus ex certo tempore fuisset, Deum cum non aeternum, sed potentia tantum mundi conditor fuisset, imperfectum fuisse, quam nugatorum sit non facile dixerim. Duplex est enim genus potentia: vnum materiae, alterum causae efficientis. Potentia quidem materiae imperfectionem designat. Significat enim non quod est, sed potest esse. Quemadmodum cera non est volucris imago, sed potest esse, si fuerit artificis opera qui ceram fingit, & format adhibita. Vt igitur ex materiae potentia, materiae im-*

per-

perfectio concludatur, ex artificis tamen potentia non imperfectio, sed perfectio insignis ostēditur. Nullā enim perfectiōnē artifex ex opere à se artificio singulari perpolitō consequitur: imo perfectiōnē quā habebat, expromit, & artis insitæ præcellentiā declarat. Ad hunc modū summus naturæ parēs & conditor, cum naturā finxit, nullū ex opere tā præclaro artificium affecutus fuit: sed quod semper ex omni æternitate habuerit, indicavit. Nomē igitur potētiae in summo rerū opifice nō imperfectiōnē, sed immensam vim, præcellētissimū nūmen, admirandā sapientiā & probitatem, in omni æternitate prædicandā significat. His tamē argumētis inducī homines acutissimi tāta dementia vexati sunt, vt rebus corporeis æternitatē, & quod est consequens, diuinitatem tribuerint. Quod quā falsum sit ratione percipitur. Quid enim potest esse mobile, quod nō sit natura caducum & interiturum? Quod enim mobile est, nō per se mouetur, sed aliunde motum accipit. Ergo cum id quod motum affert, mobile corpus mouere desierit, vis & ratio mobilis interibit. Cum vero vita rei mobilis in perēni & cōtinuata motionē cōsistat, cessante illa motione res mobilis extinguetur. Deinde cuius partes corrumpuntur, & totum est corruptioni similiter obnoxium. Sed mundi partes corrumpuntur, ergo & mundus est eisdem legibus corruptionis alligatus. Præterea omne concretum & coagmentatum, est dissolubile: quod autem dissolubile est, interiturū est. Ipse namq. interitus est naturæ dissolutio. Omne vero corpus est coagmētatū, ergo dissolubile, & interiturū. Sed mūdus corpus est, ergo efficitur eū esse naturā dissolubile, & interiturum.

## DE SAPIENTIA.

Quod autem interiturum est, principium habuerit necesse est. Rectius igitur Plato. Alia namque dixit esse, alia prope modum non esse, sed oriri, labi continuo, & occidere. Mundum autem cum sit corporeus, illis rebus annumerat, quæ naturæ oriuntur, & occidunt. Neque enim fieri potest, ut totius dissimilem naturam habeat ab ea, quæ ex omnibus partibus suis constat. Duplex æternitatis genus posuit. Vnum quod principio & fine careret, alterum quod haberet principium, nullo tamen fine terminaretur. Alia enim sic condita à principio fuisse, ut natura disfluere: alia ut perpetuo manerent: non natura sua, sed conditoris ipsius moderatione & benignitate. Sed modum transgressi sumus, cum in re tam claris Dei testimonijs tam sepe probata & constituta rationibus etiam uti voluimus. Vrgent tamen aduersarij, & nihil remittunt. Quid agebat, inquiunt, Deus immenso tempore? In quibus rebus erat occupatus ante naturam conditam? Quod opus erat illius tam præclarum, & excellens, quod tanto interuallo mundi pulchritudinem superaret? Dicam. Filium sui splendoris imaginem, infinita sapientia & probitate præditum, sibi quæ modis omnibus similem generabat, & genuit, quemadmodum etiam in perpetuum generabit. Vt enim ex sole semper natiuus splendor existit: ita ex Deo summo atq. sempiterno, summaque sempiterna claritas & lumen exoritur. Quid ais Philosophæ? Opinari illum qui mundum nutu & imperio procreauit, qui rerum omnium sator & altor extitit, qui animalibus, & arboribus, & minimis etiam plantis fecunditatem dedit, infæcundum infinitis sæculis extitisse? Et illum cuius

rumine



numine & voluntate, terra atq. maria tam varium & multiplicem fructum ediderunt, nihil ex se gignere potuisse? Quomodo enim in conditam naturam fecunditatem inducere potuisset, si fuisset natura infœcundus? Si generationis nomen exhorres, propter animantium in propaganda sobole perturbationem. Deo prorsus indecoram, nimis hebes, & rudis es. Ita enim omnes omnium rerû actiones ad Deum reuocandæ sunt, vt omnis prius imbecillitas, atq. perturbatio secludatur. Itaq. in generatione diuina neque motus vllus, neque consortium ad prolem suscipiendam intelligi sine summo scelere potest, cum in Deum perturbatio nulla cadat, nec is sit, qui consortio naturæ vllius indigeat, cum fecunditas illius omnipotens, immensa & infinita sit. Cum autem hæc generatio natura constet, necessario consequens est, vt filius patri similimus sit. Est igitur similiter omnipotens, & sapiens, & benignus, immensus, & infinitus. Aliter enim minime speciẽ patris exprimeret. Quid enim interuenire potuisset, quod eã à perfectâ similitudine patris abduceret? Nō matris natura dissimilis, cum sine matre genitus sit: non materiæ vitium, cuius contagionẽ Dei maiestas non admittit: non casus aliquis aduersus, qui nullus esse poterat: non externa vis quæ nondum extiterat: etsi extitisset, infinitæ Dei potentie minimè nocuisset. Ergo quẽadmodum pater est natura omnipotens, atq. sempiternus, ita filius est natura omnipotens atque sempiternus.

Qui igitur filium minorem patre secundum naturam asserit, patrem immensa gloria spoliare conatur. Negat enim immensam illius vim & fecunditatem: negat luminis sem-

piterni claritatem: negat infinitam sapientiam atque probi-  
tatem: & tantum deniq. de gloria diuina detrahit, quantum  
nullius mente & ratione cogitari potest. Qui eum filij numē  
& gloriā termino circumscribit, illum infinita gloria priuat:  
quod cōiūcium in patrē sine vlla dubitatione redundat. Qui  
igitur tā audax & temerarius est, qui hoc asseneret, infinitū  
scelus in patrē & filium suscipit. In patrē quidem, quia illū  
infinito numine, vi, potentia, fecunditate, glōria priuare cor-  
tendit: in filium vero, quia quantū potest à patris summa atq.  
sempiterna similitudine, & identitate perfectissima diuellit.  
Sed de hoc tāto & tam immani scelere alio in loco dicemus.  
Nunc autē Græcos admoneamus actionis diuinæ duplex ge-  
nus esse: aliud interius, aliud autē exterius. Interius autē  
est id de quo nunc loquimur, quod natura cōfiscitur. Exterius  
autem, quod Deus extra se libero consilio & voluntate cle-  
menter exequitur. Itaq. cum nihil ab omni parte sempiternū  
esse possit, nisi vnum illud principium à quo naturæ omnes  
profluxerunt: aliter enim non vnum principiū, sed multa atq.  
dissimilia fuissent: nec vllus ordo in rebus, sed confusio vniuersi  
set: externum opus cum non ex essentia diuina nascatur sem-  
piternum esse non potest, maximē si corporeum est, & itcir-  
co natura dissolubile. Mentis quidem æternæ sunt, non qui-  
dem à natura diuina (vt quidam suspicati sunt) haustæ atq.  
quasi decerptæ, sed ad Dei similitudinem factæ, & ita consli-  
tutæ, vt nunquam interirent. Itaque principium habuerunt,  
finem autem non sunt habituræ. At quod ex Dei ipsius essen-  
tia gignitur, sempiternum sit necesse est, & eidē patri à quo  
natum

natum est numine, potentia, imperio, maiestate, infinitate simillimum. Tantū igitur rebus vniuersis à Deo conditis, siue corpore constant, siue à corpore secretæ atque liberæ sint dignitate filius antecellit, quantum ne cælestis quidem orationis vbertate explicari potest. Nam quæ poterit esse numinis infiniti, cum operibus ab illo finitis comparatio? Non vacabat igitur Deus ante naturam conditam: non se languori atq. desidiæ dedebat: non otium turpe actioni præclaræ anteferebat. Id enim agebat, quo nihil potentius, nihil admirabilius, nihil pulchrius, nihil amabilius, nihil melius, nihil salutaris, ne ab ipso quidem patre excogitari potuisset. Ipsam namque mentem & sapientiam, suæ virtutis imaginem, suæ lucis splendorem, ipsum filium seculorum omnium conditorem, omnium rerum futurarum formas in se perfectissimè continentem generabat: & quamuis mundus nondum fieret, iam mundi perfectio in filij mente consistebat. Timæus apud Platonem dicit Deum cum à se mundum effectum cerneret, summo opere letatum fuisse. Quod quidem è sanctis literis sumptum videtur. Sic enim scriptum est, Vidit Deus cuncta quæ fecerat, & erant valde bona. Et his quidem verbis summi artificis gaudium designatur. Nihil enim quævis artificem æque atque operis à se perfecti species atque pulchritudo delectat. Consequens igitur est, ut summus artifex ex operibus suis absolutis, gaudium summum percipiat. Et ideo scriptum est, Delectatus est Dominus operibus suis. Hic est ille ludus, hæc illa voluptas, qua sapientia (ut videmus apud Solonem) se persusam fuisse testificatur. Si igitur

## DE SAPIENTIA.

mundi opifex, rerumque omnium parens & conditor, magnū gaudium ex mundi conditi perfectione cepit, quantum gaudium, & quam plena voluptas illius à sempiterno tempore ex filij perfectione, consliterit, quæ mēs, quis Angelus, quæ potestas atque principatus, quis ardor calitum, quæ sapientia, quæ diuinæ magnificentia sedes, explicare dicendo poterunt? Gaudium enim immensum & infinitum, nulla vnquam, celestium mentium eloquentia, consequetur. Aristoteles in libris quos ταμὴν τὰ φύσιν nominat, cum beatam vitam in contemplatione poneret, Dei beatissimam vitam in sui ipsius contemplatione, constituit, ex qua illum summo gaudio cumulari confirmat. Aliquid dixit vir doctissimus, quamuis non omnino quid dicebat, intelligeret. Ex ea nempe speculatione nata est illa species sempiterna, mens & sapientia patris, immensa atque sempiternæ voluptatis origo. Cum de Deo loquimur obstupescimus, eo quod neque nomen, nec orationem, qua sanctissimum illius numen explanare liceat habeamus. Similitudinibus tantum utimur à natura sumptis. In omnibus siquidem naturis, ille imaginem aliquam aut certè vestigium suæ perfectionis impressit. Congruum igitur est, ut similitudines conferamus, & ita quasi quibusdam adminiculis ex speculatione naturæ communis, ad conditorem naturæ ipsius aspiremus. Ut autem ad Aristotelem reuertamur, qui beatissimum Dei statum, in sui ipsius attentissima consideratione posuit, animaduertendum est, an ex ea sententia possimus aliqua ex parte, rationem originis sempiternæ qualis sit existimare. Quare ut commodius fieri possit,

possit, nos ipsos inspiciamus. Cum quilibet homo seipsum considerat, summumque studium in sui ipsius speculatione ponit, par tus quidem minime contemnendus exoritur. Partus autem est nostri notitia, in qua prisca olim Philosophia magnam sapientiæ partem collocavit: si vere illius est præceptum illud, quod multi Apollini Delphico tribuebant, nempe cognosce te ipsum. Ergo si me ipsum cognosco, & aliquid in me dignum laude reperio, consequens est, ut me ipsum diligam. Omne enim quod pulchrum & laudabile est, amorem natura consiliat. In quolibet igitur homine in sui ipsius consideratione defixo est mens, quæ totius animi statum acriter & attentè considerat: est cognitio quæ ex ipsa consideratione ortum habet: est amor qui ex cognitione excitatur. In nobis quidem hæc omnia accidentia sunt, quibus animi commutantur, & varijs modis afficiuntur. Eam enim notitiam capiunt, quam non habuerant: eo amore commouentur, cuius vim antea non ita clarè senserant: & sæpenumero à constituta sententia, & opinione desistunt. Omnia vero quæ in nobis inherant, cum in Deum conferuntur, ita conferenda sunt, ut prius omnis imbecillitatis opinio circuncidatur, ut nihil quod Deo sit indignum, animo cogitetur. Cum igitur ille maximè simplex & vnus sit, nullumque accidens ad compositionem suæ perfectionis admittat, efficitur, ut quod in nobis accidens est, in illo certa ratio permanens sit, naturali & stabilitate consistens. Ergo cum naturam suam, quod perpetuo facit, attentè considerat, ipsam sapientiam gignit, omnes vitæ, lucis, bonitatis, pulchritudinis, voluptatis, immor-

## DE SAPIENTIA. I

talitatis opes in se continentem: & rebus omnibus cum illi visum est, à se conditis, ut cuiusque conditio flagitat, ut sint, ut uiuant, ut sentiant, ut moueantur, ut intelligant, causas afferentem: & vniuersum mundum varijs opibus & ornamentis, largè atq. munificè locupletantem. Hunc diuinum partum, hanc admirandam, & immensam diuinæ virtutis speciem, hoc clarissimum patris ipsius speculum, hunc fulgorè sempiternū ex sempiterno splendore patris exortum, nos Dei filiū (ut sanctæ literæ facere admonent) appellamus. Ex hac autem diuinæ mētis intelligētia, & ex immēse pulchritudinis animaduersione amor summus, atq. sempiterna voluptas elicitur, quæ patrē filio, & filium patri, caritate sempiterna deuincit. Hoc arētissimum amoris diuini vinculum, hanc summā & immensam caritatis atq. voluptatis rationē spiritum sanctū oracula diuina nominant, tēporibus diuino consilio præsinitis diuinos sensus animis inspirantem, mentes radijs sempiternæ lucis illustrantem, & inflamantem, hominesq. à terrestrium rerum cupiditate ad caelestium, atq. diuinarum studium traducentē. Cum autem in Deo nihil sit admistum, nihil ex naturali forma & qualitate coniunctum, nihil in eo possit esse prius, aut posterius, nihil maius, aut minus, nihil valentius, aut imbecillius, necesse profecto est, ut patri filius, spiritus sanctus utrique sit par & æqualis, & naturæ vi, & ratione, imperio, numine, potestate, in omni æternitate simillimus. Neque enim diuersitas, aut inæqualitas, aut dissimilitudo in vna eademque sempiterna natura cogitari potest. Itaque vnū Deū immortalem, incorporeū, infinitum immutabilem, omnipotentem,



tentem, natura maxime simplicem, personarum numero & ratione discretum colimus & veneramur, & in huius summe veritatis confessione, tanquam in arce munitissima constanti fide consistimus. Patrem originis auctoritate principē, filium insita pietate patris iussu obsequentem, spiritum sanctum ab utroque manantem credimus. Istā fidem professi sumus, cum primum ē tenebris emersi lucem aspeximus: itaque citius nobis quispiam vitam eripiet, quam ab hac summe veritatis confessione depellat. Sed, inquit fortasse aliqui, nos pugnancia dicere. Pugnancia quidem diceremus, si naturam vnā, & eādem esse multiplicem, secundum naturae rationem diceremus. Sed non id dicimus. Sed in vna natura trium personarum distinctionem, vt nos diuinum numen edocuit, constanter asserimus. Id, inquit, ratione consequi non possum. Homo audax & importune crede quod te recta ratio confiteri cogit, & id quod ratio comprehendere nequit, omitte. Recta ratio sanxit, vt Deo qui fallere non potest, fidem habeas: & cuius causam peruestigare non potes, minimē perscruteris. Nam quid tu ratione cōsequeris? Quas naturae causas penitus exploratas & cognitās habes? Quam rerum scientiam satis explicatam fuisi vnquam summo studio consecutus? Si magnos in philosophia progressus habes, hoc vnū certē percepisti, te nihil vnquā (vt Socrates aiebat) percepisse, omnemq. sapientiā moderatione, & religione cōtineri. Moderatio namq. facit, ne falsa opinio sapientiæ quæ summa demētia est, in animos latenter irrepāt: Religio autem, vt cæleste numē veneraris, & id quod Deus enunciat verum esse constituas. Ille

igitur

## DE SAPIENTIA

igitur tantum sapiens esse poterit, qui se ipsum abiecerit, & Deo in disciplinam tradiderit. Discipulus autem illius esse non poteris, nisi firmam fidem verbis illius adiunxeris. Discentem, inquit Aristoteles, credere oportet. Quod rectissime dictum est. Multa namque sunt in artibus humana solertia inuentis, quæ non statim à principio possunt eorum qui discere incipiunt, cogitatione comprehendendi. Qui igitur doctoribus sapientibus fidem non habet, spem in studio progrediendi prorsus abijciat. Quod si fides est hominibus qui arte aliqua præcellunt, habenda: quomodo non multo magis erit Deo qui nunquã fallit, aut fallere potuit adhibenda? Cur igitur te non abijcis? Cur nõ tuæ mentis angustias recognoscis? Quomodo non ipsum numen quod temere perscrutari niteris extimescis? Nam si Deo credere non vis, nisi rationẽ rei quæ tibi credenda proponitur explores, nihil unquã illi credes. Est ne aliquid in vniuersa natura, quod sæpius tractes, & cuius familiaritate & cõsuetudine arctius implicat⁹ sis, quã animus tuus? Non profecto. Age iã videamus, an animi tui naturam cognitã habeas. Narra igitur, quæ sit illius species: qua vi corpus agitet & moderetur: quæ sit illa corporis mortalis cū animo immortalis cõiunctio: quis sit in sensibus vigor: quæ vis horum quæ sensibus excipiuntur impressio: quæ memoriæ capacitas: quæ rationis inuẽtio, solertia, cogitatio, & ex rebus ante cõstitutis apta conclusio? Quid ergo est? Te ipsum non vides, & Dei præpotentis naturam, & maiestatem, qui habitat, (vt Paulus ait) lucem inaccessibilem, videre contendis? Tu qui ne solis quidem aduersi radios sustinere potes, illius splen-

*Splendoris immensi claritatem imbecilla mentis acie sustinebis? Nec interim diræ cæcitatæ supplicium pertimesces? Ut enim qui oculos in sole defigunt, oculorum aspectum amittunt: ita qui è terminis assignatis egrediuntur, ut lucem immensam percipiant, mentis aspectu priuabuntur. Duplici namque ratione fieri potest, ut homines in tenebras incidant. Vna est lucis ipsius odium atq. fuga: altera est nimis curiosa supra quàm est concessum, lucis inspiciendæ cupiditas. Si igitur tenebras metuis, & salutare luce compleri desideras, non causas & rationes, quas consequi non potes inquiras: sed fidem tantum diuinis testimonijs adinunge, & satis habe, quod certus esse possis, ea quæ credis esse Dei voce & sententia confirmata. Si tu pis interdum naturæ adminiculis erigi, ut facilius Dei notitiam capias, id quidem tibi per me licebit, ea tamen lege, ut intelligas nullam esse in natura speciem, quæ possit perfectè pulchritudinem & amplitudinem diuinæ mentis imitari. Quamuis enim in rebus singulis obscuram Dei similitudinem & vestigium intueri liceat: cum tamen illius numen omnibus rebus ab illo conditis partibus infinitis antecellat, consequens est, ut in cælestibus etiam mentibus, quæ multo propius ad Dei similitudinem accedunt, multo maior dissimilitudo, quàm similitudo immensæ illius claritatis appareat. Idcirco autem fit, ut cum duplex ratio de rebus diuinis differendi sit, una quæ rerum omnium formas & perfectiones in Deo summe constituat: altera quæ nihil eorum quæ sunt in Deum conuenire demonstret: multo certior habeatur ea ratio, quæ Deum ab omni naturæ similitudine & communione secludit: quam*

illa

## DE SAPIENTIA

illa quæ in Deum omnia congerit. Nam quæ vox & oratio immensam & inexplicabile naturâ ipsius diuinitatis explicabit? Quæ mēs illius infinitâ sapientiâ & bonitatē cogitatione complectetur? Quæ igitur similitudo speciē illius atque formam referet? Quāuis enim in Deo sint omnia, rursus tamen omnia non incōmode à Deo seiunguntur. Nihil est enim nec in cælo, nec in terra, nec inter homines, nec inter Angelos, neq. sensibus obiectum, neq. mente & ratione perceptum, quod similitudinem illius omni ex parte referat: nullum nomen, nulla vox & oratio, quæ numen atque naturam illius explaret. Sic autem fit, vt cum similitudinem illius in omnibus rebus extare, & eminere videamus: multo tamen maiores dissimilitudines non in rebus tantum corporeis, nec in humanis tantum animis, sed in mentibus illis beatissimis quæ luce illius clarissima perfruuntur, inspiciere liceat. Verum cum aliter nihil de Deo cogitare possimus, non incōmodē similitudines conferuntur, vt aliquam saltem notitiam paullo clariorē habere possimus. Hoc autem in loco venit in mentem mihi, non mediocriter admirari, qua taciti suspitione prisca homines ternarium numerum tanta religione colerint, vt illum in sacris omnibus adhiberent. Aristoteles eam rationem affert, quod perfectionem designet. Principium enim, & medium, & finem complectitur. Pythagorici ad tria numina mundi totius originem referebant. Platonici Deum, & mentem ex Deo progeneratam, & animā mundi in rerum omnium principatu locabant, & ideo numerum hunc sacrum habebant. Non desuere Poëtæ qui dicerent, Deum mundi opificem,

ficem, Deum illius patrem, de nocte hoc est autem intimo mentis arcano consuluisse, qua ratione mundum faceret, atque perpoliret. Quin etiam Poëta, qui Minervam à capite Iovis enatam afferebant (ut quidam Philosophi interpretati sunt) ostendere conabantur sapientiam ex Deo natam esse. Sed ut ad ternarium numerum redeamus, multi à Pythagora & Platone profecti illum in singulis rebus inesse varijs rationibus explicabant. Nam & vnde fluerent, & earum progressionē, & postremo conuersionem qua in naturæ principium, ut in finem vltimum referebantur, non imperite cogitabant. Deinde singulis naturis formam, & facultatem, & actionē tribuebant. His & alijs rationibus quas persequi esset infinitum, hunc numerum quasi numinis similitudinē retineret, amplexi sunt. Plato in quadā epistola quā ad Dionysium scribit, trinitatis mysterium timide atq. titubāter attingit. Sic enim ait. Obscure tibi significabo, ne si forte tabula aduerso casu, vel mari, vel terra perierit, is qui legerit, intelligat. Penes vniuersi Regē sunt omnia, & gratia illius cohæret, & permanēt: & ille est causa totius decoris & honestatis quæ in rebus insidet. Secundū vero circa secunda, tertium circa tertia. Nō secundum Regē, neq. tertium nominat: timet enim tres Reges appellare, cum vnus iātum Rex & dominus rerū omnium sit: deinde quæ secunda, quæ tertia sint illa, quæ nomini secundo aut tertio moderanda relinquit, non explicat. Præterea nulla prorsus reliquerat. Nam omnia penes summum Regem esse dixerat, cui rerum omnium causam attribuerat. Anigmate igitur vsus, triplicem vim & rationem ordine triplici,

## DE SAPIENTIA

in eadem regni maiestate distinxit. Fortasse enim cū in *Ægypto* simul cum *Eudoxo* sapientiæ comparandæ gratia commoratus est, posteris *Iudæorum* qui cum *Ieremia* in *Ægyptum* euerfis *Ierosolymis* immigrarant, operam dedit, & ab illis hoc mysterium didicit. Illud interim velim animaduertant omnes, qui nomina *Christo* dederunt, nempe quātum illius in nos beneficium extiterit. Nam cum homines olim ingenio præstantes in tanta rerum diuinarum ignoratione versarentur: cum illud nescio quid, quod ex operibus naturæ colligebant, esset tam multis erroribus inquinatum: cum nunquam id assecuti fuissent, vt dignam de numine diuino sententiam haberent: summus ille dominus atque parens optimus, vt mentes nostras erroribus infinitis liberaret, notitiaque diuinitatis instrueret, cælestem nobis disciplinam tradidit: & quod multo maius est quam optare quisquam auderet, huius disciplinæ doctorem non aliquem prophetam, nec Angelum, sed vnicum filium gloriæ suæ splendorem, & imaginem suæ claritatis adhibuit, qui non obscure & implicite, sed clare atque dilucide quantum ad nostræ salutis rationem pertineret, nobis verissimæ sapientiæ lumen porrigeret. Quibus igitur carminibus summi doctoris nomen in cælum efferemus? Quibus laudibus tantæ benignitatis amplitudinem celebrabimus? Quid igitur nos impedire poterit, quo minus inanes hæreticorum argutias contemnamus? Cur non fallacias, & captiones, & commenta ridicula, aut potius lugenda despiciamus? Cur non aranearum telas, in quibus imbecillæ mentes tanquam muscæ miserabiliter in hærescunt, constātī fide perrumpimus? Causa quidem per-



perditorum hominum, qui contra huius sapientiæ lucem bellum comparauerunt, satis fuit olim sanctissimorum hominū argumentis euicta, conciliorū decretis sæpe numero iugulata, odio populorū perculsa & abiecta, iudicijsq. diuinis acerrimè redarguta. Quis igitur illam ab inferis excitauit? Quis tam nefarium & inmane scelus instaurauit? Quis tam fidelis Satanae minister extitit, vt de integro perditæ causæ defensionē susciperet? Ex literis enim Stanislai Hosij Cardinalis viri sanctissimi atq. sapientissimi non ita pridem accepi, regiones illas Sarmatiæ finitimas Ariana peste laborare. O tempus miserum & calamitosum, multis lacrymis & mæoris acerbitate lugendum. Non satis fuit ad reliquas miseras nostras insignis cladis accessione cumulandas pestis illa teterrima, quæ ordinem vitæ sustulit, quæ licentiam atque libidinem in mores incitauit, quæ vniuersæ reip. statum perturbauit, quæ iniquitatem diuinæ iustitiæ furenter affinxit, nisi ad pristina mala, hoc tam infandum scelus accederet? Hi qui tantum facinus ausi sunt, ut Arium & Eunomium, & reliqua mōstra immania suscitarent, Christiani nominandi sunt? An potius Christiani nominis hostes sempiterni? Si Christiani sunt, Christi disciplinam audiant. Si Christiani non sunt, cur Christianorum nomen, vt occultius nomini Christiano perniciem moliantur, vsurpant? Quæ est igitur Christi disciplina? Ioannē audiamus, aut potius ipsius Christi numen in pectus Ioannis inclusum. In principio, inquit, erat verbum. Per verbum patris mens & sapientiā declaratur, pro verbo enim Græco νε-  
πε λέγω positum est, quo omnia designata & constituta sunt.

## DE SAPIENTIA

Verbum igitur hoc erat in principio. Quod principium nar-  
ras? Temporis? Deus cuius sempiterna dignitas agitur, hoc  
tantum scelus auertat. Si enim erat in principio temporis, &  
ante illud principium non erat, & tēpus cum mundo simul in-  
cepit, ergo ante mundum conditum verbū patris non erat. Si  
non erat verbum, hoc est mēs, ratio, consilium, ergo rerum om-  
nium cōditor sine mente & ratione mundum finxit. Teme-  
ritas igitur & non sapientia mundum procreauit. Quo quid  
scelestius dici potest? Nō id dicimus, inquiunt. Fatemur enim  
verbum multis ante seculis quam mundus fieret, constituisse.  
Rectē. Sed tamen, in principio, non temporis vt fatemini: tē-  
pus enim cum mundo simul incepit. Ergo multis ante seculis  
quam mundus esset, verbum erat. Si igitur non fuit in prin-  
cipio tēporis, fuit in principio eternitatis. Nullum enim du-  
rationis aliud spatium intelligi potest, nisi aut tempus, aut  
eternitas. Si verbum igitur fuit in principio eternitatis, sem-  
per fuit. Si enim aliquod spatium antecessisset, illud tēpus a  
quo incipit, principium appellari nō posset. Principium enim  
id solum appellari debet, quod aliunde non fluxit. Itaq. cum  
duplex principium sit, aliud temporis quod cum mūdo simul  
inchoatum est, ante quod nulla natura corporis extitit, aliud  
eternitatis quod principium nullum habet, Moses cum de mū-  
di conditi ratione differeret, principium tēporis rebus tēporis  
ipsius dimēfione terminatis sapienter accōmodauit. Ioannes  
vero cum de natura diuina sermonē iussitueret, principium  
Dei natura cōsentaneum diuinitus adduxit. Hoc autē aliud  
esse non potest, prāter eternitatē. Hoc igitur planē dicit.

Verbum

Verbum patris ab omni æternitate fuit. Sequitur deinde, Et verbū erat apud Deum. Apud Græcos est *ἔστιν ὁ λόγος ἔν τῳ πατρὶ τῷ θεῷ* hoc est, verbum rationem habebat ad ipsum Deum nempe patrem. Nota namq. illa quæ ad Dei nomen adiungitur certā personam designat, ad quam verbum sempiternum rationem atq. respectum habere dicit. Hic iā personarum distinctionem cernimus. Ratio enim & cōparatio fieri non potest, nisi inter res ratione distinctas. Ait deinde, Et Deus erat verbum. Hic rursus summā naturæ vnius simplicitatē aspiciamus, & Dei verbum Dei nomine illustrari videmus. Hoc, inquit, erat in principio apud Deum. Eandē sententiā repetit, vt fortius hereticorum amentia cōvincat. Hoc idem, inquit, verbum idest filius, qui ad patrē respectum habet, à principio erat, hoc est in omni æternitate vixit. Sequitur deinde, Omnia per ipsum facta sunt. Qui Deum fatetur esse mundi totius architectū, & Ioanni fidē habet, quā habere necesse est, si Christianus est, & Ioannē audit dicentem, Omnia per verbum facta fuisse, dubitare nō potest, quin verbū sit ipse summus Deus, cuius numine, mente, consilio, & probitate omnia siue cælestia, siue terrestria condita & cōstituta sunt. Quod si verbo facta minimē fuissent, sine cōsilio facta fuissent. Verbum enim mens & ratio patris, est. Quod autem sine mente & consilio fit, temere fit. Quod temere fit, bonum & pulchrum esse non potest. Quomodo igitur dici potuisset, Vidit Deus cuncta quæ fecerat, & erant valde bona? Si vero bona sunt, verbo facta sunt. Est enim verbum hoc ordinis, pulchritudinis, vtilitatis, atque totius honestatis efficiens. Si autem

## DE SAPIENTIA

omnia sine vlla exceptione quæ facta sunt, per verbum facta sunt, & verbum ipsum (vt heretici dicunt) factum fuisset, sequeretur verbū seipsum effecisse. Quo quid dici potest amentius? Si enim verbum antequam fieret, esse non poterat, quomodo seipsum facere potuit? Pergit deinde Ioannes, & docet ipsum verbum non modo naturam vniuersam condidisse, verum omnium vitam & lucem ipsius numine contineri. Addit deinde, Et verbum caro factum est. Illud, inquit, ipsum verbum quod semper ex omni æternitate fuit, quod verum Deum appello, quod sempiternam ad patrem Deum rationē habuit, quod semper fuit patri summo, eadem natura, numine, & maiestate coniunctum, quod omnia, siue quæ videntur oculis, siue quæ mente percipiuntur, effecit, quod est vita, lux, salus, & totius purchritudinis, & bonitatis origo, salutis humane gratia verus homo factus est. Hæc quidem summus ille Theologus Ioannes de filio Dei testificatur. Videant igitur Ariani cuius numen oppugnant. Nam contra Dei sempiternam mentem & rationem, contra mundi totius architectum, contra vitæ, salutis, & dignitatis auctorem, contra summum Deum, qui vt nos diuinitatis participes efficeret, homo fieri voluit, bellum nefarium, & impium, omnique scelere penitus imbutum moliantur. Quantum igitur possunt, operam dant, vt nobis vitam, salutem & decus eripiāt, patremque summum decore sempiterno immensi splendoris spolient. Ergo tam sceleratæ sententiæ princeps & auctor homo non fuit, sed monstrum atque prodigium, pestiferumque antiqui serpentis instrumentum. Subiungit continuo Ioannes, Et habi-

tauit

tauit in nobis: vidimusque gloriam eius, gloriam quasi vnigeniti à patre. Vnigenitum appellat, quod nomen illi minimè cōueniret, si ex nihilo factus fuisset, vt heretici dicebant. Eadem enim conditione secundum suæ naturæ rationem fuisset qua reliqua omnia, quæ ex nihilo condita sunt. Cum igitur Ioannes illum vnigenitum appellat, planè docet illum esse ex patris summi natura & essentia generatū: & ob id nullo modo reliquis Dei filiis qui in illius sacra adoptiua venerunt, annumerandum. Ioannes vero Baptista quā saepe diuinitatem illius extulit? Qui de cælo, inquit, est, super omnes est: & Quod vidit & audiuit testatur. Ipse vero Dei filius quid in hac sententiā dicit: Pater operatur, & ego operor. Quo dicto Iudæi acriter exarserunt. Intellexerunt enim Christum se Deū & patri equalē testificari. Quorum enim opera necessario coniuncta sunt, natura atq. potestas distingui non potest. Neq. Ioannes dicit illos Christi verba perperam intellexisse. Propterea, inquit, volebant eum occidere, eo quod non solum Sabbathum violabat, verum & Deum patrē appellabat, seque Deo equalē faciebat. Alibi vero, inquit ipse dñs, Operamini cibum qui non perit, sed qui permanet in vitā æternam, quem filius hominis dabit vobis. Hunc enim pater signauit Deus. Hoc est autē, Mirum vobis minimè videatur, si filius hominis cibum qui immortalitatem continet, pollicetur. Nam hic filius hominis, est etiam vere Dei filius. Paulo dixit obscurius: Hunc enim pater signauit Deus. Id autem est, in filio pater viuam atq. sempiternam imaginem sui numinis & immensæ potestatis impressit: ita vt nihil inter patrē & filium præter

## DE SAPIENTIA

proprias personarū notas, interesse possit. Ait præterea, Nō  
 quod patrē viderit quisquā : sed is qui est à patre vidit eum.  
 Et, Nō potest filius facere quidquā, nisi viderit patrē faciētē.  
 Quæ enim ille facit, eadē & filius similiter facit. Et, Maiora  
 his demonstrabit opera, ut vos miremini. Sicut enim pater ex-  
 citat mortuos, & viuificat : sic & filius quos vult, viuificat.  
 Tum illud, Venit hora quando mortui audient vocē filij Dei,  
 & qui audierint viuent. Sicut enim pater habet vitam in se-  
 metipso: sic dedit, & filio vitā habere in semetipso. Tum illud,  
 quam clarum Theologiæ verissimæ testimoniū continet? Ego,  
 inquit, & pater vnū sumus. Alibi vero, Ego sum resurrectio  
 & vita. Et, Philippe, qui videt me, videt & patrē meum, nō  
 credis quia ego in patre, & pater in me est? Thomas vero il-  
 lum Deum & dominum confessus est. Fuit ne ab illo repre-  
 hensus, quod illi Dei nomē attribueret? Non certè. Nō enim  
 dominus fidē, sed tarditatem in fide habenda vituperat. Quia  
 vidiisti, inquit, me Thoma, credidisti. Beati qui nō viderunt,  
 & crediderunt. Quid ergo est? Si Christianus es ipsum Chri-  
 stum audire recusabis? Ipse Dei filius p̄ quē omnia facta sunt,  
 se verum Deum, atq. sempiternū, & patri æqualē apertè testi-  
 ficatur, & tu interim numen illius contēnes? Imperium detre-  
 ctabis? Eademq. dictis illius abrogabis? Neq. diuos exitus eo-  
 rum qui hāc sententiam primi dixerunt, exhorresces? Si beati  
 sunt futuri qui crediderint: certè miseri, infelices, & ærūnosi  
 futuri sunt, qui fidē, qui veritatem, qui religionē labefactare  
 conati fuerint. Docet ipse Dei filius se nihil habere à patris  
 natura, numine, functione sciunctum, se vitā, se lucem prædi-  
 cat:



cat, numenque suum operibus indicat, seque patri æqualē testificatur, omniaq. patris consilia sibi à sempiterno tēpore cōmunicata demonstrat: & tamen erunt qui se Christianos esse iactent, & tā clavis & illustribus ipsius Christi testimonijs infando scelere repugnent? Si enim qui Christo vestem detraxerunt, vt cruci nudum affigerent, scelestissimi habēdi sunt: quibus verbis eorum scelus explicabimus, qui non vestem laneam Christi corpori, sed diuinitatē sempiternā illius numini detrabere conantur, vt interitū nomini illius afferāt? Nos, inquiunt, Christum Deum esse confitemur, sed sempiternum atq. patri æqualē esse negamus. Quid ais? Deus est, & sempiternus nō est? Ita sane inquiunt. Fuit enim tēpus quādo nō fuit. Præterea è nihilo formatus est. Quomodo igitur fuit in principio apud patrē? Si enim tempus non extabat, in principio tēporis esse nō poterat. Si aliquādo non fuit, nec in æternitatis principio fuit. Quomodo igitur dici potuit in principio erat verbum? Vbi igitur illud vnigeniti nomen, si cōmuni rerum aliarum ratione fuit à Deo nō ex Dei essentia, sed ex nihilo generatus? Præterea vnde plures dij repēte exorti sunt? Si enim Deus est, & aliquando non fuit, ergo cum vnus tantum Deus esset, duo alij postea cōstitērunt? Quomodo igitur verum illud est, Dominus Deus tuus Deus vnus est? Itē illud, Ante me non est formatus Deus, & post me non eris? Si enim Deus ipse negat, Deum nullum esse post se formādum, quæ tam proiēcta fuit eorum audacia, quæ Deum alium fingere ausa fuit? Si vero non cadit in hominis sani rationē, vt Deus sit, & sempiternus non sit, si filius Dei ex aliquo temporis

## DE SAPIENTIA

initio formatus esset, Deus certè nō esset. Ergo in Dei filio  
 Dei & vnigeniti nomen occidisset. Nec enim Deus esse po-  
 test, qui aliquādo nō fuit: nec vnigenitus appellari, qui multos  
 atq. prope innumerabiles fratres habet eadē omnino ratione  
 generatos. At cum illum sēpissimè in sanctis literis & Deum  
 & vnigenitum Dei filium nominari videamus, non verum  
 est eos qui cōtra sentiunt, sp̄ritus sancti testimonio clarissi-  
 mo impudētissimè refragari? Deinde si ita esset, vellem scire  
 quomodo argumentum illud dissoluerent, quo peripatetici  
 mundum à tempore sempiterno fuisse confirmāt. Ego quidē  
 iure argumentum irridebam, quod illis qui Dei filium ab infi-  
 nito tēpore genitum esse negāt, facere non licet. Eodem argu-  
 mento vti lubet. Quæro igitur si filius Dei non ex omni æter-  
 nitate generatus est, quid agebat Deus antequam filius geni-  
 tus esset? Quid moliebatur? Cur infinitis seculis ab omni mu-  
 nere vacauit? Putauit ne melius esse sibi similit̄ filium gene-  
 rare? An non putauit? Si credidit esse multo ad suā gloriam  
 & laudē præstantius filium generare, cur seculis infinitis tā-  
 ta magnitudine decoris & dignitatis orbari sustinuit? Si non  
 credidit, cur ex certo tēpore gignendi munus & officium sus-  
 cepit? Si vero id illi in mentem à principio nō venit, & postea  
 nouum cōsiliū cepit, ergo antea aliquid ignorauit, & postea  
 immutatus est. At nec ignoratio, nec vlla mutatio cadit in  
 Deum. Semper igitur Deus optimè nouit quanto esset præ-  
 stantius filium immenso splendore & claritate præditum ex  
 se gignere, quā non gignere. Semper igitur genuit. Præterea  
 cum propriū bonitatis sit se cōmunicare, quæ nā inuidia po-  
 tuit

tuit immensam illā probitatē impedire, quo minus filium gigneret, cum quo opes suas immensas & infinitas perfectissime cōmunicaret? neq. vident interim homines perditissimi, & profligatissimi, cum Deum solitarium immēso tēpore fuisset fingunt, illi simul & otium turpe, & inuidiā tetram impudenter affingere. Turpissimum namq. est ei qui potest aliquid praeclarum agere, otium amplecti: & inuidiosum, nullam alicui partē felicitatis impertiri. Haecine demētia? Huncine furorem? Hoc quod in mediocribus etiā hominibus minimē ferendum est, vt otium officio, & inuidiam benignitati praeponant, id homines de summa illa sapientia atq. infinita probitate suspicari? Ego quidē (vt paullo ante dixi) Philosophorum argumenta ridebā, eo quod demonstrabā actionē illā in qua Deus à sempiterno tēpore occupatus erat, tā clarā & illustrē fuisse, vt neq. mundi innumerabiles essent cum illius amplitudine & claritate cōparādi. Isti vero qui ne in vnigenito quidē Dei filio aeternitatem cogitare possunt, dicant quid actum fuerit ante quā Dei filius existeret, vt patrem simul & flagitiosi lāguoris, & turpis inuidiae crimine, liberēt. Si immenso tempore nihil agere voluit, otium officio praeferendum existimauit: si nihil ab omni aeternitate protulit, cū quo vim sui numinis infinitā cōmunicaret, inuidiae fuit affinis. Quorū vtrum magis à Deo alienum sit, diiudicare non possum. Sed quantum inter Aristotelē virum à diuinis institutis alienum, & Arium hominē Christianis disciplinis imbutum, & sacris mysterijs initiatum interfuerit, operae pretium erit animaduertere. Aristoteles quod non potuerit propter excellētis ingenij

## DE SAPIENTIA.

*præstantiâ Deum nihil agentem cogitare, rebus corporeis & interituris æternitatem attribuit: Arius cōtra cum nihil immensum atq. sempiternū ppter mentis stuporem, & ingenij tarditatē animo cōplecti potuisset, vnico Dei filio, naturæ totius opifici æternitatem denegauit. Aristoteles quāuis (vt suspicari licet) videret absurdū esse rebus corporeis, quæ sunt natura dissolubiles, æternitatem cōcedere: multo tamen id tolerabilius existimauit, quā otium Deo sempiternum diuiniq. muneris vacationē dare: cōtra vero vir scelestissimus vnicū Dei filium, qui secula & æternitatē cōdidit tēporis spatio definiuit. O miserandā ingenii hebetis & obtusi tarditatē. O detestabilem & execrandā mentis impia cæcitatē. O dirum scelus nullis piaculis eluendum. Vnicum Dei filium immensæ claritatis imaginem, mundi q. totius architectum, rebus ab illo cōditis aggregari? & immensum gloriæ splendorē ab illo sempiterno diuini luminis exortum, hominis furiosi & insani tenebris obscurari? & patrē simul geniti filij gloria, & filium patria dignitate spoliari? Quantum enim in illis est, id agunt, & moliuntur, vt Dei filium in turbā conijciant, & gloriā illius obscurēt, & patrē immensa gloria priuēt. Indignum facinus asserit esse Proculus Deum seculis infinitis conditoris gloria caruisse: & ob id vniuersam naturā ab omni æternitate conditam esse dicit. At quanto cuius homini Christiano videri debet indignius, arbitrari Deum seculis infinitis tali filio caruisse? Nec enim mundus est mens & ratio patris, non lux, nō veritas, non vita, non splendor gloriæ, nō seculorū conditor, non parentis imago, non rerum omnium rector, atq.*

*mode-*

moderator: & ideo non erat ea iactura quam Proculus opinabatur. At qui tali filio patrem immenso spatio spoliare nituntur, contra Dei ipsius immensam gloriam acerrime pugnant. Si enim ex infinito tempore Deum filium sibi similem gignere non potuisse dicunt, Deum infinita vi & potentia priuāt: si non intellexisse quam id se deceret, intelligentia: si noluisse, probitate. Ergo temporibus infinitis Deus per illos neque omnipotens, neque sapiens, neque bonus extitit, atque (vt aliquid magis admirandum dicam) neque sempiternus. Si enim (vt Paulus in epistola quā scribit ad Hebræos ait) per filium secula facta sunt, tempore quo filius nō erat, aternitas esse nō poterat. Nihil igitur erat sempiternum. Hoc igitur concludē ex eorū sentētia potest, ipsam aternitatē aternitate caruisse, & præterea patrē ex quo omnis paternitas (vt Paulus ait) in cælo, & in terra nominatur, qui per filium secula condidit, tempore sempiterno sempiternū minimē fuisse. Hæc omnia absurda ex tā impia & scelerata sententia colliguntur. En pietas, en religio, en gloriæ diuinæ studium, en species sanctitatis atque probitatis. Dum simulant homines scelestissimi se diuinæ gloriæ causa laborare, molestissimeque ferre, Dei maiestatem illi soli debitam, cum filio communicari, atque quasi distrāctione indigna comminui, Deum infinitis seculis desidem, & inertem faciunt, illumque potentia, & probitate infinita spoliant. Potentia, quia negant illum filium sibi similem, infinitaque virtute præditum gignere à sempiterno tempore potuisse: probitate, quia statuunt illum immenso tempore, neminem

cum quo virtutis infinitæ lumen cōmunicarēt, habere voluisset. Quodcumque dein de principium temporis Dei filio turbulentiſſimi erroris opinione confinxerint, ex tempore infinito Deum patris immensa gloria ſpoliabunt, & mente, luce, ratione, atq. adeo æternitate priuabunt. Si igitur Arius, & qui illum ſecuti ſunt, qui tātas turbas in vniuerſa Chriſtiana rep. commouerūt, digni ſempiternis cruciatibus exiſtimātur: quomodo non multo magis illi qui malis alienis erudiri potuerūt: & poſt tam multa ſecula ſcelus ſepultum inſtaurarunt, ſempiternis ſupplicijs digniſſimi ſunt? Paulus vero Chriſtum Deum in omni æternitate prædicandum nominat. Ad Philippienſes vero ſcribens ait illum patri æqualem eſſe. In epiſtola ad Colloſſenſes ait plenitudinem diuinitatis in eo corporaliter habitare, hoc eſt verè. Corporis enim nomen apud Paulum ſæpe veritatem ſignificat. Vmbra enim ex altera parte reſpondet. Similiter in Epiſtola ad Hebræos Chriſti diuinitatem luculentiffimis verbis exag Gerard. Sed quid opus eſt Pauli testimonio cum ipſius filii Dei teſtimonia clariſſima habeamus? Qui quidem non ſibi ſolum, ſed etiam ſpiritus ſancto eiufdem diuinitatis teſtimonium dat. Si diligitis, inquit, me, præcepta mea ſeruate, & ego rogabo patrē, & aliū paracletū dabit vobis, qui maneat vobiscum in æternum ſpiritus veritatis, quē mūdus nō poteſt accipere. Cū aliū dicit perſonæ diſcrimē apponit. Cum ſpiritū veritatis nominat, naturæ vniſimilitudinē demōſtrat. Veritas enī ipſe Deus eſt, apud quē (vt Iacobus ait) nō eſt trāſmutatio, neq. viciffitudinis obūbratio. Sed qd eſt hoc quod dicit, ego rogabo patrē? Si patri æqlis eſt,



est, quomodo ut maiorem orat? Filius secundum humanæ naturæ rationem, quamvis sit illi data omnis potestas in cælo & in terra, & ad dexteram patris sedeat, & voluntas Domini manu illius dirigatur, aduocatus tamen noster est apud patrem. Oratio autem est muneris alacritate summa perfecti, & absoluti representatio, sanctissimi sanguinis oblatio, sacrificijque purissima sanctitate procurati religio, quæ omnia voces semper ad patrem mittunt, & nobis ab eo veniam poscunt, & spiritus sancti dona efflagitant. Quin etiam ut Dei filius ea ratione quæ iussa patris exequitur, & fuit antiquæ legislator, atque (ut Paulus ait) se medium inter Deum & homines interposuit, ut homines in Dei studium incitaret, & Deum hominibus conciliaret, per illum enim pater (ut Paulus in epistola quam scripsit ad Ephesios, ait) ab æterno tempore omnia sibi reconciliare constituit, non incommode pro nobis orare dicitur. Quamvis enim eadem sit illi cum patre potestas, idem imperium & numen, eadem rerum omnium moderatio, omnia tamen ad patrem tanquam ad principium aptissimè referuntur. Itaque patrem orat, ut spiritum sanctum mittat, qui nos in rebus aduersis consoletur, hoc enim paracleti Græcum nomen designat. Ait rursus. Cum venerit ille spiritus veritatis docebit vos omnem veritatē. Non enim loquetur à semetipso, sed quæcumque audiet loquetur. Rationem totius veritatis exponit. Id enim tantum verum est, quod est ex illo veritatis & iustitiæ fonte sempiterno derivatum. Ergo quidquid aliunde profluxerit, est vanitas, fraus, & mendacium. Ideo diabolus in veritate non stetisse dicitur.

## DE SAPIENTIA.

tar, sed mendacij pater esse: quia primus omnium à patre summo descivit: amoreque sui ipsius obcæcatus se se à veritatis coniunctione disiunxit. Itaque verum est Deo semper adherere, illius monitis & institutis vitam moderari, nec aliquid pulchrum & expetendum ducere, quod ab illius sententia & præscriptione dissideat. Ergo cum à me aliquid promo, quod à Deo nō didici, cū me ipsum nimis amo, ingenii que meum & non diuinum spiritum consulo, à veritate dinellor. Qb eam causam Dei filius eo argumento probat, quod verum illius iudicium sit, quod nihil omnino, nisi quod audierat à patre loqueretur. Quæ audiui, inquit, loquimur, & quæ vidimus testamur: & Quæcumque audiui à patre meo, nota feci vobis: & Doctrina mea non est mea, sed eius qui misit me: & A me ipso non loquor, & alia multa in hāc sententiam dicit, quæ non humilitatis & abiectionis argumentum, sed veritatis firmum testimonium continent, neque filij gloriam imminuunt, sed supra quam dici potest amplificant. Gloria siquidem filij est, non posse neque natura, neque sententia, neque actione à patre disiungi, sed potius ad nomen illius à quo genitus est, omnia studia, consilia, opera reuocare. Hanc eandem gloriam & dignitatem sibi cum spiritu sancto communem esse declarat, cum ait, Non à seipso loquitur, sed quæcumque audiet loquetur. In quo non modo rationem veritatis explicat, verum & spiritus ipsius diuinitatem aperit. His enim verbis ostendit Dei consilia ab æterno tempore cum illius spiritu communicata. Quod enim ab omni aternitate constat patri fuisse sine vlla recusatione coniun-

iunctum, parum ne liquet, ab illius natura disiungi nō posse.  
Subiūgit deinde, Et quæ ventura sunt annūciabit vobis. Ven-  
tura nunciare non potest nisi solus Deus. Sic enim legimus  
apud Isaiam, Ventura nunciate nobis, & dicemus quod dii  
estis vos. Quod si propheta ventura nunciarunt, id diuini  
spiritus afflatu & impulsu fecerunt. Vnde constat futurarū  
rerum prædictionem spiritus sancti numine contineri. Quod  
si solius Dei est futura præoscere, & constat hanc præno-  
tionem esse in sancti spiritus numine constitutam, certē li-  
quet, illū Deum verum esse, eadem maiestate cum patre &  
filio præditum. Nemo cognovit, inquit Paulus, quæ Dei sunt  
nisi spiritus Dei. Non secludit filium. In personis enim di-  
uinis hoc est perpetuo retinendum, vt quidquid de vna dici-  
tur, quod non propriam personæ rationem & discrimen conti-  
neat, ad alias personas referatur. Veluti cum dicitur, Nemo  
nouit patrem nisi filius, hæc ratio minimē spiritum sanctum  
à magnitudine huius cognitionis excludit. Omnia enim quæ  
in Dei filium conferuntur, sancti spiritus numini similiter  
assignantur. Multa, inquit Dei filius, habeo de vobis loqui, &  
iudicare. Sed qui me misit verax est, & ego quæ audiui ab eo  
loquor in mundo. De spiritu sancto dicit, Nō à semetipso lo-  
quetur, sed quæcumq. audierit, loquetur, & annūciabit vobis.  
De Christo dicitur, Vnigenitus filius Dei qui est in sinu pa-  
tris, ipse enarrauit. De spiritu sancto similiter, Quæ dei sunt  
nemo cognovit, nisi spiritus Dei qui in ipso est. De se dicit ip-  
se dñs, Ego veni in mundū, vt perhibeā testimoniū veritati.  
De spiritu sancto similiter, Cū venerit ille paracletus docebit

## DE SAPIENTIA.

vos omnem veritatē. De se dixit, *Hæc dixi vobis antequam fiant, vt cum facta fuerint credatis.* De spiritu sancto similiter, *Et quæ ventura sunt annuntiabit vobis.* De se dicit, *Ego rogabo patrem, & alium paracletum dabit vobis.* De spiritu sancto Paulus ait, *Spiritus postulat pro nobis gemitibus inenarrabilibus. Gemitus enim nostros elicit, cum nos precandi studio vehementer inflamat,* De se dicit filius Dei, *Ego à patre processi, & veni in mundum.* De spiritu sancto ait, *Cum venerit paracletus, qui à patre procedit, ille testimonium perhibebit de me. Vt igitur filius à patre exoritur: ita spiritus sanctus ab eodem principio & fonte progreditur. Sed queri potest, cur non dixerit, Qui à patre & à me ipso procedit? Dixit certè, si sententia rectis ponderibus examinetur. Omnia enim præter originis sempiternæ rationem, qua pater filium genuit, quæ de patre dicuntur, ad filium similiter conferenda sunt. Omnia, inquit ille, mea, tua sunt: & tua, mea sunt. Et id circo spiritus patris etiam filij spiritus appellatur: si spiritus filij est, à filio certè procedit, aliter enim spiritus illius non esset. Præterea mitti, & procedere in personis diuinis reciproca sunt. A quo enim quæque persona procedit, ab ea mittitur: & à qua mittitur, ab ea procedit. Pater mitti non dicitur, quia non aliunde principium duxit. Filius à patre mitti dicitur: ab illo enim processit. Similiter filius à spiritu sancto nisi secundum humanæ naturæ conditionem mitti non dicitur. At spiritus à filio mitti dicitur. Ab illo igitur procedit. Cum venerit, inquit ille, paracletus, quem ego mittam vobis à patre spiritum veritatis, qui à patre procedit*

*ce dit, ille testimonium perhibebit de me. Tum illud, Ille meā  
 gloriam illustrabit, quia de meo accipiet, & annuntiabit vo  
 bis. Sed ut, unde defleximus, redeamus, constat certe non mu  
 nera & officia tantum esse filio cum spiritu sancto cominu  
 nia, verum & vtriusque naturā distingui non posse. V terq.  
 enim à patre processit. Ergo cum in Deo nihil sit maius, aut  
 minus, aut diuersum atque dissimile, efficitur spiritum diui  
 num eadem natura, numine, imperio, maiestate mundum vni  
 uersum moderari. Is hominum mentes claritate diuini splē  
 doris illustrat: is animos mortalium amore diuinitatis inflam  
 mat: is spiritui nostro cælestis nobilitatis atque adeo diuine  
 agnationis clarissimum testimonium dat: is nobis magister,  
 ductor, atque moderator est. Quomodo autem eadem omni  
 no sint opera patris, & filii, & spiritus sancti Paulus aper  
 tē demonstrat. Diuisiones, inquit, gratiarum sunt, idem au  
 tem spiritus: Diuisiones ministrationum sunt, idem autē do  
 minus: & diuisiones operationum sunt: idem autem Deus, qui  
 operatur omnia in omnibus. Sed clarius testimonium affer  
 ri in medium non potest eo, quod apud Mathæum ipsius do  
 mini iussu continetur. Euntes, inquit, docete omnes gentes  
 baptizantes eas in nomine patris, & filij, & spiritus sancti.  
 Hic certē coniuncta cernimus, quæ disiungi minime possunt.  
 Si enim nefas est arbitrari cum primus homo fuit à Deo è  
 terra formatus aliquem à Deo fuisse in societatem operis il  
 lius adscitum: quanto scelestius erit opinari, in hac multo cla  
 riori forma atque diuine generationis ratione, qua ita geniti  
 & informati sumus, ut diuinā speciem referamus, aliquem  
 l prater*

## DE SAPIENTIA

præter Deum ad naturæ nouæ atq. plane celestis procreationem conuenisse? fieri non potest: fides id cōmentum repellit: recta ratio id nullo modo prorsus admittit. Vt igitur Dei solius numine & benignitate in hāc nouā vitā ingreſsi sumus: ita solius Dei nomē cuius virtute atq. potentia lucē celestem aspeximus, tunc audiuimus, vt illius perpetuo fiducia nitermur. Nomen igitur patris, & filij, & spiritus sancti, vnius Dei nomen est, trium personarum explicatione contentum. Vnus Deus, vna fides, vnum vitæ layacrum est, vna confessio, qua Deum vnum tribus personis discretum illo natali die venerati sumus: & hac fide cōfirmati apud Christum sacramēto diximus. Alius quidem est à patre filius, non aliud: alius spiritus ab vtroque non aliud: vt semper intelligatur in personis distinctio, in natura summa simplicitas. Nunquam vnā personā appellamus, quin reliquæ simul occurrāt. Si patrem nominas, filium consequenter intelligis, atque simul amoris vinculum, quo filius patri coniungitur. Si filium appellas, pater simul & amoris sempiterni coniunctio in votis occurrit. Si spiritum vocas, simul originem vnde spiritus emanat, mēte recolis, & ipsius patris atq. filij indissolubilem atque sempiternā caritatis immensitatem. Deus, inquit Ioannes, caritas est: & qui manet in caritate, in Deo manet. Hæc caritas æterna spiritus sanctus est. Vt enim sapiens pater sapientem filium genuit, & ex vtroq. spiritus sanctus sapientiæ magister emanauit: & tamen filius singulari quadam ratione eo quod pater illum intelligendo genuerit, sapientia patris appelatur, ita bonus pater, bonum filium genuit, & ex vtroque  
bonus.



bonus spiritus extitit: & tamen ob id quod spiritus ex voluntate patris extiterit, singulari ratione bonitas, amor, & caritas appellatur. Tres sunt, inquit Ioannes, qui testimoniū dant in cælo pater, verbum, & spiritus, & hi tres vnum sunt. Pater testimonium dedit filio cum dixit, Hic est filius meus dilectus. Filius testimonium dedit patri, cum nomen illius in terris ignotum explicuit: & cum insitum numen operibus admirandis indicauit. Spiritus sanctus testimonium similiter dedit, cum super Christum insedit, nec inde rursus auolauit. Opera deinde quæ Christus faciebat, opera patris erant. Ipse namq. dicit, Pater in me manens ipse facit opera. Opera etiā filij similiter erant, Opera, inquit, quæ ego facio, testimonium perhibent de me. Opera etiā sancti spiritus erant: Si ego, inquit, spiritu Dei eicio demonia, peruenit in vos regnū Dei. Pater post filij in cælum ascensum spiritum misit: filius similiter eundem spiritum legauit: spiritus vt voluntati patris atq. filij satisfaceret, discipulorum animos inflammauit. Et hi tres vnum sunt. Vnum videlicet numen, vna natura, vna maiestas, vna volūtas, vnum imperium, vna deniq. & infinita potestatis, sapiētiae, probitatis, benignitatis amplitudo. Inquit præterea, Tres sunt qui testimoniū dāt in terra, spiritus, aqua, & sanguis: & hi tres in vnū sunt. Spiritus enim testimoniū reddit spiritui nostro, quod sumus filij Dei. Aqua vero puritatis, integritatis, innocentiae atq. iustitiæ documentis similiter testimonium dedit. Cum enim in ijs qui salutaribus aquis abluti & expiati sunt, & pignus spiritus acceperūt, animaduersa fuerit admirabilis vitæ conuersio, parum ne

## DE SAPIENTIA

firmum testimonium illa tanta virtutis & religionis opera  
 continent? Sanguis etiam testimonium mirificum tribuit.  
 Ij enim qui non furore, & alienata mentis insaniam, vt ijsa-  
 ciunt, qui diuturna sceleris consuetudine perturbati, & vita  
 ipsius impurissimæ odio ducti, se ad mortem offerunt, sed sa-  
 na mente firmoque iudicio, animoque acriter inflamato mor-  
 tem contemnunt, sanguinemque suum libentissime pro Chri-  
 sti gloria & iustitiæ sanctitate profundunt, clarissimum te-  
 stimonium dicunt. Et hi tres in vnum sunt, in vnā enim ra-  
 tionem conueniunt. Idem namque spiritus qui Christi numē  
 testimonio suo comprobatur, est qui animorum sordes eluit, qui  
 animos corroborat, atque confirmat, & cupiditate gloriæ im-  
 mortalis inflamat, ita vt mortem pro Christi gloria oppe-  
 titam omnibus vitæ commodis anteponan. Illa autem preca-  
 tio qua Christus patrem suppliciter orabat, cum mors illius  
 instaret, vt discipuli illius vnum fierent, & studio caritatis il-  
 lam summam diuinarum personarum in vna natura vnitatē  
 quoad liceret imitarentur, quo alio pertinebat, quam vt spiri-  
 tus sanctus adueniens eorum voluntates conglutinalet? Cum  
 enim pugna, dissolutionis, interitus seminarium in multiplici  
 & effrenata rerū terrestrium cupiditate consistat, efficitur,  
 vt qui huic cupiditati interitum attulerit, & animos cupi-  
 ditate vnius summi boni vehementer incenderit, is discordiā  
 tollat, & sempiternam pacem conciliet. Quis autem hoc tā-  
 tum beneficium afferre potest, nisi spiritus idem totius pacis,  
 & verissimæ iucunditatis effector? Is enim præstat, vt gu-  
 stu verissimæ voluptatis fuitiles & inanes facillimè contem-  
 nantur:

nantur: sensu celestium diuitiarum terrene deficiantur: studio gloriæ diuinæ falsi honoris & dignitatis ornamenta respuantur: & mentes studio nominis diuini vehementissime concitentur. Ergo cum seditionis materia tollatur, & idem omnes ardentem expetant, sintq. inter se moribus & vita simillimi, & quilibet in altero sui imaginem mēte perspiciat, & arctissimo spiritus sancti vinculo inter se deuincti sint, ex omnium animis vnus sensus atq. voluntas efficitur. At quot nominibus sanctæ literæ spiritus sancti numen conantur exprimere? Spiritum sapientiæ, intelligentiæ, consilij, & fortitudinis, prudentiæ, religionis, veritatis, libertatis, adoptionis appellant. Fontem perennis aquæ, diuini ardoris incendium, ordinis, conuenientiæ, pulchritudinis, voluptatis effectorem prædicant. Illius abscessu neque lux, neque vita, neq. decus, neque incunditas vlla reperitur. Omnia tenebris obruuntur, pestiferis morbis impediuntur, euertuntur, luctu, mærore, acerbitate conficiuntur. At illius præsentis numine nouus repente ornatus exoritur, omniaq. læta & collustrata cōspicimus. Fructus spiritus (inquit Paulus) est caritas, pax, & gaudium. Sublata namq. libidine quæ in animi statu turbas efficit, & foras excurrit, vt tumultus excitet, nefariumq. bellū contra societatem generis humani moliat, caritas ad quā natura propensi sumus, opera diuini spiritus ardēs existit. Ex ea deinde, pax quæ superat omnē sensum consequenter exoritur. Mens enim ita Deo cōiungitur, vt in summa tranquillitate versetur. In illum enim qui ad hunc modum in Dei tutela atq. præsidio latet, neque libidininis importunæ temeritas inuehitur: nec illius

## DE SAPIENTIA

animum vllæ pœnæ scelerũ persequuntur: neq. formidines gra-  
ui cura sollicitant: neq. mundi totius fragor metusq. ruinæ la-  
befactat: nec intenti vlli terrores & cruciatus de statu cõuel-  
lunt. Ex his tantis bonis gaudium illud nascitur, quod Ioan-  
nes Mannâ absconditum nominat: quod Petrus letitiam in-  
explicabil. m appellat: quod Dauid torrentem voluptatis esse  
dicit: quod postremo Christus gaudium stabile atque sempi-  
ternum fore prænunciat. Hac spiritus diuini incunditate cõ-  
pletus animus exultat, tantaq. letitiâ gestit, vt imperitis in-  
terdum desipere videatur. Quâ variæ fuerunt olim Philoso-  
phorum de summo bono sententiæ? Alij namq. dignitatē, alij  
doloris vacuitatē, alij voluptatē, alij naturæ principia ex ani-  
mi sententiâ cõstituta, alij denique alias summi boni rationes  
excogitabāt. At hæc omnia simul in spiritus sancti munere &  
benignitate cõsistunt. Is enim est verissimĩ decoris, & bone-  
statis, & dignitatis architectus: is animos hominum incundi-  
tate sua ab omni sensu doloris auertit: is naturā animi ad Dei  
similitudinē facti pfectè cõstituit: is mētes humanas tāta vo-  
luptate perfundit, quantā nulla vbertas orationis explicare  
dicendo poterit. Quis igitur sapiēs? Quis felix? Quis bonis om-  
nibus affluens? Si sapientia diuinarũ rerũ notitia cõtinetur, sa-  
piēs ille solus est, quē spiritus diuinus erudit. Si sapiētiae fru-  
ctus est in verissimis bonis collocandus, spiritus sanctus est, qui  
animos diuinis ornamentis afficit, diuitijs verissimis locuple-  
tat, firmo & inuictō præsidio munit, & sempiterno gaudio  
cumulat. Sed esto, spiritus sanctus sapiētes efficit, eloquentes  
autē minimè. Imo illius eloquētiæ cõpotes efficit, quā nullum

excel-

excellens ingeniū, nulla differendi facultas, nullum ardēs studiū poterit adipisci. Nō enim ea est, quæ aures permulceat, & sensus quasi titillet, ad animum autē minimē permānet, hominesq. nihilo meliores efficiat: sed ea, quæ magna quadā vi & impetu cōprimat impudentiā, frangat insolentiā, refrēnet audaciā, & aduersarios cōturbet, & de ōni statu detorqueat. Ea iacentes erigit, languentes excitat, afflictos cōsolatur, humiles extollit, & studio gloriæ immortalis incēdit. Nō captat illa quidē hominum plausus: sed hominum saluti consulit: non cōsecratur immodicas verborum venustates, sed mētes verissimæ sapientiæ luminibus illustrat: non elaborata cōcinnitate blanditur, sed sententiarum pōdere & gravitate pugnat, & quidquid efficere vult, diuinæ virtutis argumento confirmat. Illius impetus cum spiritus diuini viribus incitatur, sustineri non potest. Cum vos (inquit Christus) tradiderint, nolite cogitare, qualiter, aut quid respōdeatis. Dabitur enim vobis in illa hora quid loquamini. Nō enim vos estis qui loquimini, sed spiritus patris vestri qui loquitur in vobis. Hoc igitur eloquētiæ genere Petrus Iudeorū senatū, & populi multitudinē cōturbauit. Huius magnitudine Stephan⁹ immanes hostes exterruit. Huius magnificētia Paulus quāuis se imperitū sermone dicat, nō enim fortasse is Socratis, aut Arist. præcepta degustarat, mundū sub Christi imperiū subiūxit, studioq. diuinitatis inflāmauit. Spūs igitur sancti numine robur inuictū, sapiētiæ lumē, pacis trāquillitas, letitiæ magnitudo, beatæ vitæ cōstantia, status opib⁹ diuinis & sempiternis car cumfluens, atq. postremo vis admirabilis eloquētiæ cōtinetur.

## DE SAPIENTIA

At quis nobis hunc spiritum attulit? Cuius meritis & virtute tantas opes sapientie consecuti sumus? Quis lumē hoc prætulit, quo noticiā patris, & filij, & spiritus sancti caperemus? Quis denique perfecit, ut hac luce diuini spiritus frueremur, animusque noster diuitijs & ornamentis diuinis afflueret? Christus certe Dei filius pro nobis in cruce, ut debita nostra dissolueret, immolatus. Quod sequēte libro magis aperiemus. Vnde concluditur necessario verissimam sapientiam

Christi crucifixi virtute, religione, sanctitate, numine, vi, potentia contineri.

## DE SAPIENTIA

### LIBER QVARTVS.



**Q**UANTA sit sapientie claritas. & magnitudo, quam disciplina Christi in crucem pro generis humani salute sublata omnibus qui se se ad illius studium applicuerunt, impertinuit, satis explicatum arbitror. Si igitur Græci sapientiam quærunt, Christum audiant, illum admittantur, ad illius imitationem se conferant, & sic tandem ad eam sapientiam.



pientiam peruenient, quam nulli vnquam Philosophi sum-  
 mis ingenijs, prestante doctrina, ardente studio consequi po-  
 tuerunt. Quod si nihilominus adhuc in ea opinione sunt, vt  
 Christianam Philosophiam stultitiæ nomine condemnent,  
 æquum esse arbitror, vt pluribus illis, si possumus, tantum er-  
 rorem eripiamus. Quod vt commodius fieri possit, opus erit  
 eorum argumenta prius explicare. Sic enim fortasse dice-  
 bant. Quomodo potest in hominis sapientis rationem cade-  
 re, vt credat illum hominem summi Dei filium esse, quem vi-  
 derit inopem, contemptum, & abiectum, & afflictum, vul-  
 neribus præterea concisum, contumelijs laceratum, insonique  
 dedecore & ignominia deformatum? Primum enim quid  
 Dei filium impellere potuit, vt ita secum humanam naturam  
 coniungeret, vt morti obnoxius fieret? Num vt hominum  
 vitæ prospiceret? At contra naturam est, vt mors vitæ cau-  
 sam afferat: & is qui mortis atrocitatē à se minime propul-  
 sat, aliorum vitam constituat. Deinde cum Dei maiestas  
 immensa & infinita sit, hominis autem natura vix quidquā  
 humilior & fragilior cogitari possit, is homo qui statuit,  
 Deum ita se abiectis, vt hominum gratia verus homo fieri  
 vellet, multum de diuina maiestate detrahit, & sibi plu-  
 rimum arrogat & assumit. Quo quid vel scelestius, vel in-  
 solentius dici potest? Numen enim diuinum ad nostras mi-  
 serias transferre, facinus impium est: humanam vero natu-  
 ram in diuina sede locare, superbum, nec vllō modo tole-  
 randum. Deinde quæro. Deus non potuisset alia ratione quæ  
 non esset dignitati illius indecora, genus humanum ē sempi-

## DE SAPIENTIA.

terna miseria liberare? Potuisset certè, si verum est potentiam illius nullo termino circumscribi. Non dico quā parum credibile sit, sic naturam diuinam cum humana coniungi, ut utraq. in vnam personam coalesceret. Ut igitur id omittam quē cōuenit arbitrari, Deum maluisse hominibus cum dolore & cruciatu, cum dedecore & ignominia, quam sine vlllo dolore, & sine vlla dignitatis imminutione consulere? An dedecus mediocre fuit, non dico in crucem tolli, non virgis concidi, nō maledictis vexari, sed humanis necessitatibus seruire, & morbis vitæ communis implicitum distineri? Si temeritas igitur in Deum non cadit, & summa temeritas est malle quidpiam cum dolore & ignominia, quam cum gaudio & honestate moliri, verisimile profecto non est, Deum cum vtrum vis illi liberum fuisset, dolorem acerbissimum iucunditati, extremum delectus honestati, sine causa prætulisse. Præterea quibus hominibus eo cruciatu, & indignitate consultum esse voluit? Sapientibus ne? At hi paucissimi sunt, & si qui sunt, miserijs opprimi non possunt. Si insipientibus dixeris, indignissimum est Deum pro insipientibus, qui sunt cruciatu sempiterno dignissimi, tam acerbos dolores haurire. Postremo quod minus sapiens consilium cogitari potuit, cum supplicia, sceleribus coërendis instituta sint, & homines præmijs ad honestatem alliciendi, & inuitandi, quam ijs, qui acre studium ad honestatem contulerint, supplicia proponi? At vos illis qui pietatem vnice coluerint, crucem exemplo Dei ipsius quem colitis ingenuè defixistis: nec aliam esse salutis viam, præter

ter eam quæ crucis studio continetur, asseritis. At si sensus, si cōmunem vitam, si rationem, si Philosophorum decreta cōsulimus, in crucē beatam vitā aspirare non posse videbimus. Nam etsi fuere quidā qui cōtra disputarent, ij non argumētis tātum euiēti, sed omnium derisione delusi iam pridē siluerunt. Natura enim, quā optimā vitæ magistram ducimus, hoc animis nostris iniecit, nullo modo fieri posse, vt qui doloribus summis afficitur, florens atq. beatus sit. At vos contra naturam in cruce vitā beatam ponitis. Summa igitur eloquentia vobis opus est, vt sententiā sensibus, opinionibus, rationi, Philosophiæ, naturæ deniq. vniuersæ contrariā oratione confirmetis. Sed vos in hoc valde ridiculi eslis. Cum enim incredibilia dicatis, nullum tamē acumen in differendo, nulla dicendū lumina, nullas orationis opes adhibetis. Duplici igitur ratione summæ stultitiæ significationē datis. Nam & quod stultissimum est, fortissimē defenditis: & sine vllis eloquentiæ opibus stultitiæ defensionē suscipitis. Quis igitur vos audiet? Quis sequetur? Quis difficillimis decretis obtēperabit? Quis voluptates aspernabitur, vt crucē subeat? Et his quidem argumentis, aut horum similibus Græcorum philosophia Christi crucē oppugnare nititur. Huius igitur inanis sapientiæ argumenta refellemus, & simul opes crucis explicabimus. Sed antequam id faciamus, de Græcorum sapientia pauca dicemus. Sapientia (vt stoici definiebant) est rerum diuinarum et humanarum scientia. Huius studium Philosophia nominatur. Est autem Philosophiæ munus, quid verum, quid rectū, quid simplex sit inquirere, et inuentū mēte & ratiōe cōplecti,

## DE SAPIENTIA.

& sapientiæ verissimæ decretis obtemperare. Nam cum ad  
 intelligendum, & agendum nati simus: utrumque necessa-  
 rium est, ut veritatem intelligamus, & quod est nobis com-  
 modum & salutare omni studio consecutemur. Itaque hoc  
 est Philosophiæ propositum veritatem semper intueri, om-  
 niaque officia vitæ ad summum bonum dirigere. Veritas au-  
 tem summa Deus est. Ille namque solus est iustitia con-  
 stans, immutabilis, atque sempiterna, iuris totius fons &  
 origo, rerum omnium parens, natura maxime simplex, vir-  
 tute tamen immensus, totius concretionis & compositio-  
 nis expers, semper idem, sibi in omni æternitate simil-  
 limus. Qui verum igitur, & rectum contemplari desiderat,  
 Deum intueri desiderat. Finis igitur Philosophiæ est Deū  
 cernere. Præterea studium sapientiæ in humanæ etiam na-  
 turæ explicatione versatur. At humana ex diuinis nexa &  
 apta sunt. Non poterit igitur quisquam se exactè cognosce-  
 re, nisi mentem in Deum prius intenderit. Præterea quomo-  
 do poterit quisquam intelligere, quid sit extremum bonorum  
 omnium maxime naturæ hominis accommodatum, nisi vide-  
 rit mente & ratione se ex diuina benignitate profluxisse: &  
 proinde non esse summum bonum ad aliud quam ad Deum  
 tanquam ad vitæ principium referendum? Postremo ille solus  
 (ut Aristoteles ait) scire dicitur, qui res ex causis agnoscit.  
 Cum igitur Deus sit rerum omnium causa, omnis sapientiæ  
 in notitia illius consistit. Tres autem Philosophiæ partes pe-  
 ripatetici statuerunt, vnam, quæ in naturæ peruestigatione  
 versaretur; alteram, quæ de moribus & vita disputaret:

tertiam

tertiam, quæ differendi artificium contineret, vt eo videlicet, quid verum, quid falsum, quid consentiens, quid repugnans esset in oratione, iudicarent. At naturam speculari non potest, nisi qui naturæ conditorē mente cōtemplatus fuerit: mores illi solum rectē constituere licebit, qui omnia studia vitæ ad Dei legem reuotauerit: verum intueri non est concessum, nisi ei, qui nunquam oculos à veritate sempiterna deiecerit. Quācumque igitur partem Philosophiæ attingere volueris semper erit necesse, vt Deus in oculis & aspectu sit. Aliter enim in ea commode versari non poteris. Vt autem ad tantum sapientiæ gradum homines peruenirent, omnes Philosophiæ partes & artes etiam Mathematicas sibi perdiscendas esse statuebant, vt paulatim assuescerent animum à societate corporis auocare. Erat enim illis persuasum qui multum reliquis ingenio antecellebant, nihil esse veri, nihil expressi, nihil solidi in rebus quæ sensibus obiectæ sunt. Omnia enim cōtinenter labi, & fluere, nec vlllo temporis momento consistere: sed incredibili celeritate ferri, & horis singulis atque adeo momentis immutari. Vmbra igitur, & imagines, & quasi quædā somnia res corporeas existimabant: proinde illis qui verum cernere vellent, esse mentem à sensibus abducendam, & à corporis contagione seuocandam, vt liceret ea quæ constantia & æterna sunt, nec vllam sunt mutationem vllis seculis habitura, ipsius mentis oculis vsurpare. Vnde etiam colligitur, sapientiæ munus & officium esse Deum cognoscere, illiusque sanctissimum numen integra, pura, & casta mente venerari, & omnes curas & cogitationes ad gloriam illius dirigere.

Artes

## DE SAPIENTIA.

Artes vero reliquas sapientiā minimè continere, sed esse gradus quosdam, & adminicula quibus erectæ mentes ad sapientiam facilius aspirarent. Ergo etiam secundum Græcorum sententiam, qui Deum nouerint, sapientes appellari merito possunt: qui vero sine Dei cognitione in alijs artibus versantur, non sapientes, sed laboriosi, & infelices, ut sunt omnes qui rerum magnarum cupiditate flagrantes in illis comparandis omnem vitam sine ullo fructu cōsumunt. Hæc cum ita sint, consequens est, ut videamus num antiqui Philosophi qui tantum munus animo complexi sunt, sapientiam, hoc est Dei notitiam consecuti fuerint. Non prorsus. Imo plerique in ipso statim philosophandi principio à sapientiæ certissima ratione descuerunt. Primus enim eorum lapsus fuit, Dei numine relicto, alias rerum causas speculari. Itaque dum orbatī diuina luce mentem in naturæ rationem intendere conati sunt, ut quæ fuerint initia rerum, quæ mūdi totius origo, perspicerēt, nihil tam absurdum fingi potest, quod non effutirent. Quod autem de illis Socrates iudicium fecisset, Xenophon luculenter exponit. Dicit enim Socratem solitum fuisse Physicos (sic enim qui naturam rimari conabantur appellati sunt) vehementer admirari, qui quasi iam humana omnia explorata penitus habuissent, ita rerum diuinarum rationes indagare, & perscrutari volebant, & in rebus illis cognoscendis, quæ erant ab humana cognitione remotissimæ vitam frustra conterebant. Quam inanis autem eorum conatus esset, ex eo colligi, quod ij qui naturæ cognitionē sibi insolētius arrogabāt, ita inter se dissiderent, ut non multum à furentium temeritate,



tate, & insania distarent. Sunt enim (dicebat) insani, qui valde metuenda non timeant: sunt rursus alij, qui minimè metuenda pertimescant. Multos non pudet in publico pudenda facere. Alios rursus pudor tenet, ne in hominum conuentum venire audeant. Sunt qui neque templum, neque aram, neque quidquam sacrum, aut religiosum honore dignum arbitrentur: alij contra quibusuis lapidibus, atque lignis honores diuinos habent. Horum similes Philosophi sunt. Alij enim omnia vnum esse contendunt: alij verò res multitudine infinitas esse statuunt. Sunt qui omnia perpetuo moueri dicunt: alij rursus nullum esse in rebus motum asserunt. Quidam omnia oriri, & occidere dicunt. Alij contra nihil ortum esse, aut interiturum confirmant. Præterea dicebat idem Socrates, nimis stultum esse id summo studio & cura perquirere, quod nullū fructum erat studiosis allaturum. Nūquid (aiebat) quemadmodum ij qui artibus humanis incumbunt, ideo illis operam dant, vt vel sibi, vel alijs aliquod artis ipsius opus efficiat, ita isti confidunt, se opera similia illis, quorum rationes peruestigare nituntur, veluti ventos, vel aquas, vel temporum distinctiones effecturos? His quidem & alijs eiusmodi argumentis Socrates (vt Xenophō auctor est) Philosophos irridebat. Quanta eorum varietas & inconstantia fuerit, & in quanta inanitate versarentur, dici vix potest. Quidam aque, alij aëri, alij autem igni rerum originem tribuebant. Anaximander corpus aliud infinitū, ex quo omnia fierent excogitauit. Democritus infinitum inane, & atomos innumerabiles, huc & illuc temere concussantes, & fortuita copulatione & adhesionem  
omnia

## DE SAPIENTIA.

omnia conficientes effinxit. Empedocles quatuor elementa, & litem, & amicitiam principia rerum omnium fuisse constituit. Omnes hi, & alij quam plurimi quos causa breuitatis omitto, eam siluam atque materiam rerum quam somniantes allucinabantur, ex qua omnia facta fuisse putabant, ut rerum omnium causam inducebant: opificis autem, qui eam materiam informaret, nomen quasi nihil opus fuisset arte, consilio, & effectione, miro silentio præteribant. Merito igitur Plato in libris de legibus de illorum temeritate & impietate conqueritur. Illorum namque opera religionem apud multos euersam dicit. Sublata vero religione, neque leges, neque iudicia, neque mores constitui posse. Nam ubi numinis metus animos minimè continet, parùm leges & ciuilia constituta proficiunt. At qui Deum mundi conditi gloria spoliatur, Deum de mundo tollit. Hac autem opinione constituta, metuque sanctissimi numinis sublato, nullum tantum facinus erit, quod non passim ab omnibus, ubi primum sceleris occultandi, aut iudicij eludendi spes oblata fuerit in aliorum perniciem suscipiatur. Huic autem tam sceleratæ opinioni ingentem materiam Physicos præbuisse Plato cõfirmat. Sic enim (ut ait) illi statuebant, omnia quæ sunt vel naturæ vi, vel casu, vel artificio facta fuisse. Et opera quidem vehementer illustria naturæ, atque fortunæ, minima autem arti & consilio tribuebant. Cælum namque, ignem, terras, & maria, sidera, & reliqua omnia quæ cernimus in mundo vi naturæ ratione carentis, & temerario concursu facta fuisse dicebāt. Cum enim ita casus tulisset, ut calida frigidis, arida liquidis, dura mol-

libus,

libus, grauias leuibus aptè coniungeretur, tum cælum, & astra,  
 & animantia, & has rerum omnium formas quas videmus  
 extitisse. Artem vero humanā naturæ vim imitari, & ina-  
 nes quasdam rerum imagines & formas efficere. Homines au-  
 tem non artificio factos, sed ex se artificium peperisse. Ea  
 igitur opera, quæ arte constarent, cum essent ab hominibus fa-  
 cta, longe inferiora esse illis, quæ natura nihil sentiente con-  
 stiterant. Operibus autem hominum artificio constitutis re-  
 ligionem & Deos annuerabant. Prudentium namque cō-  
 silio factum esse, vt hominum cupiditates numinis metu fra-  
 narentur, vt cuncti mortales opinarentur esse quandam vim  
 diuinam omnia contuentem, & animaduertentem, & pro cu-  
 iusque vitæ ratione, vel præmium, vel supplicium, iudicio re-  
 ctissimo constituentem. Re autem vera non ita esse, sed vim  
 diuinam aut non esse, aut ab ea res humanas minimè curari,  
 aut facillimè muneribus à puniendo maleficio deduci. Hos in  
 eo loco Plato redarguit, & tam impiam, & sceleratam opi-  
 nionem plenissima grauitatis & acuminis oratione conuellit.  
 Horum disciplinis imbutus Diagoras Deum esse negauit.  
 Horum opinionibus infectus Protagoras, an aliquod esset  
 numē diuinum, impie dubitauit. Hos secuti multi sunt quo-  
 rum vita, quam parum illi credāt Deum mundi principatum  
 tenere, sceleribus infandis ostendit. Pythagoras Samius om-  
 nia rerum principia ad numeros reuocauit. In quo quidē pro-  
 pius iam ad Dei cognitionem accessit. Numerorum enim ra-  
 tio solertiæ firmissimum continet argumentum. Fieri enim  
 nequit, vt in rebus quæ casu fiunt, omnia ad numerum aptè  
 m cadant.

## DE SAPIENTIA

cadant. Qui igitur numeros in natura constituit, mentem & consilium, non temeritatem in rerum dominatu collocat, omniaque mundi opera singulari conditoris artificio facta fuisse, confirmat. Is igitur, & omnes illius discipuli religionem coluerunt, & Deum naturæ parentem venerati sunt. Multa tamen illius errata fuisse, quæ disciplinæ pulchritudinem contaminarunt. Anaxagoras similium partium infinitatem, & mentem concretione, & secretionem res omnes quæ natura constant, efficientem induxit. In quo quidem magnam spem illis qui sapientiæ studio flagrabant, attulit. Nam si omnia mente facta fuisse constaret, casus erat continuo à mundi fabrica & ratione repellendus. Reliquum igitur erat, ut homines studiosi in singulis rebus intuerentur diuinæ mentis artificio: & intelligerent nihil fieri in eo genere posse præstantius: & sic tandem admirabilem Dei sapientiam ex operibus illius agnoscerent. Conatus quidem fuit egregius: exitus tamen infelix, & ærumnosus omnium spem turpissimè sefellit. Omnia siquidem ferè naturæ opera ad materiam, & partes illas simillimas reuocauit, & pauca admodum menti facienda & procuranda reliquit. Nescio enim qua temeritate sunt impulsæ homines, qui multum ingenio confidebant, ut cū naturam se studiosissime sequi dicerent, & omnes naturæ partes hanc vnam vocem mitterent, esse quendam rerum omnium parentem, & dominum qui omnia à principio immensa potentia creauisset, ordine singulari distinxisset, & opere mirabili perpolita coerceret, atque moderetur, hanc sapientiæ viam quasi nimis tritam atque peruulgatam aspersionati rudem materiā, eamque.

eamq. minimè certa ratione constitutã admodũ furenter amplecteretur. Quod perinde erat, atq. si quis in Praxetilis, aut Myronis signo non opificis artificium, sed æs, aut lapidẽ, ex quo signũ factum fuerat spectãdum existimaret: aut in Apellis tabula nõ pulchritudinẽ operis Apelli, sed coloribus ascriberet. Nec etiã illud viderunt nullum opus pulchrũ esse posse, quod nõ artificio cõstaret. Ergo cum nihil esse mundo pulchrius animaduerneret, summũ certè cõditoris artificium admirari debuissent. Quid quod in mundi opifice nõ solum mentem & rationẽ qua materiã informauit, & tam varias & multiplices ex illa formas effecit, aspicere, verũ & potẽtiam qua materiã ipsam cõdidit, intueri potuissent, si vidissent nõ posse illius potentiã termino vllò circumscribi? Quod tantũ abfuit, vt facerẽt, vt cũ pauci cõditoris mẽtionẽ facerẽt, omnes sempiternã materiã fuisse fingerẽt. Sic factum est, vt dũ materie eternitatẽ, atq. adeo diuinitatẽ darent, multi occasionẽ arriperẽt sceleris infandi, quo duo principia finxerunt, vnũ bonorũ, alterũ vero malorum, quod maximũ fuit errorũ, & scelerum seminarium, & maximas clades in res humanas inuexit. Quid quod multi, vt magis ostẽderent ad mundi fabricã non opus fuisse ratione, mundos innumerabiles oriri, & occidere singulis momentis asseriebant? Quid quod alij hunc eundem mundum sæpius oriri, & occidere, & rursus instaurari, atque renouari, & hanc vicissitudinem in omni temporum eternitate conseruari statuebant? De natura autem diuina, quanta erat inter illos qui religione aliqua tenebantur, dissensio? Alij namque Deos innumerabiles, alij paucos

## DE SAPIENTIA

admodum, & eos alij quidem otiosos, alij laboriosos, & certis muneribus districtos affirmabant: Non pauci mundum animantem, & Deum fingeant: solem & sydera in sede divina collocabant. Quid de ultimo & extremo rerum omnium expetendarum sermonem faciam? Quanta erat inter illos disceptatio? Et ita cum nullus illis certus finis esset, in quem respicerent: nulla certa eis officiorum ratio constabat. Quod si non mediocri sapientie fructus est egregia morum descriptio, animorumque gravis & sapiens moderatio, & placidissima pacis constitutio, quomodo non sunt illi stultissimi indicandi, qui se flagitio & turpitudine contaminarunt, & in omnium se flagitiorum colluvionem ciecerunt, & quorum animi secum intra se turbulentissime dissidebant? At constat maximam eorum partem qui ingenium venditabant, & nomine sapientie elati, & inflati reliquos homines præ se cõtereant, flagitijs infamem fuisse, turpitudinisque suæ ubicumque pedem ponerent, impressa vestigia reliquisse. Itaque varijs animorum motibus conflati, & libidine, & ambitione furentes sapere res suas insita temeritate, & audacia peruerterunt. Solum Socrates illis priscis temporibus natus beneficio diuino videtur, ut sophistarum insolentiam frangeret, modestiaque sua multorum superbiam, qui sibi sapientiam arrogabant, oratione comprimeret. Is primus philosophiam à naturæ peruestigatione ad mores & instituta vitæ traduxit: & summus, ut temporibus illis, virtutis magister extitit. Qui tamen cum se nihil scire dicit, multis in locis hæret, & dubitat, & rebus verissimis res commentitias admiscet, & ut nihil aliud dicam, si



verè eam illi Platonè opinionè attribuit, Pythagoram secutus  
 varias & infinitas animorum è corporibus in corpora migra-  
 tiones perpetua oratione comprobauit. Qui ex illius doctrinâ  
 profecti sunt, mirum est, quantum inter omnes excelluerint:  
 non tamen ita, vt sapientes appellari possint. Non enim di-  
 gnâ de Deo sententiâ habuerunt, ingenitamque materiâ  
 sine vlliùs conditoris numine & beneficio ad mundi fabricam  
 contulerunt, & virtutis pulchritudinem nonnullis maculis in-  
 quinarunt. Aristoteles quamuis esset Platonis auditor ab il-  
 lo desciiuit, & mundi principium negauit, & de animorum  
 immortalitate adeo obscure differuit, vt quid sentiret dubiũ  
 valde reliquerit. Præterea non explicite an Deus quemad-  
 modum vniuersitati prospicit, rebus singulis prospiciat, de-  
 finiuit. Quanquã si liber ille qui de mundo, nomine illius in-  
 scribitur, illius est, non obscure rerum singularum providen-  
 tiam sustulit. Sed quorsum hæc tam multa de priscis homi-  
 nibus, qui sapientiæ operam dabant, in medium attulimus?  
 vt melius considerari posset, Græcos qui in Christiana dis-  
 ciplina sapientiam requirunt, in summa dementia versatos  
 fuisse. Vt enim nihil aliud dicamus, cum sapientia sit in Dei  
 cognitione posita, Græci vel Deum esse negabāt, vel illum re-  
 rum humanarum curatione priuabant, vel illius potentiâ &  
 numen in angustum contrahabant. His explicatis consenta-  
 neum est, vt eorum argumētis respondeamus. Quid, inquit,  
 Deum mouere potuit, vt homo fieri vellet? De qua re pri-  
 mum dubitas? De potestate? An de probitate? An de cōuenien-  
 tia? Potestas quidē, vt de illa primum loquamur, est immēsa,

## DE SAPIENTIA

neque potest ullis finibus coërceri, aut viribus impediri. Ingenio minimè consequi possum, inquis. Num quemadmodum cælum factum fuerit, fuisti ne iam ingenio cōsecutus? Quæ potestas illa fuit, quæ astris splendorem, soli claritatē, lunæ vim & efficientiam largita sit, mente & ratione consequeris? Nō certè. Et tamen ita disputas, quasi sit necesse, id cuius vim ratione comprehendere nequis, non esse. Quasi vero tu in rebus etiam minimis vim diuinæ providentiæ possis quanta sit, animo perscrutari, & inspicere. Cælum, sydera, terras, maria naturæ pulchritudinem & concinnitatem, variam & prope-modum infinitam animantium multitudinem prætereamus, & de rebus minimis loquamur. Poteris ne vim & solertiam, diuinæ mentis in formicarum fabrica considerare? Cernis ne in illis virium pro corporis ratione magnitudinem. Num earum conuictum & quasi reip. societatem? Num motum & alacritatem, & ad depellendam famem admirabilem providentiam? Quod si nec in minimis rebus quanta fuerit vis & potentia summi rerum omnium conditoris intueri potes, quomodo opus omnium maximum & admirandum ratione & ingenio consequeris? quod si ingenio tuo diuinæ potentiæ magnitudinem metiri velis, concidat omne cælum: astra ruant: terra desideat: natura vniuersa funditus intereat opus est. Neq. enim vllō modo consequi ratione potes, quomodo hæc omnia à Deo constituta sint, eiusq. numine cohereant & permaneant, naturæq. suæ statum in omni rerum varietate conferuent. Non igitur vllam vim habet argumentum ab ingenij stultissima confidētia ductum. Si enim ex eo quod nō  
aliquid

aliquid intelligis, sequeretur illud de quo dubitas non esse: nihil omnino esset, quando constat te nullius omnino rei earum quae à Deo factae sunt, rationem comprehendere posse. Et quo minus quaeque res intelligitur, eo magis cernitur eam fuisse Dei consilio perfectam. Quid ergo? De probitatis immensitate dubitas? An ea (ut de potentia dicebam?) finibus ullis arceri potest? An terminis ullis concluditur? An parum constat, neque potentiam à probitate superari, nec à potentia probitatem? Restat igitur, ut quantum & potentiae & probitati conueniat videamus. Id, inquis, deo minime decorum est. Fuiſſet quidem parum decorum, si hoc opere fuiſſet maiestas illius imminuta, aut nomen illius de statu conuulsum. At cum nihil omnino sit, quod maiestatem, quod statum & dignitatem summi atque sempiterni numinis conuellere, aut imminuere, aut immutare possit, tantum abest, ut hoc tam diuinum beneficium Dei gloriam obscurare potuerit, ut eam multo clarius illustraret. Tunc enim Dei gloriam illustrari dicimus, cum ex illius operibus probitas illius immensa perspicitur. At neque caeli & terrae fabricatio, neque conditae naturae conseruatio, neque mundi totius imperium & administratio, neque innumerabilia beneficia in genus humanum collata tantam significationem diuinae probitatis effecerunt, ut sint ulla ex parte cum hoc tam diuino beneficio comparanda. Si igitur quo beneficium amplius est, eo magis probitatem in oculis & aspectu proponit, & quo magis probitas extat & eminet, eo gloria lumen clarius splendet, quid esse magis perspicuum potest, quam eo opere quod Deo indecorum dicis, gloriam Dei fuisse non apud homines modo, verum etiam apud caelestes infinitis, si ita loqui

## DE SAPIENTIA

*fas est accessionibus amplificatā? Poteſt ne fieri, vt quod glo-  
 riam illuſtrat, indecorum ſit, cum gloria à decore & dignita-  
 te diſtingui non poſſit? Sed, inquis, ſi poteſtas Dei eſt infini-  
 ta, quid illum impedire potuit, quominus quauis alia ratione  
 hominum vitæ conſuleret? Nihil ſane. Sed cum Dei perfe-  
 cta ſint opera, minimè illius ſapientiae & probitati conuenie-  
 bat, vt opere clariore neglecto, opus minus clarum & amplum  
 ſuſciperet. Cum dedecore tamen inquis. Quid tandem dede-  
 cus appellas? Vidiſti ne Chriſti virtutem percuſſam, & abie-  
 ctam? conſtantiā de ſtatu deturbatā? honeſtatis lumen ex-  
 tinctum? aut vllam flagitij maculam tantis diuinae virtutis  
 ornamentis inuſtam? An tu aliquod dedecus eſſe putas, niſi  
 quod eſt cum flagitia, turpitudine, & impuritate cōiunctum?  
 Si rectè Philoſophiam colis, illa te docere poterit, nullum eſſe  
 dedecus, præter turpitudinem: nullum decus præter honeſta-  
 tem: ſupplicia virtuti dignitatem eripere non poſſe: illius au-  
 tem decus & robur inuictum illuſtrare poſſe. Quo enim ve-  
 hementius virtus oppugnatur: eo clariùs quantum ſit illius  
 numen oſtenditur. Contemptus tamen, inquis, & abiectus,  
 vulneribusque deformatus, & in crucem ſublatus fuit: multi-  
 tudoque illum mœrentem aſpexit, & tamen vos neque huius  
 tanta humilitatis pudet, neque tanta imbecillitatis indicium  
 taciturnitate comprimitis. Cōtemptus quidem ab hominibus  
 ſceleſtiſſimis qui bellum cum diuina lege continēter gerebāt:  
 non à patre qui illum in ampliſſima diuinitatis ſede locauit.  
 Quo autem magis illum homines impuriſſimi contemnebant  
 & plagis cōcidebāt, & omni crudelitate lacerabāt, eo maiore*

& ampliore illi sempiternæ gloriæ segetem suppeditabant.  
 Nam improbitatis odium virtutem insignem facit. Et præte-  
 rea virtus tum maximè enitescit, cum maximè in illam per-  
 ditorum hominum furor incurrit. Cum igitur perspectum  
 fuisset, neq. probra & cōiicia, neq. inflicta vulnera, neq. in-  
 tolerandos dolores, neq. acerbissimi cruciatus atrocitatem po-  
 tuisse virtutem illius infringere, non ne constat diuinā virtu-  
 tem illius extitisse? Imo, inquiunt, virtus illius fracta & debi-  
 litata fuit. Lacrymis enim atq. luctu, se plane dolore victum  
 esse declarauit. O peruersum de virtutis ratione iudicium.  
 Lacrymæ enim doloris indicium continēt, non victiæ virtutis  
 argumentum. Dolor enim ex imbecillitate naturæ lacrymas  
 elicit: virtus autem eo clarior est, quo dolor est acrior, & natu-  
 ra corporis imbecillior. Lacrymæ igitur non afflicta virtute,  
 sed virtutis insignem victoriam demonstrant, quæ tanto  
 illustrior est, quanto fuit hostis virtutis ipsius robore supera-  
 tus vehementior. Non pudet igitur nos lacrymarum quæ do-  
 lorem pro nobis susceptum declarāt: quæ societatem humanæ  
 conditionis indicant: quæ clementiam nostri liberatoris erga  
 nos magis claram & illustrem reddunt. Nō enim ita magnū  
 nobis beneficium attulisset, si pro nostra salute acerbos dolo-  
 res minimè pertulisset. Non enim is fuit, qui stoicorum vel  
 immanitatem, vel stuporem, vel indolentiam moribus & dis-  
 ciplina cōprobaret: & sensus humanitatis nō re, sed orationis  
 ostentatione extorquere cōtenderet: sed qui doceret, qua vi  
 ratione de sensibus victoria obtineri posset. Præterea ideo la-  
 crymatus est, vt lacrymas nostras abstergeret: quēadmodum

ædificauit in consilio fuisse adhibitus, vt potuisses. Homi-  
num causa quibus nihil est fragilius, tantum & tam præcla-  
rum opus effecit? Argumentum quidem magnam vim habet,  
ad clementiâ summi domini celebrandam: non autem ad opus  
clementiæ ipsius labefactandum. Tanto enim beneficium mi-  
rabilius est, quanto illi quibus offertur minus illo digni sunt.  
Præterea noluit ille clementissimus dominus, vt homines quos  
ad sui imaginem finxit, & quibus terrarum imperium dele-  
gauit, ita se in terram abijcerent, vt non mentes ad ortus sui  
principium frequenter excitaret, Deumq. parentem agnosce-  
rent. Qui enim ita se propter naturam mortalem contennunt,  
vt nihil immortale atq. diuinum moliantur, hi brutis animâ-  
tibus annumerandi sunt. Insitæ namq. dignitatis obliuiscun-  
tur, nec intelligunt se esse ad imperium natos. Quamuis enim  
corpore sint fragiles, & imbecilli: mente tamen & ratione  
qua nihil est in omni natura præclarius, immortales, atque  
diuina quadam forma præditi sunt. At homines contra natu-  
ræ præstantiam, inmemores officij, inmemores laudis & ho-  
nestatis, à Deo penitus auersi se se libidini & impuritati  
dediderunt. Itaque pater optimus rationem inuit, quem-  
admodum homines quos magnitudine regie dignitatis, &  
amplissimæ dignitatis exornat, terras intueri desinerent:  
& supera atque cælestia cogitarent: vt ita possent ipsius  
patris summi beneficio in statum vnde conciderant, cum  
amplificata dignitate restitui. Ad quod efficiendum nul-  
lum remedium conuenientius adhiberi potuit, eo quod Dei  
filius adhibuit. Cum enim homo fieri voluit, vt nos secum  
fædere



## DE SAPIENTIA.

*fœdere sempiterno coniungeret, cum pœnas nostris sceleribus debitas ipse luit, ut diuino iudicio satisfaceret, cum pro omnium salute sanguinem profudit, ut omnes sacris sanctissimis expiaret, immensæ potentiae, sapientiae, iustitiae, probitatis monumenta constituit, quibus nos amore tantæ benignitatis incenderet, & studium iustitiae acriter incitaret. Itaque nec audaces sumus, cum Deum hominem factum fuisse confitemur: in eo enim opere illius immensam potentiam, & infinitam clementiam admiramur: neque superbi & insolentes, non enim salutem nostram meritis nostris, sed magnitudini immensæ illius benignitatis ascribimus: & simul dignitatem nostram quam scimus esse sanguine diuino constitutam, multo acrius & diligentius nobis tuendam esse iudicamus. At, inquis, crucis species horrorem incutit, & homines à studio pietatis abducit. Non vides igitur (ô Philosophè) quantum sit in Christo numen atque potentia? Nam contra naturam crucis, Christi numine factum est, ut crux non exterreat homines, sed eos ad se acriter atque vehementer alliciat. Qui fieri enim potuisset, ut humanum genus cum natura ad voluptatem propensum sit, & dolores extimescat, repente voluptates aspernaretur, atque dolores contemneret, nisi illud vis diuina ad tam præclarum facinus impulisset? Cernis innumerabilem multitudinem virorum, mulierum, virginum, & puerorum pene infantium ad crucis societatem inflammatis animis aspirare, dolores contemni, cruciamenta negligi, sanguinem profundum, summamque gloriam in cruciatibus summis constitui, & dubitas quin tam diuina constantia à  
diuina*

diuina virtute profluxerit? Quid enim eos ad Christum alle-  
xisset, nisi lux diuina mentibus oblata, diuinæque sapientiæ  
decretis, diuini spiritus afflatu & impulsu percepta, cognita,  
& constituta? Num voluptates, vitæque lenocinia, & blan-  
dimenta? At fateris illis pro vitæ delicijs supplicia constitui.  
Num eloquentiæ admirabilis vis & amplitudo? At tu eo-  
rum magistris hoc quasi probrum obiectas, quod fuerint in-  
fantes, & artiū humanarū prorsus imperiti. Quid ergo aliud  
esse potuit præter vim diuinam, quæ animos cælesti luce com-  
pletos ardore pietatis inflammauit, vt in doloribus summis  
summum virtutis præmium in hac vita collocarent? Quæ elo-  
quentia Plato vir Graciæ sapientissimus fuerit eius moni-  
menta declarant. Magnus præterea virtutis magister exitit,  
incredibilique semper studio elaborauit, vt homines ad virtu-  
tem cupiditate verissimæ laudis incēderet. Athenis, cum nihil  
proficeret, relictis, Ægyptum, Sirenem, Siciliam, Italiam, vt  
inueniret cui virtutem traderet, peragrauit. Si virtutis opi-  
nio valuisset, nemo fuit illis tēporibus virtutis opinione præ-  
stantior. Si eloquentiæ viribus insitæ penitus opiniones euelli  
potuissent, nemo fuit Athenis quæ ciuitas eloquentiā aluit,  
ad summumque perduxit, qui Platonem eloquentia supera-  
ret. Præterea non labores ingentes & cruciamenta propone-  
bat, sed homines ad virtutis studium virtutis ipsius illecebris  
inuitabat. Sed quid tandem effecit? Quæ vitia sustulit? Quas  
libidinis fibras amputauit? Quam remp. cum valde cuperet,  
moribus & institutis rectè constituit? Nullam prorsus. At  
nostri homines barbari, & inculti, atque totius doctrinæ po-  
litioris

## DE SAPIENTIA.

litioris ignari, mundum immutarunt, & à vitæ flagitijs ad  
 studium religionis, atq. pietatis, & iustitiæ traduxerunt, &  
 homines innumerabiles à virtutis robore munierunt, ut præ  
 verissimæ dignitatis studio mortem & cruciatum contēnerent.  
 Vnde colligitur id tantum opus diuinæ virtutis atq. sapiētiæ  
 præsidio perfectum & absolutum fuisse. Libenter autem à  
 Græcis audierim, cum multi homines olim sapiētiæ studio fla  
 grātes in decretis suis vitā beatam ponerent, num illorum  
 quispiā pro decretis suis vitā in summum discrimē induxerit?  
 num mortem, ut constantiæ testimonio disciplinæ suæ fidē cō  
 firmaret, oppetendam existimarit? num ut alijs salutarē di  
 sciplinam traderet, cum vitæ periculo pestíferas opiniones ex  
 animis euellēdas suscepit? Non certē. Aut enim id quod se  
 clæ tuende gratia disputabant, minimē sentiebant: aut infir  
 mum sensum decretis suis adhibebant: aut hominum salutem  
 ad se pertinere minimē putabant. Si decreta sua minimē ve  
 ra credebant, fallaces, si infirmum assensum illis adhibebant;  
 opinatores, si salutem hominum negligebāt, inhumani, & nul  
 lo modo sapientes erāt appellandi. Non enim fieri potest, ut  
 aliqua virtutis & honestatis pars à veræ sapientiæ studio se  
 iungatur. Vbi igitur vel pro veritate mendacium, vel pro cō  
 stantia fluxa fides, vel pro studio salutis communis immani  
 tas in vita dominatur, ibi nullus omnino locus sapientiæ veræ  
 relinquitur. Cum vero contra videris innumerabiles homines  
 pro Christi fidē, sanctitate, religione vitam in tormentis liben  
 ter abijcere, non tandem intelliges, eos qui sapientiæ nomen  
 captabant, insipientes fuisse: & eos qui minimē sapientiæ

nomen

nomen arrogabant, diuinæ sapientiæ compotes extitisse? *Ve-*  
 enim opinionis imbecillitas & inconstātia est vanitatis, & fal-  
 se sapientiæ comes, ita constātia est semper cum sapientia ve-  
 ra coniuncta. Ergo cum nulla maior vnquam, non dicam in  
 vllis gentibus, sed in illis etiam viris, qui summa ingenia ad  
 exquisitam disciplinam contulerunt, constantia in fide reti-  
 nenda perspecta fuerit ea, quā Christiani in cruciatibus reti-  
 nebant, dubium esse poterit, quin illi soli sapientiā consecuti  
 fuerint? Quod minimè mirum est. Cælum enim semper spe-  
 ctabāt: numinis opē noctes & dies implorabāt: virtutis diui-  
 næ magnitudinē sibi ad imitandum proponebant: Christi me-  
 ritis innixi supra sydera sublimes efferebantur: diuinæ men-  
 tis agitatione beatorum regionem peragrabant: diuinæ men-  
 tis speciem, quoadlicet & fas est, in hac vitā mentis oculis  
 vsurpabant: amore tantæ pulchritudinis incensi ferebātur: col-  
 loquio diuino iucundissimè fruebantur: eamq. à Deo doctri-  
 nam capiebant, quā nullum humanum ingenium fuit vnquā  
 flagranti studio consecutum. Ergo cum eorum fides nō esset  
 hominum auctoritate nixa, sed diuini spiritus testimonio con-  
 firmata, mirum videri non debet tantum esse nationis Chri-  
 stianæ robur, vt eam nemo possit de statu conuellere. Ha-  
 bet enim hoc omnis homo qui semel se se ad Christi studium  
 ardentè applicat, vt quamuis cernat omnes homines di-  
 uersam ab illo sententiam sequi, & omnibus ob eam cau-  
 sam mortalibus, vt homo demens, & communis sensus igna-  
 rus ludibrio sit, & illum cuncti vt furiosum & insanum  
 iustis insequantur, ipse tamen constans, erectus, &  
 excel-

## DE SAPIENTIA.

*excelsus in omni rerum discrimine, & malorum omnium tem-  
 pestate permaneat. Ipse namque sibi veræ sapientiæ conscius  
 erit, & reliquos homines temeritate & amentia condemna-  
 bit. At hoc, inquit, summa temeritatis est, cum ab omnibus  
 dissentias, tibi vni sapientiam insolenter assumere. Esset qui-  
 dem, si ingenium suum omnibus ingenijs anteferebat. Quod  
 tantum abest, vt faciat, vt naturam suam contemnat, atque  
 pro nihilo putet. Cum vero non iudicium suum, sed diuinum  
 testimonium hominum vagis & errantibus opinionibus an-  
 teponat, sapientis hominis officium facit. At Deus est qui in  
 Christianorum animis insidet: qui eorum mētes illustrat: qui  
 Christo testimonium dat. Qui credit (inquit Ioannes) in filiū  
 Dei, testimonium habet in semetipso. Hoc autem satis expe-  
 rimur, cum expiati ab omnibus flagitijs, inflammati rerum  
 caelestium cupiditate longius extra corpus excurrimus, vt cum  
 Deo animo soluto atque libero colloquamur. Tunc igitur di-  
 uina responsa percipimus: specie diuinæ pulchritudinis incen-  
 dimur: miroque desiderio illius, & ardenti cupidi-ate flagra-  
 mus: & lacrymas cum admirabili iucunditate profundimus:  
 & admiratione etiam interdum defixi vehementer obstupe-  
 scimus. Hoc igitur qui sentit, & percipit, & cum maximo  
 fructu sepius experitur, qui voces diuinas intra pectus acci-  
 pit, qui diuini spiritus ductum & imperium sequitur, qui ad  
 firmam spem immortalis gloriæ diuinæ mentis viribus exci-  
 tatur, quomodo potest, aut hominum errante iudicio commo-  
 ueri, aut corporis doloribus à mentis statu demigrare? Ergo  
 si nemo sapiens est, nisi quem Deus erudit, & ipsi quoties nos  
 ipsos*

ipsos à corporis consuetudine seuocamus, vt Deum puro ani-  
 mo contèplemur, perfecte sentimus nos cælesti disciplina di-  
 uinitus admoneri, nonne satis constat, eos solos esse sapientes  
 qui Christi crucem subierunt, & se se in illius studium qui  
 cruce configi pro nobis voluit, ardenti animo contulerunt?  
 Neque enim sumus verbis eloquentia humana ad persua-  
 dendum concinnatis impulsī, sed spiritus diuini vocibus inci-  
 tati. Quo circa mirandum non est, ab ijs qui Christū sequun-  
 tur, sperni voluptates, contemni dolores, vitæ commoda pro  
 nihilo duci, eorumque animos cupiditate diuinitatis inflam-  
 mari. Dei enim monitis & institutis in vita diriguntur: ope di-  
 uina muniuntur: ad Deum sensu voluptatis admirabilis alli-  
 ciuntur: & idcirco minimè ullis hominum viribus, aut insi-  
 dijs possunt à Dei coniunctione diuelli. Quis nos, inquit Pau-  
 lus, poterit separare à caritate Christi? Num ærumna, aut  
 angustia, aut afflictio, aut fames, aut nuditas, aut periculum,  
 aut gladius? Quemadmodum scriptum est, Propter te quoti-  
 die morti tradimur, & quasi oues cæli destinatae ad mortem  
 ducimur. Sed in his omnibus victoriam consequimur ope il-  
 lius, qui dilexit nos. Certus enim sum, quod neque mors, neq.  
 vita, neque Angeli, neque principatus, neque potestates, neque  
 instantia, neque futura, neque altitudo, neque profunditas,  
 neque aliquid aliud poterit nos separare à caritate Dei, quæ  
 est Christi Iesu domini nostri virtute confirmata. Hæc qui-  
 dem Paulus, non verbis tantum, sed multo etiam clarius fa-  
 ctis ostendit: idem reliqui omnes qui vestigijs illius institere,  
 fecerunt: similique virtutis constantia, dolores & supplicia



pertulerunt: & vsque ad extremum vite spiritum inuicto  
 animo pugnaverunt: vt eam coronam adipiscerentur, quæ est  
 omnibus qui pro fidei sanctitate dimicauerint, in celo propo-  
 sita. Quæadmodum Paulus ipse dicit. Bonum certamen cer-  
 tauit: cursum consummauit: fidem seruauit: quod reliquum est, re-  
 posita est mihi corona iustitiæ, quam reddet mihi dominus in  
 die illa iustus iudex: non solum autem mihi, sed omnibus  
 qui diligunt aduentum eius. Audis verissimæ sapientiæ vo-  
 cem, diuinæ constantiæ testimonium, virtutis robur inuictum,  
 & dubitas quin animus tam diuinis opibus instructus possit  
 à se omnes impetus hostiles reprimere? Quis autem hanc viri  
 diuini virtutem exag gerauit? Quis illius statum tam firmo  
 præsidio munivit? Quis animum illius tantis opibus instru-  
 xit, vt eum nullæ vnquã tempestates conuellerent? Christi crux  
 est illa quæ animos excelsos & inuictos efficit, & cupiditate  
 immortalitatis incendit. Non igitur crux, vt dicebatis, exter-  
 ret: sed allicit, & inuitat, studiumq. pietatis inflamat. Cum  
 sublatus fuero, inquit Christus, à terra, omnia traham ad me  
 ipsum. Christus igitur actus in crucem, hunc ardorem in ani-  
 mis incitauit, vt multi crucem omnibus opibus, & emolumen-  
 tis, & voluptatibus longe prætulerint. Et quo minus huius  
 tanti miraculi ratione perspicitis: eo clarius apparet, hoc amo-  
 ris incendium esse diuinis viribus excitatum. At illud argu-  
 mentum quod sequitur leuissimum est. Deus aut propter sa-  
 pientes, aut propter insipientes naturam humanam assumpsit,  
 vt mori pro omnibus posset. Sapientes autem omni miseria  
 vacabant: insipientes erant pœnis non numeribus afficiendi:

nulla igitur erat causa cur homo fieri vellet. Si ad hunc modum argumentari licet, sic etiam rationem concludam. Aut Deus propter sapientes mundum edificauit, aut propter insipientes. Sapientes nulli natura atque studio sunt: licet quidam falso sapientiae nomen usurpent: insipientes digni supplicio sunt: nulla igitur causa fuit, cur Deus mundum construeret. Qui sic argumentatur non videt eam esse diuinæ probitatis amplitudinē, ut omnibus consultum esse velit. Sol enim iustis & iniustus exoritur: & pluuia è caelo demissa super omnes effunditur. Præterea, ut ex sanctis literis didicimus, omnia Dei opera sunt ad electorum gloriam reuocanda. Electi vero sapientes sunt. Non erant illi quidem sapientes. Neque enim sapientiae semē est natura terris ingentum: sed Dei gratia & benignitate è caelo demissum. Eam igitur illi consequantur, qui cælestia atque diuina ardenti fide suscipiunt. Electorum igitur causa nempe qui sapientes erāt futuri, Deus homo fieri voluit. Atque ut videas, quam iusta causa huius tanti muneris extiterit, causam illam mundi gignendi quam Platonis Timæus assignat, mecum recognosce. Quæramus, inquit, causam quæ impulerit eum, qui hæc omnia machinatus est, ut originem rerum, & molitionem nouam quæreret. Probitate videlicet præstabat. Probus autē inuidet nemini. Itaq. omnia sibi similia generauit. Hæc nimirū gignēdi mundi causa iustissima. Et hæc quidem Plato diuinitus. Non est enim Dei potentia in dubium reuocanda: non illius consilium inconsideratè, & temere perquirendum: non aliæ rationes peruestigandæ. Huc vna causa contenti sumus, quæ

## DE SAPIENTIA

in Dei probitate consistit. At Dei probitas, cum sit immensa, non potest ullo modo mundi huius molitione definiri. Ergo cum neque potentia, neque probitas ullis terminis includatur, neque dubium sit, quin is possit quacumque velit, & velit omnia ad similitudinem sui perducere, quomodo verum est de opere illo dubitare, quod erat maximè ab infinita probitate postulandum? In omni igitur quaestione quæ de rebus divinis habetur, cum de infinita potestate & probitate dubitare minimè liceat, id solum considerandum est, quam id de quo agimus, aptum & consentaneum divinæ probitati sit. Neque enim muneris amplitudo homines perturbare debet: imo potius accepti muneris fidem confirmare. Principem enim maximum maxima largiri decet: Deum vero divina beneficia conferre. Non enim sunt fines infinitæ bonitati constituendi. At homines cum Deum ex natura sua fingant, & idcirco potentiam illius angustis sanè finibus circumscribāt, & probitatem ingenio suo metiantur, fit, ut de potentia divina sæpe dubitent, fidemque multis operibus divinis propter admirandum immensæ probitatis exemplum nequaquam adhibeant. Hinc omnes opiniones pestiferæ quas hominum perditorum vita recepit, ortum habuere. Aut enim homines de potentia, aut de probitate divina dubitant. Quasi vero quanta Dei potentia, atque probitas in mundi fabricatione constituerit, ingenio consequantur: aut non eo magis perspicere possit opus divinum esse, quo maius & magis admirandum extiterit, longiusque humani ingenij facultatem superaverit. Infinitæ namque probitatis est immensum & infinitum beneficium conferre:

conferre: & se cū illis quibus salutem dare vult, largitate infinita communicare. His igitur argumentis Græcorum magna ex parte dilutis, restat, vt videamus quam conueniens & aptum fuerit diuinæ probitati, id quod Christiana religio cōfiteatur. In primis vero statuendū est, Deū aliter ea quæ mēte & ratione carent: aliter ea quæ sunt ratione prædita lege deuinxisse. Ea enim quæ minimè arbitrij sui sunt, ita mouentur, vt nunquam sibi impositam legem transfiliant. Nec enim cælum motum & conuersionem suam certis temporibus intermittit: neque sydera loco suo migrant: neque mare terras fluctibus obruit: neq. tellus herbas & fruges effundere desistit: neq. aliquid deniq. aliud quod arbitrio suo careat, secus quidquam gerit, quam est illi à principio Dei lege & imperio cōstitutum. At illis formis atq. naturis quæ rationis & consilij participes sunt, ita leges dedit, vt eis vtrum vellent liberum relinqueret. Poterat enim Angelus, & potest quilibet homo, vel legi parere, vel legem transgredi, & ita vel præmia iustitiæ consequi, vel iniuriæ pœnis obligari. Secus enim nulla diuini iudicij ratio constaret. Ea enim quæ naturam necessario consequuntur, neq. laude, neq. vituperio digna sunt. Præterea hoc est Dei bonitati propositum, vt nos sui similes efficiat. Hoc fieri nō potest, nisi diuinis virtutibus excolamur: virtus autē non est, quæ nō sponte suscipitur. Itaq. fit, vt vbi voluntas libera nō est, neq. virtus extare possit, neq. vlla spes diuini status assequēdi relinquatur. Cū igitur homines nō cogēdi, & ad officium cōpellendi, sed modis omnibus inuitādi, & alliciendi fuerint, quero quæ ratio cōmodior ad voluntates alliciendas,

vt omnem dicendi vim in ea celebranda & exornanda consu-  
merent. Vt autem hominum excellentium testimonia inte-  
græque naturæ iudicium relinquamus, ipsum rerum omnium  
dominum legimus in sanctis literis hac vna virtutis ratione  
sæpe placatum fuisse. Cum enim Hebræos delere statuisset,  
& Moses se medium interposuisset, vt pœnas populo debitas  
ipse pro omnibus, si ita opus esset, animo libente suslineret,  
ipse Deus se se à cæde cōtinuit, & multitudini clementer igno-  
uit. Apud nonnullos Prophetas conqueritur, quod nullus in  
Hebræorum multitudine reperiri posset, qui promptus atq.  
paratus esset ad corpus suum pro omnium salute cum diuinū  
iudicium immineret, opponendum. Hæc igitur virtus nō so-  
lum apud homines semper illustris & ampla fuit: verum &  
diuino testimonio sic comprobata, vt in ea demum quasi in  
quodam sacrificio magnificentissimo atq. gratissimo singu-  
laris sanctitas, summaq. placandi numinis ratio constituta vi-  
deatur. Si hæc igitur heroicæ virtutis officia summa sunt, si  
gloriosa, si prædicanda, si vehementer amabilia, si cum à ci-  
ue conferuntur, admiranda, si cum à ciuitatis principe sus-  
cipiuntur, diuina, quid erit existimandum, cum summus  
rerum omnium conditor pro hominibus quos in se ingra-  
tos & sceleratos expertus fuerat, terras inuisere, huma-  
nam formam induere, seque ad sacrificium pro omnibus offer-  
re constituit, vt patris numen eis propitium redderet, illosque  
iam morti sempiternæ destinatos in vitam sempiternam reuo-  
caret? Hæc immensa Dei benignitas animaduersa nō amoris  
incendium cōcitabit? Nō animos ardore pietatis inflāmabit?

## DE SAPIENTIA

Non omnia vitæ discrimina libenter adire compellet? Quid quod Dei filius crucis supplicio non modo immense charitatis officio perfunctus fuit, verum & singulare iustitiæ munus exequutus est? Sic enim Deus clementiam tuetur, ut iustitiæ simul partes singulari ratione suscipiat. Iustitiæ autem ratio flagitabat, ut iuris diuini hominū scelere violati æqualis compensatio fieret. Nulla autem vis erat in terris, quæ violati numinis iniuriam compensaret. At sine debita offensa satisfactione diuini iuris ratio minime patiebatur, ut genus humanum omni scelere contaminatum, quod maiestatem diuinam offenderat, in gratiam à Deo reciperetur. Fuit igitur commodum, ut humana natura diuinæ coniuncta adeo locuples fieret, ut abundè patri pro sceleribus humanis satisfaceret. Hoc igitur Christus à natura diuina sumpsit, ut corpus illius sanctum, innocens, nulla omnino peccati contagione maculatū vim infinitā possideret, qua posset debitum quo eramus omnes obstricti dissoluere. Quod nō rapui, inquit ille, tūc exolvebam. At, inquis, iustum non est, ut innocens pro nocētibus pœnas luat. Quid si quispiam sponte sua cum cernit hominem addictum à creditore trahi, pro illo pecuniam soluit? Non est æquum, ut is qui erat alieno ære vehementer obstrictus, aliena pecunia liberetur? Cum igitur Dei filius, qui solus nos redimere poterat, pro nobis sponte sua debitum soluit, nonne vides iure factum esse, ut nos illius sanguine in libertatem vindicaremur? At indignum, inquis, est Dei clementia & æquitate innocentis supplicio delectari. Non supplicio delectatur, ô Philosophæ, sed virtute, beneficentia, & caritate

qua



qua supplicium pro omnium salute contemnitur. Et interim hic summus iustitiæ Magister eadem opera diuinæ caritatis atque iustitiæ mirabile nobis exemplum proposuit. Caritatis quidē, cum sic statuit, vt filius pro omnibus mortē oppeteret, & supplicia acerbissima pateretur: iustitiæ vero, cum nos in gratiam recipere noluit, nisi prius idem filius debitum quo eramus obstricti dissolueret. Qui nobis filij vnici sanguinem largitus est, quid ad salutem necessarium denegabit? Qui proprio filio, vt Paulus inquit, non pepercit, sed ab illo pœnas nostri sceleris expetiuit, quæ tādē supplicia nostris sceleribus, si fuerimus in tantum beneficium & munus ingrati constituet? Christus igitur crucis supplicio simul & amorem probitatis excitauit: & metum iudicij seuerissimi animis nostris obiecit. Et cum ad spem simul erigendi, & metu coërcendi simus, rei vtriusq. salutarem disciplinam sanxit. Quis enim non speret sibi ascensum in cælum datum iri, cum cernat salutem & dignitatem suam fuisse Christi Dei filij sanguine constitutam? Quis rursus non diuini iudicij seueritatem pertimescat, cum eundem Dei filium pro alieno scelere tantis pœnis excruciatum aspiciat? Præterea ille princeps optimus habendus est, qui leges quas sanxit, operibus cōprobat, moresque suos in publico suis ad imitādum proponit. Omnes enim principum mores & inſtituta sequuntur. Princeps autem nobis summus atque sempiternus ipse Deus est. Veteris autem Philosophiæ præceptū illud memoratur, quod est è sanctis literis sumptum, Deum sequere. Itaq., vt etiam sapientia Græca tradit, Deus nobis summa vigilātia & alacritate sequēdus erat.

## DE SAPIENTIA

*Quomodo autem illum sequi, & imitari poteramus, cum à nobis videri non posset? Ex natura, inquis, operibus agnosci poterat. Rectè mones. Sed illud etiam velim adijcias, quo tandè modo illum imitari debeo. Iubes ne vt ipse cælum aliud atq. terrā aliam, & animantia atq. sidera faciā? Non inquis. Sed virtutē imitare. Eam igitur virtutem quam imitari percipio, propius intueri volo. Aliter enim quæ virtutis ratio illi cordi sit, explicare non satis potero. Ne id igitur homines desiderarent, fuit immensæ Dei benignitati & sapientiæ consentaneum, vt Deus sub humana forma se ad homines docendos daret: vt non solum oratione iustitiæ disciplinam traderet: verū sanctissima vita, & factis egregijs, quid Deo gratissimum esset ostenderet. Erat Deus superbia grauiter offensus: humilitate igitur & moderatione. explicandum fuit, quantum Deo sapiēs animi demissio, atq. moderatio placcret. Vitæ sordes, & impuritates, effrænataq. libidines irā numinis incitabant: cōgruū igitur fuit, vt Dei filius exēplo suo castimoniā corporis, & mētis integritatē sanciret. Crudelitas & immanitas cum Dei clemētia bellum omni odio imbutū gerebat: fuit igitur necessarium, vt is in oculis hominum omnia studia vitæ ad beneficentiam conferret: vsque adeo vt etiam pro hostibus oraret. Erat voluntas nostra à Dei voluntate penitus auersa: fuit igitur opus, vt illius exēplo qui dicebat, Nō mea voluntas, sed tua fiat, videremus omnes actiones & cogitationes esse ad Dei voluntatē cōferendas. Mentis effrænata rebelio qua homines Dei imperium nefariè detrectabāt, Deum ab hominibus tuēdis & cōseruādis auerteat: ideo cōsentaneum fuit,*

fuit, vt Christus obedientia sua numen patris nobis iratum placaret: & illis qui deinceps illius iussis obedirent, causam salutis offerret. Et quia summa obedientia non in delicijs & vitæ iucunditate, quam sponte nostra suscipimus, sed in laboribus atq. doloribus à quibus natura refugimus, aperte declaratur: commodum fuit, vt is cuius obedientia nostræ rebellionis & contumaciæ scelus erat expiandū, fieret obediens vsq. ad mortem, & non ad quoduis mortis genus, sed ad id quo nullum erat detestabilius, nempe ad crucis supplicium. Cernis iam animo quantas diuinæ sapientiæ opes in se crucis huius disciplina contineat: cernis compressam & edomitam libidinem & insolentiam: temeritatem, & audaciam prefligatam: opes immensas benignitatis, iustitiæ, obedientiæ explicatas: homines in ardentissimum studium ipsius incitatos: & tamē heres & dubitas, neq. crucis vim, atq. celeste numen amplecteris? Adde nunc patientiæ robur, quod reliquas virtutes præstidio diuino confirmat. Frustra namque bellum contra vitiorum labe & impuritates suscipimus, si in medio certamine aut oblata voluptate liquefacti, aut dolore victi rectum & confirmatum sensum deponimus. Patientia igitur nobis opus est, quæ statum animi fulcit, & coronā stabilem atq. sempiternam cōsequitur. Nō satis igitur fuit Christo ludibria, cōiicia, maledicta sustinere: nisi etiam, vt nos exēplo suo cōfirmaret, acerbissimos cruciatus admirabili quadam patientia toleraret. Vt enim Petrus ait, cum maledictis vexaretur, nemini maledicebat: cum tormentis afficeretur, nemini minas proponebat. Si igitur Deus sequendus erat, si Deum sequi minime licebat,

licebat, nisi videretur, si videri non poterat nisi homo fieret, ut homines non verbis tantum, sed exemplis in verissima virtutis studium incitaret, quid potuit ad hominum salutem utilius & providentius fieri, quam ipsum Dei filium intueri pro hominum salute confixum maledictis, concisum vulneribus, excruciatum doloribus, inuictaque patientia hæc omnia perferentem, ut non modo pœnas pro nobis lueret, verum & nostros animos diuinæ virtutis exemplo, & inuicta patientia confirmaret? Quid est igitur quod Philosophum conturbare possit, si de potentia diuina non ambigit, si Dei probitatem nullis finibus arceri confitetur? Si nullum beneficium fuit magis immensæ probitati consentaneum, quid relinquitur, quod hominum fidem impedire possit, quominus salutem suam animo grato atq. memore complectatur? Neq. enim Dei naturam dicimus dolore affectam, neque immutatam, neque maiestatem illius imminutam asserimus. Quidquid enim molitur, & efficit, sine mutatione efficit: non enim tactu, sed immensa virtute opera sua conficit. In Christo quidem latebat, sed naturam vniuersam numine suo continebat: & cum homo pateretur, illum nullus dolor attingebat: sed tantum sub hominis veri forma & specie humani generis salutem constituebat. Admiraris quod homo fieri vellet? Admirari desine. Infinita namq. probitatis est mentes sibi infinita ratione deuincire. Quod pro omnibus pati secundum hominis naturam voluerit? At eiusdem immensæ probitatis est commo-  
dorum suorum obliuisci, ut aliorum commodis atq. salutis perspiciat. Nihil reliqui est, quod homines conturbet, nisi muneris amplitudo, quasi sit quod magis immensæ probitati conueniens sit, ut

iam diximus quam immensum & infinitum munus, & inexpli-  
cabile beneficium. Ne autem plura persequar, in cruce pa-  
ter ille summus sapientiæ summæ disciplinā constituit. Hoc  
enim effari videtur. O miseri mortales quos voluntatis vestrae  
studium mentis lumine priuat, & in miseriæ sempiternæ re-  
gionem precipites exturbat, pestem nefariam fugite, & cla-  
dem quæ vobis impendet arcete, quod vt facere possitis, meam  
disciplinam auribus & ratione percipite. Et quia omnes insi-  
diæ vestris animis ab immoderatione vestra voluntatis atque  
libidinis intenduntur, vt benignitate mea frui possitis, volun-  
tatem vestram quæ vobis perniciem machinatur, summo stu-  
dio comprimate, & meæ voluntati quæ vestram salutem tue-  
tur, diligenter obtemperate. Quid autem est, quod à vobis ex-  
peto? Quod vobis tributum impero? Quod munus, vt salui  
& ornati sitis esflagito? Vt numquam à voluntate mea disce-  
datis: quam vt intueri possitis, eam vobis in summa propo-  
nam. Omnia quæ naturæ operibus edocui, quæ lege sanxi, quæ  
per prophetas explicui, in cruce in quam filius meus dilectus,  
vt humanam salutem constitueret, agi sustinuit, perfectè con-  
sistunt. In ea enim cruce quæ mundo salutem peperit, omnē  
verissimæ sapientiæ rationem, firma vitæ vestrae præsidia,  
summa dignitatis ornamenta, fixi, locauit, constitui, & illius  
opera voluntatis meæ fructum patefeci. Si vultis igitur quid  
velim, quid exigam, quid præscribam, in summa comprehen-  
dere, hoc tantum volo, vt in Christum cruci pro vobis affixum  
respiciatis, & nullum clarius studium sapientiæ requiretis.  
Qui enim voluntatis suæ temeritatem compresserit: qui cu-  
pidita-

piditatibus suis crucem defixerit, qui commodorum suorum oblitus omnia studia vitæ in utilitatem humanam cōtulerit, qui pro omnium salute vitam vel abiecerit, vel in discrimen induxerit, qui labores & dolores pro sanctitate iustitiæ susceptos patienter & mansuete tolerauerit, qui denique se se totum ad filij mei carissimi imitationem contulerit, is voluntatem meam sequetur, & mihi gratus & acceptus erit, & in filiis meis annumerabitur. Et hæc quidem Deum dicere cogitemus, & alia plura quæ explicare non possumus. Quod si sapientia Dei notitiā continet, Christi crux nobis Dei notitiam multo clarius quam vnquā tradita fuerat, explanauit. Dei namque probitatem, immensam sapientiā, iustitiam, vim infinitam. sempiterni numinis exposuit: per eā enim ex ignominia decoris amplitudo, ex doloribus voluptatis sempiternæ iucunditas, ex morte vitæ diuinæ admirabilis splendor eluxit. Cæli quidem enarrant gloriam Dei. Sed opera cælestia tantas vires non habuerunt, vt hominum mentes ab impietate ad pietatem cōuerterent. Magnum fuit beneficium in lege diuinitus promulgata generi humano concessum. Sed lex nō tantum habuit momēti, vt animos flagitijs atq. sceleribus obligatos ē vitiōrum vinculis expediret. At hoc maximum omnium beneficium cū amoris diuini multo clarius argumentū contineret, tantas vires habuit, vt terras vniuersas immutaret. Verba enim deficiunt, ingenium obruitur, mens obstupescit, quoties intelligit Dei filium pro hominibus hostili odio ab illius religione dissidentibus mortem & cruciatum libentissime pertulisse. Itaque homines qui diuini spiritus appulsi  
hanc



hanc tantam vim benignitatis animo considerabant, amore non sœuo, sed iucundissimo faucij extra se rapiebantur: cupiditate gloriæ immortalis incensi ferebantur: ignis eos intus exurebat: & ad actiones præclaras acriter atque vehementer incitabat: tantaque erat amoris vis, vt nihil ardentius cuperent, quam vitam in tormentis abijcere. Quod certè fieri ab illis minime potuisset; nisi mentes eorum lumine diuinæ mentis illustrata id vidissent, cuius tam amabilis species esset, vt mori millies valde expetendum iudicaret, dum eum statum assequerentur, in quo possent iucunditate illa sempiterna potiri. Videbant igitur animis, & iam sentiebāt, & contemplabantur aliquid, in cuius fructu vita beata consistit. Aliter enim nunquam se in tam multos labores, & tanta vitæ pericula tam ardentibus animis intulissent. Sed à Græcis philosophis interim quæram, num opinarentur Deos inter se dissidere, alios alijs insidias moliri, & acerbissimis odijs decertare? Negabunt. Num adulterijs, & nefanda libidine contaminari? Id etiam nimis absurdum, & impium esse fatebuntur. Num Api Ægyptiorum boui, quem illi Deum habebāt sanctissimum, aut Anubi, aut serpenti, aut Crocodilo, diuinitatem tribuendam censuerint? Neque hoc quidem ferendum esse dicent, vt moustris sacra solemnia fiant. Rursus interrogabo, quomodo cum id recte sensissent, non omnem operam posuerint, vt suis ciuibus errorem adeo pestiferum detraberent? Aut enim credebant Deos esse flagitijs infames: aut parū interesse qualis de mēte diuina opinio haberetur iudicabāt: aut verum profiteri, ne in multitudinis offensione inciderent,

non audebant. Si Deos esse credebant, turpissimis vitijs inquinatos, erant scelestissimi: si parum qualibus opinionibus esset instituta religio ad vitam rectissimis institutis moderandam referre credebant, amentissimi: si vero ciues suos ab errore reuocare non audebant, ignanissimi. Si igitur neq. scelus, neque amentia, neque timiditas cum sapientia simul habitare potest, & eos constat, aut impios, aut amentes, aut valde timidos extitisse, colligitur certè, eos nullum sapientiae gradum fuisse consecutos. Sapientiae namque munus est hominum vitae consulere. Vita vero cum homines de Deo male sentiunt, & illi vitia temere & impudenter affingunt, constitui rectè non potest. Qui enim Deum adulterum credit, continens esse non poterit: qui parricidam, pietatem violabit: qui ebrium, vino se libenter ingurgitabit: qui postremo belluam immanem, paulatim efferabitur. Hic tu Philosophè quam rem geris? Quo studio & alacritate huic tanto malo resistis? quo genere orationis homines furentes ab errore mentis abducis? Non audeo, inquis. Tibi veniam tribuo. Scio enim nō in te tantum roboris inesse, vt tibi hoc onus imponi merito debeat. Illud tamen quod æquum est, à te iure flagito, vt eorum virtutem admireris, qui id quod tu tam præclaris artibus instructus, tanta eloquentia præditus, tam multis patriæ meritis obligatus, nunquam facere ausus fuisti, cum non essent artibus istis imbuti, aut vllis humanæ eloquentiæ opibus ornati, summa alacritate susceperunt: neque à præclarissimo conatu destiterunt, donec tam præclarum facinus ad exitum perducerent. Et quo maior est metus, ille qui te à tam honesto

sto munere deterruit: eo virtus eorum magis admiranda perspicitur, quos nullæ fraudes & insidiæ, nulla tyrannorum feritas & truculentia, nulli dolores & cruciatus impedire potuerunt, quo minus feritates omnes impuriſſimæ religionis expellerent. Iouem de solio detrusum, Venerem honore deietam, Liberum, Mercurium, Cererem, Æsculapium, & reliquos falsos Deos in exilium pulsos, Apim, Anubim, Osirim, Astartem, & omnia denique numina cōmentitia percussa, & profligata consideras, & dubitas quin hoc tam pulchrum facinus virtute diuina perfectum & absolutum sit? At ea virtus crucis doctrina continetur. Virtus autem diuina à sapientia diuina disiungi non potest. Diuina igitur sapientia in cruce quam tu stultitia condemnas, inesse perspicitur. Sapientiam (inquit Paulus) loquimur inter perfectos: sapientiam non huius mundi, neque principum huius mundi qui funditus euertuntur. Alibi vero Arma, inquit, militiæ nostræ nō humana, sed diuina sunt, diuino robore atque potenti firmata, ad demolitionem munitionum, quibus consilia demolimur, & omnem altitudinem quæ extollitur aduersus cognitionē Dei. Tum illud etiam præclarissimè dictum. Vbi sapiens? Vbi scriba? Vbi inquisitor huius seculi? Nonne stultam fecit Deus sapientiam huius mundi? Hæc quidem Paulus, qui quidem animaduerte quibus armis sapientiam mundi funditus euertit: quo animo tantum facinus aggressus sit: quanta virtute confecerit: quanta felicitate veræ sapientiæ disciplinam tradiderit: & non clariora diuinæ virtutis argumenta, flagitabis. Sed nimirum illud est, euangelium esse abstrusum

o atque

## DE SAPIENTIA

atque reconditum illis quos hostis humani generis excæcavit. Nam si hoc non esset, quid clarius esse posset? Si enim Dei potentia est infinita, si probitas immensa, si bonitatis summæ proprium est, summa cum mentibus quæ aliter stabili non possunt coniunctio, si genus humanum erat è sempiternis miserijs eripiendum, si iniuria diuinæ maiestati facta excellenti virtutis infinitæ merito compensanda, si amor erat excitandus, si metus incutiendus, si documenta patientiæ & virtutis admirandæ statuenda, si hæc omnia fieri commode non poterant, nisi Dei filius sub humana forma, atque natura nos ad disciplinam cælestem erudiret, sanguineque suo animos nostros expiaret, quid euentius Christiana fide potest esse, maxime vero cum omnia bona quibus fruimur fuissent olim à Deo promissa, atque fœdere sanctissimo confirmata? Ut ita sit, inquiet aliquis, indignum erat, ut communis salutis auctor nullum fructum ex opere tam præclaro perciperet. Nullum inquis? Imo id nomen secundum humanæ naturæ rationem, mortis ipsius meritis, atque sacrificij religionem & sanctitate consecutus est, quo nullum clarius, illustrius, mirabilius, & salutaris concipi mente atque ratione potest. Nemo enim vuquam reliquis beneficis & salutaris exitit, qui non eo studio dignitati suæ valde consuleret, quod in Christo maximè cerni potuit. Ius enim atque sempiternum imperium administrat: cælum & terram potestate infinita complectitur: illum enim cælites admirantur: homines iusti numen illius venerantur: iudicium illius inferi perti-

mes.

*mescunt: omniumque genua (vt Paulus ait) illi flectuntur. Ita namque gloria sempiterna circumfluit, vt illi cuncti boni supplicent: & illius insus. omnes exercitus caelestes obtemperent. Decebat (inquit Paulus) eum per quem omnia: & propter quem omnia, cum multos filios gloria cumulare statuisset, auctorem salutis eorum, cruciatibus perfectā nominis gloriā adipisci. Ex hac Pauli sententia intelligimus Christum morte illa clarissima decus, & nomen, & gloriam, & imperium, & regnum diuinum atque sempiternum consecutum, ad dexteram patris locatum, cælum regere, atque moderari, & beatas mentes luminis sui splendore atque numine collustrare. Magnum (inquit Paulus) est pietatis mysterium. Deus manifestè apparuit in carne. Quis hoc autem optare auderet, vt oculis præcellentissimum illud nomen in humana specie latens aspiceret? Illius tamen potentia atque sapientia factum est, vt verus Deus verus homo fieret, & ita naturam humanam ad personæ vnitatem assumeret, vt nihil esset omnino de maiestate diminutū: sed mandum etiā in vtero sanctissimæ virginis inclusus imperio coërceret. Sequitur deinde. Testimonium iustitiæ cōsecutus est a spiritu. Dei enim spiritu demones eiiciebat: morbos corporum & animorum depellebat: mortuos in vitā excitabat: & insitum numen operibus admirandis indicabat. Ait deinde. Apparuit Angelis. Quid hoc est? Angeli qui semper faciē patris intuentur, non simul & filiū aspiciunt? Aspiciunt certè. Sed noua illa forma diuinitus assumpta, nouam illis materiam admirationis atq. sapiētiæ multiplicis præbuit, & de integro*

## DE SAPIENTIA

Dei potentiam atque sapientiam admirati illi debitam gloriā tribuerunt, & nouis laudibus & cantibus numen illius celebrarunt. Nunquam suspicati fortasse fuerant, fieri posse, ut numen infinitum ita secum naturam humanā ad remedium humani generis copularet, ut vtraque natura integrā permanente vna tantum persona consisteret. Apparuit igitur multo clarius Angelis Dei immensa benignitas, qua quidem fuere nouo quodam lumine collustrati, & ingenti gaudio cumulati. Addit deinde, Prædicatus est gentibus. Et hoc quantum extitit diuinæ virtutis argumentū? Homines obscuros, ignobiles, imperitos, tantum facinus suscepisse, ut gentibus feris, immanibus, flagitiosis, à cultu verissimæ pietatis abhorrentibus disciplinam traderent moribus & institutis aduersariam, & libidinem cui erant penitus addictæ seuerissime comprimenter, & ea docenter, quæ neque sensibus, neque ratione, neque mente comprehendere & percipi poterant. Quam feliciter vero illis id reciderit, quod sequitur plane demonstrat. Creditus est mundo. Quamuis Dei testimonia per se valde credibilia sint: cum tamen mundus in tenebris & caligine versetur: & nihil credere velit, nisi id tantum quod sub sensus cadit, & præterea propter mentis angustias, & ingenij tarditatem, & diuturnam flagitiorum & scelerum consuetudinem, nihil ad aures velit admittere, nisi illud tantum quod voluptatem efficit, in maximi miraculi loco ponendum est, mundum credere Deum in humana forma latuisse, ut humanam libidinem, & cupiditatem, & insolentiam profligaret. Adiungit postremo, Assumptus est in gloria. Qui fuit à militibus per



per ludum & incum spinis & sentibus coronatus, qui fuit verberibus crudelissime cæsus, qui præter dolores summos infanda conuicia & maledicta pertulit, qui derisus, contumelijs affectus, omniumque despiciatissimus in cruce fuit; is euectus in cælum de morte, de tenebris, de peccati tyrannide, de aduersarijs potestatibus clarissimum triumphum duxit, & coronam gloriæ sempiternæ consecutus regnum cæleste legibus sanctissimis administrat. Illum cælites intuentur: illi seruiunt: illius laudes perpetuo canunt; neque tamen minimam gloriæ illius partem cantibus & oratione consequuntur. Illius benignitatem in terris experimur: neque tamen multitudinē donorum & munerum enumerando percensemus. Numen illius hostes sempiterni vehementer exhorrent: neque vlllo in loco à metu & trepidatione conquiescunt. Itaq. virtute inuictus, caritate beneficus, opibus diuinis ornatus, cælū gaudio cumulat: & terras nominis sui gloria complet: inferas regiones exterret: suos beneficij innumerabilibus auget: inimicos qui in scelere contumaciam adhibent, acri iudicio peruertit. Hæc omnia cum ita perspicua sint, vt negari non possint, quis tam hebeti ingenio est, & tam angusta mente præditus, vt ijs argumentis Christi numen extare, & eminere non videat? Non crucis vim & efficientiam admiretur? Non robore illius inmixtus ad immortalitatem enitatur? Et tamen erit quisquam qui non ideo credere velit, quia rationes diuinæ virtutis explorare non queat? An aliam rationem potiore ea, quæ potentia atq. probitate immensa & infinita continetur, exquirēdam existimat? Venit ne tibi in mentē admirari genus insecti

## DE SAPIENTIA.

corpore quidem perpusillum, genere vitæ, & instituti ratione vehementer admirandum? Apes enim rem acutè considerantibus ingentem admirationem merito commouebunt. Quanta enim solertia fauos efficiunt? Quam singulari artificio cellas distendunt? Quanta sedulitate mella colligunt? Quis commemorare poterit illam reipub. societatem? Illam publici muneris consensionem? Illam erga Reges suos fidem? Illam in repellendis fucis acrimoniam? Adde nunc ipsius operis & industriæ fructum. Est ne aliquid in vita melle dulcius, atque ad multa mala depellenda salutaris? Quid cum mellis dulcedinem percipis, credis illius suauitatem insecto paullo musca grandiori deberi? Credo inquis. Quare? Quia id oculis perspicis, & reliquis etiam sensibus vsurpas. Ergo si apes & aluearia apud nos minimè fuissent, & tam suavis liquor esset ex vltimis orientis solis regionibus allatus, & id tibi quod nunc oculis cernis aliquis enunciaret, fidem certè non haberes. Cur ita tandem? Quia vim & causam tam miræ suauitatis in tam pusillis animantibus inclusam perspicere nullo modo mente & cogitatione valeres, & sensibus, id quod esset à sensibus amotum, iudicare non posses. Ergo si fidem sensibus tātum habendam censes: Philosophiā desere quæ hoc secū deliberatum habet, vt sensus fallaces existimet, rationemq. tantum in vita sequatur. Ergo quidquid à sensu fuerit remotum, quod ratio non possit exactè percipere, per te concidat opus est, & ex omni natura penitus exterminetur. Quæro enim, num inclusam illam vim quæ ex terris viriditatem elicit, quæ herbas, fruges, & arbores ex gremio  
ipsius

ipsius telluris effundit, & flores, & fructus atque semina gignit, oculis vnquam perspexisti? Num cum animantium varietatem, multitudinem, solertiam, vsum, & sobolis propagationem animaduertisses, vim qua viuunt, & sentiunt, & variè cōmouentur exploratā & cognitā penitus habuisti? Nū corporum simplicium ē quibus omnia quæ cæli ambitu continenter effecta sunt, perennē & continuatā motionē & vicissitudinem qua vltro citroq. cōmeant, & alia in aliorū naturam conuertuntur, cogitatione cōprehēdisti? Num nodum quo omnia inter se cōstricta sunt, ita vt quāuis diuersa & dissimilia natura sint, miro fœdere coniungantur, mente & ratione complexus es? Quid cæli naturam tanto splendore colloquentem, tam claris sideribus exornatā, tam singulari artificio perpolitā oratione referam? Quid orbium cælestium cursus varios atq. dissimiles, rata tamen & stabili proportionē colligatos? Qui modi sunt illi qui ex maximis interuallis, pro rata tamē portione distinctus, incūdissimos naturæ cōcensus efficiūt? Narrā, si potes, quæ vis illa sit, quæ ima summis, media extremis eo vinculo deuinxit, vt omnia inter se pacem & amicitiam inuiolato fœdere conseruarent. Hæc quidem aspicias oculis: vim tamen, modum, legem, & rationem qua mouentur, neque sensibus vsurpas, neq. ratione consequeris. Et tamen cum ne minimarum quidem rerum causam teneas, tam intoleranda superbia duceris, vt quidquid non intelligis in dubium voces, ita vt ne Deo quidem qui est veritas sempiterna fidem adiungas? At hæc omnia quæ nunc oratione perstrinximus, infima sunt, & extrema diuini numinis opera.

## DE S A P I E N T I A

neque in aliquo numero habenda, si cum alijs operibus diuinis conferantur. Neq. philosophiæ quidem munus in his operibus considerandis insistit. Alia namq. sibi multo ampliora proponit. Corporea namque sunt omnia, & natura dissolubilia quæ intuemur oculis: at sapientiæ studiū incorporea atq. sempiterna requirit. Neq. solum in animorum peruestigatione studium ponendum censet, sed multo etiam magis in illorū parente & altore considerando, summaq. sanctitate & religione colendo mentem defigendam arbitratur. Sic igitur necesse est, vt animus cælestes mentes prætergressus in fontem bonorum omnium contento cursu & ardenti studio feratur: vt infinitam illam vim, numen, rationem, sapientiam, probitatem, quoad licet, aspiciat, admiretur, amet, affectetur, adipisci velit, & iucundissimo cupiditatis incendio flagret, & ita demum fiet, vt nunquam illi beneficia tam admirandæ benignitatis intereant. Videbit enim lumine diuinæ mentis illustratus, neq. Dei potentiam finibus ullis teneri: neque sapientiam hebecere: neq. probitatem circumscribi: ita vt nihil diuinum nūmen impediat, quominus opus perfectissimum & absolutissimum insit & benignitatis efficiat. Videbit deinde nullum diuinæ probitatis opus clariùs esse potuisse eo, quo Dei filius naturam humanam in tā alto gradu dignitatis locauit, vt eam secum inexplicabili ratione coniungeret, ita vt Deus homo fieret, & homo Deus haberetur, & esset. Si tibi admirandum opus esse videtur, potentiam numinis sempiterni venerare: si nostræ saluti constituendæ consentaneum, sapientiā: si beneficentiæ amplitudinem consideras, probitatē. Itaq. semper

per & immensam vim & potentiam extimesces: & sapientiā admiraberis: & probitatem amore ardētissimo complecteris: neq. vllō modo muneris amplitudo te ipsum à fidei constantia dimouebit. Neque cogitatio maiestatis tibi vllam dubitandi materiam, si alta mente fueris præditus exhibebit. Vt enim illa vis ignea quæ superum locum tenet, infima quæq. non deserit, sed omnia fouet, alit, atque sustentat, vsq. adeo, vt etiam se in aquarum gurgites, in terræ viscera, in arborum truncos, & in lapidum venas insinuet, vt vim vitalem atque salutarem rebus cunctis impertiat, ita tamen vt eam nulla contagio naturæ inferioris inficiat: ita mens diuina per omnem naturam pertinens omnia gignit, conseruat, & auget, & singulis rebus pro cuiusque naturæ ratione benigne consulit, vt res mutæ consistant, arbores crescant, animantia moueantur, homines intelligant, & qui benignitati illius minimè diffidunt, ad similitudinem illius perducantur: ita tamen, vt ipse mutationis totius expertus in omni æternitate permaneat. Et perinde atq. sol cum radijs omnia collustrat, non solum lucem in terras spargit: vērū eas herbarum viriditate, arborum amœnitate, animantium partu, multiplici rerum fructu, atq. veris ornamento singulis annis repetito latificat: ita tamē vt ipsius natura non immutetur, sed omnia commutet: sic Dei filius cū lucem suam latissimè diffundit, neque cælestes tantum, sed etiam humanas mentes illustrat, excitat, inflammat, & animos quasi quodam aratro proscindit, in illisq. verbi diuini sēmen spargit, vt multiplices fructus efferant, eosq. tandē secū omnium bonorum cōmunionē consociet: non ex ea cōiunctione

## DE SAPIENTIA

aliquid de maiestatis immensitate, & dignitatis amplitudine deperdit: imo immensæ maiestatis quæ nullam mutationem subire potest, immensas opes cōspiciēdas exponit, vt homines ad eas fruendas alliciat. Et quo maior, admirabilior, & salutarior, ea coniūctio fuerit, eo acrius mētes hominū ad sui amorem & studium concitabit. Ita vero illas immutabit, vt ipse nunquam in vlla rerum molitione, aut beneficijs summa benignitate ab eo tributis immutetur. Rerum similitudines ita conferimus, non quod vlla similitudo è corporibus sumpta possit numen diuinum explicare, sed quod alias non habeamus. Cum igitur Dei filius homo fieri voluit, vt homines ab interitu sempiterno vindicaret, non à dignitate sempiterna discessit: sed hominum naturam ad altissimum gradum dignitatis euexit. Quomodo id factum fuerit, ne curiosè inuestiges, ne magnitudine diuinæ gloriæ & sempiterni decoris cum tuæ salutis interitu, & sempiterna macula tui nominis obruaris. Satis habet, quod certus esse possis, esse verissimum quod Christiana religio confitetur. Id enim est à Deo signis testificatum: orbis terrarum mirifica conuersione comprobatum: muneribus diuinis quæ potentiam, & conuenientiam, & benignitatem numinis cælestis indicāt, apertè declaratum: ita vt nihil reliqui fiat, quod homines in veræ pietatis studio incitatos à credendo retardet. Vt enim nihil aliud dicamus, qui terram, qui mare, qui fruges, qui animantia, qui sydera, qui cælum creauit, vt corpora nostra quæ sunt terrestria & interitura tueretur atque conseruaret: & hoc non alia ratione quam magnitudine probitatis inductus effecit: quo modo

non



non multo maiora & ampliora probitatis infinita munera,  
animorum nostrorum gratia qui sunt immortales, ad illiusq.  
naturam propius accedunt, in nos magnificentissime contu-  
lisset? Cum vero in rebus diuinis, non alia causa nisi probita-  
tis amplitudo exquirenda sit, eaque probitas ex donis atque  
muneribus in genus humanum collatis facillimè cognoscatur,  
quamuis iam multa Dei munera oratione persecuti simus  
quæ cruci virtutis admirandæ testimonium dant, sequenti  
tamen libro opes sapientiæ, diuinæque benignitatis mu-  
nera quæ in cruce Christi latent, quo ad  
fas fuerit, magis aperte-  
mus.

DE

# DE SAPIENTIA

## LIBER QVINTVS.



**M**NES quidem sapientiæ opes in Christi disciplina consistere satis explicatum arbitror: Illa namq. errores sustulit: mentes illustrauit: morbos & vulnera sanauit: aspectum animis restituit: tenebrasq. discussit, atq. perfecit, ut infinitâ Dei probitatem, sapientiam, & numen contemplari, & intueri possemus, admirabiliq. luce fruermur. Nondum tamen satis explicite quos simus ex illa fructus cõsecuti, oratione descripsimus. Vt autẽ hinc ordiamur testimonio diuino constat verã sapientiam in diuinæ legis cultu, & salutarì obedientiã cõsistere. Sic enim scriptum est. Hæc est vestra sapientia & intellectus corã populis, vt audiẽtes præcepta hæc dicãt, En populus sapiens & intelligẽs. Quis dicat, Colãt alij Mathematicas disciplinas: naturæ obscuritatẽ summo studio peruestigent: celi etiã, si volent, spatia immensa definiant: & quod est terræ penetralibus inclusum, eruere, & in apertũ proferre conẽtur: ostentẽt sapientiã: venditent ingeniũ: reconditæ eruditionis nomine subnixi ambulent: & se passim quasi rerum publicarum correctores & emendatores intrudãt: at vos vnum genus sapientiæ retinete: in lege nempe Dei dies ac noctes elaborate: ea nunquam ex animis vestris elabatur. Reliqua enim studia, neq. salutem vobis, neq. dignitatem afferẽt, neq. è periculis eripient, neq. deniq. vllum vobis fructum &

utilitatem in rebus aduersis importabunt. Imo fieri potest, ut ea falsa sapientiæ opinio plerumque vos in capitalem fraudem inducat, & in exitium sempiternum præcipites exturbet. Neque enim beatus est, qui disciplinas hominum ingenijs excogitatas studio & ratione complectitur: sed qui in diuinæ legis studium noctes atque dies vehementer incumbit. Similiter ipse Deus Iesum Moysis successorem alloquitur. Nō recedet volumen legis huius ab ore tuo: sed mediteris in eo diebus atque noctibus. Quomodo autem? Num satis est ad sapientiam summam Dei legem firma memoria continere? Minime inquit. Finis enim legis est officium cum acri studio & summa religione susceptum. Et ideo subiungit. Vt custodias, & facias omnia quæ scripta sunt in eo. Sed fructum tandem videamus. Tunc diriges viam tuam, & sapienter te geres. Hoc igitur ait: Si cupis populum prudenter & iuste gubernare, si ab illo omnes impetus hostiles inuicta virtute reprimere, si victoriam semper cum amplissima dignitate inuicti nominis obtinere, si postremo omnes qui imperio tuo continentur in quietis sedibus collocare, & florentes atque beatos efficere, hoc vnum munus in omni vita suscipe, ut legem meam in mente defigas: non quidem ut illius intelligentiam iactes, ut ea ratione te populus admiretur, sed ut omnia vitæ officia ad illius trutinam perpendas: & cuncta quæ sunxit diligenter exequaris: atque ita populum vniuersum non tã metu pœnæ, quam exemplo pietatis instituas. Quod si feceris, nō est, cur quidquam metuas. Esto, inquit, fortis & robustus, nolique animo consternari. Quoniã ego dominus tibi semper  
adéro,

tlero, in omnibus ad quæcumq. perrexeris. Hæc igitur ora-  
 tio facile declarat omnem sapientiam legis diuinæ studio con-  
 ineri. Sapientia namque est beatæ vitæ effectrix. Beata por-  
 ro vita est bonorum omnium affluentia. Ea vero non potest  
 aliunde quam ex Deo qui est fons bonorum omnium, in ani-  
 mos nostros influere. Vt autem Deum propitium habeamus,  
 opus est, vt in his illius diligenter obtemperemus. Sed quæro.  
 Num omnibus qui legi summo studio operam dederint, erit  
 hoc diuino munere concessum, vt ita per legis iter recta gra-  
 dianantur, vt in alterutram partem minimè declinent? Non  
 prorsus. Cupiditatis enim furor & immanitas, quædiu illius  
 dominatu oppressi detinemur, nos quodam modo inuitos, atq.  
 recusantes à legis studio transuersos abducit. Sic vero fit, vt  
 lex quæ fuit ad salutem data, nobis pestem & exitium infe-  
 rat, ita, vt merito à Paulo nostro administratio mortis appel-  
 letur. Cum enim lex exëpli gratia capite sanciat, si quis alienæ  
 uxori vitium inferat: & eadem lex opem minimè largiatur,  
 qua libidini repugnetur, quid aliud lex efficere poterit, quam  
 vt fontes multo grauiore pœna cruciet, quam si nunquam la-  
 ta fuisset? Quam graue namque adulterij crimen sit, lex  
 ab adulterio deterrens multo apertius, quam fuerat ante in-  
 mentibus naturæ lege descriptum explicuit. Quo autem cla-  
 rior notitia peccati est, eo est maiore cruciatu vindicandum.  
 Quis autem vires dedit, quibus libido contineri, & coërceri  
 posset? Ille profecto, qui vires cupiditatis elisit: qui tyranni-  
 dem peccati deleuit: qui libidinis immanitatem profligauit.  
 Tunc igitur demum libera mēs facile poterit quod lex diuina  
 descri-

describit efficere, cum omnes istæ pestes quæ continenter bellum cum diuina lege suscipiunt, extinctæ fuerint. Quis autem est, qui feritates istas ex animis qui illum sequi student expulit? Christus in crucem sublatus interitum monstris omnibus attulit: & regnum cupiditatis importunum, & libidinis imperium deleuit. An hoc obscurum est? An non quotidie experiundo sentimus? An id non est omnibus qui Christi crucem amplectuntur exploratum? Vt enim quisque maxime studio crucis incenditur, ita facillime cupiditates omnes coërcet, vt sanctionibus diuinis obsequatur. Hoc quidem futurum Isaias prædixerat, vt qui Christum incenso studio sequerentur, non solum ab illo cælestem disciplinam acciperent: verum & omnes actiones & studia vitæ eadem disciplina conformarent. Similiter Ieremias fore dixit, vt lex diuina non in tabulis lapideis, sed in cordibus humanis inscriberetur, vt omnes qui apud Christum Sacramento dicerent, sine recusatione vlla diuinæ legi parerent. Quid Ezechielem, quid reliquos Prophetas enumerem? An parum perspicuum est, omnium hanc mentem & sententiam fuisse, id quod lex præstare non poterat, ab vno Christo esse postulandum, & expectandum, nempe vt illius gratia confirmati, compressa & edomita cupiditate legem diuinam inflammatis animis exciperemus, & nihil cerneretur in nobis; quod non esset ex legis ipsius præscripto constitutum? Quod enim fieri non poterat per legem, (vt Paulus ait) Dei filius à patre missus effecit, vt peccatum configeret: libidinis imperium deleret: vt ita lex diuina

## DE SAPIENTIA.

in illis sanctionibus quæ ad solidæ iustitiæ rationem pertinet, posset quod omnibus qui Christi spiritum sequerentur observari. Illi igitur solum qui, ut Christum sequantur crucem cupiditatis suis defixerunt, vitam ad normam diuinæ legis exactè dirigunt. Vnde colligitur in illis tantum verissimæ sapientiæ lumen elucere. Sed quia nobis hic sermo hoc in loco maxima ex parte cum Græcis institutus est, commodum videtur eorum Græcorum testimonijs uti, qui fuerunt sapientiæ opinione clarissimi. Sed prius opera pretium est animadvertere, quid ipsa Græcorum Philosophia sanciat, atque præscribat, & quibus in rebus ij qui multum reliquis ingenio & doctrina antecellebant, quales fuerunt antiqui Academici, & Peripatetici sapientiam sitam esse statuerunt. Quæ nam igitur est eorum verissimæ sapientiæ disciplina? Ea certe quæ cupiditas & libido ratione comprimitur. Ratio enim in animo secundum naturam principatum obtinet. In ea autem est diuina lex à flagitio deterrens, & honestatem præscribens incisa. Ergo cum ratio statum animi pro iure & imperio moderatur, omnia lege, modo, & ordine constituta sunt. Nullū dissidiū in animo, nullus tumultus exoritur: nulla grauis cura mentem sollicitat: nulla vis immanior eam de statu detorquet. Est igitur tunc status illius rectissimè constitutus. At vero cum animum iræ truculentia rapit, & versat, & quocumque ei lubet impellit, tunc ratio de statu reuēcta furori & dementiae seruit, neque quod ipsa iudicat, sed quod ira præscribit, sedulo machinatur. Quid cum libido faces intentat? Quid cum auaritia mēti tenebras offundit? Quid cum amor,  
odiu,



odium, spes, metus, liuor, obrectatio & reliquæ vitæ pestes  
animum exedunt atque conficiunt? Potest ne tunc aliquid  
tristius & acerbius excogitari? Mēs enim sanitate, libertate,  
dignitate spoliata, & sub dominatu cupiditatis & libidinis cō  
stituta seruit dedecori, flagitio, atq. turpitudini, et summo an  
goris cruciatu miserabiliter afficitur. Contra vero cum ratio  
temeritatem coërcet, & motus inanes comprimit, & omnes  
partes animi sibi dicto audiētes esse compellit, tunc facile di  
gnitatem tuetur, & pace tranquilla perfruitur. Si igitur qui  
sibi rectè consulit sapiens est, ille vere sapiens est existiman  
dus, cuius moderatione & consilio pax in animo est firme cō  
stituta. Hoc autem Platonem summum Philosophiæ prin  
cipem mouit, vt in voluntatis & rationis consensione sapien  
tiam collocaret. Cum enim ratio verum aspiciat, voluntas in  
bonum feratur, si voluntas rationem sequitur, tunc in vera  
bona respicit, nulliusque sensus corrupti iudicio à recta via  
deducitur. In hominibus igitur temperatis, & moribus atque  
vita rectissimè constitutis, sapientiæ studium viget: furor au  
tem & insania in flagitiosis & incontinentibus regnum pos  
sidet. Si ita est, quemadmodum Plato, & reliqui ab illius di  
sciplina profecti differunt, quis sapiens potest appellari, nisi  
qui se totum Christo in disciplinam tradiderit? Quæ enim vl  
la continentia maior? Quæ temperantia mirabilior? Quæ mo  
rum grauitas, quæ vitæ constantia diuinior vnquam vllis in  
gentibus perspecta & cognita fuit? Sapientiæ namque fun  
damentum apud Christianos est in Dei metu positum. Illo  
autem muniti labes animi repellunt; libidinem refrænant: vo

## DE SAPIENTIA

luptates noxias aspernantur: iram cohibent: odio repugnant:  
 & cupiditatibus crucem statuunt: qua immanitatem ex-  
 tinguant. Itaque in illis qui se ardentibus animis in Christi  
 studium contulere, non furor immanis, non effrenata libido,  
 non infinita cupiditas, sed optima viuendi ratio dominatur:  
 & quod magis admirandum est, id saepe non diuturna con-  
 suetudine fit, sed temporis momento solet interdum euenire,  
 vt animus nimis corpori deuinctus diuini spiritus impulsu  
 commotus ex intemperante continens, ex auaro benignus, ex  
 iracundo mansuetus, ex timido fortis, ex inconstante grauis  
 repente fiat. Tanta vero vitæ sanctimonia gentibus alienis  
 ingentem saepe numero admirationem commouebat, vsque  
 adeo, vt summi decoris & honestatis testimonium Christia-  
 nis inuita dare cogerentur. Hoc autem passim euenire cer-  
 nimus, vt quo quisque magis se ad Christi studium applicat,  
 vt crucem illius ardentius amplexetur, eo mirabilius in illo  
 castitatis, integritatis, temperantiæ, virtutis decus emineat.  
 Itaque non omnes virtutem acutè definiunt: non continen-  
 tiæ partes eleganter diuidunt: non de amplitudine digni-  
 tatis & honestatis ornatè & copiose disserunt: sed om-  
 nes eam arctissimè complectuntur: neque enim verbis &  
 ostentatione, sed ardenti studio vitæ puritatem & sancti-  
 moniam colunt: & virtutis amplitudinem in hominum lu-  
 ce constituunt, vt homines illos intuentes lumen diuinum  
 in illis elucere perspiciant. Sic enim, inquit summus iu-  
 stitiæ magister, luceat lux vestra coram hominibus, vt vi-  
 deant opera vestra bona, & gloriam dent patri vestro, qui

in cælo est. Hoc igitur Christi præceptum cum illius discipuli inflammato studio sequerentur, ea castitatis & virtutis, & benignitatis exempla in terris ediderunt, ut posset in illis vitæ cælestis splendor animaduerti. Si igitur sapientiæ firmissimum argumentum est domitas habere libidines, statumque animi tutum & incolumem ab omni perturbatione conseruare, & constat tam ex antiquis monimentis, quam ex quotidianæ vitæ exemplis, omnes qui se ad Christi studium conserunt, & oculos in cruce defigunt, eum statum assequi, quem neque ira, neque odium, neque inuidia, neque libido labefactet, quis negare poterit, in Christi disciplina, verissimæ sapientiæ opes immortales & totius dignitatis ornamenta consistere? Idem Plato, (cum enim totius antiquitatis incorrupto iudicio Graciæ sapientissimus habitus semper fuerit, sæpius illius auctoritate contra Græcos vtendum censeo) in Phædone omnem animi puritatem qua vera sapientiæ continetur, in mortis commentatione ponit. Docet enim eo in sermone Socrates nihil esse tam homini vera cernere cupienti contrarium, quam corpus ipsum, & ipsius motum, & species quæ ex natura corporis oriuntur. Neque enim verum in natura corporis, quæ labitur continenter & fluit, sed in rebus quæ ex omni concretionem mortali secretæ sunt, semperque eodem statu manent, inesse. Nos vero cum simus corporibus assueti, non posse verum cernere, propterea quod corporeæ imagines animis frequenter occurrant, quæ mentem obtundunt, & à contemplatione ipsius veritatis auertunt. Itaq. nō licere nobis in hac vita

## DE SAPIENTIA

*sapientiam perfectè consequi: post mortem vero, corpore videlicet quod nobis officiebat extincto, licere. In hac autem vita illum maximè sapientem fore, qui magis ad imitationem mortis accederet Cum vero mortis officium sit animum à corpore disiungere, docebat ei qui vellet ad sapientiam peruenire, esse mentem quo adliceret à corpore seiungendam: vt per se posset sine vlllo corporis impedimento sempiterna contemplari. Tunc enim purum & liberum animum posse munere suo perfungi. Tum addit. Non liquet igitur huius puritatis efficiendæ rationem in eo positam esse (vt ante diximus) vt mens se ipsam à corporis contagione seiungat, & se colligat, atque recipiat, & sola quoad licuerit, & nunc & in posterum è corpore tanquam vinculis expedita, omnique perturbatione soluta secum habitare condiscat? Hanc deinde sententiam Socrates eodem in loco multis verbis confirmat, in eoque pugnat, vt doceat in hac mortis assidua meditatione omnē vim & rationem sapientiæ parandæ consistere. Neque enim fieri posse, vt quisquam sapientiam adipiscatur, nisi prius animum à corpore summo studio disiunxerit. Si ita est, quemadmodum Plato verissimè sub Socratis persona disputauit, ille maximè ad sapientiam perueniet, qui maximè necem ad hunc modum corporis sensibus intulerit, vt nihil animum impediatur quominus à corpore longius abstractus vera perspiciat. At hoc corporis, & animi dissidium quo tandem studio verius & firmitus quam crucis disciplina conficitur? Hoc quidem mortis genus Philosophi necessarium esse fatebantur: sed cū essent nimis corporis cupiditatibus alligati, è vinculis eximi nequa-*

nequaquam poterant. Valentiôr enim cupiditatis immanitas est, quam vt possit sine ope diuina viribus humanis extinguï. At Christianæ sapiëntiæ fundamentum in hac mortis assidua cõmentatione consistit. Ipse namque sapiëntiæ doctôr hoc frequenter admonet, vt nos ipsos fugiamus: vt crucem subeamus: vt videlicet interitum cupiditatibus afferamus. Aliter enim nos discipulos suos esse non posse confirmat. Neque is est qui nos tantum de officio nostro commonesfaciat, & ope sua destituat: imo qui animum virtute corroboret, quâ facilè munus sibi commissum alacriter exequatur. Itaque omnes qui crucem, hoc est studium cõercendæ libidinis & impuritatis ardentibus animis ferunt, ope diuina subnixi omnes cupiditates elidunt. Qui sunt Christi, vt inquit Paulus, cruci corpus suum cum corporis cupiditatibus affixerunt. Omnes igitur libidines, omnes contentiones, omnes impuritates, in illis qui Christum imitantur repente moriuntur, ita vt nihil in eis præter Christi sensum viuere conspiciatur. Minimè necesse est exempla nimis antiqua & obsoleta requirere. In hac enim etiam mundi fæce, in his calamitosissimis temporibus quæ assiduè lamentamur, videmus multa millia adolescentium, & virginum, vt ætatem robustiorem omittam, quæ sic crucem amplexata sunt, vt omnes cupiditates eneruent, necemque sensibus pristinis afferrent, vt solute atque libere rerum diuinarum contemplationi vacarent. Itaque multos nouimus quibus minimum est cum corpore mortali commercium, omnisque illorum mens in Christi imitatione defixa tantum cælestia meditatur. Quibus illud Pauli licet

## DE SAPIENTIA

*vsurpare. Nempe, Vivo ego, sed non ego, viuit vero in me  
 Christus. Neque enim viuit in illis odium, non iracundia,  
 non libido, non immanitas, non ambitio, non auaritia, non  
 cupiditatis impotentia: sed amor diuinus, hominum caritas,  
 immortalitatis studium. Si igitur sine commentatione mor-  
 tis sapientia parari non potest, & hi soli mortem perpetuo  
 meditantur, qui vt Christum cruci affixum sequerentur,  
 crucem corporibus suis statuerunt, qua interitum pristinis  
 cupiditatibus, & opinionibus, atque adeo sensibus ipsis af-  
 ferrent, efficitur certè, solis Christianis licere sapientia ve-  
 rissima frui. Non erit autem alienum huic loco id etiam  
 quod Socrates apud Platonem in Theæteto, in hanc eandem  
 prope sententiam dicat attexere. Nam postquam eo in  
 sermone multa de recto animi statu, qui libidinum nece &  
 interitu continetur, Socrates differuisset, tunc Theodorus  
 orationem illius excepit, sed eam sermonis partem commo-  
 dius erit ad verbum interpretari. Theodorus. Si omnes, ô So-  
 crates, tanquam me in sententiam tuam traducere potuisses,  
 pax certè firmior constitisset, & multo minus malorum ver-  
 saretur in vita. Socrates. Fieri non potest, ô Theodore,  
 vt mala funditus intereant. Necesse namque est vt bono  
 malum semper aduersetur. Quod tamen malum sedem in-  
 ter Deos habere non potest, sed mortalem tantum naturam,  
 & hunc locum necessario circumcursat. Quo circa neruos  
 omnes contedere debemus, vt hinc summa celeritate fugiamus.  
 Fuga autem non alia est, nisi contentio vt Dei similes efficia-  
 mur. Similitudo autem hæc iustitia, & pietate, & prudentia*



continetur. Verum enim vero vir optimè nō facile negotium est, persuadere multis non ea gratia fugiendam esse improbitatem, & consecrandam virtutem, quam multi perhibent; nempe ne improbi videamur: & ut probitatis opinionem aucupemur. Hæc enim sententia est fabelli quædam anilis existimanda. Vera enim causa virtutis comprobandæ hæc est. Deus nullo modo iniquitatem rei ullius gratia suscipit, nempe qui sit ipse iustissimus. Itaque nemo similitudinem illius assequi poterit, nisi tantum ille qui iustitiam studio summo coluerit. In hoc autem studio naturæ præstantis insoles, & docilitas præclara cognoscitur: in illius vero negligentia animi minuti, & angusti, atque prorsus inutilis formido perspicitur. Iustitiæ enim cognitio sapientiæ est, verissimæque virtutis ornamenta complectitur. Illius autem ignoratio stultitia est, & improbitas euicta. Reliquæ autem ingeniorum docilitates ad certas artes quæ sapientiæ opinionem receperunt, cum in honoribus publicis vim suam expromunt, seruiles, in mechanicis autem artificijs sordide sunt existimandæ. At cum illo qui infert iniuriam, aut qui facinus impium loquitur, aut conflat, multo certè melius ageretur, si nunquam per malitiam acris viri nomen obtinuisset. Hi namque eiusmodi sunt, ut contumelia glorientur. Delectat enim illos improbitatis & malitiæ fama, nempe quod non inertes existimentur: sed naui & industrij, quales futuri sunt illi, qui salutem in rebus publicis sibi parare possunt. Qui eo longius ab eo statu distant, quem se affectos opinantur, quo magis se eum consecutos esse confidunt.

## DE SAPIENTIA.

*Ad reliquam enim miseriam accedit turbulenti erroris insania. Verum enim iniquitatis supplicium ignorant. Non enim iniquitatis supplicium est in verberibus, aut nece constitutum, quæ supplicia interdum à iustis hominibus perferuntur: sed eo in malo quod nemo improbus effugere potest. Theodorus. Quod non tandem malum dicis? Socrates. Cum in rerum natura duo exempla sint, vnum est numē diuinum, quod est natura beatissimum, alterum à Deo alienissimum, quod est miserrimum: hi non vident, nam propter stultitiam extremam, iue dementiam ignorant, cum aliquod opus iniustum atque nefarium moliuntur, se similes illi reddi, quod est miseriæ summæ documentum, & illi dissimiles, quo beatæ vitæ specimen continetur. Cuius flagitij pœnam sustinent, dum ita viuunt, vt similem vitam ei ad, cuius se similitudinem contulere, furenter instituant. Quod si dixerimus, nisi acumen illud quo subnixi ambulant deseruerint, fore, vt neque mortui in purum locum recipiantur: neque a miseria quæ improbitatem necessario consequitur in hac vita deferantur, hæc propter acuminis confidentiam quasi hominum stultorum sententiam negligent, atque despicient. Hæc fusius Socrates eo in loco persequitur, in quibus docet, si volumus vitæ beatæ compotes esse, à corpore semigradum, vt Dei similes simus, quæ similitudo non opinione iustitiæ, sed verissimo studio iustitiæ continetur. Qui sunt igitur illi qui à corpore ardentissimo studio semigrant? Qui se ad Dei similitudinem & imitationem conserunt? Qui non laborant, vt hominum rumores aucupentur, sed vt Deo placeant?*

ceant? Qui denique non opinioni sed veritati seruiendum arbitrantur? Illi certè qui Christum incenso studio sequuntur. Illi enim sese à corpore abstraxerunt, fidemque Christo dederunt sibi nihil amplius cum libidine & impuritate futurum: neque aliud sibi proponunt, quam vt caritate & iustitia Dei formam & speciem referant, neq. vt inanem gloriam captent, sed vt ipsi Deo grati sint, in studium pietatis incumbunt. Ex eo igitur Socratis sermone didicimus vnū esse certissimum sceleris admissi piaculum, & certissimam puritatis rationem quæ in vitiorum fuga, & Dei similitudine consistit. Animi vero puritatem lumen diuinum natura consequitur. Vt enim speculum purum & exterius solis radijs oppositum solis splendorem & speciem recipit, vt lucens ex se late diffundat: ita mens omne flagitio vacans, & in lucem diuinam intuens, ita collucet, vt intuentium oculos luminis sui splendore perstringat. At in hac luce qua puræ mentes illustrantur, Plato sapientiam summam ponit in sexto de repub. libro. Ibi enim Socrates primum beatam vitam in boni cognitione constituit. Ibi igitur cum à sodalibus vrgeretur, vt quid esset bonum explicaret, ipseque tergiuersaretur, seque ignorationis excusatione defenderet, nemoque illius satisfactionem acciperet, eo tandem deductus est, vt diceret se non ipsius boni naturam, sed boni ipsius partem, sub aliqua similitudine explicaturum. Tunc sic Adimantum alloquitur. Num venit tibi in mentem considerare quanto clarius Architectus sensuum illam vim qua quis videt, aut videtur, quam omnes sensus alios Architectatus sit? Non admodum

## DE SAPIENTIA

diligenter inquit. At nunc attentius animaduerte. Num auditui, & voci quæ auditur, aliquo alio genere opus est, ut auditus audiat, & vox auribus accipiatnr, sine quo sensus audiendi non audiat, nec vox auribus vsurpetur? Nullo, inquit. Sic opinor, inquam: neque alijs quidem multis sensibus, ne omnes persequar, id necessarium est. Num potes aliũ aliquẽ referre, qui genere alio ad sentiendum indigeat? Non prorsus, inquit. Videndi vero facultas, & rei quæ sub visum cadit ratio, nonne vides, quòd aliam vim planè requirit? Nam videndi vi oculis insidente, & eo qui videndi vim habet cõnatum ad videndum acerrimè comparante, & colore oculis applicato, si tertium aliud genus ad hoc ipsum natum haud interuenerit, neque aspectus aspiciet, nec ipsi colores aspici vllò modo poterunt. Quod nam, inquit, genus illud est? Quod tu, inquã, lucem nominas. Sanè vero, inquit. Non est igitur, inquam, neque in oculorum sensu, neque in rerum quæ sub oculorum aspectum cadunt facultate species contemnenda. Eius namq. rei societate continetur, quæ multum dignitate sensuum aliorum adminiculis antecellit. Siquidem lucis ipsius vis est honore nõ prorsus indigna. Multum, inquit, abest, ut honore parũ digna sit existimanda. Quem, inquam, in cælo Deum esse statuis, huic tanto muneri præfektũ, qui luce sua causam afferat aspectui quidẽ clarè videndi, & rebus quæ aspectui subiectæ sunt, facultatem afferat, ut videantur? Eundem sanè, inquit, quem tu, & reliqui omnes, solem nempe dico esse, de quo interrogas. Num aspectus ad ipsum Deum rationem habet? Quomodo? inquit. Aspectus quidem ipse non est sol. Ne oculus quidem ipse

ipse in quo aspectus inhaeret: sed omnium quibus aliquid sentimus instrumentum, ad solis lucem accipiendam aptissimum. Sane quidē, inquit. Vis igitur illa quā oculi aspectus habet, à sole promitur: & quodāmodo ab eo in illum influit. Verum, inquit. Neq. sol rursus aspectus est, sed causa aspectus, & ut ab ipso oculorum aspectu videatur. Sic se res habet, inquit. Hunc igitur, inquā, cense me boni partum appellasse, idq. bonum esse ab ipso bono generatum, ut rationē illius atq. similitudinē retineret. Quod enim bonum ipsum in regione quae mente percipitur, efficit in mente, & in rebus quae mente intelliguntur: idem sol in loco qui sub aspectum cadit, in oculorum aspectu & rebus quae oculis videri possunt, efficit. Quo pacto tandē? Inquit. Narra mihi. Oculos, inquā, nosti cū vim suā intendunt in eas res quae nō diurno splendore collucēt, sed sub obscura noctis luce continētur, hebescere, & propemodū in cecitatē conuerti, quasi minimē insit in illis clarē cernendī facultas? Noui sanē, inquit. Cum verò, inquā, sol exoritur, clarē cernunt, & in eisdē ipsis oculis vidēdi vis cōfestim inesse videtur. Sane vero, inquit. Hāc porro, inquā, similitudinē trāffer ad animū. Cum enim animus intēdit mentis acie eò in quo veritatis, & ipsius mētis lumē omnia collustrat, intelligit, & cognoscit ipsum: & mēte praeitus esse videtur. Cū rursus oculos auertit, ut res caligine circūfusas quae oriūtur, & intereat aspiciat, opinatur, & hebescit, & opiniones sursum atq. deorsum variē versat, neq. multū ab amēte distat. Ex hac quē Socrates similitudine diuinitus adducta sapiētiae rationē psequitur, & alia deinde sub eadē similitudine mirabiliter edisserit,

## DE SAPIENTIA

*ut homines ad Dei notitiam erudiat. Sed ut reliqua omnia fileamus, ex hac illius oratione percipimus nullam esse aliam vim & rationem ad sapientiam comparandam, præter eam quæ diuini numinis splendore continetur. Ut enim oculi quamuis sint vigentes & acuti, lumine solis amoto, aut nihil aut parum admodum vident: ita mens diuinæ lucis abscessu tenebris impeditur, ne verum aspiciat: & vagis & errantibus opinionibus, huc & illuc temere circumfertur: & quo magis confidenter in susceptum iter ingreditur, eo longius aberrat, & furentius ruit: & ille conatus inanis exitu tristiore concluditur. Si Plato igitur totam sapientiæ rationem in diuinæ mentis illustratione positam esse decernit, sine qua omnia studia sapientiæ inania censet, quid Græci de eorum Christianorum sapientia statuent, quorum mentes clarissimis diuinæ lucis radijs illustrantur? Ut enim vitæ puritate & integritate inter omnes mortales excellunt: ita consequens est, ut solis ipsius radios sui luminis claritate longe multumque superent: illorumque sapientia omnes qui sapientiæ student, noua & insolita magnitudine tam clari splendoris exterreat. Ipsius namque Platonis testimonio constat illos tantum esse sapientes, qui Deum quæ entis nomine significat, pura & casta mente assidue cõtemplantur: illiusque in se lumen recipiunt: & ita diuinitus illustrati, illius formam & speciem referunt, quemadmodum noster Paulus ait. Nos autem aperta facie quasi quodam speculo gloriam domini quam accepimus, in luce collocantes in eadem formam conuertimur, & in studio progressi indies magis illustramur, nempe quos diuinus spiritus insti-*



instituit, & erudit. Idem Paulus alibi, Eratis, inquit aliquādo tenebræ, nunc autem lux in domino. Dauid autem. Dominus illuminatio mea, & salus mea, quem timebo? Similiter Isaias. Surge, & illuminare Ierusalem, quia venit lumen tuū. Quod autem lumen istud sit, explicat dicens. Et gloria domini super te orta est. Quia tenebræ operient terras, & caliginē populos. Super te autem orietur dominus. Et non erit tibi amplius sol ad lucendum per diem, & splendor lunæ non illuminabit te: sed erit tibi dominus in lucem sempiternam: & Deus tuus in gloriam tuam. Porro autem sol iste qui illuminat omnem hominem venientem in hunc mundum Dei filius est. Qui in illum respiciunt non allucinantur: & non opinantur: sed quæ ad salutem necessaria sunt, clarissime vident: & ita vitæ cursum cum felicitate summa conficiunt. Hinc igitur illa fidei ardentis constantia, hinc illud animi robur inuictum, hinc clarissimæ mentis altitudo, hinc illa summa lætitia nascitur, qua iusti omnes mirabiliter effervunt. Lux, inquit vir diuinus, orta est iusto, & rectis corde lætitia. Alibi vero, inquit, iustos torrente voluptatis inebriari. Petrus vero Credentes, inquit, exultatis lætitia quæ non potest explicari. Et ipse dominus gaudium hoc sempiternum fore prænunciat. Et ut alias omnes causas summæ lætitie prætermittam, ea quæ sapientiæ verissimæ fructu cōtinetur, tanta est, ut nullum locum acerbitati relinquat. Ut enim veritatis desperatio animos affligat, ita veritatis summæ cognitio mentes ingenti gaudio cumulat. Neque enim fieri potest, ut qui diuina luce potiuntur, qui Dei consuetudine perfruantur,

qui

## DE SAPIENTIA

qui disciplina illius erudiuntur, qui donis & muneribus illius afficiuntur, non in summa atque perpetua voluptate versentur. Hanc autem mentis lucem mentes oppleta tenebris intueri non possunt. At qui è tenebris emersi eam conspiciunt, tanto gaudio efferuntur, ut vix interdum præ letitia mentis compotes esse queant. Exponam hoc in loco sermonem à me cum iuvene Hebræo habitum, qui ex Africa venerat, ut Christianus fieret, huic materiæ non parum accommodatum. Est autè ille ita in Deum propter huius lucis beneficium gratus, ut vix quidquā ardentius esse possit. Is vero cū mihi rationem qua ille, & quidam illius cognati ad Christum conuersi fuissent, exponeret, tum ego. Libenter equidem à Indæis quaesierim, num arbitrentur Deum iustos præter illa præmia quæ sunt illis à sempiterno tempore cōstituta multis etiam in hac vita muneribus & ornamentis afficere. Fatebuntur. Interrogarem deinde, esset ne ullum maius & euidentius amoris indicium eo, quod consiliorum communione continetur. Negabunt. At constat ex literis sanctis Deum sic iustos diligere, ut cum illis sapientiæ suæ arcana communicet. Sic enim scriptum est. Num celare potero Abraham quæ gesturus sum? In quo Deus ostendit se quodammodo amicitiae sanctitatem violaturum, si aliquid à viro sanctissimo secretum habuerit. At alius vir diuinus negat Deum aliquid moliri, in quo seruos suos Prophetas non consilij sui participes efficiat. Dauid vero dicit, consilia Dei occulta atque recondita, sibi numine illius explanata fuisse. Et ne posset dici hoc beneficium non iustis omnibus, sed certis

sed certis tantum esse aliqua ratione concessum, idem Dauid alibi dicit, secretum Domini cum omnibus metuentibus eum communicari. Ex quibus locis aperte colligitur tantam esse iustorum dignitatem, ut quasi in Dei consilium adhibiti multa percipiant quæ sunt ab humana cognitione remotissima. Hoc, inquit, perspicuum est. Rursus, inquam, interrogarem, non eos qui usuris, & fraudibus, & mendacijs victum quæritant, qui rem varijs calumnijs augendam suscipiunt, qui neminem eximium habent, quem non circumuenant: sed eos qui in precibus assidui sunt: qui templa frequentant: qui in legis cæemonijs diligentissimi sunt, & vetustissimis institutis obsequuntur: ecquam lucem diuinam aspexerint? ecquod consilium à Deo intima mente perceperint? ecquid cælesti lumine perfusi viderint, quod mens humana ingenio suo complecti non possit? Tum ille, Arridens de me, inquit, solum quærito, qui tibi verum eade re facillimè testificari possum. Nemo enim inter Iudæos extitit, qui esset in procuranda religione diligentior, & moribus & vita continentior, & in legis ipsius studio vigilantior. Iam vero cum existimarem me in ea re Deo satisfacere, tam acerbo & inmani odio Christianos persequebar, ut existimarem, quoties in eos intuebar, oculos meos insigni sceleris contagione maculari. Nihil denique vnquam pratermissi, quod ad cultum religionis in qua enutritus fueram pertineret. Itaque meis omnibus eram insigne ut illorum opinio ferebat, iustitiæ, probitatis, & religionis exemplum. Sed quid hoc tam immodico legis studio, & tam acri & diuturna

## DE SAPIENTIA.

diuturna contentione consecutus sum? Nihil prorsus. Idem semper eram: idem sentiebam: nulla vnquam mihi lux ob oculos affulsit: nullum fuit vnquam mihi solatium in rebus aduersis allatum: nullum in angoribus allenamentum. Animus vero semper exilis, semper aridus, atque ieiunus in eadem molestia atque fastidio permanebat. Nihil postremo cognitione comprehendere vnquam potui, quod non cuius in mentem venire potuisset: contra vero multa sum valde furenter opinatus, quæ in nullius hominis sani rationem cadere potuissent. At postquã diuini spūs appulsu me ad Christi nomē adiūxi, Christe sanctissime quis mihi splendor illuxit? Quæ vidi? Quæ percepi? Quæ mente & ratione complexus sum? Qua letitia & voluptate perfusus? Ita mihi Deum meæ salutis auctorem propitium velim, vt interdum dubitem an fidē rebus diuinis habeam. Nam si fides (vt multi definiunt) est credere quod neque sensibus, neque ratione percipitur, equidem omnia quæ Christianorum disciplina credenda proponit me cernere puto. Itaque in Eucharistiæ Sacramento me Christum dominum meum, cuius sanguine sum à sempiterna peste redemptus, cernere, & audire puto. Tum illud etiam adiecit. Quid est magis contra naturæ sensum, quam mortē contemnere? At sic sum commutatus, vt nihil cupiam ardentius, quã vitam pro nomine & gloria Christi profundere. Illum igitur quem oderam, amo: cuius nomen ex hominum memoria euellere cupiebã, ita diligo, vt mihi vita minimè cara sit, nisi eam in illius cultu & veneratione consumpsero. Et hæc quidem iuuenis ille, ex quibus intelligi potest, qua luce perfundi, & gaudio

dis cumulari soleant illi qui vere Christo nomina dant. Id au-  
 tem clarius in illis anima lueritur, qui ex perfidia tenebris  
 in fidei lucem vindicantur, quia quod nouum & insolitum est  
 maiorem admirationem efficit, quam id quod est diuturna  
 consuetudine comprobatum. Id quidem nostri experiundo sen-  
 tiunt. Nam cum multi religiosi viri, illi vero præcipue qui  
 nomen à Iesu societate ducunt, qui in vltimis Orientis solis re-  
 gionibus Christi nomen prædicandum susceperunt, ad Chri-  
 stum multos mortales adiungant, hominum alacritatem, pie-  
 tatem, voluptatem, & lacrymas admirantur: eamque vitæ  
 conuersionem sempiterna memoria & celebritate dignā me-  
 rito iudicant: ob eamque Deo vota sanctissima memori atque  
 grata mente persoluunt. De hac tã admirabili luce quid pro-  
 phetæ cecinerunt? Quid viri diuini prædixerunt? Quid men-  
 tes puræ & castæ sentiunt? Quid sensibus intimis experiun-  
 tur? Sed cum multa, lux hæc quæ fuerant antea multis in-  
 uolucris obiecta, nobis inspicienda proponat, tum nihil est cla-  
 rius, elegantius, & magnificentius ipsa pulchritudine, qua mi-  
 rabiles amores excitat, & animos facibus ardentissimis inflā-  
 mat. De quo quidem amore Socrates apud Platonem in cō-  
 uiuiō, cum multa sibi à Diotima muliere sapientissima (vt as-  
 ferebat) dicta meminisset, tum sic ab ea sententiā absolutam  
 fuisse confirmauit. Sic enim eam loquentē fuisse dicit. Aduer-  
 te diligenter, & nunc vel maxime quid dicam, memoriæ tra-  
 de. Qui enim sic fuerit ad amores institutus, vt via & ratio-  
 ne quæ vere pulchra sunt exactè consideret, ad finem tandem  
 discipline amatorie perueniet: vt pulchritudinem ipsam ad-

## DE SAPIENTIA

mirabili specie claram repente conficiat. Hoc est autem illud pulchrum cuius gratia labores omnes in vita suscipiuntur. Primum quidem æternum est. Neq. enim ortum unquã fuit: neque occidit, nec augeri, nec imminui unquam poterit. Deinde non est aliqua illius pars pulchritudine insignis, alia vero deformis. Tũ nec tẽpore immutari solet, vt aliquãdo pulchrũ sit, aliquando minimẽ. Ne illud quidem ei potest accidere, vt ad aliquid collatum pulchrum sit, ad aliud vero deforme. Ne locis quidẽ mutationem subierit, vt alibi pulchrum, alibi turpe videatur, ita vt alijs amore, alijs odio dignum existimetur. Deinde nõ est fas opinari illud pulchritudinis esse particeps, vt cum faciem, aut manum, aut partẽ corporis vllã, aut orationem, aut scientiam pulchram dicimus. Neq. eam habet naturã, vt in re aliqua instar qualitatis inhaereat, velut in animante, vel in terra, vel in cælo, vel in re qualibet alia, sed ipsum per se insita natura & ratione cõsistit, simplex, sibi quẽ simile, atq. sempiternũ. Et reliqua omnia quæ pulchra sunt, hoc pulchrum quodãmodo participant. Et cum ea vel gignãtur, vel intereant, huic pulchro nihil potest accedere, nihil rursus decedere, cũ nihil sit illo valentius, à quo patiatur. Et hæc quidem & alia multa in hanc sententiam Plato Socratem, vel Diotimã disputare facit, quibus docet hominis summum bonum, verissimæque sapientiæ fructum in ipsius summæ, simplicis, atq. sempiternæ pulchritudinis cognitione cõstitutum esse: ita vt qui illam inspexerit, amauerit, cõsectari perpetuo voluerit, & omnia quæ videntur pulchra & amabilia gratia illius cõtēpserit, sapiens atq. beatus sit: neq. sit illi quidquã



præterea requirendum. Quid igitur amplius dicendum? Plato quem omnis Græcia merito semper admirata fuit summū sapientiæ fructum, totamq. beatæ vitæ rationem in amore diuino quo mentes hominum flagrare possunt, si in diuina pulchritudine defixæ fuerint, collocauit. Quæro igitur à sapientibus Græcis, quis amor erga Deum extitit vnquam in terris ardentior eo, qui Christianas mentes exurit? quod caritatis incendium acrius & vehementius? Quod studium summa atq. præclara facinora pro Dei nomine moliendi magis inflammatum? Quemadmodum enim Pauli testimonio quod iam in mediū attulimus, clarè videtur, homines Christianæ pietatis gloria præstantes, neq. minæ, neq. terrores, neque dolores, neq. supplicia, neq. mortis inmanitas, nec hostis sempiterni truculentia, nec omnia deniq. horribilia & pertimiscenda, labefactare, infringere, & à Christi cōiunctione diuellere potuerūt. Gladios spernebant: in ignes irruebant: cruciatibus appetebāt: in tormentis vitam abijcere cupiebant. Quod mirum videri nou debet. Si enim amor leuissima specie pulchritudinis excitatus tantas interdū vires habet, vt corpus animo spoliatur: perficit enim, vt animus amore incensus in re quam habet caram totus insideat: quid de illis animis est existimandum, qui è corpore frequenter euolabant, vt illam summam speciem & claritatem pulchritudinis intuerentur? Et si veri amoris (vt Philosophi perhibent) studium in honestate consumitur, non enim adduci poterit is, qui amat, vt in conspectu illius formæ quam diligit, vllum in se dedecus admittat, quid illi facient, qui oculos à sempiterna pulchritudine

## DE SAPIENTIA.

quam mirabiliter amabant, nunquam in vlla malorum omnium tempestate deiciebant? Fieri certè non poterat, vt qui perpetuo in honestatis sempiternæ splendorem respiciebant, & ad sempiternum decus aspirabant, aliquid committerent, quo diuina n. mentem offenderent. Illud igitur ardens, & incitatum decoris & dignitatis studium satis indicabat, quantus in illis ardor amoris existeret. Quod si labores immensi facillimè tolerati clarissima etiam amoris argumenta continent: illos certè qui otium pati non poterant, qui labores otio, tempestates tranquillitati, pericula securitati præferebant, dum modo Christi gloriæ seruirent, amore summo incensos fuisse constabit. Quid hic lacrymas, quid gemitus, quid suspiria, quid ardētissimum cæli desiderium commemorem? Quid colloquia illa iucundissima quibus illi qui Christi studio incensi sunt, perfrui solēt oratione persequar? Quid illud, quod siue otiosi sint, siue labore assidue confluentur, siue domi se contineant, siue foris negotia gerant, siue pax sit publicè constituta, siue bellum impendeat, perpetuo de Deo cogitant, vsque adeo, vt ne somnus quidem, quo omnes curæ & cogitationes sopita conquiescunt, eos à rerum diuinarum consideratione abstrahere possit? Visa namque eis in somnis obijciuntur, minime ab illis curis quas vigilantes animo versabāt aliena: ita vt possint dicere, quod est apud Solomouem, Dormio quidem ego, animus meus vigilat. Itaq. cum vitæ principium & fontem, cum sempiternæ lucis originem, cum immensam probitatem, sempiternæque iustitiæ rationem, cum ordinem, modum, & conuenientiam, ipsumq. decus, bonorumq. omnium

com.

complexionem in Deo considerant, quo studio flagrant? quanta ipsius summi boni cupiditate rapiuntur? quo impetu animi concitantur? Quid dicam, cum mente recogitant omnia, quæ de Deo sentiunt, esse minuta & angusta, si cum Dei ipsius infinita claritate & perfectione conferantur? Eam enim ne Angeli quidem mente & cogitatione complecti possunt. Quamuis enim mentes beatissima diuino splendore colliceant, Deumque clarè videant, & quodammodo in naturam diuinā conuersæ sint, non tamen totam Dei ipsius perfectionem comprehendere possunt. Dei namque lumen immensum & infinitum est, earum vero intelligentia certis finibus circumscribitur, ita ut nō sit id quod vident, & intelligūt, cum eo quod non intelligunt vlla ratione comparandum. Ergo cum diuini viri in Deo non modo rerum omnium causas & species, & mundi ipsius sempiterni, cuius hic quem cernimus, imaginem gerit rationem considerant, & præter lucem, vitam, claritatem, & bonitatem etiam in diuinitatis infinitatem mentem injiciunt, magnitudine splendoris ipsius quem sustinere nequeunt, obruuntur: & attoniti sensibus oppressis obstupescunt: & mente tandem atque ratione composita silent: ita tamen, ut tunc vehementius id quod non intelligunt, admirētur: quod non aspiciunt, ament: quod intelligentia comprehendere nequeunt, caritatis amplitudine complectantur. Tunc autem cum nihil intelligunt, summū genus sapientiæ consequuntur. Intelligunt enim perfectissime decus illud infinitum, quantum sit, intelligi perfectè nō posse. Qui cum ijs exorbant atq. pernoctant curis, fieri non potest, ut non amore, desiderio, &

cupiditate flagrantissima concitentur. At hac est eorum assi-  
 dua cogitatio, qui se Christo penitus dederunt. Eam namq.  
 Paulus ait non in terris, sed in caelo versari. Ita fit, vt Dei  
 familiaritate & consuetudine fruantur: & ebrietate sempi-  
 terna, de qua etiam (vt Plato ait) antiquissimi Poëtæ præ-  
 clara dixerunt, exhilarati iucundissimè viuant. Si igitur (vt  
 Plato testificatur) in amore diuinæ pulchritudinis, summæ  
 atque verissimæ sapientiæ ratio continetur, & soli Christi-  
 ani cum in caelo mente & ratione versentur, possunt diuinæ  
 mentis speciem quodammodo etiam in hac vita manentes in-  
 tueri, & illius amore vehementius inflammari, certè liquet  
 eos solos sapientiæ compotes esse. Repete quæso memoria illā  
 quam elegantissimè finxit speluncam, illa vincula quibus ho-  
 mines ita constrictos esse facit, vt oculos in lucem reflede-  
 re nequeant, illas umbras inanes, quæ discurrere & loqui vi-  
 dentur, illa denique rerum simulacra, quibus homines illi  
 ferro vinculi soliditatem imperite tribuunt. Non potuit  
 magis ante oculos communem insipientium hominum vi-  
 tam ponere. Nam in terram depressi, & corporibus astri-  
 cti, & vitiorum innumerabilium vinculis alligati, non queunt  
 eò mentem conuvertere, vt lucem aspiciant, & veras re-  
 rum formas intueantur. Neque enim veritas est in rebus  
 corporeis, sed in diuinis, atque sempiternis constituta. Itaque  
 huius vitæ commoda nihil solidi & expressi continent, sed  
 inanem bonorum imaginem gerunt. Homines vero his rerum  
 umbris assuefacti, imaginibusq; delusi, bona inania consectan-  
 tur, & falsa voluptatis dulcedine liquefacti, ita detinentur,

ut infesti sint omnibus qui eos è vinculis illis eximere, & in superas oras educere contendunt, ut verum solem, atq. veram lucē, & veros homines atq. vera bona conspiciant: hoc est, cælestia atq. diuina contēplentur, & mentis aciem in sempiternis bonis defixā habeant. Quæro igitur à Græcis, an vllam hominum nationem viderint vnquam, quæ fortius vincula ista ruperit, quam Christianam? Quæ acriore studio in lucem diuinam respexerit? Quæ res humanas animo maiore contempserit? Quæ ardentiore impetu in calum mente penetrauerit? Quæ attentius ipsi Dei beatissimum numen, aut cum maiore fructu contemplata sit? Non ne constat hoc solis Christianis esse concessum, quoties fidem languentem excitāt, & opem numinis suppliciter implorant, ut laxati vinculis, à bonorum umbris auersi, & ad vera bona conuersi mente in cælum euolent, opesque summas atq. sempiternas inspiciant, & diuino colloquio cum admirabili iucunditate perfruantur? Vnde certè colligitur omnem verissimæ sapientiæ disciplinam in Christi cruce, quæ Iudæis offensionem attulit, Græcis materiam contemptionis dedit, esse collocandam. Illa namque flagitiorum vires extinxit: temeritatem & insolentiam compressit: cupiditates & libidines nefarias elisit: humanasq. mentes è tyrannide mortifera liberauit: ut libere atque solute possent cælestia contueri, & ardentissimo studio, & amore diuinitatis inflammari. Præclaram optionem detulit Helias numinis falsi sacerdotibus. Sic enim Israëlitas alloquitur. Dentur nobis duo boues: & illi eligant sibi bouem vnum, & in frustra cædentes ponant super ligna:

& ignem non supponent: & ego faciam bonum alterum, &  
 imponam super ligna, & ignem non supponam: & inuocate  
 nomina deorum vestrorum, & ego inuocabo nomen domini  
 mei: & Deus qui audierit per ignem, ipse sit Deus. Hæc qui-  
 dem possumus illis qui à Christi sacris abhorrent, simili ra-  
 tione proponere. Preces assiduas fundant Iudei: crebrisque  
 motibus in genua capita demittant: Mahometani eadem ver-  
 ba totum diem repetentes corpora sædissima agitatione concu-  
 tiant: qui numina falsa colunt, carnes suas cultris incidant:  
 nunquam tamen eorum animos ardor diuini amoris aduret.  
 Soli Christiani sunt, qui per ignem audiuntur. Dum enim  
 pura mente Deum orant, & in precibus assidui sunt, amore  
 diuini numinis incenduntur. Qui quidem amor tam acer est,  
 tantasque vires habet, vt homines sæpe numero mente quodā  
 modo atq. ratione spoliēt? Quomodo, inquires? Si igitur men-  
 tis expertes fuerint, sani esse non poterunt. Si fuerint insa-  
 ni, quo tandem modo sapientes erunt? Imo tum demum erunt  
 sapientissimi, cum hoc insanix genere vehementer oppressi  
 fuerint. Non enim furor omnis est detestabilis & execra-  
 dus, imo genus est quoddam furoris votis omnibus expeten-  
 dum. Platonem audiamus, qui in phædro furorem ita distin-  
 xit, vt vnum morbis humanis, alterum motibus diuinis ascri-  
 beret. Eum vero furorem quæ diuinum hoc est, diuino pul-  
 su concitatum appellat, trifariam diuisit. Vnum enim vati-  
 bus, alium sacerdotibus, tertium amantibus attribuit. Neque  
 enim censet fieri posse, vt quisquā aliquod horum trium mu-  
 nerum cōmodè & feliciter exequatur, nisi mens à corpore lō-  
 gius



gius abstracta, spiritu diuino concitetur, ita vt communis sensus in illa minimè vigeat. At omnis motus què non ratio, aut sensus communis impellit, furor appellari solet. Hunc tamen furorem, quem spiritus diuinus efficit, Plato lōge sensibus humanis antepōnit. Et merito quidem. Summus enim sapientia gradus est humano iudicio spoliari, diuinoque sensu compleri. Nam cum humanæ prudentiæ iudicium angustis sanè terminis definitum sit, sibiq. multū insolenter assumat, quæ enim iudicat, sine rerum maiorum comparatione iudicat: & ita omnia quæ videt, & audit imbecillitate sua metiatur: nō potest vllō modo cælestia atque diuina contueri. Nihil enim videt, nisi id tantum quod est corporeum, dissolubile, & interitūrum. Quo circa necesse est illi qui sapientia potiri studet, vt quoad fieri poterit, animum ipsum à sensibus, à corpore, atque adeo à seipso disiungat. Seipsum namque deserit animus, cum iudicium suum contemnit: seque à studijs quibus capiebatur abducit: vt ipsam veritatem intueri possit. Veritas enim illa solum existimanda est, ad quam mentes diuinus spiritus erudit. Hanc igitur vehementem animi commotionem, qua mens terram, & opes terrestres, & corpus, atque (quod est longe mirabilius) seipsam relinquit, & abijcit, vt in cælum euebatur, ab ipsoque Deo veram percipiat, appellent sanè quo velint nomine, dum modo intelligatur in ea demum sapientiæ summam consistere. Itaque si lubet hunc motum, eo quod sit quædam vehemens & acris contra communem sensum & rationem animi concitatio, furorem nominare, minimè repugnabo, dummodo

constet, neminē vnquā fore perfectē sapientē, nisi eum quem  
hæc tam salutaris insania, atque sapientissimus & beatissi-  
mus furor oppresserit. Qui etiam à nobis sæpe mors appel-  
lari solet. Vt enim nos Christi disciplinam ad summum per-  
ductam furorem nominare non pudet: propterea quod hoc  
nomine disiunctio illa quæ mens rationem humanam deserit,  
intelligitur: ita mortis nomen non horrescimus, ob eam cau-  
sam, quod eo nomine, dissidium illud quo animus à corpo-  
re seuocatur, explicatum volumus. At hoc furore sapientia, &  
hac morte vita verissimè continetur. Quid enim sapientius,  
quam sensus humanos, quam argumenta rationis, quam con-  
iecturas & opiniones incertas, à quibus tam sæpe delusi su-  
mus abijcere, ut mente atque sensu diuino, in quo nullus  
error versari potest commoti, & incitati, verum atque sem-  
piternum bonum intueri queamus? Quid salutaris, quam  
corpus infirmum, & caducum, necessarijsque mortis legibus  
astrictum deserere, ut ipsi vitæ sempiternæ amore arden-  
tissimè copulemur? Ex hoc autem rectissimè concludi ra-  
tione potest, animum neque perfectè sapere, neque vitæ  
frui, quandiu non fuerit abstractus à corpore, ut à Deo  
disciplinam hauriat, & spectem illius admiretur, illique  
amoris fœdere sempiterno coniungatur. Hoc hominum vul-  
gus cum non intelligat, & aliquando videat homines Chri-  
sto deditos humanos sensus aspernari, commoda vitæ con-  
temnere, voluptates noxias fugere, mentemque à consuetu-  
dine corporis, & à communi hominum iudicio seuocare,  
stultos & insanos esse iudicat, atque pro mortuis habendos,

eo quod nolint huius vitæ communis incunditate potiri. Verum interim illi summis opibus sapientiæ diuinæ circumfluent: & vita beatâ iucundissimè fruuntur. Si enim nemo beatus esse potest, nisi sapiens sit, si sapientiâ parari nequit, nisi nos Deus qui solus natura sapiens est, erudiendos susceperit, si Deo in disciplinam tradi non possumus, nisi nos a corporibus abstraxerimus, parum ne liquet, in hoc vel furorè, vel interitu, disciplinam verissimæ sapientiæ totam consistere? Sic enim Deus Mosi dicebat, se non posse ab eo videri, qui in hac vita maneret. Itaque sapientiâ summam tum demum assequi poterimus, cum ab hac vita discesserimus. Vnde colligitur id quod Socrates aiebat esse verissimum, eos in hac vita proximè ad sapientiâ accedere, quibus minimum est in ea cum corpore mortali commercium. Summa vero Christianæ disciplinæ in hoc studio consistit, (vt Paulus ait) vt corpori crucē, sicut saepe iam dictum est, defigamus, qua necem corporis cupiditatibus inferamus, & ita Christi mortem imitemur, vt quemadmodum ille seipsum ab inferis excitauit, vt vita diuinâ immensa cū gloria frueretur: ita & nos illius vestigiis ingressi humanis sensibus extinctis in vitam diuinam ingrediamur: vt quod reliquum vitæ fuerit, in sanctis operibus consumamus, omniaque vitæ studia Deo consecremus. Ipseque Paulus hoc vnum se moliri: & perpetuo meditari dicit, in idque omnes animi neruas intendere, vt cruce (sic enim studium coercendi corporis appellare solet) quam perpetuo gestabat, necem corporis cupiditatibus inferendo, Christi morte conformaretur, vt ita tandem posset  
vita

vite illius diuinæ similitudine conformari. Neque stulti-  
 tiæ quidem, aut furoris nomen vir diuinus extimescit. Nos  
 inquit, stulti propter Christum, & quod stultum est Dei sa-  
 pientius est hominibus. Id autem quod homines humanis ar-  
 tibus eruditi vt rude & impolitum despiciunt, est quod veris-  
 simæ sapientiæ disciplina continet, ad quam nullo modo pos-  
 sunt Græci & sapientes humanis viribus aspirare. Id autem  
 quam diuinitus sit ab illo dictum explicari vix potest. Siue  
 mente, inquit, excedimus Deo, siue sobrij sumus vobis, caritas  
 Dei vrget nos. O diuinam hominis diuinæ sententiæ, qua pau-  
 cis verbis omnem Christianæ sapientiæ perfectionem comple-  
 xus est? Si enim volunt homines magni ad Deum propius  
 accedere, vt illum clarius, vt in hac vita licet, aspiciant, opus  
 est, vt è corpore excedat: diuinoq: illo furore, de quo diximus,  
 acrius incitetur, vt diuinæ sapientiæ fructus amplissimos cō-  
 sequatur. Cum rursus homines alloquuntur, qui nōdum sunt  
 ad tantam disciplinam dociles, est mens recipienda, & sermo  
 ad prudentiam communem, quæ non est legi diuinæ contra-  
 ria, sapienter accommodandus. Aliter enim ea quæ dicta fue-  
 rint, homines imperfecti minimè percipient. Loquimur (in-  
 quit Paulus) sapientiam inter perfectos. Sunt igitur imper-  
 fecti quasi quibusdam elementis ad sapientiam paulatim ad-  
 ducendi. Hanc autem moderationem quæ mens excedit è  
 corpore, & ut apparet, furore corripitur, vt Deum alloqua-  
 tur, aliquando rursus se colligit, & sobrie sermonem in-  
 stituere videtur, vt possit intelligi, caritas Christiana gu-  
 bernat. Ea namque docet, quo tempore sit corpus ab animo  
 deferen-

deserendum: vt diuinum numen hominibus placari possit: quo  
rursus tempore sit ab illo excessu reuocandus animus, vt ho-  
mines erudiantur. Si igitur (vt ad Platonem reuertamur) sa-  
pientia consistit in animi puritate, in vitæ sanctitate, in vi-  
tiorum fuga, in iustitiæ cultu, in Dei similitudine, in diuinæ  
lucis splendore, in amore quo mentes in diuinam pulchritudi-  
nem frequenter intuentes incenduntur, & in furore denique  
quo corpus ipsum à mente deseritur, vt ipsa mens è corporis  
tenebris tanquam vinculis emissa in cælum feratur, & con-  
stat nullam aliam disciplinam præter Christianam hac om-  
nia in animis qui se Christo penitus dederunt effecisse, quid  
magis perspicuum esse potest, quam summā, perfectā, atq.  
plane diuinam sapientiam Christiana disciplina atque ratio-  
ne contineri? Soli enim quos Christi numen ad se allicit, &  
secum fœdere coniungit, puri, sancti, continentes, & iusti,  
Deique similes sunt: soli diuino splendore collucent: soli amo-  
re verā pulchritudinis inflammantur: soli extra se sæpenume-  
ro rapiuntur, vt Deum multo puriore mente, & maiore cum  
voluptate contemplantur. Excogitarunt quidem Philosophi  
animi pacem, & tranquillitatem, & statum bonis veris cir-  
cumfluentem, quem nulle malorum tempestates agitare, &  
de mente deijcere possent. In hoc autem statu summum sapien-  
tiæ fructum collocabant. Sed quis illum tandem consequi  
potuit? Quotus enim quisque fuit eorum, quem non vel exa-  
garet libido, vel vexaret inuidia, vel sollicitaret ambitio, vel  
odium, aut ira de statu detorqueret? Verbis enim magnificè  
de tranquillissima pace differere concessum est omnibus, qui

## DE SAPIENTIA.

magnam eloquentiæ laudē consecuti sunt. At ea felicitate & tranquillitate frui illis tantū licet qui omnes has pestes animi eruce confixerunt, & quorū animi humana omnia p̄ nihilo putant, nēpe qui ad cupiditatē diuinitatis exarserint. Eā igitur Christiani tantum habēt, qui nominis dignitatē studio mirabili vitæ consequuntur. Illi igitur soli sapiētes sunt, soli nāq. fructu sapientiæ potiuntur. Sed ad illū fructum veniamus, quo nihil præclarius, & felicius, & admirabilius, & magnificentius existimari potest. Quis ille tandē est, inquires? Vnum cū Deo fieri. Sapientiæ namq. studium est Deum semper intueri, & illius speciē & pulchritudinē vehementer admirari. Ex assidua vero Dei cōsideratiōe amor summus exoritur. Amore autē imitatio cōsequitur. Libēter enim nos ad eorū mores effingimus, quos miro amore diligimus. Ex ea vero imitatione mira quēdā similitudo diuinæ virtutis & claritatis efflorescit. Ex ea similitudine animorū cōiunctio nascitur, illudque sanctissimæ amicitie fœdus, quod tātas vires habet, vt non liceat amico habere quidquā ab amici vsu et vtilitate seiunctū. Vt enim vitæ dissimilitudo alienat animos: ita similitudo cōglutinat. Quod eo est in Deo vehemētius, quo fides illius est in omni rerū varietate cōstātior, & potētia maior, et studiū quo sibi homines adiungit admirabilius. Qui adhæret (inquit Paulus) domino, vnus spiritus est cum eo. At David non diuitias expetit: non honores ambit: non voluptates exquirat: non ea quæ homines præclara & expetendā iudicant, in aliquo numero ponit. Vnum tantum illius votum est, quo mirificè flagrat, quo bona omnia cōtinētur. Mibi, inquit, adherere Deo

bonum



bonum est. Quid aliud hoc est, quam diuinitatem appetere? Si enim qui Deo adhaeret, vnus spiritus cum Deo est, & qui vno spiritu continentur, idem sint quodammodo necesse est, certè qui Deo adhaeret, illiq. semper est inflàmato studio cōiunctus, Deus quodammodo nominari rectissimè potest. O immensam diuinæ benignitatis amplitudinem, ô virtutis infinita beneficentiam in omni æternitate cælitum prædicatione celebrandam, ô sapientiam admirandam, & obstupendâ, quâ nulla vnquam seculis infinitis obscurabit obliuio. Iam cælum astris distinctum & ornatum minimè miror. Iam terræ fertilitatem atque diuitias contemno. Iam maris immensitatē, & aëris vim vitalem & salutare minimi facio. Solis splendorem, lunæ constantissimam varietatē, siderum speciem & pulchritudinem, & totius naturæ concinnitatem, & reliqua opera ex quibus opificis summi potentiam, solertiam, & probitatem colligebamus, non adeo præclara puto. Vt enim stellæ in splendorem solis incurrentes claritatē luminis amittunt, ita multa diuina opera, quamuis sint clara & illustra cum ad alia multo illustriora conferuntur, propemodum euanescunt. Quid autem clarius & illustrius esse potest, quam hominem è terra concretum, natura fragilem, flagitijs inquinatum, pœnis sempiternis obnoxium, iacentem excitari, flagitijs liberari, ornamentis diuinis illustrari, in cælestem hereditatem vocari, atque (vt vno verbo dicam) Deum fieri? Hoc tantum & tam diuinum officium & munus non planè liquet obscuritatem omnibus naturæ muneribus Dei ipsius manu perfectis & absolutis attulisse? Hic iam  
cerni

## DE SAPIENTIA

cerni facile poterit diuinam sapientiam non sine causa tam præclarum opus hominum gratia fuisse molitã. Quod enim humanam speciem & formam induerit, quod se ad homines docendos dederit, quod sub humana natura labores immensos exceperit, quod se hostiam salutarẽ pro salute generis humani deuouerit, quod ludibria, dolores, cruciatus acerbissimos, constantia diuina pertulerit, hæc omnia in eum finem ab illo suscepta sunt, vt immensa probitatis munere multos diuinæ naturæ consortes efficeret. Hanc enim dignitatem attulit hominibus, qui illum sequerentur, vt filij Dei vocarentur, & essent, hæreditatemque cælestis patrimonij cernerent, nullis seculis interituram. Hanc autem nominis dignitatem tuemur, cum spiritus diuini monitis incitamur. Qui spiritu Dei (inquit Paulus) aguntur, hi filij Dei sunt. Si filij (inquit idem Paulus) & hæredes, hæredes quidem Dei, cohæredes autem Christi. Inmensa igitur & infinita probitas, quamuis in mandati molitione se magnificis operibus indicasset, non tamen id adeo cumulate præstitit, vt perfectè quod latebat insigne fieret. Aliam igitur alterius mundi machinam nõ priori similem, sed multo clariorem suscepit, vt multo magnificentiùs suæ benignitatis opes explicaret. Et ita factum est, vt multos filios ornamentis clarissimis affectos in vnici filij societatem conuocaret. Charissimi (inquit Ioãnes) nunc filij Dei sumus, sed nondum apparuit, quid erimus. Cum autem apparuerit similes ei erimus. Videbimus enim eum, sicuti est. Hæc est illa verissima sapientia, & presentis vtilitatis fructu iucundissima, & spe cuiusdã diuinitatis amplissima, cuius com-

potes

potes eum statum assequuntur, quem nec bellorum omnium furor turbare, nec fraudes & insidiæ parti decoris possessio-  
ne depellere, neque terror ullus ab hominibus obiectus infringere potest. Quin etiam cum cælum tonuerit, & flumina densa contorserit, terraque motibus horrendis cōquassata defederit, vniuersaque natura incendio conflagrauerit, illi qui se totos ad studium Christi contulerunt, & illius crucem inflam-  
matis animis amplexati sunt, erecti & excelsi consistent: & alta mēte laboris sui præmium cum summa iucunditate percipient: ita demum fiet, vt cum omnes qui calliditate subnixi concursabāt, & in amplificatione terrestrium bonorum beatam vitam statuebant, piorumque hominum fidem summam esse stultitiam arbitrabantur, fracti metu, strati ruinis, & exanimati conciderint, illi qui verissimæ sapiētie operam dederant, cum spe firmissima immortalitatis, & incredibili voluptate diuinam constantiam retinebunt. Sunt enim (vt Petrus ait) filij Dei non semine corruptibili, sed incorruptibili, nempe verbo Dei permanentis in æternum singulari consilio generati. Si enim cælum non potest vllō terræmotu de statu suo conuelli, multo certè minus poterit diuinum genus vlla terra, aut celi cōuersione, aut naturæ totius interitu de statu suo demigrare. Cælum namque, & terra, & omnia quæ celi ambitu cōercētur interibunt: at verbi diuini semen tunc multo clarius cum reliqua omnia funditus euersa corruerint, opibus sempiternis affluet, & summo gaudio triumphabit. A Deo enim non potest neque totius orbis conflagratione diuelli. Quid enim interueniet, quo vel diuinæ caritatis incendium

## DE SAPIENTIA

*fluctibus vllis extinguatur: aut diuinæ iustitiæ puritas vllis  
ardoribus absumatur? Ita namque Deus fluctibus insipien-  
tes obruit, vt sapientes è medijs fluctibus eripiat: ita impios  
flammis exurit, vt pios in ipsis flammis quasi infuso rore la-  
tificet. Non parum sapienter inquit ille qui dicit, Sapiens  
qui sibi prodesse nequit, ne quidquam sapit. Neque enim sa-  
piens appellari potest, qui nullum ex sapientia quam inaniter  
ostentat, fructû colligit, sed stultus, & amens, falsaq. opinio-  
ne sapientiæ furenter inflatus. Qui igitur in rebus valde me-  
tuendus, in certissimo appropinquantis mortis argumento, in  
orbis terrarum exitio, in communi rerum omnium vastitate,  
sibi ipsi opitulari nequit, & intelligit tandē cum acerbissimo  
animi cruciatu, se sine vlllo fructu vitā omnem in studio falsæ  
sapientiæ contrinisse, parum ne liquet fuisse demētissimum?  
Nam cum duplex genus stultitiæ sit, vnu, quod minimè sibi  
sapientiam arrogat, alterum, quod in summa temeritate nimis  
confidenter sapientiæ nomen vsurpat, quis non videt quanto  
sit detestabilior ea stultitia, quæ est cum superbia & leuita-  
te coniuncta, quam ea quæ non ita furenter extollitur? Vnde  
constat omnes qui Christi fidem ignorant, qui crucē odio per-  
sequuntur, qui sibi nimium præfidunt, qui terrā nimis in-  
tuentur, qui ad cælum minimè totis animi viribus emittuntur,  
quāuis sint omnibus artium quæ summus ingenijs excogitata  
sunt disciplinis instructissimi, esse furiosos, & insanos, sum-  
maeq. temeritatis & amētiæ panis agitari. Non enim pote-  
runt vllis artibus pestē sempiternā à seipsis auertere. Vera au-  
tem sapientia huius crucis quā veneramur amore & studio*

continetur. Caritatis enim Christiana tanta vis est, vt ea neq. viribus inuictis labefactari possit. Quid enim est in terris morte valētius? At caritas vim ipsius mortis obterit, & obtundit, illiusq. tela virtute repellit. Quid antiqui serpētis tyrannide & immanitate robustius? At caritas omnes infestissimi demonis opes excindit, & inferorum manium copias in fugā conuertit. Illius virtus & efficientia tā admirabilis est, vt interdū cum morte, & cum erebo, nō incōmōda ratione cōferatur. Fortis (inquit Solomō) est vt mors dilectio, & dura sicut infernus æmulatio. Quo tandē modo? Vt enim mors animum disiungit à corpore, ita purus amor mentē & voluntatē à societate corporis auellit, vt eā cum diuina mēte atque probitate conglutinet. Et perinde atq. sempiterni supplicij metus à flagitijs auocat, similiter atq. adeo multo vehemētius æmulatio qua offensionem nobis carissimi numinis extimescimus, ab omni turpitudine deterret. Fieri enim nequit, vt qui mentis aciem habet in sempiterna pulchritudine defixam, vlla se impuritatis labe inquinari patiatur. Imo cruciatus omnes libentissimē perferet, potius quam in Dei conspectu quidquam designet, quod sit cum aliquo dedecore & fœditate coniunctum. Nam si amor impurus & flagitiosus valde sollicitus est, ne quid parum decorē faciat, & cum in turpitudinem feratur, turpitudinis tamen opinionem reformidat, quid facient, qui summam & immensam pulchritudinem nullis sordibus inquinatam, sed diuinis atque sempiternis ornamentis splendentem, omnibusque rebus pulchris causam pulchritudinis afferentem puris animis intuentur?

## DE SAPIENTIA

*Qui diuinis flammis incensi sunt, non offensionem diuinam extimescent, omnesque animi neruos intendent, ne quidquam agant, aut moliantur, quod non ad sempiternum decus & honestatem referatur? Non sapienter intelligent, quā stultum sit, Dei ipsius gratiam in qua omnes opes, facultates, omnes summa voluptates, omniaque diuini decoris & dignitatis ornamenta consistunt, per summum flagitium & dedecus effundere? Erit igitur hic diuinus amor semper sollicitus, & in metu versabitur, & summa sedulitate providebit, ne quod est beneficio diuino partum, humano flagitio peruertatur. Ita tamen timebit, ne vnquam Dei auxilio diffidat, sed illo semper innixus audeat sibi omnia summa atque sempiterna bona polliceri. Sollicitudo igitur non erit in cruciatu numeranda, sed potius cautio salutaris appellanda. Metus similiter ille non animum tristibus curis afficiet, imo statum illius firmissimo presidio circumuallabit. Quo enim magis metuet, eo munitior erit, & confidentius ad calum aspirabit. Cum vero caritas oculos nunquam à caelo deiciat, cum semper in speciem illam præcellentissimam aciem mentis intendat, cum nihil aliud velit, aut cupiat, quam immensa illa pulchritudine frui, cum indies magis studio diuini decoris & sempiternæ dignitatis inflammetur, cum se totam diuino presidio fulta ad speciem diuinæ pulchritudinis effingat, cum sit Deo, quem ardentè amat, ætissimo vinculo deuincta, cum illius splendore & claritate quotidie magis, si vim suam non remiserit, illustretur, parum ne perspicuum est, omnem veriissimæ sapientiæ vim caritate hac summa & ardentissima contineri?*

*Hanc*



*Hanc autem tam excellentem caritatem, & tam admirabilem ardoris vim, tantum amoris incendium quis excitauit? Certè (vt multis iam demonstrauimus) Christi sanguis pro nobis in cruce profusus. Is enim mētes nostras expiauit: animos tyrannide liberauit: & vires confirmauit: & cupiditatem à terris abstractam ad cōspectum diuinæ probitatis excitauit: vt purè cerneremus illam summam pulchritudinem, quæ sola est iucunda, amabilis, & prædicanda, omnibusq. bonis quæ cogitatione complecti possumus, longe præferēda. Sed vt aliquē modum orationi statuamus, est animaduertendū quam amētes Iudæi, quam imperiti Græci fuerint, cum in Christi disciplina vel diuinæ virtutis signum, vel sapientiæ euidens argumentum requirerent, cum neq. virtutis diuinæ signa maiora dari, neq. sapientiæ diuinæ clariora argumenta proponi potuissent. Signa petūt Iudæi, cum ea signa sint diuinitus ostēsa, quæ nullum omnino locum perfidiæ, aut dubitationi relinquant. Quæ fuerant enim oraculis promissa, signis expressa, figuris adumbrata, ita quemadmodum prædicta fuerant euenire. Quin etiam tēpus ipsum præstitutum aduenit: & eo ipso tempore Dei filius exortus est in terris: numenque suum signis, atque portentis, & admirandis operibus indicauit: & multis salutem, libertatem, & dignitatem, & ornamenta peccatis amissa multis muneribus amplificata restituit. Vmbre legis euanuerunt: imagines exterminatæ sunt: solidi & expressi fructus extitere: clarissimus diuinæ virtutis splendor eluxit: peccati vires fractæ & debilitatæ iacent: Regnum mortis excisum est: monstra feritatis & immanita-*

## DE SAPIENTIA

*etis, eversa sunt: cælestis iustitiæ ratio constituta: & aditus in  
 cælum p̃ijs hominibus patefactus: vita, lux, salus, honestatis  
 sempiternæ decus, insolitæ benignitatis amplitudo, numinis  
 præsentiam declaravit. Sol, & astra, mare, tellus, omnia quæ  
 super subterq. sunt, quantum esset in Christo numen, quan-  
 ta vis atque potentia apertè testificata sunt. Seuerissimum  
 illud iudicium quo ciuitas amplissima & opulentissima cor-  
 ruit, templum flammis vlticibus exustum, antiquitatis il-  
 lius ruina sempiterna, quam infensum sit Dei numen omni-  
 bus qui Christi imperium detrectauerunt, nomenque illius  
 delere voluerunt, clarè demonstrat. Gentes vltimæ (vt à di-  
 uinis viris prædictum fuerat) lumine diuinæ mentis illustra-  
 tæ incredibile gaudium percipere: & animis vehementer in-  
 flammatis se se ad iustitiæ studium contulere: contra Iudæi,  
 quod etiam olim præmonstratum fuerat, qui se se in tan-  
 tum beneficium ingratos præstitere, rerum omnium inte-  
 ritu, exilio, vastitate, omnium mortalium odio damnati,  
 cæcitate, stupiditate, amentia vexati, furiarum stimulis exa-  
 gitati vagantur: & diras perfidiæ pœnas exoluunt. Orant,  
 & non audiuntur: opem Dei implorant, & à Deo deseruntur:  
 & quo magis se perculsos, & stratos ostendunt, eo acrius Dei  
 iudicio peruertuntur. Crux interim è qua Iudæi offensionem  
 cum insigni temeritate sumpserunt, quod præ se imbecillita-  
 tis speciem ferret, quanta sit in se vis, multis rebus admi-  
 randis ostendit. Ea namq. iacentes excitat, cæcis lumen, agris  
 sanitatem, mortuis vitam, vinculis libertatem reddit. Contra  
 vèro falsa specie religionis inflatos mentis lumine priuat, &*

in miseria sempiternae regionem exturbat. Est igitur iucunda bonis, multitudinii salutaris, sempiternis autem hostibus horribilis & pertimiscenda. Ea deniq. quae olim propter metum & horrorem, quem miseris hominibus incutiebat, erat extremae ignominiae, atq. dedecoris instrumentum, nunc in bello praesidium, in mœrore solatium, in pace firmamentum prae-  
bet, & praeterea decus, & honestatem, & gloriam immortalem constituit. Tantum igitur abest, ut in ea insit aliquod imbecillitatis argumentum, ut potius vim diuinam, robur inuictum, opes ingêtes, victoriae insignis instrumentum, clarissimi triumpho memoria sempiternam contineat. Si Iudaei igitur signa petunt, odium, inuidiam, contumaciam à se repellant: tenebras fugiant: & in hoc unum signum diuinae virtutis omnium maximum aciem mentis intendant, & signum non amplius vllum postulabunt. Signum quidem erit illis vitae, salutis, atq. dignitatis, si fidem Deo adhibere, & à prauitate ad pietatem conuertere voluerint: signum vero ruinae, pestis, & exitij, si in inueterata improbitate permanserint. Graci sapientiam speculantur, & in illius studio omnem vitam, sine vlllo fructu & emolumento consumunt: nos vero illis sapientiae clarissimas opes explicatas, & euolutas ostendimus. Christi namque disciplina Dei immensam probitatem, & sapientiam, infinitamque potentiam hominibus, non verbis inani ornatu & elegantia concinnatis, sed spiritus diuini demonstrationibus explicatis, explanat. Docet enim, quam fuerit immensa benignitatis consentaneum humano generi consulere: iustitiae, munus par & aequale offensa, quam primi parentes intulerant.

## DE SAPIENTIA.

exigere:probitati, hominibus quod pro tāto crimine possent offerre,piaculum dare:potentiæ atque sapientiæ,quemadmodum clementiæ simul,atque iustitiæ satisfieri posset,rationē inire:humanumque genus admirabili documento infinitæ bonitatis incendere:& studium pietatis acriter incitare. Hæc igitur doctrina aperuit hominibus,quantum esset in Deo humane salutis studium,quanta caritas & beneficentia,quam admirabile consilium,quam immensa vis,numen,atque potentia. Perfecit enim,vt videremus quemadmodum infinitum naturæ diuinæ numen sine vlla sui ipsius immutatione, aut maiestatis imminutione naturam humanam secum inexplicabili ratione copularet: & ita se mens illa sempiterna cum humana forma communicaret,vt ex vtraque natura integra,& in statu suo sine vlla confusione permanente,vna persona consisteret: ita vt qui pro nostris sceleribus mortem & acerbissimum cruciatum pati voluit, eodem ipso tempore quo torquebatur,cælum & terrā amplitudine suæ maiestatis impleret: vniuersamque naturam imperio sempiterno constringeret. Illud etiam docuit,quo pacto pater à sempiterno tempore filium sibi similem,qui erat tēpore à sempiterno consilio præfinito salutem terris allaturus genuit:eumque amore immenso atq. sempiterno sibi deuinxit: vt ita vnum & idem maximè natura simplex, virtute tamen omnipotens numen esset in tribus personis constitutū. Quanta postremo & quā salutaris vis insit in hac disciplina,multis modis ostenditur. Ea namque morbos animi pellit:cupiditatis fibras excindit:turbulentos morbos comprimit:rationem tyrannicè liberat:

& in amissam dignitatem restituit: pacem & tranquillita-  
 tem efficit: studiumque diuinæ virtutis incendit. Eadem lu-  
 men præfert animis, quo rerum inanes species & umbras qui-  
 bus erant assueti contendant: & vera, supera, cælestia, & sem-  
 piterna, atq. diuina suspiciant: & aciem mentis in pulchritu-  
 dinem immensam intendant: amoreq. illius acriter inflāmen-  
 tur, vsque adeo, vt extra se sæpenumero rapiantur, & in cælū  
 euolent, vt verissimæ sapientiæ disciplinam ab ipso Deo per-  
 cipiant. Ea sic homines ipsi summo domino coniungit, vt non  
 modo eos Dei ipsius amicos, filios, hæredes efficiat: verum &  
 ita secum deuinciat, vt ex Deo & homine vnum fiat, hoc est,  
 vna propemodum mens, vnus sensus, vna voluntas, vna senten-  
 tiarum consensio, vna rerum communio, & indissolubilis in  
 omni temporis æternitate conspiratio. Ea postremo (vt vno  
 verbo omnia concludamus) homines Deos facit. Sic enim Dei  
 filios diuinis muneribus & ornamentis illustratos, ipsique pa-  
 tri (quantum licet, & fas est) vitæ splendore & claritate si-  
 millimos appellare licet. Quid hac igitur vel imbecillitate  
 fortius, vel stultitia sapientius? Iudei passim labūtur, & cō-  
 cidunt. Græci in tenebris ruunt. At qui se se Christo dedi-  
 runt, inuictō præsidio muniti, luce diuina perfusi, neque vinci,  
 neque tenebris obrui, & impediri, quandiu in statu perman-  
 serint, vllō modo possunt. Itaque quamuis euangelium nullis  
 sit argutis implicatum, nulla differendi ratione vallatum,  
 nullis dicendi luminibus illustratum, per se tamen splendet:  
 admirabilemque lucem longe lateque diffundit: cum interim  
 illi qui sapientiæ nomine insolenter offeruntur, in tetra cali-

## DE SAPIENTIA.

gine bonorumque omnium ignoratione versentur: ita ut quā magis ad vitam beatā aspirant, eo furentius atque turbulētius se se in pestem sempiternam inijciant. Quem enim fructum isti sapientes affecuti sunt? Si enim sapientia est veritatis cognitio, unde tam multiplices errores in eorum disciplinis exorti sunt? Si Philosophia cupilitati, & reliquis animi pestibus se interitum allaturam esse confirmat, cur animi Philosophorum tam nefarijs cupiditatibus agitantur? Si animis quietem & otium pollicetur, cur nemo in ipsius Philosophiae gremio conquiescit? Si Græci sapientes sibi vitam beatam proponunt, cur vix ullus unquam qua in re vita beata consisteret, explicare potuit? Si deniq. sapientes liberi, si pulchri, si opulenti, si Reges, si bonis omnibus affluentes, si postremo felices atque beati sunt, cur libidini seruiunt? Cur insigni turpitudine deformantur? Cur indomita cupiditate rapiuntur? Cur sunt flagitijs infinitis obnoxij? Cur omnibus verissimæ virtutis ornamentis carent? Cur animi cruciatu & angore sapissime conflictantur? Comprehendā, inquit Deus, sapientes in astutia eorum. Illis enim ipsis conatibus quibus sapientes salutem assequi contendunt, in pestem & exitium sempiternum feruntur: eisdemq. illis plagis quas in aliorum perniciem callide texunt, diuino iudicio capiuntur. Sic tandem fit, ut homines qui sibi peracuti videntur, cum bonorum simplicitatem irrideant, sibi ipsis interitum moliantur: & boni simplicitate firmati salutis suæ recte prospiciant. Similiter cum isti sapientes ex operibus natura, Deum naturæ parentem agnoscere possent, à Deo desciverunt, &



in summam stultitiam & cacitatem conuersi sunt. Contra vero multi qui artium rudes erant, minimeq. mentem in naturæ peruestigatione defixerant, sapientiæ compotes extiterunt. Nam quia in sapientiâ Dei non cognouit mundus per sapientiâ Deum, placuit Deo per stultitiâ prædicationis, saluos facere credentes. Stultitiâ appellat Paulus disciplinam dicendi ornamentis nudatam, humanæ Philosophiæ præsidio destitutam, nulla acuminis ostentatione subnixam, nullus sophistarum fucis & medicamentis infectam, sed rectam, & simplicem, lumine diuini spiritus animis puris traditam, humanisq. mentibus Christi meritis incisam, quæ summa sapientiâ nominanda est, quamuis ea Græcis qui perituri sunt, stultitiâ summa videatur, ut Paulus ait. Verbum, inquit, crucis pereuntibus stultitiâ est. Quemadmodum igitur vera iustitiâ legis, & Prophetarum testimonio confirmata, quam qui legi atque Prophetis operam dabant, à se scelere infando repperunt, sine ullo legis antiquæ præsidio gentibus fuit per Christi fidem & religionem concessa: ita vera sapientiâ quæ in naturæ operibus eluxerat, quam ij qui naturam speculabantur aspernati sunt, illis qui nunquã in naturæ speculatione fuerat occupati, tradita fuit. Quid igitur Græcorum sapientiâ demētius? Quid rursus hac stultitiâ (ut Græci nominant) aut sapientius, aut magnificentius, aut salutaris excogitari potest? Diuinitus est igitur à nostro Paulo dictum. Nos, inquit, prædicamus Christum, & hunc crucifixum, Iudeis scâdalum (grauē nâq. offensionē illis intulit) Græcis stultitiâ, speciē nâq. stultitiæ insignis obtulit. At illi qui à Deo in lucē vocati sunt, sine illi.

Iudei

## DE SAPIENTIA

Iudei, siue Græci sint, Dei potentiam, atque sapientiam tradimus, & explicamus. Quis negare potest hanc sententiã explicatã à Paulo fuisse diuinã? Nec enim qui. quã fieri potest aut Christi imbecillitate potentius, aut humilitate magnificentius, aut morte salutaris, aut stultitia prouidentius, aut inopia bonis omnibus affluētius. Restat igitur, ut ij qui firmis viribus, inuictosq. præsidio confirmari, sapientiæq. muneribus instrui, & ornari percipiunt, ad studium se se crucis adiungant, Christi. ipsius cruci affixi numen implorent, ab illo. solo sapientiam postulent, & expectent, ut sic tandem in superas illas sedes ascendant, diuinæq. luce æuo sempiterno perfruantur. Te igitur summe domine, vita, lux, veritas, immensi atq. sempiterni splendoris imago, mens & sapientia patris, rerum omnium conditor, rector, atq. moderator, qui sine vlllo principio ab ipso fonte totius perennitatis exortus, eidemque immensa & infinita caritate deuinctus, secula condidisti, & cælum, ignē, terram, maria, sydera, & animãtia cuncta, & omnia deniq. quæ complexu cæli coërcentur, & quæ supra cælū statum naturæ suæ tuentur, fecisti, & infirmasti, qui hominem ad naturæ diuinæ similitudinem manibus tuis factum in animantium omnium principatu collocasti, eundemq. hominē collapsum, & ruinis mirabiliter oppressum minimè neglexisti, imo ut illum erigeres, & in terris opes immensas infinitæ potentie, iustitiæ, probitatis ostēderes, naturã humanã tecum inuolabili fœdere colligasti: & sub vera hominis forma & specie homines tetris tenebris, & miserãda caligine demersos in lucē vindicasti, caelestibusq. disciplinis instruxisti, eorūq.

animis

## DE SAPIENTIA.

animis stimulos admouisti, quibus eos in studium immortalitatis incitares, qui te hostiam sanctissimā, ut cunctas eorum labes elueres, illisq. patris numen infensum placares, obtulisti: & pro omnium salute mortē, pro dignitate contumelias, pro voluptate sempiterna dolores & cruciatus acerbissimos pertulisti: qui regionis infernæ claustra reuellisti: hostes immanes peruertisti: mentesque pias luce mirabili collustratas ingenti gaudio cumulasti: qui deuicta morte, & spoliatis hostibus, cū ingenti gloria reuixisti: & in cælum victor euectus, ad patris dexteram collocatus, imperij sempiterni munus suscepisti: spiritumq. sanctum ad eorum animos qui in te omnem spem salutis & dignitatis positā habebant, misisti, ut eos opibus diuinis afficeret, & cupiditate diuinitatis inflāmaret: te Christe sanctissime, qui cum verus Dei filius sis, hominis veri nomen non horruisti, oro, precor, & obtestor, per immensam illā probitatē quæ tuum numen impulit, ut tā admirabile atq. diuinum beneficium in homines ingratos atq. sceleratos cōferret, per vulnera, per conuicia, per dolores, per sanguinē tanta largitate profusum, ut nos omni crimine liberes: splendore tui luminis illustres: amore tuæ claritatis inflāmes: tecum arctissimē coniungas: ut sic tandē sapientes simus: & id quod naturæ ardētissimē cupimus, nō naturæ beneficio, sed gratiæ tuæ munere consequamur: atque tandē (benignitas namque tua facit, ut tantū munus postulare minimē dubitemus) ut nos tanquā filios, atq. fratres, hoc enim nomine eos qui te sequerentur ornatos esse voluisti, diuinitatis participes, gloriaq. tuæ confortes efficias.

*Laus Deo.*

## Errata sic corrige.

¶ Folio.3 à fronte, linea.1. cum vulgo, corrige vulgo. ¶ Fol.5.à fronte, lin.12. omni, corrige omnis. ¶ Fol.20.à tergo, lin.7. opera Cyri, non opera Cyri. Eod. fol à ter lin.22 pietatis, corrige impietatis. Fol 24 à fronte, lin 22. duas, cor. duos ¶ Fol. 26. à fronte, lin.7. gentibus, corrige à gentibus. ¶ Fol.42.à tergo, lin.19 siquid sibi, corrige siquid cibi. ¶ Fol 61 à tergo, lin.16. illo, corrige illud. ¶ Fol.64 à fronte. lin.9. huiusmodi, corrige huius mundi. ¶ Fol 69.à fronte, lin.10. consiliat, cor. conciliat. ¶ Fol.75.à fronte, lin,16 proterea, cor. propterea. ¶ Fol.84.à fronte, lin.22.11 Socratis, cor. Isocratis. ¶ Fol.104.à tergo, lin.5. ignanissimi, corr ignauissimi.









